

Rumantsch è ina lingua naziunala, ma ina lingua parzialmain uffiziala da la Confederaziun, numnadamain en la correspundenza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validitad legala.

Cudesch penal svizzer

dals 21 da december 1937 (versiun dal 1. da schaner 2023)

L'Assamblea federala da la Confederaziun svizra, sa basond sin l'art. 123 al. 1 e 3 da la Constituziun federala^{1,2} suenter avair gi invista da la missiva dal Cussegl federal dals 23 da fanadur 1918³, concluda:

Emprim cudesch:⁴ Disposiziuns generalas

Emprima part: Crims e delicts

Emprim titel: Champ d'applicaziun

Art. 1

1. Nagina
sancziun
senza lescha

Nagin na dastga vegnir chastia, nun ch'el haja commess in malfatg, per il qual la lescha prevesa explicitamain in chastì.

Art. 2

2. Valur
temporala
da la lescha

¹ Giuditgà tenor quest Cudesch penal vegn, tgi che commetta in crim u in delict suenter ch'il cudesch è entrà en vigur.

² Sch'insatgi ha commess in crim u in delict avant l'entrada en vigur da quest Cudesch penal, ma vegn giuditgà pir suenter, sto vegnir applitgada quest Cudesch penal, sch'el prevesa in chastì pli lev per il delinquent.

AS 54 757, 57 1328 e BS 3 203

¹ SR 101

² Versiun tenor la cifra 1 da la LF dals 30 da sett. 2011, en vigur dapi il 1. da fan. 2012 (AS 2012 2575; BBI 2010 5651 5677).

³ BBI 1918 IV 1

⁴ Versiun tenor la cifra I da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979).

Art. 3

3. Valur
da la lescha
concernent
il lieu.

Crims u delicts
commess en
Svizra

¹ Quest Cudesch penal vegn applitgà per quels che commettan in crim u in delict en Svizra.

² Sch'il delinquent è vegnì sentenzià pervia dal malfatg a l'exteriur e sch'el ha expià il chasti dal tuttafatg u per part a l'exteriur, metta il derschader svizzer a quint ad el il chasti expià.

³ Sch'in delinquent è vegnì persequità a l'exteriur sin dumonda da l'autorità svizra, na vegn el, cun resalva d'ina greva cuntravenziun cunter ils princips da la Constituziun federala e da la Convenziun dals 4 da november 1950⁵ per la protecziun dals dretgs umans e da las libertads fundamentalas (CEDU), betg pli persequità en Svizra pervia da quest malfatg, sche:

- a. il derschader ester l'ha acquità definitivamain;
- b. la sancziun, a la quala el è vegnì sentenzià a l'exteriur, è exequida, relaschada u surannada.

⁴ Sch'il delinquent ch'è vegnì persequità a l'exteriur sin dumonda da l'autorità svizra n'ha betg expià il chasti a l'exteriur u mo per part, vegn il chasti u il rest da quel exequi en Svizra. Il derschader decida, sch'ina mesira che n'è betg vegnida exequida a l'exteriur u ch'è vegnida exequida mo parzialmain sto vegnir exequida u cuntinuada en Svizra

Art. 4

Crims u delicts
commess
a l'exteriur
cunter il stadi

¹ Chastià tenor quest Cudesch penal vegn er, tgi che commetta a l'exteriur in crim u in delict cunter il stadi e cunter la defenssiun naziunala (art. 265–278).

² Sch'il delinquent è vegnì sentenzià pervia dal malfatg a l'exteriur e sch'el ha expià il chasti dal tuttafatg u per part a l'exteriur, metta il derschader svizzer a quint ad el il chasti expià.

Art. 5

Malfatgs
cunter persunas
minorennas⁶
a l'exteriur

¹ A quest Cudesch penal è ultra da quai suttamess tgi che sa chatta en Svizra e na vegn betg extradì ed ha commess in dals suandants malfatgs a l'exteriur:

⁵ SR 0.101

⁶ Expressiun tenor la cifra tenor la cifra 14 da la LF dals 19 da dec. 2008 (protecziun da creschids, dretg da persunas e dretg dals uffants), en vigur dapi il 1. da schan. 2013 (AS 2011 725; BBl 2006 7001). Questa midada è vegnida resguardada en l'entir decret.

- a.⁷ commerzi cun umans (art. 182), constrictiun sexuala (art. 189), violaziun (art. 190), acts sexuals cun persunas ch'èn incapablas da distinguer u da resister (art. 191) u promoziun da la prostituziun (art. 195), sche la victima ha main che 18 onns;
 - abis.⁸ acts sexuals cun persunas dependentas (art. 188) ed acts sexuals cun persunas minorennas cunter indemnizaziun (art. 196);
 - b. acts sexuals cun uffants (art. 187), sche la victima ha main che 14 onns;
 - c.⁹ pornografia qualifitgada (art. 197 al. 3 e 4), sch'ìls objects e las preschentaziuns cuntregnevan acts sexuals cun persunas minorennas.
- ² Il delinquent na vegn, cun resalva d'ina greva cuntravenziun cunter ils princips da la Constituziun federala e da la CEDU¹⁰, betg pli persequità en Svizra pervia da quest malfatg, sche:
- a. in derschader ester l'ha acquità definitivamain;
 - b. la sancziun, a la quala el è vegnì sentenzià a l'exteriur, è exequida, relaschada u surannada.

³ Sch'il delinquent è vegnì sentenzià pervia dal malfatg a l'exteriur e sch'el ha expià il chasti a l'exteriur mo per part, metta il derschader svizzer a quint ad el il chasti expià. Il derschader decida, sch'ina mesira ch'è vegnida ordinada a l'exteriur e ch'è vegnida exequida là dentant mo per part sto vegnir continuada en Svizra u sch'ella sto vegnir messa a quint al chasti ch'è vegnì pronunzià en Svizra.

Art. 6

Malfatgs commess a l'exteriur che vegnan persequitads tenor obligaziuns che sa basan sin in contract internaziunal

¹ Tgi che commetta a l'exteriur in crim u in delict, il qual la Svizra è obligada da persequitar a basa d'ina cunvegna internaziunala, è sutta-mess a quest Cudesch penal, sche:

- a. il malfatg è er chastiabel al lieu dal malfatg u sch'ìl lieu dal malfatg n'è betg sutta-mess ad ina giurisdicziun penala; e
- b. il delinquent sa chatta en Svizra e na vegn betg extradì a l'exteriur.

⁷ Versiun tenor l'art. 2 cifra 1 dal COF dals 24 da mars 2006 davart l'approvaziun e la realisaziun dal protocol facultativ dals 25 da matg 2000 tar la Convenziun dals dretgs da l'uffant concernent la vendita d'uffants, la prostituziun d'uffants e la pornografia d'uffants, en vigor dapi il 1. da dec. 2006 (AS 2006 5437; BBl 2005 2807).

⁸ Integrà tras la cifra 1 da l'aggiunta dal COF dals 27 da sett. 2013 (Convenziun da Lanzarote), en vigor dapi il 1. da fan. 2014 (AS 2014 1159; BBl 2012 7571).

⁹ Versiun tenor la cifra 1 da l'aggiunta dal COF dals 27 da sett. 2013 (Convenziun da Lanzarote), en vigor dapi il 1. da fan. 2014 (AS 2014 1159; BBl 2012 7571).

¹⁰ SR 0.101

² Il derschader fixescha las sancziuns uschia, ch'ellas n'èn per il delinquent tut en tut betg pli severas che quellas tenor il dretg che vala al lieu dal malfatg.

³ Il delinquent na vegn, cun resalva d'ina greva cuntravenziun cunter ils princips da la Constituziun federala e da la CEDU¹¹, betg pli persequità en Svizra pervia da quest malfatg, sche:

- a. in derschader ester l'ha acquità definitivamain;
- b. la sancziun, a la quala el è vegnì sentenzià a l'exteriur, è exequida, relaschada u surannada.

⁴ Sch'il delinquent è vegnì sentenzià pervia dal malfatg a l'exteriur e sch'el ha expià il chasti a l'exteriur mo per part, metta il derschader svizzer a quint ad el il chasti expià. Il derschader decida, sch'ina mesira ch'è vegnida ordinada a l'exteriur e ch'è vegnida exequida là mo per part sto vegnir cuntinuada en Svizra u sch'ella sto vegnir messa a quint al chasti ch'è vegnì pronunzià en Svizra.

Art. 7

Auters malfatgs
commess a
l'exteriur

¹ Tgi che commetta a l'exteriur in crim u in delict, senza che las premissas dals artitgels 4, 5 u 6 èn ademplidas, è suttamess a quest Cudesch penal, sche:

- a. il malfatg è er chastiabel al lieu dal malfatg u sch'il lieu dal malfatg n'è betg suttamess ad ina giurisdicziun penala;
- b. il delinquent sa chatta en Svizra e vegn extradì ad ella pervia da quest malfatg; e
- c. il malfatg permetta tenor il dretg svizzer l'extradiziun, il delinquent na vegn dentant betg extradì.

² Sch'il delinquent n'è betg Svizzer e sch'il crim u sch'il delict n'è betg vegnì commess cunter in Svizzer, è l'alineia 1 mo applitgabel, sche:

- a. la dumonda d'extradiziun è vegnida refusada pervia d'in motiv che na pertutga betg il gener dal malfatg; u
- b. il delinquent ha commess in crim spezialmain grev che vegn sancziunà da la cuminanza internaziunala da dretg.

³ Il derschader fixescha las sancziuns uschia, ch'ellas n'èn per il delinquent tut en tut betg pli severas che las sancziuns tenor il dretg che vala al lieu dal malfatg.

⁴ Il delinquent na vegn, cun resalva d'ina greva cuntravenziun cunter ils princips da la Constituziun federala e da la CEDU¹², betg pli persequità en Svizra pervia da quest malfatg, sche:

¹¹ SR 0.101

¹² SR 0.101

- a. in derschader ester l'ha acquittà definitivamain;
- b. la sancziun, a la quala el è vegnì sentenzià a l'exteriur, è exequida, relaschada u surannada.

⁵ Sch'il delinquent è vegnì sentenzià pervia dal malfatg a l'exteriur e sch'el ha expià il chasti a l'exteriur mo per part, metta il derschader svizzer a quint ad el il chasti expià. Il derschader decida, sch'ina mesira ch'è vegnida ordinada a l'exteriur e ch'è vegnida exequida là dentant mo per part sto vegnir cuntinuada en Svizra u sch'ella sto vegnir messa a quint al chasti ch'è vegnì pronunzià en Svizra.

Art. 8

Lieu, nua ch'il malfatg è vegnì commess

¹ In crim u in delict vala sco commess là, nua ch'il delinquent commetta il malfatg u nua ch'el resta passiv cuntrari a l'obligaziun d'agir, e là, nua che l'effect è sa realisà.

² L'emprova vala sco commessa là, nua ch'il delinquent la commetta, e là, nua che l'effect avess dui sa realisar tenor sia imaginaziun.

Art. 9

4. Valur da la lescha concernent la persuna

¹ Quest Cudesch penal n'è betg applitgabel per personas uschenavant che lur malfatgs ston vegnir giuditgads tenor il dretg penal militar.

² Per personas che n'han anc betg cumpleni 18 onns il mument ch'ellas commettan il malfatg restan resalvadas las prescripziuns dal dretg penal per giuvenils dals 20 da zercladur 2003¹³ (DPG). Sch'i ston vegnir giuditgads il medem mument in malfatg ch'è vegnì commess avant ed in ch'è vegnì commess suenter la cumplenida dal 18avel onn da vegliadetgna, è applitgabel l'artitgel 3 alinea 2 DPG.¹⁴

Segund titel: Chastiabladad

Art. 10

1. Crims e delicts. Noziun

¹ Quest Cudesch penal fa la differenza tranter crims e delicts tenor la grevezza dals chastis per ils malfatgs chastiabels.

² Crims èn malfatgs ch'èn chastiabels cun in chasti da detenziun da passa 3 onns.

³ Delicts èn malfatgs ch'èn chastiabels cun in chasti da detenziun fin a 3 onns u cun in chasti pecuniar.

¹³ SR 311.1

¹⁴ Versiun tenor l'art. 44 cifra 1 da la LF dals 20 da zer. 2003 davart il dretg penal per giuvenils, en vigur dapi il 1. da schan. 2007 (AS 2006 3545; BBl 1999 1979).

Art. 11

Commetter
cun tralasar

¹ In crim u in delict po er vegnir commess tras in cumportament passiv cuntrari a l'obligaziun d'agir.

² In cumportament passiv cuntrari a l'obligaziun d'agir ha quel, che n'impedescha betg la periclitaziun u la violaziun d'in bain giuridic ch'è protegi dal dretg penal, schebain ch'el è obligà tenor sia posiziun giuridica da far quai, en spezial pervia:

- a. da la lescha;
- b. d'in contract;
- c. d'ina cuminanza da privel surpigliada facultativamain; u
- d. da la creaziun d'in privel.

³ Tgi che demussa in cumportament passiv cuntrari a l'obligaziun d'agir è – sin basa dal causal correspondent – mo chastiabel, sch'i po – tenor las circumstanzas dal malfatg – vegnir renfatschà ad el la medema reproscha, sco sch'el avess commess activamain il malfatg.

⁴ Il derschader po diminuir il chasti.

Art. 12

2. Intenziun e
negligientscha.
Noziuns

¹ Sche la lescha na dispona betg explicitamain insatge auter, è chastiabel mo quel che commetta intenziunadamain in crim u in delict.

² Intenziunadamain commetta in crim u in delict, tgi che fa quai cun savida e cun voluntad. Intenziunadamain agescha gia, tgi che tegna per pussaivel la realisaziun dal malfatg ed accepta che quel vegn realisà.

³ Per negligentscha commetta in crim u in delict, tgi che agescha, per malprecauziun culpaivla, senza ponderar las consequenzas da ses cumportament u senza tegnair quint da quellas. La malprecauziun è culpaivla, sch'il delinquent n'observa betg la precauziun, a la quala el è obligà tenor las circumstanzas e tenor sias relaziuns persunalas.

Art. 13

Errur concernent
ils fatgs

¹ Sch'il delinquent ha agì sut l'influenza d'ina errur concernent ils fatgs, giuditgescha il derschader il malfatg a favur dal delinquent tenor ils fatgs ch'el ha supponi.

² Sch'il delinquent avess pudì evitar l'errur cun observar la precauziun duaivla, è el chastiabel per la negligentscha, sche la lescha prevesa per il malfatg in chasti per negligentscha.

Art. 14

3. Acts legitim
e culpa.
Act permess
da la lescha

Tgi che agescha uschia sco che la lescha pretenda u permetta, sa cumporta en moda legala, er sch'il malfatg è chastiabel tenor quest Cudesch penal u tenor in'otra lescha.

Art. 15

Defensiun
legitima
giustifitgada

Sch'insatgi vegn attatgà senza dretg u smanatschà directamain cun in'attatga, ha el sco attatgà e mintga autra persuna il dretg da dustar l'attatga en ina moda ch'è adequata a las circumstanzas.

Art. 16

Defensiun
legitima
perstgisabla

¹ Sch'il defensur surpassa ils limits da la defensiun legitima tenor l'artitgel 15, diminuescha il derschader il chasti.

² Sch'il defensur surpassa ils limits da la defensiun legitima, essend en in'agitaziun u en ina consternaziun perstgisabla pervia da l'attatga, n'agescha el betg en moda culpaivla.

Art. 17

Stadi d'urgenza
giustifitgant

Tgi che commetta in malfatg chastiabel per salvar in agen bain giuridic u in bain giuridic d'ina autra persuna d'in privel direct che na po betg vegnir cumbatti en autra furma, agescha en moda legala, sch'el mantegna uschia interess da valurs pli impurtantas.

Art. 18

Stadi d'urgenza
perstgisabel

¹ Tgi che commetta in malfatg chastiabel per salvar sasez u in'autra persuna d'in privel direct per la vita, per l'integritad corporala, per la libertad, per l'onur, per la facultad e per auters bains d'auta qualitat che na po betg vegnir cumbatti en autra furma, vegn chastià en moda pli leva, sch'ins ha pudì pretender dad el da sacrificar il bain periclità.

² Sch'ins n'ha betg pudì pretender dal delinquent da sacrificar il bain periclità, agescha el senza culpa.

Art. 19

Irresponsabladad
e responsabladad
penala reducida

¹ Il delinquent n'è betg chastiabel, sch'el n'è – il mument ch'el ha commess il malfatg – betg stà capabel da realisar l'ingiustia da ses malfatg u d'agir tenor questa enconuschientscha.

² Sch'il delinquent è sta – il mument ch'el ha commess ses malfatg – mo per part capabel da realisar l'ingiustia da ses malfatg u d'agir tenor questa enconuschientscha, diminuescha il derschader il chasti.

³ I pon dentant vegnir prendidas mesiras tenor ils artitgels 59–61, 63, 64, 67, 67b e 67e.¹⁵

¹⁵ Versiun tenor la cifra I 1 da la LF dals 13 da dec. 2013 davart il scumond d'activitad e davart il scumond da contact e d'areal, en vigur dapi il 1. da schan. 2015 (AS 2014 2055; BBI 2012 8819).

⁴ Sch'il delinquent ha pudì evitar l'irresponsabladad u la responsabladad penala reducida e prevair en quest connex il malfatg ch'el ha commess en quest stadi, na pon ils alineas 1–3 betg vegnir applitgads.

Art. 20

Responsabladad penala dubiusa

L'autorità d'inquisiziun u il derschader ordinescha in'expertisa dal delinquent, sch'i dat dubis serius davart la responsabladad penala dal delinquent.

Art. 21

Error davart l'illegalità

Tgi che – cun commetter il malfatg – na sa betg u n'ha betg pudì savair ch'el sa cumporta illegalmain, n'agescha betg en moda culpaivla. Sche l'error è stada evitabla, diminuescha il derschader il chastì.

Art. 22

4. Tentativa.
Chastiabladad da la tentativa

¹ Sch'il delinquent, suenter avair cumenzà a commetter in crim u in delict, na maina betg a fin il malfatg u sch'i na resulta betg il success che tutga tar l'adempliment dal malfatg u sche quel na po betg resultar, po il derschader diminuir il chastì.

² Sch'il delinquent è uschè malraschunaivel ch'el sconuscha, ch'il malfatg na po insumma betg vegnir ademplì pervia dal gener da l'object, vi dal qual el al vul commetter, u pervia dal med, cun il qual el al vul commetter, na vegn el betg chastià.

Art. 23

Renunzia e ricia activa

¹ Sch'il delinquent na maina betg a fin il malfatg or d'atgna iniziativa u sch'el gida ad impedir ch'il malfatg vegnia ademplì, po il derschader diminuir il chastì u desister d'in chastì.

² Sche plirs delinquents u participants èn participads ad in malfatg, po il derschader diminuir il chastì da quel u desister d'in chastì cunter quel che gida or d'atgna iniziativa d'impedir ch'il malfatg vegnia ademplì.

³ Il derschader po er diminuir il chastì u desister d'in chastì, sche la renunzia dal delinquent u dal participà avess impedì ch'il malfatg vegnia ademplì, sche auters motivs na l'avessan betg impedi.

⁴ Sch'in da plirs delinquents u participads sa stenta seriusamain or d'atgna iniziativa d'impedir ch'il malfatg vegnia ademplì, po il derschader diminuir ses chastì u desister d'al chastiar, sch'il malfatg è vegnì commess independentamain da sia contribuziun.

Art. 24

5. Participaziun.
Instigaziun

¹ Tgi che ha intenziunadamain instigà insatgi da commetter in crim u in delict che quel ha exequi, vegn chastià cun il chasti ch'è previs per il delinquent.

² Tgi ch'emprova d'instigar in auter da commetter in malfatg, vegn chastià per la tentativa d'al commetter.

Art. 25

Cumplicitad

Tgi che gida intenziunadamain a commetter in crim u in delict, vegn chastià pli levamain.

Art. 26

Participaziun ad
in delict spezial

Sche la chastiablidad vegn motivada u engrevgiada d'ina obligaziun speziala dal delinquent, vegn il participà che n'ha betg questa obligaziun chastià en moda pli leva.

Art. 27

Relaziuns
persunalas

Relaziuns, qualitads e circumstanzas persunalas spezialas che augmentan, reduceschan u excludan la chastiablidad vegnan resguardadas tar il delinquent u tar il participant, tar il qual ellas èn avant maun.

Art. 28

6. Chastiablidad
da las medias

¹ Sch'in malfatg vegn commess tras la publicaziun en in medium e sche quest malfatg sa restrenscha mo a questa publicaziun, è l'autur sulet chastiabel per quai cun resalva da las suandantas disposiziuns.

² Sche l'autur na po betg vegnir eruì u sch'el na po betg vegnir mess davant dretgira en Svizra, è chastiabel il redactor responsabel tenor l'artitgel 322^{bis}. Sch'in redactor responsabel manca, è chastiabla quella persuna tenor l'artitgel 322^{bis} ch'è responsabla per la publicaziun.

³ Sche la publicaziun è vegnida fatga senza il savair u cunter la veglia da l'autur, è chastiabel il redactor u, sch'in tal manca; la persuna ch'è responsabla per la publicaziun.

⁴ Il rapportar da tractativas publicas e da communicaziuns uffizialas d'ina autoritad en ina moda e maniera che correspunda a la vardad na vegn betg chastià.

Art. 28a

Proteccziun
da la funtauna

¹ Sche persunas, che s'occupan en lur professiun cun la publicaziun d'infurmaziuns en la part redacziunala d'in medium che cumpara periodicamain, u lur persunas auxiliaras refusan da dar perditga da l'identitad da l'autur ubain dal cuntegn e da las funtaunas da lur infurmaziuns, na dastgan vegnir decretads ni chastis ni mesiras repressivas processualas cunter ellas.

² L'alinea 1 na vala betg, sch'il derschader constatescha che:

- a. la perditga è necessaria per salvar ina persuna d'in privel direct per il corp e per la vita; u
- b.¹⁶ in delict da mazzament en il senn dals artitgels 111–113 u in auter crim ch'è chastiabel cun in chasti da detenziun minimal da 3 onns u in malfatg tenor ils artitgels 187, 189–191, 197 alinea 4, 260^{ter}, 260^{quinquies}, 260^{sexies}, 305^{bis}, 305^{ter} e 322^{ter}–322^{septies} da quest Cudesch penal u tenor l'artitgel 19 alinea 2 da la Lescha da narcotics dals 3 d'october 1951¹⁷ na po betg vegnir arrestà senza la perditga.

Art. 29

7. Relaziuns
da substituiziun

In'obligaziun speziala, da la quala la violaziun constituescha u augmenta la chastiabladad e ch'è mo chausa da la persuna giuridica, da la societad u da la firma singula¹⁸ vegn attribuida ad ina persuna natirala, sche quella aghescha:

- a. sco organ u sco commember d'in organ d'ina persuna giuridica;
- b. sco associà;
- c. sco collavuratur d'ina persuna giuridica, d'ina societad u d'ina firma singula¹⁹ che ha cumpetenzas da decisiun autonomas en ses champ d'activitad; u
- d. sco manader per propi, e quai senza esser organ, commember d'in organ, associà u collavuratur.

¹⁶ Versiun tenor la cifra II 2 da l'aggiunta dal COF dals 25 da sett. 2020 davart l'approvaziun e la realisaziun da la Convenziun dal Cussegl da l'Europa per la prevenziun dal terrorissem e da ses protocol supplementar sco er davart il rinforzament da l'instrumentari penal cunter il terrorissem e la criminalitad organisada, en vigur dapi il 1. da fan. 2021 (AS 2021 360; BBl 2018 6427).

¹⁷ SR 812.121

¹⁸ Ussa: da l'interpresa singula.

¹⁹ Ussa: d'ina interpresa singula.

Art. 30

8. Plant penal.
Dretg da purtar
plant

¹ Sch'in malfatg è chastiabel mo sch'i vegn purtà plant, po mintgin che sa senta violà dal malfatg, pretender ch'il delinquent vegnia chastià.

² Sche la persuna violada n'è betg abla d'agir, ha ses represchentant legal il dretg da purtar plant. Sch'ella è sut avugà ubain sut curatella cumplexsiva, ha er l'autorità per la protecziun da creschids quest dretg.²⁰

³ Sche la persuna violada è minorena u sut curatella cumplexsiva, ha er ella il dretg da purtar plant, sch'ella è abla da giuditgar.²¹

⁴ Sche la persuna violada mora, senza ch'ella haja purtà il plant penal u senza ch'ella haja renunzià explicitamain da far quai, ha mintga confamigliar quest dretg.

⁵ Sche la persuna che ha il dretg da purtar plant ha renunzià explicitamain al plant, è sia renunzia definitiva.

Art. 31

Termin

Il dretg da purtar plant scada suenter 3 mais. Il termin cumenza cun il di che quel, che ha il dretg da purtar plant, survegn enconuschientscha dal delinquent.

Art. 32

Indivisibladad

Sch'ina persuna che ha il dretg da purtar plant porta plant cunter ina persuna participada al malfatg, ston vegnir persequitads tut ils participads al malfatg.

Art. 33

Retratga
dal plant

¹ La persuna che ha il dretg da purtar plant po retrair ses plant, uschè ditg che la sentenza da la secunda istanza chantunala n'è betg anc communitgada.

² Tgi che ha retratg ses plant n'al po betg purtar anc ina giada.

³ Sche la persuna che ha il dretg da purtar plant retira ses plant vers in dals inculpads, vala la retratga per tut ils inculpads.

⁴ Sch'in dals inculpads fa protesta cunter la retratga dal plant, na vala la retratga betg per el.

²⁰ Versiun da la segunda frasa tenor la cifra 14 da l'aggiunta da la LF dals 19 da dec. 2008 (protecziun da creschids, dretg da persunas e dretg dals uffants), en vigur dapi il 1. da schan. 2013 (AS 2011 725; BBl 2006 7001).

²¹ Versiun tenor la cifra 14 da l'aggiunta da la LF dals 19 da dec. 2008 (protecziun da creschids, dretg da persunas e dretg dals uffants), en vigur dapi il 1. da schan. 2013 (AS 2011 725; BBl 2006 7001).

Terz titel: Chastis e mesiras**Emprim chapitel: Chastis****Emprima secziun: Chasti pecuniar e chasti da detenziun²²****Art. 34**

1. Chasti
pecuniar.
Fixaziun

¹ Sche la lescha na dispona betg autramain, importa il chasti pecuniar almain 3 e maximalmain 180 taxas per di.²³ Il derschader fixescha ses dumber tenor la culpa dal delinquent.

² Ina taxa per di importa per regla almain 30 e maximalmain 3000 francs.²⁴ Excepziunalmain po la dretgira sbassar la taxa per di a fin 10 francs, sche las relaziuns persunalas ed economicas dal delinquent pretendan quai. Ella po surpassar l'autezza maximala da la taxa per di, sche la lescha prevesa quai.²⁵ Ella fixescha l'autezza da la taxa per di tenor las relaziuns persunalas ed economicas dal delinquent il mument, cura che la sentenza vegn pronunziada, en spezial tenor las entradas e tenor la facultad, tenor ils custs da vita, tenor eventualas obligaziuns famigliaras e da sustegn sco er tenor il minimum d'existenza.²⁶

³ Las autoritads da la Confederaziun, dals chantuns e da las vischnancas dattan las infurmaziuns ch'èn necessarias per fixar la taxa per di.

⁴ Il dumber e l'autezza da las taxas per di ston vegnir menziunads en la sentenza.

Art. 35

Execuziun

¹ L'autoridad d'execuziun fixescha per il sentenzià in termin da pajament dad 1 fin 6 mais.²⁷ Ella po ordinar in pajament en ratas e prolungar ils termins sin dumonda.

² Sch'igl exista in suspect motivà ch'il sentenzià vegnia a sa sustrair da l'execuziun dal chasti pecuniar, po l'autoridad d'execuziun pretender ch'el paja immediatamain il chasti pecuniar u ch'el prestia ina garanzia.

²² Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBl 2012 4721).

²³ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBl 2012 4721).

²⁴ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBl 2012 4721).

²⁵ Versiun da la segunda e da la terza frasa tenor la cifra 5 da l'aggiunta da la LF dals 19 da zer. 2020 (dretg d'aczias), en vigur dapi il 1. da schan. 2023 (AS 2020 4005; 2022 109; BBl 2017 399).

²⁶ Integrà la quarta frasa tras la cifra 5 da l'aggiunta da la LF dals 19 da zer. 2020 (dretg d'aczias), en vigur dapi il 1. da schan. 2023 (AS 2020 4005; 2022 109; BBl 2017 399).

²⁷ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBl 2012 4721).

³ Sch'il sentenzià na paja betg il chasti pecuniar entaifer il termin, ordinescha l'autorità d'execuziun la scussiun, sch'ins po spetgar in resultat da quai.

Art. 36

Chasti da detenziun subsidiar

¹ Sch'il sentenzià na paja betg il chasti pecuniar e sch'il chasti pecuniar è nunincassabel tras ina scussiun (art. 35 al. 3), vegn il chasti pecuniar remplazzà tras in chasti da detenziun. Ina taxa per di correspunda ad 1 di chasti da detenziun. Il chasti da detenziun subsidiar croda davent, uschenavant ch'il chasti pecuniar vegn pajà posteriuramain.

² Sch'il chasti pecuniar è vegnì decretà d'ina autorità administrativa, decida il derschader davart il chasti da detenziun subsidiar.

3-5 ...²⁸

Art. 37-39²⁹

2. ...

Art. 40³⁰

3. Chasti da detenziun. Durada

¹ La durada minimala dal chasti da detenziun importa 3 dis; resalvà resta in chasti da detenziun pli curt empè d'in chasti pecuniar betg pajà (art. 36) u d'ina multa betg pajada (art. 106).

² La durada maximala dal chasti da detenziun importa 20 onns. Nua che la lescha fixescha quai explicitamain, dura il chasti da detenziun ina vita entira.

Art. 41³¹

Chasti da detenziun empè d'in chasti pecuniar

¹ Empè d'in chasti pecuniar po il derschader pronunziar in chasti da detenziun, sche:

- a. in tal para inditgà per impedir ch'il delinquent commettia ulteriurs crims u delicts; u
- b. in chasti pecuniar na po previsiblamain betg vegnir exequi.

² Il derschader sto motivar pli detagliadamain la tscherna dal chasti da detenziun.

²⁸ Aboli tras la cifra I 1 da la LF dals 19 da zer. 2015 (midadas dal dretg da sancziuns), cun effect dapi il 1. da schan. 2018 (AS 2016 1249; BBI 2012 4721).

²⁹ Aboli tras la cifra I 1 da la LF dals 19 da zer. 2015 (midadas dal dretg da sancziuns), cun effect dapi il 1. da schan. 2018 (AS 2016 1249; BBI 2012 4721).

³⁰ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

³¹ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

³ Resalvà resta il chasti da detenziun empè d'in chasti pecuniar betg pajà (art. 36).

Segunda secziun: Chastis cundiziunads e parzialmain cundiziunads

Art. 42

1. Chastis cundiziunads

¹ Il derschader suspenda per regla l'execuziun d'in chasti pecuniar u d'in chasti da detenziun da maximalmain 2 onns, sch'in chasti nuncundiziunà na para betg dad esser necessari per impedir ch'il delinquent commetta ulteriurs crims u delicts.³²

² Sch'il delinquent è vegnì sentenzià entaifer ils ultims 5 onns avant il malfatg ad in chasti da detenziun cundiziunà u nuncundiziunà da passa 6 mais, è la suspensiun mo admissibla, sch'i èn avant maun motivs spezialmain favuraivels.³³

³ La concessiun da l'execuziun cundiziunada dal chasti po er vegnir refusada, sch'il delinquent ha tralascià da reparar il donn en ina moda ch'ins ha raschunaivlamain pudì pretender dad el.

⁴ In chasti cundiziunà po vegnir collià cun ina multa tenor l'artitgel 106.³⁴

Art. 43

2. Chasti da detenziun parzialmain cundiziunà³⁵

¹ Il derschader po suspender per part l'execuziun d'in chasti da detenziun d'almain 1 onn e da maximalmain 3 onns, sche quai è necessari per resguardar suffizientamain la culpa dal delinquent.³⁶

² La part dal chasti che sto vegnir expiada nuncundiziunadamain na dastga betg surpassar la mesadad dal chasti.

³ Tant la part suspendida sco er la part che sto vegnir expiada sto importar almain 6 mais.³⁷ Las disposiziuns per conceder ina relaschada cundiziunada (art. 86) n'èn betg applitgablus per la part dal chasti che sto vegnir expiada nuncundiziunadamain.

³² Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

³³ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

³⁴ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

³⁵ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

³⁶ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

³⁷ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

Art. 44

3. Disposiziuns
cuminai vlas.
Temp d'emprova

1 Sch'il derschader suspenda l'execuziun d'in chasti dal tuttafatg u per part, fixescha el per il sentenzià in temp d'emprova da 2 fin 5 onns.

2 Per la durada dal temp d'emprova po il derschader ordinar l'assistenza da reabilitaziun e dar directivas.

3 Il derschader declera al sentenzià l'impurtanza e las consequenzas dal chasti cundiziunà e dal chasti parzialmain cundiziunà.

Art. 45

Success dal temp
d'emprova

Sch'il sentenzià ha superà cun success il temp d'emprova, na vegn il chasti suspendi betg pli exequi.

Art. 46

Nunsuccess
dal temp
d'emprova

1 Sch'il sentenzià commetta in crim u in delict durant il temp d'emprova e sch'i sto pervia da quai vegnir fatg quint ch'el vegnia a commetter ulteriurs malfatgs, revochescha il derschader il chasti cundiziunà u la part cundiziunada dal chasti. Sch'il chasti revocà ed il nov chasti èn dal medem gener, pronunzia il derschader in chasti total applitgond l'artitgel 49 tenor il senn.³⁸

2 Sch'i n'è betg da far quint ch'il sentenzià vegnia a commetter ulteriurs malfatgs, renunzia il derschader ad ina revocaziun. El po admonir il sentenzià u prolungar il temp d'emprova per maximalmain la mesadad da la durada ch'è fixada en la sentenza. Per la durada dal temp d'emprova prolungà po il derschader ordinar l'assistenza da reabilitaziun e dar directivas. Sche la prolungaziun vegn pronunziada pir suenter ch'il temp d'emprova è scadi, cumenza ella il di da la pronunziaziun.

3 Il derschader ch'è responsabel per giuditgar il nov crim u il nov delict decida er davart la revocaziun.

4 Sch'il sentenzià refusa l'assistenza da reabilitaziun u sch'el cuntrafa a las directivas, è applitgabel l'artitgel 95 alineas 3–5.

5 La revocaziun na dastga betg pli vegnir ordinada, sch'i èn passads 3 onns dapi ch'il temp d'emprova è scadi.

³⁸ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBl 2012 4721).

Terza secziun: Fixaziun dal chasti

Art. 47

1. Princip

¹ Il derschader fixescha il chasti tenor la culpa dal delinquent. El resguarda la vita anteriura e las relaziuns persunalas dal delinquent sco er las consequenzas ch'il chasti ha per la vita dal delinquent.

² La culpa vegn determinada tenor la grevizza da la violaziun u da la periclitaziun dal bain giuridic pertutgà, tenor il caracter sbittaivel da l'agir, tenor ils motivs e tenor las finamiras dal delinquent sco er tenor la dumonda, quant enavant ch'il delinquent è stà en cas – resguardond las circumstanzas internas ed externas – d'evitar la periclitaziun u la violaziun.

Art. 48

2. Diminuziun dal chasti. Motivs

Il derschader diminuescha il chasti, sche:

- a. il delinquent ha agì:
 1. per motivs respectabels,
 2. essend en grondas stretgas,
 3. sut l'effect d'ina greva smanatscha,
 4. sin incitaziun d'ina persuna, a la quala el ha da far obedienscha u da la quala el è dependent;
- b. il delinquent è stà exponì seriusamain ad ina tentaziun pervia dal cumportament da la victima;
- c. il delinquent ha agì en ina ferma emozion ch'è perstgisabla tenor las circumstanzas ubain sut in grond squitsch psichic;
- d. il delinquent ha mussà cun ses fatgs ina ricla sincera, en spezial cun remplazzar il donn, uschenavant che quai po vegnir pretendi dad el;
- e. l'interess da chastiar è cleramain sa reduci en vista al temp ch'è passà dapi il malfatg ed il delinquent è sa cumportà bain durant quest temp.

Art. 48a

Effects

¹ Sch'il derschader diminuescha il chasti, n'è el betg lià vi dal chasti minimal smanatschà.

² Il derschader po pronunziar in auter gener da chasti che quel smanatschà, el è dentant lià vi dal minimum e vi dal maximum legal da mintga gener da chasti.

Art. 49

3. Concorrenza 1 Sch'il delinquent ha adempli tras in u tras plirs malfatgs las premissas per plirs chastis identics, al sentenziescha il derschader a quel chastis dal malfatg il pli grev e l'augmenta adequatamain. El na dastga dentant betg augmentar il maximum dal chastis smanatschà per dapli che la mesadad. En quest connex è el lià vi dal maximum legal dal gener dal chastis.
- 2 Sch'il derschader ha da giuditgar in malfatg ch'il delinquent ha commess avant ch'el è vegnì sentenzià pervia d'in auter malfatg, fixescha il derschader il chastis supplementar uschia ch'il delinquent na vegn betg chastia en moda pli greva che sch'ils malfatgs fissan vegnids giuditgads il medem mument.
- 3 Sch'il delinquent ha commess in u plirs malfatgs avant la cumplenida dal 18avel onn da vegliadetgna, na dastgan quels – fixond il chastis total tenor ils alineas 1 e 2 – betg avair in pais pli grond, che sch'els fissan vegnids giuditgads mintgin per sasez.

Art. 50

4. Obligaziun da motivaziun Sch'ina sentenza sto vegnir motivada, menziunescha il derschader en la motivaziun er las circumstanzas ch'èn stadas relevantas per fixar il chastis e lur valitaziun.

Art. 51

5. Imputaziun da l'arrest d'inquisiziun Il derschader metta a quint al chastis l'arrest d'inquisiziun ch'il delinquent ha supportà durant questa u durant in'otra procedura. I di d'arrest correspunda ad ina taxa per di d'in chastis pecuniar.³⁹

**Quarta secziun:
Liberaziun dal chastis sco er suspensium e sistida
da la procedura⁴⁰**

Art. 52

1. Motivs per la liberaziun dal chastis. Mancanza da l'interess da chastiar⁴¹ L'autorità cumpetenta desista d'ina persecuziun penala, d'in transferiment al derschader u d'in chastis, sche la culpa e sche las consequenzas dal malfatg èn minimas.

³⁹ Versiun da la segunda frasa tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS **2016** 1249; BBI **2012** 4721).

⁴⁰ Versiun tenor la cifra I 3 da la LF dals 14 da dec. 2018 davart la meglieraziun da la protecciun da victimas da violenza, en vigur dapi il 1. da fan. 2020 (AS **2019** 2273; BBI **2017** 7307).

⁴¹ Versiun tenor la cifra I da la LF dals 3 d'oct. 2003 (persecuziun penala en la lètg ed en il partenadi), en vigur dapi il 1. d'avr. 2004 (AS **2004** 1403; BBI **2003** 1909 1937).

Art. 53⁴²

Reparaziun

Sch'il delinquent ha cuvri il donn u fatg tut ils sforzs che pon raschunaivlamain vegnir pretendids dad el per gular l'ingiustia ch'el ha chaschunà, desista l'autorità cumpetenta d'ina persecuziun penala, d'in transferiment al derschader u d'in chasti, sche:

- a. in chasti da detenziun cundiziunà fin ad 1 onn, in chasti pecuniar cundiziunà u ina multa vegn en consideraziun sco chasti;
- b. l'interess da la publicità e dal donnegià vi da la persecuziun penala è minim; e
- c. il delinquent ha confessà ils fatgs.

Art. 54

Consternaziun dal delinquent tras ses delict

Sch'il delinquent è pertutgà uschè fitg da las consequenzas directas da ses malfatg ch'in chasti na fiss betg adequat, desista l'autorità cumpetenta d'ina persecuziun penala, d'in transferiment al derschader u d'in chasti.

Art. 55

2. Disposiziuns cuminaivlas

¹ Il derschader desista en cas dal chasti cundiziunà d'ina revocaziun ed en cas da la relaschada cundiziunada dal retransferiment, sche las premissas per ina liberaziun dal chasti èn dadas.

² Sco autoritads cumpetentas tenor ils artitgels 52, 53 e 54 designeschan ils chantuns organs da la giurisdicziun penala.

Art. 55a⁴³

3. Suspensiun e sistida da la procedura.
Conjugal, partenari registrà u partenari da vita sco victima⁴⁴

¹ En cas da blessuras corporalas simplas (art. 123 cifra 2 al. 3–5), en cas da metter repetidamain maun vi d'ina persuna (art. 126 al. 2 lit. b, b^{bis} e c), en cas da smanatscha (art. 180 al. 2) ed en cas da constringiments (art. 181) po la Procura publica u il derschader suspender provisoricamain la procedura, sche:⁴⁵

⁴² Versiun tenor la cifra I 1 da la LF dals 14 da dec. 2018 davart la midada da la disposiziun davart la reparaziun, en vigur dapi il 1. da fan. 2019 (AS 2019 1809; BBl 2018 3757 4925).

⁴³ Integrà tras la cifra I da la LF dals 3 d'oct. 2003 (persecuziun penala en la lètg ed en il partenadi), en vigur dapi il 1. d'avr. 2004 (AS 2004 1403; BBl 2003 1909 1937).

⁴⁴ Versiun tenor la cifra I 3 da la LF dals 14 da dec. 2018 davart la meglieraziun da la protecziun da victimas da violenza, en vigur dapi il 1. da fan. 2020 (AS 2019 2273; BBl 2017 7307).

⁴⁵ Versiun tenor la cifra I 3 da la LF dals 14 da dec. 2018 davart la meglieraziun da la protecziun da victimas da violenza, en vigur dapi il 1. da fan. 2020 (AS 2019 2273; BBl 2017 7307).

a.⁴⁶ la victima:

1. è il conjugal dal delinquent ed il malfatg è vegnì commess durant la lètg u entaifer l onn suentar il divorzi, u
2. è il partenari registrà dal delinquent ed il malfatg è vegnì commess durant il partenadi registrà u entaifer l onn suentar sia schliaziun, u
3. è il partenari da vita eterosexual u omosexual dal delinquent respectivamain l'ex-partenari da vita dal delinquent che na viva anc betg l onn separadamain; e

b.⁴⁷ la victima u, sche quella n'è betg abla d'agir, sia represchentanza legala dumonda quai; e

c.⁴⁸ la suspensiun para da pudair stabilisar u meglierar la situaziun.

² La Procura publica u il derschader po obligar l'inculpà da sa participar durant la suspensiun ad in program d'instrucziun cunter violenza. Davart las mesiras prendidas infurmescha la Procura publica u il derschader il post chantunal cumpetent per cas da violenza a chasa.⁴⁹

³ La suspensiun n'è betg admissibla, sche:

- a. l'inculpà è vegnì sentenzià pervia d'in crim u d'in delict cunter il corp e cunter la vita, cunter la libertad u cunter l'integritad sexuala;
- b. in chasti è vegnì pronunzià u ina mesira è vegnida ordinada cunter el; e
- c. il malfatg è vegnì commess cunter ina victima tenor l'alinea 1 litera a.⁵⁰

⁴ La suspensiun è limitada a 6 mais. La Procura publica u il derschader repretenda la procedura, sche la victima u, sche quella n'è betg abla d'agir, sia represchentanza legala pretenda quai u sch'i sa mussa che la suspensiun ni stabilisescha ni meglierescha la situaziun da la victima.⁵¹

⁴⁶ Versiun tenor l'art. 37 cifra 1 da la L da partenadi dals 18 da zer. 2004, en vigur dapi il 1. da schan. 2007 (AS 2005 5685; BBI 2003 1288).

⁴⁷ Versiun tenor la cifra I 3 da la LF dals 14 da dec. 2018 davart la meglieraziun da la protecziun da victimas da violenza, en vigur dapi il 1. da fan. 2020 (AS 2019 2273; BBI 2017 7307).

⁴⁸ Integrà tras la cifra I 3 da la LF dals 14 da dec. 2018 davart la meglieraziun da la protecziun da victimas da violenza, en vigur dapi il 1. da fan. 2020 (AS 2019 2273; BBI 2017 7307).

⁴⁹ Versiun tenor la cifra I 3 da la LF dals 14 da dec. 2018 davart la meglieraziun da la protecziun da victimas da violenza, en vigur dapi il 1. da fan. 2020 (AS 2019 2273; BBI 2017 7307).

⁵⁰ Versiun tenor la cifra I 3 da la LF dals 14 da dec. 2018 davart la meglieraziun da la protecziun da victimas da violenza, en vigur dapi il 1. da fan. 2020 (AS 2019 2273; BBI 2017 7307).

⁵¹ Versiun tenor la cifra I 3 da la LF dals 14 da dec. 2018 davart la meglieraziun da la protecziun da victimas da violenza, en vigur dapi il 1. da fan. 2020 (AS 2019 2273; BBI 2017 7307).

⁵ Avant la fin da la suspensiun fa la Procura publica u il derschader in giudicament. Sche la situaziun da la victima è sa stabilisada u sa meglierada, vegn disponida la sistida da la procedura.⁵²

Segund chapitel: Mesiras

Emprima secziun: Mesiras terapeuticas ed internament

Art. 56

1. Principis

¹ Ina mesira duai vegnir ordinada, sche:

- a. in chasti sulet na po betg impedir il privel ch'il delinquent commettia ulteriurs malfatgs;
- b. il delinquent basegna in tractament u la segirezza publica pre-tenda quai; e
- c. las premissas dals artitgels 59–61, 63 u 64 èn ademplidas.

² L'ordinaziun d'ina mesira premetta che l'intervenziun en ils dretgs persunals, che resulta qua tras per il delinquent, na saja betg sproporzionada en vista a la probabilitad d'ulteriurs malfatgs ed a lur grevizza.

³ Per ordinar ina mesira tenor ils artitgels 59–61, 63 e 64 sco er per midar la sancziun tenor l'artitgel 65 sa basa il derschader sin in'expertisa. Questa expertisa inditgescha:

- a. la necessitad e las schanzas da success d'in tractament dal delinquent;
- b. la probabilitad ch'il delinquent commettia ulteriurs malfatgs ed il gener da quests malfatgs; e
- c. las pussaivladads d'exequir la mesira.

⁴ Sch'il delinquent ha commess in malfatg en il senn da l'artitgel 64 alinea 1, sto l'expertisa vegnir fatga d'in expert che n'ha ni tractà ni assistì il delinquent en outra moda.

^{4bis} Sch'i vegn en consideraziun d'ordinar in internament per vita durante tenor l'artitgel 64 alinea 1^{bis}, prenda il derschader sia decisiun sin basa da las expertisas d'almain dus experts versads ch'èn independents in da l'auter e che n'han ni tractà ni assistì il delinquent en outra moda.⁵³

⁵² Integrà tras la cifra I 3 da la LF dals 14 da dec. 2018 davart la meglieraziun da la protecziun da victimas da violenza, en vigur dapi il 1. da fan. 2020 (AS 2019 2273; BBl 2017 7307).

⁵³ Integrà tras la cifra I da la LF dals 21 da dec. 2007 (internament da delinquents privlus per vita durante), en vigur dapi il 1. d'avust 2008 (AS 2008 2961; BBl 2006 889).

⁵ Per regla ordinescha il derschader ina mesira mo, sch'ina instituziun adattada è disponibla.

⁶ Ina mesira sto vegnir abolida, sche sias premissas n'èn betg pli ademplidas.

Art. 56a

Coincidenza da pliras mesiras

¹ Sche pliras mesiras èn adattadas en moda eguala, ma sche mo ina è necessaria, ordinescha il derschader quella mesira che engrevgescha il pli pauc il delinquent.

² Sche pliras mesiras èn necessarias, las po il derschader ordinar cuminaivlamain.

Art. 57

Relaziun tranter mesiras e chastis

¹ Sche las premissas èn ademplidas tant per in chastis sco er per ina mesira, ordinescha il derschader tuttas duas sanenziuns.

² L'execuziun d'ina mesira tenor ils artitgels 59–61 ha la precedenza vers in chastis da detenziun, il qual vegn pronunzià a medem temp u po vegnir exequì sin basa d'ina revocaziun u d'ina reintegraziun. Medemamain ha la reintegraziun en ina mesira tenor l'artitgel 62a la precedenza vers in chastis total che vegn pronunzià a medem temp.

³ La durada da la privaziun da la libertad ch'è colliada cun la mesira vegn messa a quint al chastis.

Art. 58

Execuziun

¹ ...⁵⁴

² Las instituziuns terapeuticas en il senn dals artitgels 59–61 ston vegnir manadas separadamain da l'execuziun dals chastis.

Art. 59

2. Mesiras terapeuticas staziunaras.
Tractament da disturbis psichics

¹ Sch'il delinquent ha in grev disturbi psichic, po il derschader ordinar in tractament staziunar, sche:

- a. il delinquent ha commess in crim u in delict che stat en connex cun ses disturbis psichic; e
- b. ins dastga quintar da pudair impedir qua tras ch'il delinquent commettia ulteriurs malfatgs che stattan en connex cun ses disturbis psichic.

² Il tractament staziunar ha lieu en ina instituziun psichiatrica adattada u en ina instituziun per l'execuziun da mesiras.

⁵⁴ Aboli tras la cifra II 8 da l'aggiunta 1 dal Cudesch da procedura penala dals 5 d'oct. 2007, cun effect dapi il 1. da schan. 2011 (AS 2010 1881; BBI 2006 1085).

³ Uscheditg ch'ins sto temair ch'il delinquent fugia u commettia ulteriurs malfatgs, vegn el tractà en ina instituziun serrada. El po er vegnir tractà en in stabiliment da retenziun tenor l'artitgel 76 alinea 2, sch'igl è garantì ch'el survegnia il tractament terapeutich necessari tras persunal spezialisà.⁵⁵

⁴ La privaziun da la libertad ch'è colliada cun il tractament staziunar importa per regla maximalmain 5 onns. Sche las premissas per la relaschada cundiziunada n'èn betg anc ademplidas suenter 5 onns e sch'ins dastga quintar che la cuntinuaziun da la mesira possia impedir ch'il delinquent commettia ulteriurs crims e delicts che stattan en connex cun ses disturbi psichic, po il derschader – sin dumonda da l'autorità d'execuziun – ordinar la prolungaziun da la mesira per mintgamai maximalmain 5 onns.

Art. 60

Tractament da dependenzas

¹ Sch'il delinquent è dependent da drogas u patescha d'ina autra dependenza, po il derschader ordinar in tractament staziunar, sche:

- a. il delinquent ha commess in crim u in delict che stat en connex cun sia dependenza; e
- b. ins dastga quintar da pudair impedir qua tras ch'il delinquent commettia ulteriurs malfatgs che stattan en connex cun sia dependenza.

² Il derschader tegna quint da la dumonda e da la prontezza dal delinquent da sa suttametter al tractament.

³ Il tractament ha lieu en ina instituziun spezialisada u, sche necessari, en ina clinica psichiatrica. El sto vegnir adattà als basegns spezialis dal delinquent ed a ses svilup.

⁴ La privaziun da la libertad ch'è colliada cun il tractament staziunar importa per regla maximalmain 3 onns. Sche las premissas per la relaschada cundiziunada n'èn betg anc ademplidas suenter 3 onns e sch'ins dastga quintar che la cuntinuaziun da la mesira possia impedir ch'il delinquent commettia ulteriurs crims e delicts che stattan en connex cun sia dependenza, po il derschader – sin dumonda da l'autorità d'execuziun – ordinar ina giada la prolungaziun da la mesira per 1 ulteriur onn. La privaziun da la libertad ch'è colliada cun la mesira na dastga betg surpassar la durada maximala da totalmain 6 onns en cas da la prolungaziun u da la reintegraziun suenter la relaschada cundiziunada.

⁵⁵ Versiun tenor la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS 2006 3539; BBl 2005 4689).

Art. 61

Mesiras per
persunas giuovnas
creschidas

¹ Sch'il delinquent n'aveva betg anc 25 onns, cura ch'el ha commess il malfatg, e sch'il svilup da sia personalitad è disturbà grevamain, al po il derschader collocar en ina instituziun per persunas giuovnas creschidas, sche:

- a. il delinquent ha commess in crim u in delict che stat en connex cun il disturbi dal svilup da sia personalitad; e
- b. ins dastga quintar da pudair impedir qua tras ch'il delinquent commettia ulteriurs malfatgs che stattan en connex cun il disturbi dal svilup da sia personalitad.

² Las instituziuns per persunas giuovnas creschidas ston vegnir manadas separadamain dals ulteriurs stabiliments e da las ulteriuras instituziuns da quest Cudesch penal.

³ Al delinquent duain vegnir intermediadas las abilitads da viver en atgna responsabladad e senza commetter malfatgs. En spezial duain vegnir promovidas sia scolaziun e sia furmazion supplementara.

⁴ La privaziun da la libertad ch'è colliada cun la mesira importa maximalmain 4 onns. En cas da la reintegraziun suenter la relaschada cundiziunada na dastga ella betg surpassar la durada maximala da totalmain 6 onns. La mesira sto vegnir abolida il pli tard, cura ch'il delinquent ha cumpleni il 30avel onn da vegliadetgna.

⁵ Sch'il delinquent è er vegnì sentenzià pervia d'in malfatg ch'el ha commess avant il 18avel onn da vegliadetgna, po la mesira vegnir exequida en ina instituziun per giuvenils.

Art. 62

Relaschada
cundiziunada

¹ Il delinquent vegn relaschà cundiziunadamain or da l'execuziun staziunara da la mesira, uschespert che ses stadi giustifitgescha d'al dar la chaschun da sa cumprovar en libertad.

² En cas da la relaschada cundiziunada or d'ina mesira tenor l'artitgel 59 importa il temp d'emprova 1 fin 5 onns, en cas da la relaschada cundiziunada or d'ina mesira tenor ils artitgels 60 e 61 importa el 1 fin 3 onns.

³ La persuna ch'è vegnida relaschada cundiziunadamain po vegnir obligada da sa laschar tractar en moda ambulanta durant il temp d'emprova. Per la durada dal temp d'emprova po l'autorità d'execuziun ordinar l'assistenza da rehabilitaziun e dar directivas.

⁴ Sch'i para, a la fin dal temp d'emprova, dad esser necessari da cuntinuar cun il tractament ambulat, cun l'assistenza da rehabilitaziun u cun las directivas per impedir che la persuna ch'è vegnida relaschada cundiziunadamain commettia ulteriurs crims e delicts che stattan en connex cun ses stadi, po il derschader – sin dumonda da l'autorità d'execuziun – prolungar sco suonda il temp d'emprova:

- a. en cas da la relaschada cundiziunada or d'ina mesira tenor l'artigel 59 mintgamai per 1 fin 5 onns;
- b. en cas da la relaschada cundiziunada or d'ina mesira tenor ils artigels 60 e 61 per 1 fin 3 onns.

⁵ Il temp d'emprova suenter la relaschada cundiziunada or d'ina mesira tenor ils artigels 60 e 61 dastga durar en tut maximalmain 6 onns.

⁶ Sch'il delinquent ha commess in malfatg en il senn da l'artigel 64 alinea 1, po il temp d'emprova vegnir prolungà uschè savens sco quai ch'i para dad esser necessari per impedir ulteriurs malfatgs da quest gener.

Art. 62a

Nunsuccess dal temp d'emprova

¹ Sche la persuna ch'è vegnida relaschada cundiziunadamain commetta in malfatg durant il temp d'emprova, mussond uschia ch'il privel, che dueva vegnir impedi tras la mesira, exista vinavant, po il derschader ch'è cumpetent per giuditgar il nov malfatg, suenter avair tadlà l'autorità d'execuziun:

- a. ordinar la reintegraziun;
- b. abolir la mesira e – sche las premissas èn ademplidas – ordinar ina nova mesira; u
- c. abolir la mesira e – sche las premissas èn ademplidas – ordinar l'execuziun d'in chasti da detenziun.

² Sche las premissas per in chasti da detenziun nuncundiziunà en ademplidas sin basa dal nov malfatg e sche quest chasti coincida cun in chasti da detenziun, il qual è vegni suspendi a favur da la mesira, pronunzia il derschader in chasti total en applicaziun da l'artigel 49.

³ Sch'ins sto, sin basa da ses cumportament durant il temp d'emprova, temair seriusamain che la persuna ch'è vegnida relaschada cundiziunadamain pudess commetter in malfatg en il senn da l'artigel 64 alinea 1, po il derschader che ha ordinà la mesira ordinar la reintegraziun sin proposta da l'autorità d'execuziun.

⁴ La reintegraziun dura maximalmain 5 onns per la mesira tenor l'artigel 59 e maximalmain 2 onns per las mesiras tenor ils artigels 60 e 61.

⁵ Sch'il derschader renunzia ad ina reintegraziun u ad ina nova mesira, po el:

- a. admonir la persuna ch'è vegnida relaschada cundiziunadamain;
- b. ordinar in tractament ambulant u l'assistenza da reabilitaziun;
- c. dar directivas a la persuna ch'è vegnida relaschada cundiziunadamain; e
- d. prolongar il temp d'emprova per 1 fin 5 onns en cas d'ina mesira tenor l'artigel 59 e per 1 fin 3 onns en cas d'ina mesira tenor ils artigels 60 e 61.

⁶ Sche la persuna ch'è vegnida relaschada cundiziunadamain sa sustira da l'assistenza da reabilitaziun u sch'ella cuntrafa a las directivas, è applitgabel l'artitgel 95 alineas 3–5.

Art. 62b

Relaschada
definitiva

¹ Sche la persuna ch'è vegnida relaschada cundiziunadamain è sa cumprovada fin a la fin dal temp d'emprova, è ella relaschada definitivamain.

² Il delinquent vegn relaschà definitivamain, sche la durada maximala d'ina mesira tenor ils artitgels 60 e 61 è vegnida cuntanschida e sche las premissas per la relaschada cundiziunada èn ademplitas.

³ Sche la privaziun da la libertad ch'è colliada cun la mesira è pli curta ch'il chasti da detenziun suspendi, na vegn il chasti restant betg pli exequi.

Art. 62c

Aboliziun
da la mesira

¹ La mesira vegn abolida, sche:

- a. sia execuziun u sia cuntinuaziun para dad esser invana;
- b. la durada maximala tenor ils artitgels 60 e 61 è vegnida cuntanschida e las premissas per la relaschada cundiziunada n'èn betg ademplitas; u
- c. ina instituziun adequata n'exista betg u betg pli.

² Sche la privaziun da la libertad ch'è colliada cun la mesira è pli curta ch'il chasti da detenziun suspendi, vegn il chasti restant exequi. Sche las premissas da la relaschada cundiziunada u dal chasti da detenziun cundiziunà èn avant maun areguard il chasti restant, sto l'execuziun vegnir suspendida.

³ Empè da l'execuziun dal chasti po il derschader ordinar in'atra mesira, sch'ins dastga quintar da pudair impedir qua tras ch'il delinquent commettia ulteriurs crims e delicts che stattan en connex cun ses stadi.

⁴ Sch'ins sto – en cas da l'aboliziun d'ina mesira ch'era vegnida pronunziada sin basa d'in malfatg tenor l'artitgel 64 alinea 1 – temair seriusamain ch'il delinquent commettia ulteriurs acts da quest gener, po il derschader ordinar l'internament sin proposta da l'autorità d'execuziun.

⁵ Sche l'autorità cumpetenta è da l'avis ch'ina mesira da la protecziun da creschids saja inditgada, cura che la mesira vegn abolida, communi-gescha ella quai a l'autorità per la protecziun da creschids.⁵⁶

⁵⁶ Versiun tenor la cifra 14 da l'aggiunta da la LF dals 19 da dec. 2008 (protecciun da creschids, dretg da persunas e dretg dals uffants), en vigur dapi il 1. da schan. 2013 (AS 2011 725; BBl 2006 7001).

⁶ Plinavant po il derschader abolir ina mesira terapeutica staziunara avant u durant sia executiun ed ordinar empè da quella in'otra mesira terapeutica staziunara, sch'ins dastga quintar che la nova mesira possa impedir evidentamain meglia ch'il delinquent commettia ulteriurs crims e delicts che stattan en connex cun ses stadi.

Art. 62d

Examinaziun
da la relaschada
e da l'aboliziun

¹ Sin dumonda u d'uffizi examinescha l'autorità cumpetenta, sche e cura ch'il delinquent duai vegnir relaschà or da l'execuziun da la mesira u sche e cura che la mesira duai vegnir abolida. Ella decida almain in a giada per onn en chaussa. L'emprim taidla ella la persuna collocada e dumonda in rapport da la direcziun da l'instituziun d'execuziun.

² Sch'il delinquent ha commess in malfatg en il senn da l'artitgel 64 alinea 1, decida l'autorità cumpetenta sin basa da l'expertisa d'in expert independent e suenter avair tadlà in cumissiun da represchentants da las autoritads da persecuziun penala, da las autoritads d'execuziun sco er da la psichiatria. Ils experts ed ils represchentants da la psichiatria na dastgan betg avair tractà u assistì il delinquent en outra moda.

Art. 63

3. Tractament
ambulant.
Premissas
ed executiun

¹ Sch'il delinquent ha in grev disturbi psychic, sch'el è dependent da drogas u sch'el patescha d'ina outra dependenza, po il derschader ordinar ch'el na vegnia betg tractà en moda staziunara, mabain en moda ambulanta, sche:

- a. il delinquent commetta in malfatg chastiabel che stat en connex cun ses stadi; e
- b. ins dastga quintar da pudair impedir qua tras ch'il delinquent commettia ulteriurs malfatgs che stattan en connex cun ses stadi.

² Per tegnair quint dal gener dal tractament ed a favur d'in tractament ambulant po il derschader suspender l'execuziun d'in chasti da detenziun nuncundiziunà, il qual è vegnì pronunzià a medem temp, d'in chasti da detenziun, il qual è daventà exequibel sin basa da la revocaziun sco er d'in chasti restant ch'è daventà exequibel sin basa da la reintegraziun. Per la durada dal tractament po el ordinar l'assistenza da reabilitaziun e dar directivas.

³ L'autorità cumpetenta po disponer ch'il delinquent vegnia tractà temporarmain en moda staziunara, sche quai è necessari per introducir il tractament ambulant. Il tractament staziunar na dastga tut en tut betg durar dapli che 2 mais.

⁴ Il tractament ambulant na dastga per regla betg durar dapli che 5 onns. Sch'i para dad esser necessari da cuntinuar cun il tractament ambulant, cura che la durada maximala vegn cuntanschida, per impedir ch'il delinquent commettia ulteriurs crims e delicts che stattan en connex cun ses

disturbi psichic, po il derschader – sin dumonda da l'autorità d'execuziun – prolungar il tractament per mintgamai 1 fin 5 onns.

Art. 63a

Aboliziun
da la mesira

¹ L'autorità cumpetenta examinescha almain ina giada per onn, sch'il tractament ambulat duai vegnir cuntinuà u aboli. L'emprim taidla ella il delinquent e dumonda in rapport dal terapeuta.

² Il tractament ambulat vegn aboli tras l'autorità cumpetenta, sche:

- a. el è vegnì terminà cun success;
- b. sia cuntinuaziun para dad esser invana; u
- c. la durada maximala legala per il tractament da dependenzas d'alcohol, da narcotics u da medicaments è cuntanschida.

³ Sch'il delinquent commetta in malfatg durant il tractament ambulat, mussond uschia che quest tractament na po probablamain betg impedir ch'el commettia ulteriurs malfatgs che stattan en connex cun ses stadi, vegn il tractament ambulat che n'ha gi nagin success aboli tras il derschader ch'è cumpetent per giuditgar il nov malfatg.

⁴ Sch'il delinquent sa sustira da l'assistenza da rehabilitaziun u sch'el cuntrafa a las directivas, è applitgabel l'artitgel 95 alineas 3–5.

Art. 63b

Execuziun
dal chasti da
detenziun
suspendi

¹ Sch'il tractament ambulat è vegnì terminà cun success, na vegn betg pli exequi il chasti da detenziun suspendi.

² Sch'il tractament ambulat vegn aboli, perquai che sia cuntinuaziun para dad esser invana (art. 63a al. 2 lit. b), perquai che la durada maximala legala è vegnida cuntanschida (art. 63a al. 2 lit. c) u perquai ch'el n'ha gi nagin success (art. 63a al. 3), sto vegnir exequi il chasti da detenziun suspendi.

³ Sch'il tractament ambulat exequi en libertad para dad esser privlus per terzas personas, vegn exequi il chasti da detenziun suspendi, e cun il tractament ambulat vegnì cuntinuà durant l'execuziun dal chasti da detenziun.

⁴ Il derschader decida, quant enavant che la privaziun da la libertad ch'è colliada cun il tractament ambulat vegn messa a quint al chasti. Sche las premissas da la relaschada cundiziunada u dal chasti da detenziun cundiziunà èn avant maun areguard il chasti restant, suspenda el l'execuziun.

⁵ Empè da l'execuziun dal chasti po il derschader ordinar ina mesira terapeutica staziunara tenor ils artitgels 59–61, sch'ins dastga quintar da pudair impedir qua tras ch'il delinquent commettia ulteriurs crims e delicts che stattan en connex cun ses stadi.

Art. 64

4. Internament.
Premissas ed
execuziun

¹ Il derschader ordinescha l'internament, sch'il delinquent ha commess in assassinat, in mazzament intenziunà, ina blessura corporala greva, ina violaziun, ina rapina, in rapiment d'ostagis, in incendi intenziunà, ina periclitzaziun da la vita u in auter malfatg chastiabel cun in chasti maximal da 5 onns u dapli, tras il qual el ha donnegià u vuleva donnegiar grevemain l'integritad fisica, psichica u sexuala d'ina altra persuna, e sche:⁵⁷

- a. ins sto temair seriusamain ch'il delinquent commettia ulteriurs malfatgs da quest gener pervia da las characteristics da sia personalitad, pervia da las circumstanzas dal malfatg e pervia da tut sias circumstanzas da viver; u
- b. ins sto temair seriusamain ch'il delinquent commettia ulteriurs malfatgs da quest gener e che l'ordinaziun d'ina mesira tenor l'artitgel 59 n'empermettia nagin success pervia d'in disturbi psichic da grevezza considerabla, permanent u da lunga durada, che steva en connex cun il malfatg.

^{1bis} Il derschader ordinescha l'internament per vita duranta, sch'il delinquent ha commess in assassinat, in mazzament intenziunà, ina blessura corporala greva, ina rapina, ina violaziun, ina constringiun sexuala, ina privaziun da la libertad u in rapiment, in rapiment d'ostagis, ina spariziun sfurzada, commerzi cun umans, in genocid, in crim cunter l'umanitad ubain in crim da guerra (dudeschavel titel^{ter}) e sche las suandantas premissas èn ademplidas:⁵⁸

- a. cun il crim ha il delinquent donnegià u vuli donnegiar en moda spezialmain greva l'integritad fisica, psichica u sexuala d'ina altra persuna;
- b. igl è fitg probabel ch'il delinquent commettia danovamain in da quests crims;
- c. il delinquent vegn qualifitgà sco durablamain incurabel, perquai ch'il tractament n'empermetta nagin success a lunga vista.⁵⁹

² L'execuziun dal chasti da detenziun ha la precedenza vers l'internament. Las disposiziuns davart la relaschada cundiziunada or dal chasti da detenziun (art. 86–88) n'èn betg applitgablhas.⁶⁰

⁵⁷ Versiun tenor la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS 2006 3539; BBI 2005 4689).

⁵⁸ Versiun tenor l'aggiunta 2 cifra 1 dal COF dals 18 da dec. 2015 davart l'approvaziun e la realisaziun da la Convenziun internaziunala per la protecciun da tut las persunas cunter spariziuns sfurzadas, en vigur dapi il 1. da schan. 2017 (AS 2016 4687; BBI 2014 453).

⁵⁹ Integrà tras la cifra I da la LF dals 21 da dec. 2007 (internament da delinquent privlus per vita duranta), en vigur dapi il 1. d'avust 2008 (AS 2008 2961; BBI 2006 889).

⁶⁰ Versiun tenor la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS 2006 3539; BBI 2005 4689).

³ Sch'ins dastga quintar gia durant l'execuziun dal chasti da detenziun, ch'il delinquent sa cumprovia en libertad, dispona il derschader la relaschada cundiziunada or dal chasti da detenziun il pli baud per il di ch'il delinquent ha expià dus terzs dal chasti da detenziun u 15 onns dal chasti da detenziun per vita duranta. Cumpetent è il derschader che ha ordinà l'internament. Dal rest è applitgabel l'artitgel 64a.⁶¹

⁴ L'internament vegn exequì en ina instituziun per l'execuziun da mesiras u en in stabiliment da retenziun tenor l'artitgel 76 alinea 2. La segirezza publica sto vegnir garantida. Il delinquent survegn assistenza psichiatrica, sche quai è necessari.

Art. 64a

Aboliziun
e relaschada

¹ Il delinquent vegn relaschà cundiziunadamain or da l'internament tenor l'artitgel 64 alinea 1, uschespert ch'ins dastga quintar ch'el sa cumprovia en libertad.⁶² Il temp d'emprova importa 2 fin 5 onns. Per la durada dal temp d'emprova po vegnir ordinada l'assistenza da reabilitaziun e pon vegnir dadas directivas.

² Sch'i para, a la fin dal temp d'emprova, dad esser necessari da cuntinuar cun l'assistenza da reabilitaziun u cun las directivas per impedir ch'il delinquent commettia ulteriurs malfatgs en il senn da l'artitgel 64 alinea 1, po il derschader – sin dumonda da l'autorità d'execuziun – prolungar il temp d'emprova per ulteriurs 2 fin 5 onns.

³ Sch'ins sto, sin basa da ses cumportament durant il temp d'emprova, temair seriusamain che la persuna, ch'è vegnida relaschada cundiziunadamain, pudess commetter ulteriurs malfatgs en il senn da l'artitgel 64 alinea 1, ordinescha il derschader la reintegraziun sin proposta da l'autorità d'execuziun.

⁴ Sche la persuna ch'è vegnida relaschada cundiziunadamain sa sustira da l'assistenza da reabilitaziun u sch'ella cuntrafa a las directivas, è applitgabel l'artitgel 95 alineas 3–5.

⁵ Sche la persuna ch'è vegnida relaschada cundiziunadamain è sa cumprovada fin a la fin dal temp d'emprova, è ella relaschada definitivamain.

⁶¹ Versiun tenor la cifra I da la LF dals 24 da mars 2006 (correcturas concernent las sanziuns ed il register penal), en vigur dapi il 1. da schan. 2007 (AS 2006 3539; BBI 2005 4689).

⁶² Versiun tenor la cifra I da la LF dals 21 da dec. 2007 (internament da delinquents privlus per vita duranta), en vigur dapi il 1. d'avust 2008 (AS 2008 2961; BBI 2006 889).

Art. 64^{b63}

Examinaziun
da la relaschada

¹ Sin dumonda u d'uffizi examinescha l'autorità cumpetenta:

- a. almain ina giada per onn, e l'emprima giada suenter 2 onns, sche e cura ch'il delinquent po vegnir relaschà cundiziunadamain or da l'internament (art. 64a al. 1);
- b. almain mintga 2 onns, e l'emprima giada avant che cumenzar l'internament, sche las premissas per in tractament terapeutice staziunar èn ademplidas e sch'i duai vegnir fatga ina dumonda correspundenta tar il derschader cumpetent (art. 65 al. 1).

² L'autorità cumpetenta prenda las decisiuns tenor l'aleina 1 sin basa:

- a. d'in rapport da la direcziun dal stabiliment;
- b. d'ina expertisa independenta en il senn da l'artitgel 56 aleina 4;
- c. da l'audiziun d'ina cumissiun tenor l'artitgel 62d aleina 2;
- d. da l'audiziun dal delinquent.

Art. 64^{c64}

Examinaziun da
la relaschada or
da l'internament
per vita durante
e relaschada
cundiziunada

¹ En cas d'in internament per vita durante tenor l'artitgel 64 aleina 1^{bis} examinescha l'autorità cumpetenta d'uffizi u sin dumonda, sch'i èn avant maun novas enconuschientschas scientificas che laschan spetgar ch'il delinquent po vegnir tractà uschia, ch'el n'è nagin privel pli per la publicità. Ella decida sin basa dal rapport da la Cumissiun federala spezialisada per il giudicament da las pussaivladads da delinquents internads per vita durante.

² Sche l'autorità cumpetenta arriva a la conclusiun ch'il delinquent possia vegnir tractà, al propona ella in tractament. Quel ha lieu en ina instituziun serrada. Fin a l'aboliziun da l'internament per vita durante tenor l'aleina 3 restan applitgables las disposiziuns davart l'execuziun da l'internament per vita durante.

³ Sch'il tractament mussa che la privlusadad dal delinquent è sa reducida considerablament e po vegnir reducida uschè lunsch ch'el n'è nagin privel pli per la publicità, abolescha il derschader l'internament per vita durante ed ordinescha ina mesira terapeutica staziunara tenor ils artitgels 59–61 en ina instituziun serrada.

⁴ Il derschader po relaschar cundiziunadamain il delinquent or da l'internament per vita durante, sch'el n'è nagin privel pli per la publicità pervia da sia auta vegliadetgna, pervia d'ina greva malsogna u per in auter motiv. La relaschada cundiziunada sa drizza tenor l'artitgel 64a.

⁶³ Versiun tenor la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS 2006 3539; BBI 2005 4689).

⁶⁴ Integrà tras la cifra I da la LF dals 21 da dec. 2007 (internament da delinquents privlus per vita durante), en vigur dapi il 1. d'avust 2008 (AS 2008 2961; BBI 2006 889).

⁵ Cumpetent per l'aboliziun da l'internament per vita duranta e per la relaschada cundiziunada è il derschader che ha ordinà l'internament per vita duranta. El prenda sia decisiun sin basa da las expertisas d'almain dus experts versads ch'èn independents in da l'auter e che n'han ni tractà ni assistì il delinquent en outra moda.

⁶ Ils alineas 1 e 2 valan er durant l'execuziun dal chasti da detenziun, il qual preceda l'internament per vita duranta. L'internament per vita duranta vegn abolì il pli baud tenor l'aleina 3, sch'il delinquent ha expià dus terzs dal chasti u 15 onns dal chasti per vita duranta.

Art. 65

5. Midada
da la sancziun

¹ Sch'in sentenzià ademplescha las premissas d'ina mesira terapeutica staziunara avant u durant l'expiazium d'in chasti da detenziun u d'in internament tenor l'artigel 64 aleina 1, po il derschader ordinar posteriuramain questa mesira.⁶⁵ Cumpetent è il derschader che ha pronunzià il chasti u che ha ordinà l'internament. L'execuziun d'in chasti restant vegn suspendida.

² Sch'i resulta – durant l'expiazium dal chasti da detenziun e sin basa da novs fàtes u da novas cumprovas – ch'in sentenzià ademplescha las premissas da l'internament e las ha ademplidas gia il mument da la condemnaziun, senza ch'il derschader haja pudì avair enconuschientscha da quai, po il derschader ordinar posteriuramain l'internament. La cumpetenza e la procedura sa drizzan tenor las reglas che valan per la revisiun.⁶⁶

Segunda secziun: Autras mesiras

Art. 66

1. Cauziun
preventiva

¹ Sch'ins sto temair ch'insatgi, che ha smanatschà da commetter in crim u in delict, commettia effectivamain il malfatg, u sch'insatgi, ch'è vegni sentenzià pervia d'in crim u d'in delict, manifestescha l'intenziun expressiva da repeter il malfatg, po il derschader – sin dumonda dal smanatschà – pretender ch'el empermettia da betg exequir il malfatg e l'obligar da prestar ina segirezza adeguata.

² Sch'el refusa l'empermischun u sch'el na presta cun malart betg la segirezza entaifer il termin fixà, al po il derschader obligar da far l'empermischun u da prestar la segirezza, ordinond l'arrest da segirezza.

⁶⁵ Versiun tenor la cifra I da la LF dals 21 da dec. 2007 (internament da delinquents privlus per vita duranta), en vigur dapi il 1. d'avust 2008 (AS 2008 2961; BBI 2006 889).

⁶⁶ Integrà tras la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS 2006 3539; BBI 2005 4689).

L'arrest da segirezza na dastga betg durar dapli che 2 mais. El vegn exequi sco in curt chasti da detenziun (art. 79⁶⁷).

³ Sch'el commetta il crim u il delict entaifer 2 onns, suenter ch'el ha prestà la segirezza, va la segirezza al stadi. Cas cuntrari al vegn restituïda la segirezza.

Art. 66^a⁶⁸

1a. Expulsiun.
a. Expulsiun
obligatorica

¹ Independentamain da l'autezza dal chasti expulscha il derschader la persuna estra, ch'è vegnida sentenziada pervia d'in dals suandants malfatgs, per ina durada da 5–15 onns da la Svizra:

- a. mazzament intenziunà (art. 111), assassinat (art. 112), mazzament en affect (art. 113), instigaziun ed agid al suicidi (art. 115), interrupziun chastiabla da la gravidanza (art. 118 al. 1 e 2);
- b. blessura corporala greva (art. 122), mutilaziun da genitalias femininas (art. 124 al. 1), metter a l'abandon (art. 127), periclitaziun da la vita (art. 129), agressiun (art. 134);
- c. defraudaziun qualifitgada (art. 138 cifra 2), enguladitsch qualifitgà (art. 139 cifras 2 e 3), rapina (art. 140), engion da professiun (art. 146 al. 2), diever abusiv professional d'in indriz d'elavuraziun da datas (art. 147 al. 2), diever abusiv professional da cartas da schecs e da cartas da credit (art. 148 al. 2), extorsiun qualifitgada (art. 156 cifras 2–4), usura da professiun (art. 157 cifra 2), zuppentada da professiun (art. 160 cifra 2);
- d. enguladitsch (art. 139) en cumbinaziun cun violaziun da domicil (art. 186);
- e. engion (art. 146 al. 1) en il sector d'ina assicuranza sociala u da l'agid social, retratga illegala da prestaziuns d'ina assicuranza sociala u da l'agid social (art. 148a al. 1);
- f. engion (art. 146 al. 1), engion en chaussas da prestaziuns u da taxas (art. 14 al. 1, 2 e 4 da la LF dals 22 da mars 1974⁶⁹ davart il dretg penal administrativ) u fraud fiscal, defraudaziun da taglias a la funtauna u in auter malfatg en il sector da las taxas da dretg public ch'è chastiabel cun in chasti da detenziun maximal dad 1 onn u dapli;
- g. maridaglia sfurzada, partenadi registrà sfurzà (art. 181a), commerzi cun umans (art. 182), sequestraziun da persunas e rapiment (art. 183), sequestraziun da persunas qualifitgada e rapiment qualifitgà (art. 184), rapinament d'ostagis (art. 185);

⁶⁷ Quest art. è aboli (AS 2016 1249; BBI 2012 4721).

⁶⁸ Integrà tras la cifra 1 l da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

⁶⁹ SR 313.0

- h.⁷⁰ acts sexuals cun uffants (art. 187 cifra 1), constringenziun sexuala (art. 189), violaziun (art. 190), dischonuraziun (art. 191), promozioni da la prostituziun (art. 195), pornografia (art. 197 al. 4 segunda frasa);
- i. incendi intenziunà (art. 221 al. 1 e 2), chaschunar intenziunadamain in'explosiun (art. 223 cifra 1 al. 1), utilisaziun da materias explosivas e da gas da tissi per intents criminals (art. 224 al. 1), periclitaziun intenziunada senza intents criminals (art. 225 al. 1), fabritgar, zuppentar e dar vinavant materias explosivas e gas da tissi (art. 226), periclitaziun tras energia nucleara, tras radioactivitad e tras radis ionisants (art. 226^{bis}), acziuns preparatoricas chastiablas (art. 226^{ter}), chaschunar intenziunadamain ina inundaziun u ina sbuvada (art. 227 cifra 1 al. 1), donnegiar intenziunadamain implants electric, idraulics ed indrizs da protecziun (art. 228 cifra 1 al. 1);
- j. periclitaziun intenziunada tras organissemms modifitgads geneticamain u tras organissemms patogens (art. 230^{bis} al. 1), derasaziun intenziunada da malsognas da l'uman (art. 231 cifra 1), contaminaziun intenziunada d'aua da baiver (art. 234 al. 1);
- k. disturbi qualifitgà dal traffic public (art. 237 cifra 1 al. 2), disturbi intenziunà dal traffic da viafier (art. 238 al. 1);
- l.⁷¹ acziuns preparatoricas chastiablas (art. 260^{bis} al. 1 e 3), participaziun in'organisaziun criminala u terroristica u sustegn d'ina tala organisaziun (art. 260^{ter}), periclitaziun da la segirezza publica cun armas (art. 260^{quater}), finanziaziun dal terrorissem (art. 260^{quinquies}), recrutaziun, instrucziun e viadis en vista ad in malfatg terroristic (art. 260^{sexies});
- m. genocid (art. 264), crims cunter l'umanitad (art. 264a), grevas violaziuns da las Convenziuns da Genevra dals 12 d'avust 1949⁷² (art. 264c), auters crims da guerra (art. 264d–264h);
- n. cuntravenziun intenziunada cunter l'artitgel 116 alinea 3 u 118 alinea 3 da la Lescha federala dals 16 da december 2005⁷³ davart las persunas estras;

⁷⁰ La rectificaziun da la AF dals 28 da nov. 2017, publitgada ils 12 da dec. 2017, concerna mo il text franzos (AS 2017 7257).

⁷¹ Versiun tenor la cifra II 2 da l'aggiunta dal COF dals 25 da sett. 2020 davart l'approvaziun e la realisaziun da la Convenziun dal Cussegl da l'Europa per la prevenziun dal terrorissem e da ses protocol supplementar sco er davart il rinforzament da l'instrumentari penal cunter il terrorissem e la criminalitad organisada, en vigor dapi il 1. da fan. 2021 (AS 2021 360; BBI 2018 6427).

⁷² SR 0.518.12, 0.518.23, 0.518.42, 0.518.51

⁷³ SR 142.20

- o. cuntravenziun cunter l'artitgel 19 alinea 2 u 20 alinea 2 da la Lescha da narcotics dals 3 d'october 1951⁷⁴ (LNarc);
- p.⁷⁵ cuntravenziun tenor l'artitgel 74 alinea 4 da la Lescha federala dals 25 da settember 2015⁷⁶ davart il servetsch d'infurmaziun (LSI).

² Exceziunalmain po il derschader desister da pronunziar in'expulsiun, sche quella signifitgass in grev cas da direzza persunal per la persuna estra e sch'ils interess publics d'ina expulsium na predomineschan betg ils interess privats da la persuna estra da restar vinavant en Svizra. En quest connex stoi vegnir tegnì quint da la situaziun speziala da personas estras ch'èn naschidas e creschidas si en Svizra.

³ D'ina expulsium poi plinavant vegnir desistì, sch'il malfatg è vegnì commess en ina defensiun legitima perstgisabla (art. 16 al. 1) u en in stadi d'urgenza perstgisabel (art. 18 al. 1).

Art. 66a^{bis 77}

b. Expulsiun
betg obligatorica

Il derschader po expulsar ina persuna estra per ina durada da 3–15 onns da la Svizra, sch'ella vegn sentenziada ad in chastì u sch'i vegn ordinada cunter ella ina mesira tenor ils artitgels 59–61 u 64 pervia d'in crim u d'in delict betg previs en l'artitgel 66a.

Art. 66b⁷⁸

c. Disposiziuns
cuminaivlas. Cas
da repetiziun

¹ Sch'ina persuna, cunter la quala in'expulsiun è gia vegnida ordinada, commetta in nov malfatg che ademplescha las premissas per in'expulsiun tenor l'artitgel 66a, sto la nova expulsium vegnir pronunziada per 20 onns.

² L'expulsiun po vegnir pronunziada per vita duranta, sch'il sentenzià commetta il nov malfatg, durant che l'expulsiun pronunziada per l'emprim malfatg ha anc vigur.

⁷⁴ SR 812.121

⁷⁵ Integrà tras la cifra II 2 da l'aggiunta dal COF dals 25 da sett. 2020 davart l'approvaziun e la realisaziun da la Convenziun dal Cussegl da l'Europa per la prevenziun dal terrorissem e da ses protocol supplementar sco er davart il rinforzament da l'instrumentari penal cunter il terrorissem e la criminalità organisada, en vigur dapi il 1. da fan. 2021 (AS 2021 360; BBl 2018 6427).

⁷⁶ SR 121

⁷⁷ Integrà tras la cifra I 1 da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da personas estras criminalas), en vigur dapi il 1. d'oct. 2016 (AS 2016 2329; BBl 2013 5975).

⁷⁸ Integrà tras la cifra I 1 da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da personas estras criminalas), en vigur dapi il 1. d'oct. 2016 (AS 2016 2329; BBl 2013 5975).

Art. 66c⁷⁹

d. Mument da l'execuziun

- 1 L'expulsiun vala a partir da la vigur legala da la sentenzaia.
- 2 Avant l'execuziun da l'expulsiun ston vegnir exequids ils chastis nuncundiziunads u las parts da tals sco er las mesiras da detenziun.
- 3 L'expulsiun vegn exequida, uschespert ch'il sentenzià vegn relaschà cundiziunadamain u definitivamain or da l'execuziun da chastis u da mesiras u uschespert che la mesira da detenziun vegn abolida, nun ch'i stoppia vegnir exequi in chasti restant u ch'in outra mesira da detenziun vegnia ordinada.
- 4 Sche la persuna, cunter la quala in'expulsiun è vegnida pronunziada, vegn transferida en sia patria per l'execuziun da chastis e da mesiras, vala l'expulsiun sco exequida il mument dal transferiment.
- 5 La durada da l'expulsiun vegn quintada a partir dal di ch'il sentenzià ha bandunà la Svizra.

Art. 66d⁸⁰

e. Suspendiun da l'execuziun da l'expulsiun obligatorica

- 1 L'execuziun da l'expulsiun obligatorica tenor l'artitgel 66a po vegnir suspendida mo, sche:⁸¹
 - a. il pertutgà è in fugitiv renconuschì da la Svizra e sia vita u sia libertad fiss periclitada tras l'expulsiun pervia da sia razza, sia religiun, sia naziunalitad, sia appartegnientscha ad ina tscherta gruppa sociala u sias opiniuns politics; exceptà da quai è il fugitiv che na po betg sa referir al scumond d'expulsiun tenor l'artitgel 5 alinea 2 da la Lescha d'asil dals 26 da zercladur 1998⁸²;
 - b. outras disposiziuns stringentas dal dretg internaziunal s'opponan a l'expulsiun.

2 Prendend sia decisiun sto l'autorità chantunala partir da la supposiziun che l'expulsiun en in stadi ch'il Cussegl federal designescha sco segir sin basa da l'artitgel 6a alinea 2 da la Lescha d'asil dals 26 da zercladur 1998, na cuntrafetschia betg a l'artitgel 25 alineas 2 e 3 da la Constituziun federala.

79 Integrà tras la cifra I 1 da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

80 Integrà tras la cifra I 1 da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

81 La rectificaziun dals 21 da zer. 2017, publicgada ils 11 da fan. 2017, concerna mo il text franzos (AS 2017 3695).

82 SR 142.31

Art. 67⁸³

2. Scumond d'actividad, scumond da contact e d'areal.

a Scumond d'actividad, premissas

¹ Sch'insatgi ha, pratitgond in'actividad professiunala u in'actividad extraprofessiunala organisada, commess in crim u in delict, per il qual el è vegnì sentenzià ad in chasti da detenziun da passa 6 mais, e sch'ins sto temair ch'el fetschia abus da sia actividad per commetter ulteriurs crims u delicts, al po il derschader scumandar dal tutfatg u per part l'actividad respectiva u activitads cumparegliablas per ina durada da 6 mais fin 5 onns.⁸⁴

² Sch'insatgi ha commess in crim u in delict cunter ina persuna minorena u cunter in'atra persuna cun in basegn da protecziun spezial e sch'ins sto temair ch'el commettia ulteriurs malfatgs da quest gener, pratitgond in'actividad professiunala u in'actividad extraprofessiunala organisada che cumpiglia in contact regular cun persunas minorennas u cun autras persunas cun in basegn da protecziun spezial, al po il derschader scumandar l'actividad respectiva per ina durada dad 1 fin 10 onns.

^{2bis} Il derschader po pronunziar il scumond tenor l'alineia 2 per vita duranta, sch'ins sto spetgar ch'ina durada da 10 onns na bastia betg per ch'il delinquent na saja betg pli privlus. Sin dumonda da l'autorità d'execuziun po il derschader prolungar in scumond da durada limitada tenor l'alineia 2 per mintgamai maximalmain 5 onns, sche quai è necessari per impedir ch'il delinquent commettia ulteriurs crims e delicts sco quels ch'èn stads il motiv per il scumond.⁸⁵

³ Sch'insatgi è vegnì sentenzià ad in chasti u sch'igl è vegnida ordinada ina mesira tenor ils artitgels 59–61, 63 u 64 cunter el pervia d'in dals suandants malfatgs, al scumonda il derschader per vita duranta mintga actividad professiunala e mintga actividad extraprofessiunala organisada che cumpiglia in contact regular cun persunas minorennas:

- a. commerzi cun umans (art. 182), sch'el ha commess il malfatg cunter ina victima minorena cun l'intent da l'exploitar sexualmain;
- b. acts sexuals cun uffants (art. 187), acts sexuals cun persunas dependentas (art. 188) u acts sexuals cun persunas minorennas cunter indemnisaziun (art. 196);

⁸³ Versiun tenor la cifra I 1 da la LF dals 13 da dec. 2013 davart il scumond d'actividad e davart il scumond da contact e d'areal, en vigur dapi il 1. da schan. 2015 (AS 2014 2055; BBl 2012 8819).

⁸⁴ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBl 2012 4721).

⁸⁵ Integrà tras la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBl 2016 6115).

- c. constringenziun sexuala (art. 189), violaziun (art. 190), dischonoraziun (art. 191), acts sexuals cun persunas ricoveradas, arrestandas, accusadas (art. 192), profiter da la situaziun d'urgenza (art. 193), exhibiziunissem (art. 194), promoziun da la prostituiziun (art. 195) u mulestas sexualas (art. 198), sch'el ha commess il malfatg cunter u davant ina victima minorena;
- d. pornografia (art. 197):
 1. tenor l'artitgel 197 alinea 1 u 3,
 2. tenor l'artitgel 197 alinea 4 u 5, sch'ils objects u las preschentaziuns cuntenevan acts sexuals cun persunas minorennas.⁸⁶

⁴ Sch'insatgi è vegni sentenzià ad in chasti u sch'igl è vegnida ordinada ina mesira tenor ils artitgels 59–61, 63 u 64 cunter el pervia d'in dals suandants malfatgs, al scumonda il derschader per vita duranta mintga activitad professionala e mintga activitad extraprofessionala organisada che cumpiglia in contact regular cun persunas maiorennas cun in basegn da protecciun spezial sco er mintga activitad professionala u mintga activitad extraprofessionala organisada en il sector da sanadad cun contact direct cun pazients:

- a. commerzi cun umans (art. 182) per intents da l'explotaziun sexuala, constringenziun sexuala (art. 189), violaziun (art. 190), dischonoraziun (art. 191), acts sexuals cun persunas ricoveradas, arrestandas, accusadas (art. 192), profiter da la situaziun d'urgenza (art. 193), exhibiziunissem (art. 194), promoziun da la prostituiziun (art. 195) u mulestas sexualas (art. 198), sch'el ha commess il malfatg cunter u davant:
 1. ina victima maiorena cun in basegn da protecciun spezial, u
 2. ina victima maiorena che n'ha betg in basegn da protecciun spezial, ma ch'è stada inabla da far resistenza u da giuditgar u che n'ha betg pudì sa defender pervia d'ina dependenza corporala u psichica;
- b. pornografia (art. 197 al. 2 emprima frasa ed al. 4 u 5), sch'ils objects u las preschentaziuns cuntenevan:
 1. acts sexuals cun victimas maiorennas cun in basegn da protecciun spezial, u
 2. acts sexuals cun victimas maiorennas che n'han betg in basegn da protecciun spezial, ma ch'èn stadas inablas da far resistenza u da giuditgar u che n'han betg pudì sa defender pervia d'ina dependenza corporala u psichica.⁸⁷

⁸⁶ Versiun tenor la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBl 2016 6115).

⁸⁷ Versiun tenor la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBl 2016 6115).

^{4bis} En cas spezialmain levs po il derschader desister excepziunalmain d'ordinar in scumond d'activad tenor l'alineia 3 u 4, sch'in tal scumond na para betg necessari per preservar il delinquent da commetter ulteriurs malfatgs sco quels ch'èn stads il motiv per il scumond. Da l'ordinaziun d'in scumond d'activad na dastgi però betg vegnir desisti, sch'il delinquent:

- a. è sentenzià pervia da commerzi cun umans (art. 182), constrictiun sexuala (art. 189), violaziun (art. 190), dischonuraziun (art. 191) u promoziun da la prostituziun (art. 195); u
- b. è pedofil tenor ils criteris da classificaziun renconuschids internaziunalmain.⁸⁸

⁵ Sch'in delinquent vegn sentenzià ad in chasti u sch'ina mesira vegn ordinada cunter el en la medema procedura pervia da plirs malfatgs, fixescha il derschader, tge part dal chasti u tge mesira che vegn pronunziada per in malfatg, dal qual resulta in scumond d'activad. Questa part dal chasti, la mesira sco er il malfatg èn decisivs per pronunziar in scumond d'activad tenor l'alineia 1, 2, 2^{bis}, 3 u 4. Las parts dals chastis per plirs malfatgs respectivs vegnan quintadas ensemen. Il derschader po pronunziar plirs scumonds d'activad.⁸⁹

⁶ Il derschader po ordinar in'assistenza da rehabilitaziun per la durada dals scumonds.⁹⁰

⁷ ...⁹¹

Art. 67a⁹²

Cuntegn ed
estensiun

¹ Sco activitads professiunalas en il senn da l'artitgel 67 valan activitads pratitgadas en il rom d'ina professiun u d'in mastergn principal u accessoric ubain d'in commerzi. Sco activitads extraprofessiunalas organisadas valan activitads che vegnan pratitgadas en il rom d'ina uniun u d'ina altra organisaziun e che na servan betg u betg en emprima lingia ad intents da gudogn.

⁸⁸ Integrà tras la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBl 2016 6115).

⁸⁹ Versiun tenor la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBl 2016 6115).

⁹⁰ Versiun tenor la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBl 2016 6115).

⁹¹ Aboli tras la cifra I 1 da la LF dals 16 da mars 2018 (realisaziun da l'art. 123c Cst.), cun effect dapi il 1. da schan. 2019 (AS 2018 3803; BBl 2016 6115).

⁹² Versiun tenor la cifra I 1 da la LF dals 13 da dec. 2013 davart il scumond d'activad e davart il scumond da contact e d'areal, en vigur dapi il 1. da schan. 2015 (AS 2014 2055; BBl 2012 8819).

² Il scumond d'activad tenor l'artitgel 67 cumpiglia las activitads ch'il delinquent pratitgescha en moda independenta, sco organ d'ina persuna giuridica u d'ina societad commerziala, sco mandatari u sco represchentant d'ina autra persuna u las activitads ch'el lascha pratitgar tras ina persuna ch'è suttamessa a sias instrucziuns.

³ Sch'ins sto temair ch'il delinquent fetschia abus da sia activad per commetter malfatgs, er sch'el è suttamess a las instrucziuns ed a la controlla d'in superiur u d'ina persuna da surveglianza, al sto l'activad vegnir scumandada dal tuttafatg.

⁴ Ils scumonds tenor l'artitgel 67 alineas 3 e 4 cumpiglian adina l'entira activad.

⁵ Sco activitads cun in contact regular cun persunas minorennas u cun autras persunas che han in basegn da protecziun spezial valan:

- a. activitads che vegnan pratitgadas directamain e specificamain envers persunas minorennas u envers autras persunas che han in basegn da protecziun spezial, numnadamain:
 1. scolaziun u instrucziun,
 2. educaziun u cussegliaziun,
 3. assistenza u surveglianza,
 4. tgira,
 5. visita corporala u tractament corporal,
 6. visita psicologica u tractament psicologic,
 7. alimentaziun,
 8. transport,
 9. vendita directa u emprest u intermediaziun directa d'objects ch'èn destinads specificamain als basegns da persunas minorennas u d'autras persunas che han in basegn da protecziun spezial, sche quai è l'activad principala da la persuna respectiva;
- b. autras activitads che vegnan pratitgadas oravant tut u repetidamain en instituziuns che porschan servetschs tenor la litera a; exceptadas èn activitads, tar las qualas igl è garanti areguard il lieu u areguard il temp ch'in contact cun persunas minorennas u cun autras persunas che han in basegn da protecziun spezial na po betg avair lieu.⁹³

⁶ Sco persunas che han in basegn da protecziun spezial valan persunas ch'èn pervia da lur vegliadetgna, pervia d'ina malsogna u pervia d'ina restricziun corporala, spiertala u psichica da lunga durada dependentas d'agid ester per liquidar lavurs quotidianas u per manar lur vita.⁹⁴

⁹³ Integrà tras la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBI 2016 6115).

⁹⁴ Integrà tras la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBI 2016 6115).

Art. 67^{b95}

b. Scumond da contact e d'areal

¹ Sch'insatgi ha commess in crim u in delict cunter ina u pliras tschertas persunas u cunter persunas d'ina tscherta gruppa e sch'ins sto temair ch'el commettia ulteriurs crims u delicts en cas ch'el ha contact cun questas persunas, po il derschader pronunziar in scumond da contact e d'areal per ina durada da fin 5 onns.

² Ensemen cun il scumond da contact e d'areal po il derschader scumandar al delinquent:

- a. d'entrar en contact, directamain u sur terzas persunas, cun ina u cun pliras tschertas persunas u cun persunas d'ina tscherta gruppa, en spezial per telefon, en scrit u sin via electronica, d'engaschar, da dar alloschi, da scolar, da survegliar, da tgirar questas persunas u da las contactar en outra moda;
- b. da s'avischinar ad ina tscherta persuna u da sa trategnair en in tschert conturn da sia abitaziun;
- c. da sa trategnair en tscherts lieus, en spezial en tschertas vias, sin tschertas plazzas u en tscherts quartiers.

³ Per exequir il scumond po l'autoritat cumpetenta applitgar apparats tecnicos ch'en fixads vi dal delinquent. Quests apparats pon servir en spezial a localisar il delinquent.

⁴ Il derschader po ordinar in'assistenza da rehabilitaziun per la durada dal scumond.

⁵ Sin dumonda da las autoritads d'execuziun po il derschader prolungar il scumond per mintgamai maximalmain 5 onns, sche quai è necessari per impedir ch'il delinquent commettia ulteriurs crims e delicts cunter persunas minorennas u cunter outras persunas cun in basegn da protecziun spezial.

Art. 67^{c96}

c. Disposiziuns cuminaivlas.
Execuziun dals scumonds

¹ Il scumond ha effect a partir dal di che la sentenza entra en vigur.

² La durada da l'execuziun d'in chasti u d'ina mesira da detenziun (art. 59–61 e 64) na vegn betg messa a quint a la durada dal scumond.

⁹⁵ Integrà tras la cifra I 1 da la LF dals 13 da dec. 2013 davart il scumond d'activitad e davart il scumond da contact e d'areal, en vigur dapi il 1. da schan. 2015 (AS 2014 2055; BBl 2012 8819).

⁹⁶ Integrà tras la cifra I 1 da la LF dals 13 da dec. 2013 davart il scumond d'activitad e davart il scumond da contact e d'areal, en vigur dapi il 1. da schan. 2015 (AS 2014 2055; BBl 2012 8819).

³ Sch' il delinquent n'ha betg terminà cun success il temp d'emprova, uschia ch'i vegn exequì il chasti da detenziun cundiziunà u ordinada la represa da l'execuziun da chastis u da mesiras, vegn la durada dal scumond quintada pir a partir dal di ch' il delinquent vegn relaschà cundiziunadamain u definitivamain ubain che la sancziun vegn abolida u relaschada.

⁴ Sch' il delinquent ha terminà cun success il temp d'emprova, decida l'autorità cumpetenta, sch' il scumond tenor l'artitgel 67 alinea 1 u tenor l'artitgel 67b duai vegnir restrenschì areguard il cuntegn ed areguard la durada u sch' el duai vegnir abolì.

⁵ Il delinquent po dumandar l'autorità cumpetenta, sch' ella restrenschia il cuntegn u la durada dal scumond ubain sch' ella aboleschia il scumond:

- a. en cas d'in scumond tenor l'artitgel 67 alinea 1 u tenor l'artitgel 67b: suenter in'execuziun da 2 onns;
- b. en cas d'in scumond da durada limitada tenor l'artitgel 67 alinea 2: suenter la mesada da la durada dal scumond, il pli baud dentant suenter in'execuziun da 3 onns;
- c.⁹⁷ ...
- d.⁹⁸ en cas d'in scumond per vita duranta tenor l'artitgel 67 alinea 2^{bis}: suenter 10 onns da l'execuziun.

⁶ Sch' ins na sto betg pli temair ch' il delinquent fetschia abus d'ina activitad per commetter ulteriurs crims u delicts u ch' el commettia ulteriurs crims u delicts en cas ch' el ha contact cun tschertas persunas u cun persunas d'ina tscherta gruppa e sch' el ha – uschenavant ch' ins pudeva pretendar dad el – remplazzà il donn ch' el aveva chaschunà, abolescha l'autorità cumpetenta il scumond en ils cas tenor l'alinea 4 u 5.

^{6bis} Ils scumonds tenor l'artitgel 67 alinea 3 u 4 na pon betg vegnir abolids.⁹⁹

⁷ Sch' il sentenzià n'observa betg in scumond d'activitad u in scumond da contact e d'areal u sch' el refusa l'assistenza da rehabilitaziun ch' è colliada cun in tal scumond u sche l'assistenza da rehabilitaziun na po betg pli vegnir realisada u n'è betg pli necessaria, suttametta l'autorità cumpetenta in rapport al derschader u a las autoritads d'execuziun. Il derschader u l'autorità d'execuziun po abolir l'assistenza da rehabilitaziun u ordinar ina nova.

⁹⁷ Abolì tras la cifra I 1 da la LF dals 16 da mars 2018 (realisaziun da l'art. 123c Cst.), cun effect dapi il 1. da schan. 2019 (AS 2018 3803; BBI 2016 6115).

⁹⁸ Versiun tenor la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBI 2016 6115).

⁹⁹ Integrà tras la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBI 2016 6115).

^{7bis} L'autorità d'execuziun po ordinar in'assistenza da rehabilitaziun per l'entira durada dal scumond d'actività u dal scumond da contact e d'areal.¹⁰⁰

⁸ Sch'il sentenzià refusa l'assistenza da rehabilitaziun durant il temp d'emprova, è applitgabel l'artitgel 95 alineas 4 e 5.

⁹ Sch'il sentenzià n'observa betg in scumond d'actività u in scumond da contact e d'areal durant il temp d'emprova, èn applitgabels l'artitgel 294 e las disposiziuns davart la revocaziun d'in chastis cundiziunà u da la part cundiziunada d'in chastis sco er las disposiziuns davart la represa da l'execuziun da chastis e da mesiras.

Art. 67^d¹⁰¹

Midada d'in scumond u ordinaziun posteriura d'in scumond

¹ Sch'i sa mussa durant l'execuziun d'in scumond d'actività u d'in scumond da contact e d'areal ch'il delinquent ademplescha las premissas per extender il scumond u per pronunziar in ulteriur scumond da tal gener, po il derschader extender posteriuramain il scumond u ordinar posteriuramain in scumond supplementar sin proposta da las autoritàs d'execuziun.

² Sch'i sa mussa durant l'execuziun d'in chastis u d'ina mesira da detenziun ch'il delinquent ademplescha las premissas per in scumond tenor l'artitgel 67 alineas 1 u 2 u tenor l'artitgel 67b, po il derschader ordinar posteriuramain quest scumond sin proposta da l'autorità d'execuziun.

Art. 67^e¹⁰²

3. Scumond da manischar

Sch'il delinquent ha utilisà in vehichel a motor per commetter in crim u in delict e sch'ins sto temair ch'el fetschia ulteriurs abus, po il derschader ordinar – ultra d'in chastis u d'ina mesira tenor ils artitgels 59–64 – la retratga dal permiss per emprendre a manischar u dal permiss da manischar per ina durada dad 1 mais fin 5 onns.

Art. 67^f¹⁰³

Art. 68

4. Publicaziun da la sentenzaia

¹ Sche l'interess public, l'interess dal violà u l'interess da la persuna che ha il dretg da purtar plant pretenda quai, ordinescha il derschader la publicaziun da la sentenzaia penala sin donn e cust dal sentenzià.

¹⁰⁰ Integrà tras la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBl 2016 6115).

¹⁰¹ Integrà tras la cifra I 1 da la LF dals 13 da dec. 2013 davart il scumond d'actività e davart il scumond da contact e d'areal, en vigur dapi il 1. da schan. 2015 (AS 2014 2055; BBl 2012 8819).

¹⁰² Oriundamain: art. 67b.

¹⁰³ Senza object tenor la cifra IV 1 da la LF dals 19 da zer. 2015 (midadas dal dretg da sancziuns), cun effect dapi il 1. da schan. 2018 (AS 2016 1249; BBl 2012 4721).

² Sche l'interess public, l'interess da l'acquittà u l'interess dal distgargià pretenda quai, ordinescha il derschader la publicaziun d'ina sentenza acquittanta u d'ina disposiziun da sistida da l'autorità da persecuziun penala sin donn e cust dal stadi u dal denunziant.

³ La publicaziun en l'interess dal violà, da la persuna che ha il dretg da purtar plant, da l'acquittà u dal distgargià ha lieu mo sin lur dumonda.

⁴ Il derschader fixescha il gener e la dimensiun da la publicaziun.

Art. 69

5. Confiscaziun.
a. Confiscaziun
d'objects privlus

¹ Independentamain da la chastiablada d'ina tscherta persuna dispona il derschader la confiscaziun d'objects che han servì u ch'eran destinads a commetter in malfatg u ch'èn vegnidas acquistadas tras in malfatg, sche quests objects pericliteschan la segirezza d'umans, la moralà u l'urden public.

² Il derschader po ordinar ch'ils objects confiscads vegnian mess ord diever u vegnian destruids.

Art. 70

b. Confiscaziun
da valurs da
facultad.
Princip

¹ Il derschader dispona la confiscaziun da valurs da facultad ch'èn vegnidas acquistadas tras in malfatg u ch'eran destinadas ad incitar in delinquent u a remunerar in malfatg, nun ch'ellas vegnian surdadas al violà per restabilir il stadi legal.

² La confiscaziun è esclusa, sch'ina terza persuna ha acquistà las valurs da facultad senza enconuscher ils motivs per lur confiscaziun, uschenavant ch'ella ha furnì ina cuntraprestaziun equivalenta per ellas u uschenavant che la confiscaziun fiss ina direzza sproporziunada per ella.

³ Il dretg d'ordinar la confiscaziun surannescha suenter 7 onns; sche la persecuziun dal malfatg è dentant suttamessa ad in termin da surannaziun pli lung, vegn quel applitgà er per la confiscaziun.

⁴ La confiscaziun sto vegnir publicgada uffizialmain. Ils dretgs da personas violadas u da terzas personas extinguan 5 onns suenter questa publicaziun uffiziala.

⁵ Sche la dimensiun da las valurs da facultad che duain vegnir confiscadas na po betg vegnir eruida u po vegnir eruida mo cun meds sproporziunads, la po il derschader laschar stimar.

Art. 71

Pretensiun
d'indemnisaziun

¹ Sche las valurs da facultad che duain vegnir confiscadas n'èn betg pli avant maun, pronunzia il derschader ina pretensiun d'indemnisaziun dal stadi da la medema autezza; vers ina terza persuna po ina tala dentant vegnir pronunziada mo, uschenavant che quai n'è betg exclus tenor l'artitgel 70 alinea 2.

² Il derschader po desister dal tuttafatg u per part d'ina pretensiun d'indemnisaziun, sche quella fiss previsiblaimain nunincassabla u impediss seriusamain la reintegraziun dal pertutgà.

³ En vista a l'execuziun d'ina pretensiun d'indemnisaziun po l'autorità d'inquisiziun sequestrar valurs da facultad dal pertutgà. La sequestraziun na constituescha nagin privilegi a favur dal stadi en il rom da l'execuziun sfurzada da la pretensiun d'indemnisaziun.

Art. 72¹⁰⁴

Confiscaziun da valurs da facultad d'ina organisaziun criminala u terroristica

Il derschader dispona la confiscaziun da tut las valurs da facultad, da las qualas in'organisaziun criminala u terroristica ha la pussanza da disponer. En cas da valurs da facultad d'ina persuna che sa participescha u che ha sustegnì ina tala organisaziun (art. 260^{ter}), vegni supponì che l'organisaziun criminala haja la pussanza da disponer, fin ch'igl è cumprovà il cuntrari.

Art. 73

6. Utilisaziun a favur dal donnegià

¹ Sch'insatgi subescha – tras in crim u tras in delict – in donn che n'è betg cuvert tras in'assicuranza, e sch'ins sto temair ch'il delinquent na vegnia ni ad indemniser il donn ni a prestar ina satisfacziun, conceda il derschader al donnegià, sin sia dumonda, fin a l'autezza da l'indemnisaziun respectivamain da la satisfacziun, ch'èn vegnidas fixadas tras il derschader u tras ina enclegientscha:

- a. la summa dal chasti pecuniar u da la multa ch'è vegnida pajada dal sentenzià;
- b. objects e valurs da facultad confiscads u il retgav da lur utilisaziun, cun deducziun da las spesas;
- c. pretensiuns d'indemnisaziun;
- d. l'import da la cauziun preventiva.

² Il derschader po dentant mo ordinar questa utilisaziun a favur dal donnegià, sch'il donnegià ceda al stadi la part correspondent da sias pretensiuns.

³ Per il cas che questa concessiun n'è betg gia pussaivla en la sentenza penala, prevesan ils chantuns ina procedura simpla e speditiva.

¹⁰⁴ Versiun tenor la cifra II 2 da l'aggiunta dal COF dals 25 da sett. 2020 davart l'approvaziun e la realisaziun da la Convenziun dal Cussegl da l'Europa per la prevenziun dal terrorissem e da ses protocol supplementar sco er davart il rinforzament da l'instrumentari penal cunter il terrorissem e la criminalità organisada, en vigur dapi il 1. da fan. 2021 (AS 2021 360; BB1 2018 6427).

Quart titel: Execuziun da chastis e da mesiras da detenziun

Art. 74

1. Princip
d'execuziun

La dignitad umana dal praschunier u da la persona collocada sto vegnir respectada. Ses dretgs dastgan vegnir restrenschiids mo, uschenavant che la privaziun da la libertad e che la vita cuminaivla en l'instituziun d'execuziun pretendan quai.

Art. 75

2. Execuziun
da chastis da
detenziun.
Princip

¹ L'execuziun da chastis sto promover il cumportament social dal praschunier, en spezial l'abilitad da viver senza commetter malfatgs. L'execuziun da chastis sto correspunder uschè bain sco pussaivel a las relaziuns generalas da vita, garantir l'assistenza dal praschunier, cum-batter consequenzas nuschaivlas da la privaziun da la libertad e tegnair quint adequatamain da la protecziun da la publicitad, dal personal d'execuziun sco er dals cumpraschuniers.

2 ...¹⁰⁵

³ L'urden dal stabiliment prevesa ch'i vegnia stabili in plan d'execuziun ensemen cun il praschunier. Quest plan cuntegna en spezial las indicaziuns davart la puschida d'assistenza, davart las pussaivladads da lavur sco er da scolaziun e da furnaziun supplementara, davart l'indemnisaziun, davart las relaziuns cun il mund exterior e davart la preparaziun da la relaschada.

⁴ Il praschunier sto cooperar activamain tar las stentas da socialisaziun e tar las preparaziuns da la relaschada.

⁵ I sto vegnir tegnì quint dals giavischs e dals basegns dals praschuniers ch'èn specifics per las schlattainas.

⁶ Sch'il praschunier vegn relaschà cundiziunadamain u definitivamain e sch'i sa mussa pli tard ch'igl era avant maun – il mument da sia relaschada – ina sentenza cunter el ch'avess pudì vegnir exequida cun in chasti da detenziun, stoi vegnir desisti d'exequir quest chasti, sche:

- a. el n'è betg vegnì exequì ensemen cun l'auter chasti da detenziun pervia d'in motiv responsà da las autoritads d'execuziun;
- b. il delinquent ha pudì partir da buna fai dal fatg ch'i na dettia – il mument da sia relaschada – nagina ulteriura sentenza cunter el che pudess vegnir exequida cun in chasti da detenziun; e
- c. la reintegraziun dal delinquent vegniss messa en dumonda qua tras.

¹⁰⁵ Aboli tras la cifra II 8 da l'aggiunta 1 dal Cudesch da procedura penala dals 5 d'oct. 2007, cun effect dapi il 1. da schan. 2011 (AS 2010 1881; BBI 2006 1085).

Art. 75a¹⁰⁶

Mesiras da
segirezza
spezialas

¹ La cumissiun tenor l'artitgel 62d alinea 2 giuditgescha – en vista a la collocaziun en in stabiliment da retenziun avert ed a la permissiun da schluccadas da l'execuziun –, sch'il delinquent è in privel per la publicitad, sche:

- a. quel ha commess in crim tenor l'artitgel 64 alinea 1; e
- b. l'autorità d'execuziun na po betg giuditgar definitivamain, sch'il praschunier è in privel per la publicitad.

² Schluccadas da l'execuziun èn en spezial la dischlocaziun en in stabiliment avert, la concessiun da congedi, l'admissiun a la lavur en l'externat u a l'alloschi en l'externat e la relaschada cundiziunada.

³ In praschunier è in privel per la publicitad, sch'ins sto temair ch'il praschunier fugia e ch'el commettia ulteriurs malfatgs, cun ils quals el periclitescha grevamain l'integritad fisica, psichica u sexuala d'ina autra persuna.

Art. 76

Lieu d'execuziun

¹ Chastis da detenziun vegnan exequids en in stabiliment da retenziun serrà u avert.

² Il praschunier vegn collocà en in stabiliment da retenziun serrà u en ina partiziun serrada d'in stabiliment da retenziun avert, sch'ins sto temair ch'el fugia u ch'el commettia ulteriurs malfatgs.

Art. 77

Execuziun
normala

Il praschunier passenta ses temp da lavur e da paus sco er ses temp liber per regla en il stabiliment.

Art. 77a

Lavur ed alloschi
en l'externat

¹ Il chasti da detenziun vegn exequi en furma da lavur en l'externat, sch'il praschunier ha expià ina part dal chasti da detenziun, per regla almain la mesad, e sch'ins na sto betg temair ch'el fugia u ch'el commettia ulteriurs malfatgs.

² Il praschunier lavura en l'externat ordaifer il stabiliment e passenta il temp da paus ed il temp liber en il stabiliment. La midada a la lavur en l'externat vegn fatga per regla suenter ch'il praschunier è stà durant in temp adequat en il stabiliment avert u en la partiziun averta d'in stabiliment serrà. Sco lavurs ordaifer il stabiliment valan er la lavur da tegnairchasa e la tgira dals uffants.

¹⁰⁶ Versiun tenor la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS 2006 3539; BBl 2005 4689).

³ Sch'il praschunier sa cumprova a la lavur en l'externat, ha l'ulteriura executiun lieu en furma da lavur e d'alloschi en l'externat. Il praschunier abita e lavura ordaifer il stabiliment, suttastat dentant vinavant a l'autorità d'execuziun.

Art. 77^{b107}

Mesa-praschunia ¹ Sin dumonda dal sentenzià po in chasti da detenziun da maximalmain 12 mais u in chasti restant da maximalmain 6 mais che resulta sunter l'imputaziun da l'arrest d'inquisiziun vegnir exequì en furma da la mesa-praschunia:

- a. sch'ins na sto betg temair ch'il sentenzià fugia u ch'el commettia ulteriurs malfatgs; e
- b. sch'il sentenzià ha ina lavur, fa ina scolaziun u ha in'occupaziun reglada d'almain 20 uras per emna.

² Il praschunier cuntinuescha cun sia lavur, cun sia scolaziun u cun sia occupaziun ordaifer il stabiliment e passenta il temp da paus ed il temp liber en il stabiliment.

³ La mesa-praschunia po vegnir exequida en ina partiziun speziala d'ina praschun d'inquisiziun, sche l'assistenza necessaria dal sentenzià è garantida.

⁴ Sch'il sentenzià n'ademplescha betg pli las premissas da la permissiun u sch'el n'expiescha la mesa-praschunia – malgrà in'admoniziun – betg tenor las cundiziuns e las pretensiuns fixadas da l'autorità d'execuziun, vegn exequì il chasti da detenziun en l'execuziun normala.

Art. 78

Arrest isolà L'arrest isolà sco separaziun permanenta dals ulteriurs praschuniers dastga vegnir ordinà mo:

- a. al cumenzament da l'execuziun dal chasti e per introducir l'execuziun per ina durada maximala dad 1 emna;
- b. per proteger il praschunier u terzas personas;
- c. sco sancziun disciplinara;
- d.¹⁰⁸ per impedir che cumpraschuniers vegnian influenzads tras ideologias che pon promover l'execuziun d'activitads terroristicas, premess ch'i sajan avant maun indizis concrets per ina tala influenza.

¹⁰⁷ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

¹⁰⁸ Integrà tras la cifra I 6 da la LF dals 25 da sett. 2020 davart las mesiras polizialas per cumbatter cunter il terrorissem, en vigur dapi il 1. da zer. 2022 (AS 2021 565; 2022 300; BBI 2019 4751).

Art. 79¹⁰⁹**Art. 79a¹¹⁰**

Lavor d'utilitad publica

¹ Sch'ins na sto betg temair ch'il sentenzià fugia u ch'el commettia ulteriurs malfatgs, pon – sin dumonda dal sentenzià – ils suandants chastis vegnir exequids en furma da lavor d'utilitad publica:

- a. in chastis da detenziun da maximalmain 6 mais;
- b. in chastis restant da maximalmain 6 mais che resulta suenter l'imputaziun da l'arrest d'inquisiziun; u
- c. in chastis pecuniar u ina multa.

² La lavor d'utilitad publica è esclusa per exequir in chastis da detenziun subsidiar.

³ La lavor d'utilitad publica sto vegnir prestada a favur d'instituziuns socialas, d'ovras d'interess public u da persunas basegnusas. Ella vegn prestada gratuitamain.

⁴ 4 uras da lavor d'utilitad publica correspundan ad 1 di d'in chastis da detenziun, ad ina taxa per di d'in chastis pecuniar u ad 1 di d'in chastis da detenziun subsidiar en cas da surpassaments.

⁵ L'autorità d'execuziun fixescha in termin da maximalmain 2 onns per il sentenzià per prestar la lavor d'utilitad publica. Il termin per exequir ina multa tras lavor d'utilitad publica importa maximalmain 1 onn.

⁶ Sch'il sentenzià na presta la lavor d'utilitad publica – malgrà in'admoniziun – betg tenor las cundiziuns e las pretensiuns fixadas da l'autorità d'execuziun u betg entaifer il termin previs, vegn exequi il chastis da detenziun en l'execuziun normala u en furma da la mesa-raschunia u vegn incassà il chastis pecuniar u la multa.

Art. 79b¹¹¹

Survegianza electronica

¹ Sin dumonda dal sentenzià po l'autorità d'execuziun ordinar l'aplicaziun d'apparats electronics ch'èn colliads fixamain cun il corp dal sentenzià (survegianza electronica):

- a. per exequir in chastis da detenziun u in chastis da detenziun subsidiar da 20 dis fin 12 mais; u
- b. empè da la lavor en l'externat u da la lavor e da l'alloschi en l'externat per la durada da 3 fin 12 mais.

¹⁰⁹ Aboli tras la cifra I 1 da la LF dals 19 da zer. 2015 (midadas dal dretg da sancziuns), cun effect dapi il 1. da schan. 2018 (AS 2016 1249; BBI 2012 4721).

¹¹⁰ Integrà tras la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

¹¹¹ Integrà tras la cifra I 1 da la LF dals 19 da zer. 2015 (midadas dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

² Ella po ordinar la surveglianza electronica mo:

- a. sch'ins na sto betg temair ch'il sentenzià fugia u ch'el commettia ulteriurs malfatgs;
- b. sch'il sentenzià ha in alloschi fix;
- c. sch'il sentenzià ha ina lavur, fa ina scolaziun u ha in'occupaziun reglada d'almain 20 uras per emna u sch'igl è pussaivel da l'attribuir ina tala activitad;
- d. sche las personas creschidas che vivan en la medema abitaziun sco il sentenzià dattan lur consentiment; e
- e. sch'il sentenzià approvescha il plan d'execuziun ch'è vegnì elavurà per el.

³ Sche las premissas tenor l'alineia 2 litera a, b u c n'èn betg pli ademplidas u sch'il sentenzià violescha sias obligaziuns fixadas en il plan d'execuziun, po l'autorità d'execuziun terminar l'execuziun en furma da la surveglianza electronica ed ordinar ch'il chasti da detenziun vegnia exequi en l'execuziun normala u en furma da la mesa-praschunia u restrenscher il temp liber concedì al sentenzià.

Art. 80

Furmas
d'execuziun
divergentas

¹ Da las reglas che valan per l'execuziun dastgi vegnir divergià a favur dal praschunier:

- a. sche la sanadad dal praschunier pretenda quai;
- b. en cas da gravidanza, da naschientscha e per il temp gist sunter la naschientscha;
- c. per collocar cuminaivlamain la mamma e l'uffant pitschen, sche quai è er en l'interess da l'uffant.

² Sch'il chasti na vegn betg exequi en in stabiliment da retenziun, mabain en in'otra instituziun adattada, suttastat il praschunier al reglament da questa instituziun, nun che l'autorità d'execuziun disponia insatge auter.

Art. 81

Lavur

¹ Il praschunier è obligà da lavurar. La lavur sto correspunder – tant sco pussaivel – a sias abilitads, a sia scolaziun ed a ses interess.

² Cun ses consentiment po il praschunier lavurar tar in patrun privat.

Art. 82

Scolaziun
e furnaziun
supplementara

Sch'il praschunier è qualifitgà, stoi vegnir dà ad el – sche pussaivel – l'ocasiun d'absolver ina scolaziun ed ina furnaziun supplementara che correspunda a sias abilitads.

Art. 83

Salari

¹ Il praschunier survegn in salari ch'è dependent da sia prestaziun ed adattà a las circumstanzas.

² Durant l'execuziun po il praschunier disponer libramain mo d'ina part da ses salari. Cun l'autra part vegn furmada ina reserva per il temp suenter sia relaschada. Il salari na dastga vegnir ni impegnà ni sequestrà ni integrà en ina massa da concurs. La cessiun e l'impegnaziun dal salari èn nunvalaivlas.

³ Sch'il praschunier sa participescha ad ina scolaziun ed ad ina furmaziun supplementara, ch'il plan d'execuziun prevesa empè d'ina lavur, survegn el ina indemnizaziun adequata.

Art. 84Relaziuns cun
il mund exteriur

¹ Il praschunier ha il dretg da retschaiver visitas e da tgirar contacts cun persunas d'ordaifer il stabiliment. Il contact cun persunas che stattan datiers sto vegnir facilità.

² Il contact po vegnir controllà e restrenschi u scumandà per proteger l'urden e la segirezza dal stabiliment da retenziun. In n'è betg admiss da survegliar las visitas, senza che las persunas partecipadas sappian quai. Resalvadas restan mesiras da la procedura penala per garantir la persecuziun penala.

³ A spirituals, a medis, ad advocats, a notars ed ad avugads sco er a persunas cun incumbensas sumegliantas poi vegnir permess d'avair libramain contact cun ils praschuniers entaifer l'urden general dal stabiliment.

⁴ Il contact cun defensurs sto vegnir permess. Las visitas dal defensur dastgan vegnir survegliadas, ils discurs na dastgan dentant betg vegnir tadlads. L'examinaziun dal cuntegn da la corrispondenza e da scrittiras da l'avocat è scumandada. En cas d'abus po l'autoritàd cumpetenta scumandar il contact cun l'avocat.

⁵ Il contact cun las autoritàds da surveglianza na dastga betg vegnir controllà.

⁶ Al praschunier poi vegnir concedì in congedi en ina dimensiun adequata per tgirar las relaziuns cun il mund exteriur, per preparar sia relaschada u per motivs speziels, nun che ses cumportament durant l'execuziun dal chasti s'opponia a quai e nun ch'ins stoppia temair ch'el fugia u ch'el commettia ulteriurs malfatgs.

^{6bis} A praschuniers che vegnan internads per vita durante na vegnan concedids nagins congedis u autras schlucadas da l'execuziun durant l'execuziun dal chasti che preceda l'internament.¹¹²

¹¹² Integrà tras la cifra I da la LF dals 21 da dec. 2007 (internament da delinquents privlus per vita durante), en vigur dapi il 1. d'avust 2008 (AS 2008 2961; BBI 2006 889).

⁷ Resalvads restan l'artitgel 36 da la convenziun da Vienna dals 24 d'avrigl 1963¹¹³ davart las relaziuns consularas sco er autras reglas dal dretg internaziunal davart las visitas e davart la correspundenza ch'èn liantas per la Svizra.

Art. 85

Controllas e perquisiziuns

¹ Ils effects persunals e l'alloschi dal praschunier pon vegnir perquirids per proteger l'urden e la segirezza dal stabiliment da retenziun.

² Tar il praschunier che vegn suspectà da zuppar objects scumandads sin sai u en ses corp, poi vegnir fatg ina perquisiziun corporala. Quella sto vegnir fatga d'ina persuna da la medema schlattaina. Sch'il praschunier sto sa svestgir per quest intent, fa el quai en absenza dals auters praschuniers. Perquisiziuns corporalas internas ston vegnir fatgas d'in medi u d'auter persunal medicinal.

Art. 86

Relaschada cundiziunada.
a. Concessiun

¹ Sch'il praschunier ha expià dus terzs da ses chasti, almain dentant 3 mais, al sto l'autorità cumpetenta relaschar cundiziunadamain, sche ses cumportament durant l'execuziun da ses chasti giustifitgescha quai e sch'ins na sto betg temair ch'el commettia ulteriurs crims u delicts.

² L'autorità cumpetenta examinescha d'uffizi, sch'il praschunier po vegnir relaschà cundiziunadamain. Ella consultescha in rapport da la direziun dal stabiliment. Il praschunier sto vegnir tadlà.

³ Sche la relaschada cundiziunada vegn refusada, sto l'autorità cumpetenta examinar danovamain almain ina giada per onn, sch'ella po vegnir concedida.

⁴ Sch'il praschunier ha expià la mesadad da ses chasti, almain dentant 3 mais, po el excepziunalmain vegnir relaschà cundiziunadamain, sche circumstanzas extraordinarias che dependan da la persuna dal praschunier giustifitgeschan quai.

⁵ En cas d'in chasti da detenziun per vita duranta è la relaschada cundiziunada tenor l'aleina 1 pussaivla il pli baud suenter 15 onns, quella tenor l'aleina 4 il pli baud suenter 10 onns.

Art. 87

b. Temp d'emprova

¹ A la persuna che vegn relaschada cundiziunadamain vegn adossà in temp d'emprova. La durada corresponda al rest dal chasti. Ella importa dentant almain 1 onn e maximalmain 5 onns.

² L'autorità d'execuziun ordinescha per regla per la durada dal temp d'emprova in'assistenza da rehabilitaziun. Quella po dar directives a la persuna ch'è vegnida relaschada cundiziunadamain.

³ Sch'igl ha gi lieu ina relaschada cundiziunada or d'in chasti da detenziun, il qual è vegni ordinà pervia d'in malfatg tenor l'artitgel 64 alinea 1, e sch'i para a la fin dal temp d'emprova che l'assistenza da rehabilitaziun u che las directivas sajan necessarias er vinavant per impedir ulteriurs malfatgs da quest gener, po il derschader – sin dumonda da l'autorità d'execuziun – prolungar l'assistenza da rehabilitaziun u las directivas mintgamai per 1 fin 5 onns u ordinar novas directivas per quest temp. La reintegraziun en l'execuziun da chastis u da mesiras tenor l'artitgel 95 alinea 5 n'è betg pussaivla en quest cas.

Art. 88

c. Success dal temp d'emprova

Sche la persuna ch'è vegnida relaschada cundiziunadamain sa cumprova fin a la fin dal temp d'emprova, è ella relaschada definitivamain.

Art. 89

d. Nunsuccess dal temp d'emprova

¹ Sche la persuna ch'è vegnida relaschada cundiziunadamain commetta in crim u in delict durant il temp d'emprova, ordinescha il derschader ch'è stà competent per giuditgar l'emprim malfatg la reintegraziun.

² Sch'ins na sto betg temair – malgrà il crim u il delict commess durant il temp d'emprova – ch'il sentenzià commettia ulteriurs malfatgs, desista il derschader da la reintegraziun. El po admonir il sentenzià u prolungar il temp d'emprova per maximalmain la mesadad da la durada che l'autorità competent aveva fixà oriundamain. Sche la prolungaziun vegn ordinada pir suenter ch'il temp d'emprova è scadi, cumenza ella il di da l'ordinaziun. Las disposiziuns davart l'assistenza da rehabilitaziun e davart las directivas èn applitgables (art. 93–95).

³ Sche la persuna ch'è vegnida relaschada cundiziunadamain sa sustira da l'assistenza da rehabilitaziun u sch'ella cuntrafa a las directivas, è applitgabel l'artitgel 95 alineas 3–5.

⁴ La reintegraziun na dastga betg pli vegnir ordinada, sch'i è passads 3 onns dapi ch'il temp d'emprova è scadi.

⁵ L'arrest d'inquisiziun ch'il delinquent ha expià durant la procedura da la reintegraziun sto vegnir mess a quint al rest dal chasti.

⁶ Sche las premissas per in chasti da detenziun nuncundiziunà èn ademplidas sin basa dal nov malfatg e sche quest chasti coincide cun in chasti restant ch'è daventà exequibel pervia da la revocaziun, furma il derschader in chasti total en applicaziun da l'artitgel 49. Per quest chasti èn puspè applitgables las reglas da la relaschada cundiziunada. Sch'i vegn exequì mo il chasti, è applitgabel l'artitgel 86 alineas 1–4.

⁷ Sch'in chasti restant ch'è daventà exequibel pervia da la reintegraziun coincide cun l'execuziun d'ina mesira tenor ils artitgels 59–61, è applitgabel l'artitgel 57 alineas 2 e 3.

Art. 90

3. Execuziun
da mesiras

¹ Ina persuna ch'expiescha ina mesira tenor ils artitgels 59–61, dastga vegnir separada da l'alloschi da las autras persunas collocadas mo, sche quai è indispensabel:

- a. sco mesira terapeutica provisorica;
- b. per proteger la persuna collocada u terzas persunas;
- c. sco sancziun disciplinara;
- d.¹¹⁴ per impedir che autras persunas collocadas vegnian influenzadas tras ideologias che pon promover l'execuziun d'activitads terroristicas, premess ch'i sajan avant maun indizis concrets per ina tala influenza.

² Al cumenzament da l'execuziun da la mesira vegn fatg in plan d'execuziun ensemen cun la persuna collocada u cun ses represchentant legal. Quest plan cuntegna en spezial indicaziuns davart il tractament dal disturbi psychic, da la dependenza u dal disturbi en il svilup da la persuna collocada sco er indicaziuns per evitar ina periclitaziun da terzas persunas.

^{2bis} Mesiras tenor ils artitgels 59–61 e 64 pon vegnir exequidas en furma da lavur e d'alloschi en l'externat, sch'i èn avant maun perspectives motivadas che quai gidia essenzialmain a cuntanscher l'intent da la mesira e sch'ins na sto betg temair che la persuna collocada fugia u commettia ulteriurs malfatgs. L'artitgel 77a alineas 2 e 3 vala conform al senn.¹¹⁵

³ Sche la persuna collocada è abla da lavurar, vegn ella obligada da prestar lavur, uschenavant che ses tractament staziunar u sia tgira pretenda u permetta quai. Ils artitgels 81–83 èn applitgabels conform al senn.

⁴ Per las relaziuns da la persuna collocada cun il mund exterior vala l'artitgel 84 conform al senn, nun ch'i dettia motivs dal tractament staziunar che pretendan restricziuns pli severas.

^{4bis} Per la collocaziun en ina instituziun averta e per la permissiun da schluccadas da l'execuziun vala l'artitgel 75a conform al senn.¹¹⁶

^{4ter} Durant l'internament per vita duranta na vegnan permess nagins congedis u autras schluccadas da l'execuziun.¹¹⁷

¹¹⁴ Integrà tras la cifra I 6 da la LF dals 25 da sett. 2020 davart las mesiras polizialas per cumbatter cunter il terrorissem, en vigur dapi il 1. da zer. 2022 (AS 2021 565; 2022 300; BBI 2019 4751).

¹¹⁵ Integrà tras la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS 2006 3539; BBI 2005 4689).

¹¹⁶ Integrà tras la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS 2006 3539; BBI 2005 4689).

¹¹⁷ Integrà tras la cifra I da la LF dals 21 da dec. 2007 (internament da delinquents privlus per vita duranta), en vigur dapi il 1. d'avust 2008 (AS 2008 2961; BBI 2006 889).

⁵ Per controllas e per perquisiziuns vala l'artigel 85 conform al senn.

Art. 91

4. Disposiziuns
cuminaivlas.
Dretg disciplinar

¹ Cunter praschuniers e cunter persunas collocadas che cuntrafan en moda culpaivla a las prescripziuns u al plan d'execuziun pon vegnir pronunziadas sancziuns disciplinaras.

² Sancziuns disciplinaras èn:

- a. la reprimanda;
- b. la privaziun temporara u la restricziun da la disponibladad da meds finansials, d'activitads da temp liber u da contacts cun il mund exterior;
- c.¹¹⁸ la multa; sco er
- d.¹¹⁹ l'arrest sco ulteriura restricziun da la libertad.

³ Ils chantuns relaschan in dretg disciplinar per l'execuziun da chastis e da mesiras. Quel circumscriva ils causals disciplinars, fixescha las sancziuns e la moda da lur determinaziun e regla la procedura.

Art. 92

Interrupziun
da l'execuziun

L'execuziun da chastis e da mesiras dastga vegnir interrupta per motivs impurtants.

Art. 92a¹²⁰

Dretg
d'infurmaziun

¹ Las victimas ed ils confamigliars da la victima en il senn da l'artigel 1 alineas 1 e 2 da la Lescha dals 23 da mars 2007¹²¹ davart l'agid a victimas (LAVi) sco er terzas persunas, uschenavant ch'ellas han in interess degn da vegnir protegi, pon pretender cun ina dumonda en scrit da vegnir infurmads tras l'autorità d'execuziun:

- a. davart il mument ch'il sentenzià cumenza il chasti u la mesira, davart l'instituziun d'execuziun, davart la furma d'execuziun, uschenavant ch'ella divergescha da l'execuziun normala, davart interrupziuns da l'execuziun, davart schluccadas da l'execuziun (art. 75a al. 2), davart ina relaschada cundiziunada u definitiva sco er davart la represa da l'execuziun da chastis u da mesiras;
- b. immediatamain davart in'eventuala fugia dal sentenzià e davart la fin da tala.

¹¹⁸ Integrà tras la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS 2006 3539; BBl 2005 4689).

¹¹⁹ Oriundamain lit. c.

¹²⁰ Integrà tras la cifra I 1 da la LF dals 26 da sett. 2014 davart il dretg da la victima da survegnir infurmaziuns, en vigur dapi il 1. da schan. 2016 (AS 2015 1623; BBl 2014 889 913). Guardar er la disp. trans. da questa midada a la fin dal text.

¹²¹ SR 312.5

² L'autorità d'execuziun decida davart la dumonda suenter avair tadlà il sentenzià.

³ Ella po refusar l'infurmaziun u revocar ina decisiun d'infurmaziun precedenta mo, sch'in interess predominant dal sentenzià giustificgescha quai.

⁴ Sche l'autorità d'execuziun approvescha ina dumonda, renda ella attenta la persuna che ha il dretg da survegnir las infurmaziuns che las infurmaziuns communitgadas sajan confidenzialas. Persunas che han il dretg d'agid a victimas tenor la LAVi n'han betg in'obligaziun da confidenzialità envers il cussegliaier d'in post da cussegliaziun tenor l'artitgel 9 LAVi.

Tschintgavel titel: Assistenza da rehabilitaziun, directives ed assistenza sociala voluntara

Art. 93

Assistenza da
rehabilitaziun

¹ L'assistenza da rehabilitaziun duai preservar las persunas assistidas da recidivas e promover lur integraziun sociala. L'autorità ch'è cumpetenta per l'assistenza da rehabilitaziun presta e procura l'agid social e specific ch'è necessari per quest intent.

² Persunas ch'èn activas en l'assistenza da rehabilitaziun, ston tegnair secret quai ch'ellas vegnan a savair tras lur actività. Ellas dastgan mo dar infurmaziuns a terzas persunas davart las relaziuns personalas da la persuna assistida, sche la persuna assistida u la persuna ch'è cumpetenta per l'assistenza da rehabilitaziun dat ses consentiment en scrit.

³ Las autoritàs da la procedura penala pon dumandar in rapport davart la persuna assistida a l'autorità ch'è cumpetenta per l'assistenza da rehabilitaziun.

Art. 94

Directivas

Las directives ch'il derschader u l'autorità d'execuziun po dar al sentenzià per il temp d'emprova pertutgan particularmain il pratitgar la professiun, la dimora, il manischar in vehichel a motor, l'indemnisaziun dal donn sco er l'assistenza medicinala e psicologica.

Art. 95

Disposiziuns
cuminaiavas

¹ Avant che decider davart l'assistenza da rehabilitaziun e davart las directives pon il derschader e l'autorità d'execuziun dumandar in rapport da l'autorità ch'è cumpetenta per l'assistenza da rehabilitaziun, per la controlla da las directives u per l'execuziun dals scumonds d'actività u dals

scumonds da contact e d'areal.¹²² Il pertutgà po prender posiziun davart quest rapport. Posiziuns divergentas ston vegnir menziunadas en il rapport.

² L'assistenza da rehabilitaziun e las directivas ston vegnir ordinadas e motivadas en la sentenza u en la decisiun.

³ Sch'il sentenzià refusa l'assistenza da rehabilitaziun u sch'el violescha las directivas ubain sche l'assistenza da rehabilitaziun u las directivas na pon betg pli vegnir realisadas u n'èn betg pli necessarias, preschenta l'autorità cumpetenta in rapport al derschader u a las autoritads d'execuziun.

⁴ En ils cas tenor l'alineia 3 po il derschader u l'autorità d'execuziun:

- a. prolongar il temp d'emprova per la mesadad;
- b. abolir l'assistenza da rehabilitaziun u l'ordinar da nov;
- c. midar las directivas, las abolir u ordinar novas.

⁵ En ils cas tenor l'alineia 3 po il derschader revocar il chasti cundiziunà u ordinar la reintegraziun en l'execuziun da chastis u da mesiras, sch'igl è da temair seriusamain ch'il sentenzià commettia novs malfatgs.

Art. 96

Assistenza
sociala

Per la durada da la procedura penala e da l'execuziun dal chasti mettan ils chantuns a disposiziun in'assistenza sociala che las persunas perturgadas pon utilizar voluntarmain.

Sisavel titel: Surannaziun

Art. 97

1. Surannaziun
da la persecuziun
penala.
Termins

¹ La persecuziun penala surannescha:

- a. suenter 30 onns, sch'il chasti maximal smanatschà è in chasti da detenziun per vita duranta;
- b. suenter 15 onns, sch'il chasti maximal smanatschà è in chasti da detenziun da passa 3 onns;
- c. suenter 10 onns, sch'il chasti maximal smanatschà è in chasti da detenziun da 3 onns;
- d. suenter 7 onns, sch'il chasti maximal smanatschà è in auter chasti.¹²³

¹²² Versiun tenor la cifra I 1 da la LF dals 13 da dec. 2013 davart il scumond d'activitad e davart il scumond da contact e d'areal, en vigur dapi il 1. da schan. 2015 (AS **2014** 2055; BBl **2012** 8819).

¹²³ Versiun tenor la cifra I 1 da la LF dals 21 da zer. 2013 (prolungaziun da la surannaziun da la persecuziun penala), en vigur dapi il 1. da schan. 2014 (AS **2013** 4417; BBl **2012** 9253).

² En cas dad acts sexuals cun uffants (art. 187) e cun personas dependentas (art. 188) sco er en cas da malfatgs tenor ils artitgels 111, 113, 122, 124, 182, 189–191, 195 e 197 alinea 3 che sa drizzan cunter in uffant sut 16 onns, dura la surannaziun da la persecuziun penala en mintga cas almain fin che la victima ha cumpleni 25 onns.¹²⁴

³ Sch'ina sentenza d'emprima istanza è vegnida pronunziada avant la scadenza dal termin da surannaziun, s'extingua la surannaziun.

⁴ La surannaziun da la persecuziun penala en cas d'acts sexuals cun uffants (art. 187) e cun personas minorennas dependentas (art. 188) sco er en cas da malfatgs tenor ils artitgels 111–113, 122, 182, 189–191 e 195 che sa drizzan cunter in uffant sut 16 onns, vegn calculada tenor ils alineas 1–3, sch'il malfatg è vegni commess avant l'entrada en vigur da la midada 5 d'october 2001¹²⁵ e sche la surannaziun da la persecuziun penala n'è anc betg scadida a questa data.¹²⁶

Art. 98

Cumenzament

La surannaziun cumenza:

- a. quel di ch'il delinquent commetta il malfatg;
- b. sch'il delinquent ha commess il malfatg en acts successivs, quel di ch'el ha commess l'ultim malfatg;
- c. sch'il cumportament chastiabel ha ina tscherta durada, quel di che quest cumportament finescha.

Art. 99

2. Surannaziun dal chasti.

Termins

¹ Ils chastis suranneschan en:

- a. 30 onns, sch'in chasti da detenziun per vita duranta è vegni pronunzià;
- b. 25 onns, sch'in chasti da detenziun per 10 onns u dapli è vegni pronunzià;
- c. 20 onns, sch'in chasti da detenziun d'almain 5 e da damain che 10 onns è vegni pronunzià;
- d. 15 onns, sch'in chasti da detenziun da dapli che 1 e da damain che 5 onns è vegni pronunzià;
- e. 5 onns, sch'in auter chasti è vegni pronunzià.

¹²⁴ Versiun tenor la cifra 1 da l'aggiunta dal COF dals 27 da sett. 2013 (Convenziun da Lanzarote), en vigur dapi il 1. da fan. 2014 (AS 2014 1159; BBI 2012 7571).

¹²⁵ AS 2002 2993

¹²⁶ Versiun tenor l'art. 2 cifra 1 dal COF dals 24 da mars 2006 davart l'approvaziun e la realisaziun dal protocol facultativ dals 25 da matg 2000 tar la Convenziun dals dretgs da l'uffant concernent la vendita d'uffants, la prostituziun d'uffants e la pornografia d'uffants, en vigur dapi il 1. da dec. 2006 (AS 2006 5437; BBI 2005 2807).

² Il termin da surannaziun d'in chasti da detenziun vegn prolungà:

- a. per la durada da l'execuziun nuninterrutta da quest chasti, d'in auter chasti da detenziun u d'ina mesira che vegn exequida directamain ordavant;
- b. per la durada dal temp d'emprova en cas d'ina relaschada cundiziunada.

Art. 100

Cumenzament

La surannaziun cumenza quel di che la sentenza daventa exequibla. En cas d'in chasti cundiziunà u da l'execuziun anteriura d'ina mesira, cumenza ella quel di che l'execuziun dal chasti vegn ordinada.

Art. 101

3. Nunsurannaziun

¹ Nunsurannabels èn:

- a. il genocid (art. 264);
- b. crims cunter l'umanitad (art. 264a al. 1 e 2);
- c. crims da guerra (art. 264c al. 1–3, 264d al. 1 e 2, 264e al. 1 e 2, 264f, 264g al. 1 e 2 e 264h);
- d. crims che han – sco med d'extorsion u da constringiun – periclità u smanatschà da periclitar il corp e la vita da bliers umans, particularmain cun far diever da meds da destrucziun en massa, cun chaschunar catastofas u cun prender ostagis;
- e.¹²⁷ acts sexuals cun uffants (art. 187 cifra 1), constringiuns sexualas (art. 189), violaziuns (art. 190), dischonuraziuns (art. 191), acts sexuals cun persunas ricoveradas, arrestadas, accusadas (art. 192 al. 1) e profitar da la situaziun d'urgenza (art. 193 al. 1), sche quests malfatgs èn vegnids commess cunter uffants sut 12 onns.¹²⁸

² Il derschader po levgiar il chasti, sche la persecuziun penala fiss surannada applitgond ils artitgels 97 e 98.

³ L'alinea 1 literas a, c e d sco er l'alinea 2 valan, sche la persecuziun penala u il chasti n'era anc betg surannà il 1. da schaner 1983 tenor il dretg applitgabel fin a quella data. L'alinea 1 litera b vala, sche la persecuziun penala u il chasti n'era anc betg surannà tenor il dretg vertent, cura che la midada dals 18 da zercladur 2010 da questa lescha è entrada en vigur. L'alinea 1 litera e vala, sche la persecuziun penala u il chasti

¹²⁷ Integrà tras la cifra I 1 da la LF dals 15 da zer. 2012 (nunsurannaziun da malfatgs sexuals e pornografics cunter uffants avant la pubertad), en vigur dapi il 1. da schan. 2013 (AS 2012 5951; BBI 2011 5977).

¹²⁸ Versiun tenor la cifra I 1 da la LF dals 18 da zer. 2010 davart la midada da leschas federalas per realisar il Statut da Roma da la Curt penala internaziunala, en vigur dapi il 1. da schan. 2011 (AS 2010 4963; BBI 2008 3863).

n'era anc betg surannà ils 30 da november 2008 tenor il dretg applitgabel fin a quella data.^{129 130}

Settavel titel: Responsabladad da l'interpresa

Art. 102

Chastiabladad

¹ Sch'i vegn commess en ina interpresa in crim u in delict exequind las fatschentas en il rom da l'intent da l'interpresa e sche quest malfatg na po betg vegnir attribui ad ina tscherta persuna natirala pervia d'ina organisaziun manglusa da l'interpresa, vegn il crim u il delict attribui a l'interpresa. En quest cas vegn l'interpresa chastiada cun ina multa fin a 5 milliuns francs.

² Sch'i sa tracta en quest connex d'in malfatg tenor ils artitgels 260^{ter}, 260^{quinquies}, 305^{bis}, 322^{ter}, 322^{quinquies}, 322^{septies} ainea 1 u 322^{octies}, vegn l'interpresa chastiada independentamain da la chastiabladad da persunas natiralas, sch'i sto vegnir renfatschà a l'interpresa ch'ella n'haja betg prendì tut las mesiras organisatoricas necessarias che pon vegnir pretendidas raschunaivlamain per evitar in tal malfatg.¹³¹

³ Il derschader fixescha la multa en spezial tenor la grevezza dal malfatg e tenor la grevezza da la mancanza organisatorica e dal donn chaschunà sco er tenor la capaciad economica da l'interpresa.

⁴ Sco interpresas en il senn da quest titel valan:

- a. persunas giuridicas dal dretg privat;
- b. persunas giuridicas dal dretg public cun excepziun da las corporaziuns territorialas;
- c. societads;
- d. firmas singulas¹³².

Art. 102a¹³³

¹²⁹ Integrà la terza frasa tras la cifra I 1 da la LF dals 15 da zer. 2012 (nunsurannaziun da malfatgs sexuals e pornografics cunter uffants avant la pubertad), en vigur dapi il 1. da schan. 2013 (AS 2012 5951; BBI 2011 5977).

¹³⁰ Versiun tenor la cifra I 1 da la LF dals 18 da zer. 2010 davart la midada da leschas federalas per realisar il Statut da Roma da la Curt penala internaziunala, en vigur dapi il 1. da schan. 2011 (AS 2010 4963; BBI 2008 3863).

¹³¹ Versiun tenor la cifra I da la LF dals 25 da sett. 2015 (dretg penal en fatgs da corrupziun), en vigur dapi il 1. da fan. 2016 (AS 2016 1287; BBI 2014 3591).

¹³² Ussa: interpresas singulas.

¹³³ Aboli tras la cifra II 8 da l'aggiunta 1 dal Cudesch da procedura penala dals 5 d'oct. 2007, cun effect dapi il 1. da schan. 2011 (AS 2010 1881; BBI 2006 1085).

Segunda part: Surpassaments

Art. 103

Noziun

Surpassaments èn malfatgs che vegnan chastiads cun multa.

Art. 104

Applitgabladad da las disposiziuns da l'emprima part

Las disposiziuns da l'emprima part da quest Cudesch penal valan er per ils surpassaments, cun las suandantas excepziuns.

Art. 105

Nagina applitgabladad u applitgabladad cundiziunada

¹ Las disposiziuns davart ils chastis cundiziunads e parzialmain cundiziunads (art. 42 e 43), davart l'expulsiun (art. 66a–66d) sco er davart la responsabladad da l'interpresa (art. 102) n'èn betg applitgablas per surpassaments.¹³⁴

² L'emprova e la cumplicitad vegnan chastiadas mo en ils cas che vegnan fixads explicitamain da quest Cudesch penal.

³ Mesiras da detenziun (art. 59–61 e 64), in scumond d'actividad (art. 67), in scumond da contact e d'areal (art. 67b) sco er ina publicaziun da la sentenza (art. 68) èn admess mo en ils cas che vegnan fixads explicitamain da quest Cudesch penal.¹³⁵

Art. 106

Multa

¹ Sche la lescha na dispona betg autramain, è l'import maximal d'ina multa 10 000 francs.

² En la sentenza pronunzia il derschader in chastis da detenziun subsidiar d'almain 1 di e da maximalmain 3 mais per il cas che la multa na vegn betg pajada dal delinquent per atgna culpa.

³ Il derschader fixescha la multa ed il chastis da detenziun subsidiar tut tenor las relaziuns dal delinquent uschia, che quel survegn in chastis che corresponda a sia culpa.

⁴ Il chastis da detenziun subsidiar croda davent, uschenavant che la multa vegn pajada posteriuramain.

⁵ Per l'execuziun e per la transfurmaziun èn applitgabels ils artitgels 35 e 36 alineas 2–5 conform al senn.

¹³⁴ Versiun tenor la cifra I 1 da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBl 2013 5975).

¹³⁵ Versiun tenor la cifra I 1 da la LF dals 13 da dec. 2013 davart il scumond d'actividad e davart il scumond da contact e d'areal, en vigur dapi il 1. da schan. 2015 (AS 2014 2055; BBl 2012 8819).

Art. 107¹³⁶**Art. 108**¹³⁷**Art. 109**

Surannaziun

La persecuziun penala ed il chasti suranneschan en 3 onns.

Terza part: Noziuns**Art. 110**

¹ *Confamigliars* d'ina persuna èn ses conjugal, sia partenaria registrada u ses partenari registrà, ses parents en lingia directa, ses fragliuns e ses fragliuns consanguins ed uterins, ses geniturs adoptivs, ses fragliuns adoptivs e ses uffants adoptivs.¹³⁸

² *Famigliars* èn personas che vivan en la medema chasada.

³ Sco *funcziunaris* valan ils funcziunaris ed ils emploiads d'ina administraziun publica e da la giurisdicziun sco er las personas che appartegnan provisoricamain ad in'autorità u ch'èn emploiadas provisoricamain d'ina administraziun publica u da la giurisdicziun ubain che exerciteschan temporarmain funcziuns uffizialas.

^{3bis} Sch'ina disposiziun sa basa sin la noziun da la chausa, vegn ella applitgada conform al senn er per animals.¹³⁹

⁴ *Documents* èn scrittiras, ch'èn destinadas u adattadas, ubain segns, ch'èn destinads da cumprovar in fatg d'impurtanza giuridica. Las registraziuns sin purtaders da maletgs e da datas èn equivalentas a la furma scritta, sch'ellas servan al medem intent.

⁵ *Documents publics* èn documents ch'èn vegnids emess da commembers d'ina autorità, da funcziunaris e da personas da fai publica ademplind funcziuns suveranas. Documents che vegnan emess da las administraziuns da las interpresas economicas e dals manaschis da monopol dal stadi u d'autras corporaziuns e d'auters instituts da dretg public en fatschentas da dretg civil na valan betg sco documents publics.

⁶ Il *di* ha 24 uras consecutivas. Il mais e l'onn vegnan quintads tenor il chalender ordinari.

¹³⁶ Aboli tras la cifra I 1 da la LF dals 19 da zer. 2015 (midadas dal dretg da sancziuns), cun effect dapi il 1. da schan. 2018 (AS 2016 1249; BBl 2012 4721).

¹³⁷ Per motivs da la tecnica legislativa resta quest art. vid. Rectifitgà da la Cumissiun da redacziun da la AF (art. 58 al. 1 LParl; SR 171.10).

¹³⁸ Versiun tenor l'art. 37 cifra 1 da la L da partenadi dals 18 da zer. 2004, en vigur dapi il 1. da schan. 2007 (AS 2005 5685; BBl 2003 1288).

¹³⁹ AS 2006 3583

⁷ Sco *arrest d'inquisiziun* vala mintga arrest ch'è vegnì ordinà en ina procedura penala per ils basegns da l'inquisiziun, per motivs da segirezza u en vista a l'extradiziun.

Segund cudesch: Disposiziuns spezialas

Emprim titel: Acts chastiabels cunter il corp e cunter la vita

Art. 111

1. Mazzament.
Mazzament
intenziunà

Tgi che mazza intenziunadamain in uman, senza ch'ina da las premissas spezialas dals artitgels qua sutvart fiss ademplida, vegn chastià cun in chasti da detenziun¹⁴⁰ d'almain 5 onns.

Art. 112¹⁴¹

Assassinat

Sch'il delinquent ha agì spezialmain senza scrupels, cunzunt sche ses motivs, l'intent dal malfatg u la moda e maniera, co ch'el l'ha commess, èn particularmain condemnabels, vegn el chastià cun in chasti da detenziun per vita duranta u cun in chasti da detenziun betg sut 10 onns.¹⁴²

Art. 113¹⁴³

Mazzament
en affect

Sch'il delinquent ha agì en ina ferma emozion ch'è perstgisabla tenor las circumstanzas ubain sut in grond squitsch psichic, vegn el chastià cun in chasti da detenziun dad 1 fin 10 onns.¹⁴⁴

Art. 114¹⁴⁵

Mazzament
sin giavisch
da la victima

Tgi che mazza – per motivs respectabels, en spezial or da cumpassiun – in uman sin ses giavisch serius ed insistent, vegn chastià cun in chasti da detenziun fin a 3 onns u cun in chasti pecuniar¹⁴⁶.

¹⁴⁰ Expressiun tenor la cifra II 1 al. 1 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979). Questa midada è vegnida resguardada en l'entir segund cudesch qua avant maun.

¹⁴¹ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBI 1985 II 1009).

¹⁴² Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979).

¹⁴³ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBI 1985 II 1009).

¹⁴⁴ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979).

¹⁴⁵ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBI 1985 II 1009).

¹⁴⁶ Expressiun tenor la cifra II 1 al. 2 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979). Questa midada è vegnida resguardada en l'entir segund cudesch qua avant maun.

Art. 115

Instigaziun ed agid al suicidi

Tgi che instighescha insatgi per motivs egoistics al suicidi u presta agid per quest intent, vegn chastia cun in chasti da detenziun fin a 5 onns u cun in chasti pecuniar¹⁴⁷, sch' il suicidi è vegni commess u empruvà.

Art. 116¹⁴⁸

Infanticidi

Sch'ina mamma mazza ses uffant durant la naschientscha u durant ch'ella stat sut l'influenza da la pagliola, vegn ella chastia cun in chasti da detenziun fin a 3 onns u cun in chasti pecuniar.

Art. 117

Mazzament tras negligientscha

Tgi che chaschuna la mort d'in uman tras negligientscha, vegn chastia cun in chasti da detenziun fin a 3 onns u cun in chasti pecuniar.

Art. 118¹⁴⁹

2. Interrupziun da la gravidanza.
Interrupziun chastiabla da la gravidanza

¹ Tgi che interrompa ina gravidanza cun il consentiment da la dunna en speranza u tgi che instighescha ina dunna en speranza d'interrumper la gravidanza u la gida da far quai, senza che las premissas tenor l'artitgel 119 sajan ademplidas, vegn chastia cun in chasti da detenziun fin a 5 onns u cun in chasti pecuniar.

² Tgi che interrompa ina gravidanza senza il consentiment da la dunna en speranza, vegn chastia cun in chasti da detenziun dad 1¹⁵⁰ fin 10 onns.

³ La dunna che interrompa, che lascha interrumper u che sa participescha en outra moda e maniera vi da l'interrupziun da sia gravidanza suenter che la 12avla emna è passada dapi il cumenzament da l'ultima perioda, senza che las premissas tenor l'artitgel 119 alineia 1 sajan ademplidas, vegn chastia cun in chasti da detenziun fin a 3 onns u cun in chasti pecuniar.

⁴ Ils cas tenor ils alineas 1 e 3 suranneschan suenter 3 onns.¹⁵¹

¹⁴⁷ Expressiun tenor la cifra II 1 al. 3 da la LF dals 13 da dec. 2002, en vigur dapi il 1. da schan. 2007 (AS **2006** 3459; BBl **1999** 1979). Questa midada è vegnida resguardada en l'entir segund cudesch qua avant maun.

¹⁴⁸ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS **1989** 2449; BBl **1985** II 1009).

¹⁴⁹ Versiun tenor la cifra I da la LF dals 23 da mars 2001 (interrupziun da la gravidanza), en vigur dapi il 1. d'oct. 2002 (AS **2002** 2989; BBl **1998** 3005 5376).

¹⁵⁰ Expressiun tenor la cifra II 1 al. 4 da la LF dals 13 da dec. 2002, en vigur dapi il 1. da schan. 2007 (AS **2006** 3459; BBl **1999** 1979). Questa midada è vegnida resguardada en l'entir segund cudesch qua avant maun.

¹⁵¹ Versiun tenor la cifra I da la LF dals 22 da mars 2002 (surannaziun da la persecuziun penala), en vigur dapi il 1. d'oct. 2002 (AS **2002** 2986; BBl **2002** 2673 1649).

Art. 119¹⁵²

Interrupziun
nunchastiabla
da la gravidanza

¹ L'interrupziun da la gravidanza na vegn betg chastiada, sch'ella è necessaria tenor il giudicament dal medi per che la dunna en speranza possa vegnir protegida cunter in grev donn corporal u cunter ina greva situaziun d'urgenza psichica. Pli avanzada che la gravidanza è e pli grond ch'il privel sto esser.

² L'interrupziun da la gravidanza na vegn er betg chastiada, sch'ella vegn fatga d'in medi ch'è admess per pratitgar la professiun entaifer 12 emnas dapi il cumenzament da l'ultima perioda e sin dumonda en scrit da la dunna en speranza che fa valair, ch'ella sa chattia en ina situaziun d'urgenza. Avant l'intervenziun sto il medi far persunalmain in discours detaglià cun la dunna e la cussegljar.

³ Sche la dunna en speranza n'è betg abla da giuditgar, dovri il consentiment da ses represchentant legal.

⁴ Ils chantuns designeschan las praticas ed ils ospitals che adempleschan las premissas per exequir en moda cumpetenta ina interrupziun da la gravidanza e per dar ina cussegliaziun detagliada.

⁵ Per intents statistics vegn ina interrupziun da la gravidanza annunziata a l'autoritàd cumpetenta, observond l'anonimitad da la dunna pertutgada ed il secret medicinal.

Art. 120¹⁵³

Surpassaments
commiss da
medis

¹ Cun multa¹⁵⁴ vegn chastià il medi che interrumpa ina gravidanza applitgond l'artitgel 119 alinea 2 e che tralascha, avant l'intervenziun, da:

- a. pretender da la dunna en speranza ina dumonda en scrit;
- b. manar persunalmain in discours detaglià cun la dunna en speranza e la cussegljar, l'infurmar davart ils ristgs da l'intervenziun per la sanadad e surdar ad ella cunter suttascripziun in mussavia che cuntegna:
 1. ina glista dals posts da cussegliaziun che stattan a disposiziun gratuitamain,
 2. ina glista d'uniuns e da posts che porschan agid moral e material, ed
 3. infurmaziuns davart la pussaivladad da laschar adoptar l'uffant;

¹⁵² Versiun tenor la cifra I da la LF dals 23 da mars 2001 (interrupziun da la gravidanza), en vigur dapi il 1. d'oct. 2002 (AS 2002 2989; BBl 1998 3005 5376).

¹⁵³ Versiun tenor la cifra I da la LF dals 23 da mars 2001 (interrupziun da la gravidanza), en vigur dapi il 1. d'oct. 2002 (AS 2002 2989; BBl 1998 3005 5376).

¹⁵⁴ Expressiun tenor la cifra II 1 al. 5 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979). Questa midada è vegnida resguardada en l'entir segund cudesch qua avant maun.

- c. sa persvader persunalmain ch'ina dunna en speranza sut 16 onns è sa drizzada ad in post da cussegliaziun spezialisà per giuvenils.

² Medemamain vegn chastiaà il medi che tralasca d'annunziar a l'autorità da sanadad cumpetenta ina interrupziun da la gravidanza tenor l'artitgel 119 alinea 5.

Art. 121¹⁵⁵

Art. 122¹⁵⁶

3. Blessura corporala.
Blessura corporala greva

Tgi che blessa intenziunadamain in uman uschia che sia vita è periclitada,

tgi che struptgescha intenziunadamain il corp, in organ impurtant u in member d'in uman u fa nunduvrabel in organ impurtant u in member, fa in uman per adina inabel da lavurar, mendus u malsaun da spiert, sfigurescha grevmain e durablmain la fatscha d'in uman,

tgi che chaschuna intenziunadamain in auter donn grev dal corp u da la sanadad corporala u spiertala d'in uman,

vegn chastiaà cun in chasti da detenziun da 6 mais fin 10 onns.¹⁵⁷

Art. 123¹⁵⁸

Blessura corporala leva

1. Tgi che chaschuna intenziunadamain in auter donn vi dal corp u vi da la sanadad d'in uman, vegn chastiaà, sin plant, cun in chasti da detenziun fin a 3 onns u cun in chasti pecuniar.

En cas levs po il derschader diminuir il chasti (art. 48a).¹⁵⁹

2. Il chasti consista d'in chasti da detenziun fin a 3 onns u d'in chasti pecuniar, ed il delinquent vegn persequità d'uffizi,

sch'el ha duvrà tissi, in'arma u in auter object privlus,

sch'el ha commess il malfatg vers ina persuna betg abla da sa defender u vers ina persuna confidada ad el u per la quala el ha d'avair quità, en spezial vers in uffant,

¹⁵⁵ Aboli tras la cifra I da la LF dals 23 da mars 2001 (interrupziun da la gravidanza), cun effect dapi il 1. d'oct. 2002 (AS 2002 2989; BBl 1998 3005 5376).

¹⁵⁶ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBl 1985 II 1009).

¹⁵⁷ Nova circumscripziun da las smanatschas da chasti tenor la cifra II 1 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBl 2012 4721).

¹⁵⁸ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBl 1985 II 1009).

¹⁵⁹ Versiun tenor la cifra II 2 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

sch'el è il conjugal da la victima e sch'il malfatg è vegni commess durant la lètg u entaifer 1 onn suenter il divorzi,¹⁶⁰

sch'el è il partenari registrà dal delinquent e sch'il malfatg è vegni commess durant il partenadi registrà u entaifer 1 onn suenter sia schliaziun,¹⁶¹

sch'el è il partenari da vita eterosexual u omosexual dal delinquent, uschenavant ch'els mainan ina chasada cuminaivla per in temp illimità, e sch'il malfatg è vegni commess durant quest temp u entaifer 1 onn suenter la separaziun.¹⁶²

Art. 124¹⁶³

Mutilaziun
da genitalias
femininas

¹ Tgi che mutilescha las genitalias d'ina persuna feminina, las donnegescha fermamain e per adina en lur funcziun natirala u las donnegescha en outra moda, vegn chastià cun in chasti da detenziun fin a 10 onns u cun in chasti pecuniar betg sut 180 taxas per di.

² Chastiabel è er quel che commetta il malfatg a l'exteriur, sch'el sa chatta en Svizra e na vegn betg extradì. L'artitgel 7 alineas 4 e 5 è applitgabel.

Art. 125

Blessura
corporala per
negligientscha

¹ Tgi che chaschuna per negligientscha in donn vi dal corp u vi da la sanadad d'in uman, vegn chastià, sin plant, cun in chasti da detenziun fin a 3 onns u cun in chasti pecuniar¹⁶⁴.

² Sch'il donn è grond, vegn il delinquent persequità d'uffizi.

Art. 126

Metter maun vi
d'ina persuna

¹ Tgi che metta maun vi d'ina persuna senza chaschunar donn vi dal corp u vi da la sanadad da quella, vegn chastià, sin plant, cun multa.

² Il delinquent vegn persequità d'uffizi, sch'el commetta il malfatg repetidamain:

- a. vers ina persuna ch'è confidada ad el u per la quala el ha d'avair quità, en spezial vers in uffant;

¹⁶⁰ Integrà tras la cifra I da la LF dals 3 d'oct. 2003 (persecuziun penala en la lètg ed en il partenadi), en vigur dapi il 1. d'avr. 2004 (AS 2004 1403; BBl 2003 1909 1937).

¹⁶¹ Integrà tras la cifra 18 da l'aggiunta da la L da partenadi dals 18 da zer. 2004, en vigur dapi il 1. da schan. 2007 (AS 2005 5685; BBl 2003 1288).

¹⁶² Oriundamain al. 4. Integrà tras la cifra I da la LF dals 3 d'oct. 2003 (persecuziun penala en la lètg ed en il partenadi), en vigur dapi il 1. d'avr. 2004 (AS 2004 1403; BBl 2003 1909 1937).

¹⁶³ Versiun tenor la cifra I da la LF dals 30 da sett. 2011, en vigur dapi il 1. da fan. 2012 (AS 2012 2575; BBl 2010 5651 5677).

¹⁶⁴ Expressiun tenor la cifra II 1 al. 2 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979). Questa midada è vegnida resguardada en l'entir segund cudesch qua avant maun.

- b. vers ses conjugal durant la lètq u entaifer 1 onn suenter il divorzi;
u
- b^{bis}.¹⁶⁵ vers ses partenari registrà durant il partenadi registrà u entaifer 1 onn suenter sia schliaziun; u
- c. vers il partenari da vita eterosexual u omosexual, uschenavant ch'els mainan ina chasada cuminaivla per in temp illimità e ch'il malfatg è vegnì commess durant quest temp u entaifer 1 onn suenter la separaziun.¹⁶⁶

Art. 127¹⁶⁷

4. Periclitaziun
da la vita e da
la sanadad.
Metter a
l'abandun

Tgi che metta ina persuna dependenta d'agid, ch'è confidada ad el u per la quala el ha da procurar, en in privel da vita u en in grond privel direct per la sanadad u lascha quella a l'abandun en in tal privel, vegn chastia cun in chasti da detenziun fin a 5 onns u cun in chasti pecuniar.

Art. 128¹⁶⁸

Omissiun da
l'agid d'urgenza

Tgi che na gida betg in uman ch'el ha blessà sez u in uman che sa chatta directamain en privel da mort, malgrà ch'ins dastga spetgar quai dad el tenor las circumstanzas,

tgi che tegna enavos auters da prestar agid u impedescha els da far quai, vegn chastia cun in chasti da detenziun fin a 3 onns u cun in chasti pecuniar.

Art. 128^{bis 169}

Fauss alarm

Tgi che alarmescha cunter meglier savair e senza motiv in servetsch da segirezza public u d'utilitad publica, in servetsch da salvament u in servetsch d'agid, en spezial la polizia, ils pumpiers u la sanitad, vegn chastia cun in chasti da detenziun fin a 3 onns u cun in chasti pecuniar.

¹⁶⁵ Integrà tras la cifra 18 da l'aggiunta da la L da partenadi dals 18 da zer. 2004, en vigur dapi il 1. da schan. 2007 (AS 2005 5685; BBl 2003 1288).

¹⁶⁶ Integrà tras la cifra I da la LF dals 23 da zer. 1989 (AS 1989 2449; BBl 1985 II 1009). Versiun tenor la cifra I da la LF dals 3 d'oct. 2003 (persecuziun penala en la lètq ed en il partenadi), en vigur dapi il 1. d'avr. 2004 (AS 2004 1403; BBl 2003 1909 1937).

¹⁶⁷ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBl 1985 II 1009).

¹⁶⁸ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBl 1985 II 1009).

¹⁶⁹ Integrà tras la cifra I da la LF dals 17 da zer. 1994, en vigur dapi il 1. da schan. 1995 (AS 1994 2290; BBl 1991 II 969).

Art. 129¹⁷⁰Periclitaziun
da la vita

Tgi che metta senza scrupel in uman en in grond privel da vita, vegn chastia cun in chasti da detenziun fin a 5 onns u cun in chasti pecuniar.

Art. 130–132¹⁷¹**Art. 133**¹⁷²

Baruffa

¹ Tgi che sa participescha ad ina baruffa che chaschuna la mort u ina blessura corporala d'in uman, vegn chastia cun in chasti da detenziun fin a 3 onns u cun in chasti pecuniar.

² Betg chastiaabel n'è quel che sa dosta mo da las attatgas u che separa ils cumbattants.

Art. 134¹⁷³

Agressiun

Tgi che sa participescha ad in'agressiun cunter in u cunter plirs umans che chaschuna la mort u ina blessura corporala d'ina persuna attatgada u d'ina terza persuna, vegn chastia cun in chasti da detenziun fin a 5 onns u cun in chasti pecuniar¹⁷⁴.

Art. 135¹⁷⁵Represchenta-
ziun d'acts da
violenza

¹ Tgi che producescha, importa, depositescha, metta en circulaziun, propagescha, expona, offrescha, mussa, surlascha u renda accessibel registraziuns sonoras u visualas, maletgs, auters objects u represchentaziuns che mussan en moda insistentia violenzas crudaivlas cunter umans u cunter animals, senza avair ina valur culturala u scientifica degna da vegnir protegida, e che violeschan uschia la dignitad elementara da l'uman en moda gravanta, vegn chastia cun in chasti da detenziun fin a 3 onns u cun in chasti pecuniar.

¹⁷⁰ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBl 1985 II 1009).

¹⁷¹ Aboli tras la cifra I da la LF dals 23 da zer. 1989, cun effect dapi il 1. da schan. 1990 (AS 1989 2449; BBl 1985 II 1009).

¹⁷² Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBl 1985 II 1009).

¹⁷³ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBl 1985 II 1009).

¹⁷⁴ Expressiun tenor la cifra II 1 al. 6 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979). Questa midada è vegnida resguardada en l'entir segund cudesch qua avant maun.

¹⁷⁵ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBl 1985 II 1009).

¹bis Cun in chasti da detenziun fin ad 1 onn u cun in chasti pecuniar vegn chastià,¹⁷⁶ tgi che cumpra, tgi che sa procura sur meds electronics u en outra moda u tgi che posseda objects u represchentaziuns tenor l'alinea 1, uschenavant che quels mussan violenzas cunter umans u cunter animals.¹⁷⁷

² Ils objects vegnan confiscads.

³ Sch'il delinquent agescha per motivs d'engurdientscha, vegn el chastià cun in chasti da detenziun fin a 3 onns u cun in chasti pecuniar. Cun il chasti da detenziun sto vegnir collià in chasti pecuniar.¹⁷⁸

Art. 136¹⁷⁹

Dar ad uffants
substanzas
nuschaihlas
per la sanadad

Tgi che dat bavrondas alcoholicas u outras substanzas ad in uffant sut 16 onns u tgi che metta a sia disposiziun talas per il consum, e quai en ina quantidad che po periclitlar la sanadad, vegn chastià cun in chasti da detenziun fin a 3 onns u cun in chasti pecuniar.

Segund titel:¹⁸⁰ Acts chastiabels cunter la facultad

Art. 137

1. Malfatgs
cunter la
facultad.
Appropriaziun
illegitima

1. Tgi che s'appropriescha d'ina chaussa estra movibla per qua tras enritgir sasez u in auter en moda illegala, vegn chastià cun in chasti da detenziun fin a 3 onns u cun in chasti pecuniar, nun che las premissas spezialas tenor ils artitgels 138–140 vegnian en consideraziun.

2. Sch'il delinquent ha chattà la chaussa u sch'el è vegni en possess da quella senza vulair,

sch'el agescha senza l'intenziun da s'enritgir u

sch'el agescha a disfavour d'in parent u d'in confamigliar,

vegn il malfatg persecutà mo sin basa d'in plant.

¹⁷⁶ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979). La rectificaziun da la Cumissiun da redacziun da la AF dals 25 da favr. 2020 concerna mo il text franzos (AS 2020 623).

¹⁷⁷ Integrà tras la cifra I da la LF dals 5 d'oct. 2001 (acts chastiabels cunter l'integritad sexuala; scumond da posseder pornografia dira), en vigur dapi il 1. d'avr. 2002 (AS 2002 408; BBI 2000 2943).

¹⁷⁸ Expressiun tenor la cifra II 1 al. 7 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979). Questa midada è vegnida resguardada en l'entir segund cudesch qua avant maun.

¹⁷⁹ Versiun tenor la cifra II da la LF dals 20 da mars 2008, en vigur dapi il 1. da fan. 2011 (AS 2009 2623, 2011 2559; BBI 2006 8573 8645).

¹⁸⁰ Versiun tenor la cifra I da la LF dals 17 da zer. 1994, en vigur dapi il 1. da schan. 1995 (AS 1994 2290; BBI 1991 II 969).

Art. 138

Defraudaziun

1. Tgi che s'appropriescha d'ina chaussa estra movibla affidada ad el per qua tras enritgir sasez u in auter en moda illegala, tgi che dovra illegalmain valurs da facultad confidadas ad el per ses avantatg u per l'avantatg d'in auter, vegn chastia cun in chasti da detenziun fin a 5 onns u cun in chasti pecuniar.

La defraudaziun a disfavour d'in parent u d'in confamigliar vegn persequitada mo sin basa d'in plant.

2. Tgi che commetta il malfatg sco commember d'ina autoritad, sco funcziunari, sco avugà, sco assistent, sco administratur da facultad professiunal ubain tgi che exequescha ina professiun, in mastergn u in commerzi ed ha per quest intent l'autorisaziun d'ina autoritad, vegn chastia cun in chasti da detenziun fin a 10 onns u cun in chasti pecuniar¹⁸¹.

Art. 139

Enguladitsch

1. Tgi che prenda davent d'insatgi ina chaussa estra movibla per qua tras enritgir sasez u in auter en moda illegala, vegn chastia cun in chasti da detenziun fin a 5 onns u cun in chasti pecuniar.

2. Il lader vegn chastia cun in chasti da detenziun fin a 10 onns u cun in chasti pecuniar betg sut 90 taxas per di¹⁸², sch'el engola da professiun.

3. Il lader vegn chastia cun in chasti da detenziun da 6 mais fin 10 onns,¹⁸³

sch'el exequescha l'enguladitsch sco commember d'ina banda ch'è sa furnada per exequir adina puspè rapinas u enguladitschs,

sch'el porta cun sai in'arma da fiu u in'otra arma privlusa cun l'intent da far l'enguladitsch, u

sch'el mussa sia privlusadad particulara cun la moda e maniera d'exequir l'enguladitsch.

4. L'enguladitsch a disfavour d'in parent u d'in confamigliar vegn persequità mo sin basa d'in plant.

¹⁸¹ Expressiun tenor la cifra II 1 al. 8 da la LF dals 13 da dec. 2002, en vigor dapi il 1. da schan. 2007 (AS 2006 3459; BBI 1999 1979). Questa midada è vegnida resguardada en l'entir segund cudesch qua avant maun.

¹⁸² Expressiun tenor la cifra II 1 al. 9 da la LF dals 13 da dec. 2002, en vigor dapi il 1. da schan. 2007 (AS 2006 3459; BBI 1999 1979). Questa midada è vegnida resguardada en l'entir segund cudesch qua avant maun.

¹⁸³ Nova circumscripziun da las smanatschas da chasti tenor la cifra II 1 da la LF dals 19 da zer. 2015 (midada dal dretg da sancziuns), en vigor dapi il 1. da schan. 2018 (AS 2016 1249; BBI 2012 4721).

Art. 140

Rapina

1. Tgi che commetta in enguladitsch cun duvrar violenza cunter ina persuna u cun smanatschar in privel preschent per il corp e per la vita u suenter avoir rendi il pertutgà inabel da far resistenza, vegn chastia cun in chasti da detenziun da 6 mais fin 10 onns.¹⁸⁴

Tgi che vegn tschiffà en flagranti tar in enguladitsch e commetta acts da sforz tenor l'alineia 1 per tegnair per sasez la chaussa engulada, vegn chastia cun il medem chasti.

2. Il rapinader vegn chastia cun in chasti da detenziun betg sut 1 onn¹⁸⁵, sch'el porta cun sai in'arma da fiu u in'otra arma privlusa cun l'intent da far rapina.

3. Il rapinader vegn chastia cun in chasti da detenziun betg sut 2 onns, sch'el exequescha la rapina sco commember d'ina banda ch'è sa furmada per exequir adina puspè rapinas u enguladitschs, sch'el mussa uschiglio sia privlusadad particulara cun la moda e maniera d'exequir la rapina.

4. Il delinquent vegn chastia cun in chasti da detenziun betg sut 5 onns, sch'el metta la victima en privel da vita, chaschuna ad ella ina greva blessura corporala u tracta ella en moda crudaivla.

Art. 141Privaziun
d'ina chaussa

Tgi che privescha in possessur legitim d'ina chaussa movibla senza avoir l'intent da sa patrunar da quella e chaschuna qua tras al possessur in dischavantatg considerabel, vegn chastia, sin plant, cun in chasti da detenziun fin a 3 onns u cun in chasti pecuniar.

Art. 141^{bis}Utilisaziun
illegala da valurs
da facultad

Tgi che dovra illegalmain valurs da facultad, da las qualas el è vegnì en possess senza vulair, per ses avantatg u per l'avantatg d'in auter, vegn chastia, sin plant, cun in chasti da detenziun fin a 3 onns u cun in chasti pecuniar.

Art. 142Retratga illegala
d'energia

¹ Tgi che retira illegalmain energia d'in stabiliment che serva a l'utilisaziun da forzas da la natira, en spezial d'in implant electric, vegn chastia, sin plant, cun in chasti da detenziun fin a 3 onns u cun in chasti pecuniar.

¹⁸⁴ Nova circumscripziun da las smanatschas da chasti tenor la cifra II 1 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBl 2012 4721).

¹⁸⁵ Expressiun tenor la cifra II 1 al. 12 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

² Sch'il delinquent agescha cun l'intenziun d'enritgir sasez u in auter en moda illegala, vegn el chastia cun in chasti da detenziun fin a 5 onns u cun in chasti pecuniar.

Art. 143

Procuraziun
illegala da datas

¹ Tgi che procura illegalmain per sasez u per in auter datas ch'èn registradas u ch'èn vegnidas transmessas en moda electronica u en maniera sumeglianta e che n'èn betg destinadas ad el e ch'èn segiradas spezialmain cunter ses access betg autorisà, cun l'intenziun d'enritgir sasez u in auter, vegn chastia cun in chasti da detenziun fin a 5 onns u cun in chasti pecuniar.

² La procuraziun illegala da datas a disfavur d'in parent u d'in confamigliar vegn persequitada mo sin basa d'in plant.

Art. 143^{bis} 186

Access illegal
ad in sistem
d'elavuraziun
da datas

¹ Tgi che penetrescha illegalmain tras indrizs da transmissiun da datas en in sistem d'elavuraziun da datas ester ch'è segirà spezialmain cunter ses access, vegn chastia, sin plant, cun in chasti da detenziun fin a 3 onns u cun in chasti pecuniar.

² Tgi che metta en circulaziun u renda accessibels plects-clav, programs u autras datas, da las qualas el sa u sto supponer ch'ellas vegnan duvradas per commetter in malfatg tenor l'alinea 1, vegn chastia cun in chasti da detenziun fin a 3 onns u cun in chasti pecuniar.

Art. 144

Donn material

¹ Tgi che donnegescha, destruescha u fa nunduvrabra ina chaussa, vi da la quala insatgi auter ha in dretg da proprietad, da diever u da giudida, vegn chastia, sin plant, cun in chasti da detenziun fin a 3 onns u cun in chasti pecuniar.

² Sch'il delinquent ha fatg il donn vi da la chaussa a chaschun d'in arrotschament public, vegn el persequità d'uffizi.

³ Sch'il delinquent ha chaschunà in grond donn, po il derschader pronunziar in chasti da detenziun dad 1 fin 5 onns. Il malfatg vegn persequità d'uffizi.

¹⁸⁶ Versiun tenor l'art. 2 cifra 1 dal COF dals 18 da mars 2011 (Convenziun dal Cussegl da l'Europa davart la cybercriminalitad), en vigur dapi il 1. da schan. 2012 (AS 2011 6293; BBl 2010 4697).

Donnegiament
da datas

Art. 144^{bis}

1. Tgi che mida, stizza u fa nunduvrablas, senza dretg, datas registradas u transmessas en moda electronica u en moda cumparegliabla, vegn chastia, sin plant, cun in chasti da detenziun fin a 3 onns u cun in chasti pecuniar.

Sch'il delinquent ha chaschunà in grond donn, po il derschader pronunziar in chasti da detenziun dad 1 fin 5 onns. Il malfatg vegn persequità d'uffizi.

2. Tgi che fabritgescha, importa, metta en circulaziun, propagescha, offrescha u renda accessibel en outra maniera programs u dat instrucziuns per la fabricaziun da tals, dals quals el sa u sto supponer ch'els duain vegnir duvrads per ils intents numnads en l'alinea 1, vegn chastia cun in chasti da detenziun fin a 3 onns u cun in chasti pecuniar.

Sch'il delinquent agescha da professiun, po il derschader pronunziar in chasti da detenziun dad 1 fin 5 onns.

Art. 145

Defraudaziun
e privaziun da
chaussas dadas
en pegn e
d'objects da
retenziun

Il debitor che privescha, cun l'intent da far donn a ses creditur, quel d'ina chaussa che serva sco pegn u sco object da retenziun, dispona arbitrariamain da quella, donnegescha, destruescha, svalitescha u fa ch'ella è nunduvrabla, vegn chastia, sin plant, cun in chasti da detenziun fin a 3 onns u cun in chasti pecuniar.

Art. 146

Engion

¹ Tgi che cugliuna, cun l'intenziun d'enritgir sasez u in auter en moda illegala, malignamain insatgi cun affirmar chaussas faussas u cun supprimer fatgs vardaivels u tgi che affirmescha malignamain insatgi en sia errur ed è uschia la culpa che l'engianà sa cumporta uschia, ch'el fa donn a sia facultad u a la facultad d'in auter, vegn chastia cun in chasti da detenziun fin a 5 onns u cun in chasti pecuniar.

² Sch'il delinquent agescha da professiun, vegn el chastia cun in chasti da detenziun fin a 10 onns u cun in chasti pecuniar betg sut 90 taxas per di.

³ L'engion a disfavur d'in parent u d'in confamigliar vegn persequità mo sin basa d'in plant.

Art. 147

Diever abusiv
d'in indriz
d'elavuraziun
da datas

¹ Tgi che ha, cun l'intenziun d'enritgir sasez u in auter en moda illegala, fashond diever da datas en moda nuncorrecta, incumpleta u betg permessa u en moda sumeglianta, influenzà in process d'elavuraziun da datas electronic u in process sumegliant ubain in process da transmissiun da datas ed ha qua tras chaschunà in transferiment da facultad per donn d'in auter u ha zuppentà in transferiment da facultad directamain suenter

quai, vegn chastia cun in chasti da detenziun fin a 5 onns u cun in chasti pecuniar.

² Sch'il delinquent agescha da professiun, vegn el chastia cun in chasti da detenziun fin a 10 onns u cun in chasti pecuniar betg sut 90 taxas per di.

³ Il diever abusiv d'in indriz d'elavuraziun da datas a disfavur d'in parent u d'in confamigliar vegn persequità mo sin basa d'in plant.

Art. 148

Diever abusiv
da cartas da
schecs e da
cartas da credit

¹ Tgi che dovra, malgrà ch'el è insolvent u n'è betg pront da pajar, ina carta da schecs u da credit che l'emittent ha surlaschè ad el ubain in instrument da pajament sumegliant per acquistar prestaziuns da facultad, e fa qua tras in donn vi da la facultad da l'emittent, vegn chastia cun in chasti da detenziun fin a 5 onns u cun in chasti pecuniar, uschenavant che l'emittent e l'interpresa da contract han prendì las mesiras ch'ins po pretender dad els per evitar il diever abusiv da la carta.

² Sch'il delinquent agescha da professiun, vegn el chastia cun in chasti da detenziun fin a 10 onns u cun in chasti pecuniar betg sut 90 taxas per di.

Art. 148a¹⁸⁷

Retratga illegala
da prestaziuns
d'ina assicuranza
sociala u da
l'agid social

¹ Tgi che maina en errur ina persona u affirmscha sia errur cun far indicaziuns faussas u incumpletas, cun zuppentar fatgs impurtants u en outra moda, uschia ch'el u in auter survegn prestaziuns d'ina assicuranza sociala u da l'agid social senza avair il dretg da talas, vegn chastia cun in chasti da detenziun fin ad 1 onn u cun in chasti pecuniar.

² En cas levs è il chasti ina multa.

Art. 149

Fraud d'ustaria

Tgi che prenda albiert en in manaschi d'hotellaria, lascha sa servir spaisas e bavrondas u fa diever d'autras prestaziuns da servetsch e banduna il manaschi senza pajar, vegn chastia, sin plant, cun in chasti da detenziun fin a 3 onns u cun in chasti pecuniar.

Art. 150

Cuntanscher
cun rampigns
ina prestaziun

Tgi che cuntanscha, senza pajar, cun rampigns ina prestaziun, savend ch'ella vegn mo prestada cunter pajament, en spezial

tgi che dovra in med public da transport,

¹⁸⁷ Integrà tras la cifra I 1 da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

tgi che visita ina preschentaziun, in'exposiziun u in'occurrenza sumeglianta,

tgi che fa diever d'ina prestaziun che vegn furnida d'in indriz d'elavuraziun da datas u d'in automat,

vegn chastia, sin plant, cun in chasti da detenziun fin a 3 onns u cun in chasti pecuniar.

Art. 150^{bis} 188

Fabritgar e metter en circulaziun materialias per decodar nun-autorisadamain purschidas codadas

¹ Tgi che fabritga, importa, exporta, transporta, metta en circulaziun u installescha apparats, dals quals las parts u ils programs per elavurar datas èn previs u adattads per decodar nunautorisadamain programs da radiodiffusiun u servetschs da telecommunicaziun, vegn chastia, sin plant, cun multa.¹⁸⁹

² L'emprova e la cumplicitad èn chastiablas.

Art. 151

Donn da facultad chaschunà en moda maligna

Tgi che cugliuna, senza l'intenziun da s'enritgir, malignamain insatgi cun affirmer chaussas faussas u cun supprimer fatgs vardaivels u affirmescha malignamain insatgi en sia errur ed è uschia la culpa che l'engianà sa cumporta uschia, ch'el fa donn a sia facultad u a la facultad d'in auter, vegn chastia, sin plant, cun in chasti da detenziun fin a 3 onns u cun in chasti pecuniar.

Art. 152

Indicaziuns nunvairas concernent interpresas commercialas

Tgi che, sco fundatur, sco possessur, sco associà cun responsabladad illimitada, sco mandatari u sco commember da la direenziun, dal cussegl d'administraziun, dal post da revisiun u sco liquidatur d'ina societad commerciala, d'ina associaziun u d'ina outra interpresa che vegn manada en furma commerciala,

dat u lascha dar, en communicaziuns publicas ubain en rapports u en projects destinads a la totalitad dals commembers d'ina societad u d'in associaziun u als participads ad ina interpresa, indicaziuns nunvairas u betg cumpletas d'ina impurtanza considerabla, che pon intimar in auter da prender decisiuns che fan donn a la facultad,

vegn chastia cun in chasti da detenziun fin a 3 onns u cun in chasti pecuniar.

¹⁸⁸ Integrà tras la cifra 2 da la L da telecommunicaziun dals 30 d'avr. 1997, en vigur dapi il 1. da schan. 1998 (AS 1997 2187; BBl 1996 III 1405).

¹⁸⁹ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

Art. 153

Indicaziuns
nunvairas vers
autoritads dal
register da
commerzi

Tgi ch'è la culpa ch'ina autoritad dal register da commerzi fa ina registraziun nunvaira u tgi che ha taschentà in fatg che sto vegnir registrà, vegn chastia cun in chastì da detenziun fin a 3 onns u cun in chastì pecuniar.

Art. 154¹⁹⁰

Chastiabladad
dals commem-
bers dal cussegl
d'administraziun
e da la direcziun
da societads cun
acziyas quotadas
ad ina bursa

¹ Cun in chastì da detenziun da fin 3 onns e cun in chastì pecuniar vegn chastia, tgi che paja u retira – sco commember dal cussegl d'administraziun u da la direcziun d'ina societad cun acziyas quotadas ad ina bursa – indemniziuns scumandadas tenor l'artitgel 735c cifras 1, 5 e 6 dal Dretg d'obligaziuns (DO)¹⁹¹, eventualmain en cumbinaziun cun l'artitgel 735d cifra 1 DO.

² Cun in chastì da detenziun da fin 3 onns u cun in chastì pecuniar vegn chastia, tgi che fa – sco commember dal cussegl d'administraziun d'ina societad cun acziyas quotadas ad ina bursa – il suandant:

- a. deleghescha, cuntrari a l'artitgel 716b alinea 1 emprima frasa DO, l'entira gestiun u ina part da tala ad ina persuna giuridica;
- b. instituescha ina represchentanza dal dretg da votar da l'organ u dal deposit (art. 689b al. 2 DO);
- c. impedescha:
 1. ch'ìls statuts cuntengan las disposiziuns tenor l'artitgel 626 alinea 2 cifras 1 e 2 DO,
 2. che la radunanza generala po eleger annualmain ed individualmain ils commembers ed il president dal cussegl d'administraziun, ils commembers da la cumissiun d'indemniziun sco er il represchentant dal dretg da votar independent (art. 698 al. 2 cifra 2 ed al. 3 cifras 1–3 DO),
 3. che la radunanza generala po votar davart las indemniziuns ch'il cussegl d'administraziun ha fixà per sasez, per la direcziun e per il cussegl consultativ (art. 698 al. 3 cifra 4 DO),
 4. ch'ìls acziunaris u lur represchentants pon exercitar lur dretgs sin via electronica (art. 689c al. 6 DO).

³ Sch'il delinquent mo prenda en cumpra la pussaivladad da realisar in malfatg tenor l'alinea 1 u 2, na po el betg vegnir chastia tenor questas disposiziuns.

¹⁹⁰ Versiun tenor la cifra 5 da l'aggiunta da la LF dals 19 da zer. 2020 (dretg d'acziyas), en vigor dapi il 1. da schan. 2023 (AS 2020 4005; 2022 109, 110; BBl 2017 399).

¹⁹¹ SR 220

⁴ Per calcular il chasti pecuniar n'è la dretgira betg liada vi da l'autezza maximala da la taxa per di (art. 34 al. 2 emprima frasa); il chasti pecuniar na dastga dentant betg surpassar sis giadas l'import da l'indemnisaziun annuala ch'è fixada cun la societad pertutgada il mument dal malfatg.

Art. 155

Falsificaziun
da rauba

1. Tgi che per intents d'engion en il commerzi ed en relaziuns da fatschenta

fabritgescha rauba, da la quala la valur reala è mendra che quai ch'ella para, en spezial cun imitar u cun falsifitgar in artigel,

importa, depositescha u metta en circulaziun tala rauba,

vegn chastià cun in chasti da detenziun fin a 3 onns u cun in chasti pecuniar, uschenavant ch'il malfatg na vegn betg chastià tenor in'otra disposiziun cun in chasti pli grond.

2. Sch'il delinquent agescha da professiun, vegn el chastià cun in chasti da detenziun fin a 5 onns u cun in chasti pecuniar, uschenavant ch'il malfatg na vegn betg chastià tenor in'otra disposiziun cun in chasti pli grond.¹⁹²

Art. 156

Extorsion

1. Tgi che influenzescha, cun l'intenziun d'enritgir sasez u in auter en moda illegala, insatgi tras violenza u tras la smanatscha da dischavantats serius a sa cumportar uschia, ch'el fa donn a sia facultad u a la facultad d'in auter, vegn chastià cun in chasti da detenziun fin a 5 onns u cun in chasti pecuniar.

2. Sch'il culpant agescha da professiun u sch'el extorchescha repetidamain la medema persuna,

vegn el chastià cun in chasti da detenziun dad 1 fin 10 onns.

3. Sch'il delinquent dovra violenza cunter ina persuna u sch'el smanatscha quella cun in privel preschent per la vita u per l'integritad corporala, vegn el chastià tenor l'artigel 140.

4. Sch'il delinquent smanatscha cun in privel per il corp e per la vita da blers umans u cun gronds donns da chaussas, vi da las qualas igl exista in grond interess public, vegn el chastià cun in chasti da detenziun betg sut 1 onn¹⁹³.

¹⁹² Versiun tenor la cifra I 1 da la LF dals 3 d'oct. 2008 davart la realisaziun da las recumandaziuns revedidas dal «Groupe d'action financière», en vigur dapi il 1. da favr. 2009 (AS 2009 361; BBl 2007 6269).

¹⁹³ Expressiun tenor la cifra II 1 al. 12 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979). Questa midada è vegnida resguardada en l'entir segund cudesch qua avant maun.

Art. 157

Usura

1. Tgi che explotescha la situaziun da sforz, la dependenza, la mancanza d'experienscha u la flaiveltezza concernent la capacitat da giuditgar d'ina persuna tras quai, ch'el lascha conceder u empermetter a sasez u ad in auter per ina prestaziun avantatgs da facultad che stattan economicamain en ina disproporziun evidenta cun la prestaziun,

tgi che acquista ina pretensiun usurara e la alienescha vinavant u la fa valair,

vegn chastia cun in chasti da detenziun fin a 5 onns u cun in chasti pecuniar.

2. Sch'il delinquent agescha da professiun, vegn el chastia cun in chasti da detenziun dad 1 fin 10 onns.

Art. 158Administraziun
malfidaivla

1. Tgi ch'è incumbensà sin basa da la lescha, d'ina incarica da l'autorità u d'in act giuridic d'administrar la facultad d'in auter u da survegliar ina tala administraziun da facultad e chaschuna u tolerescha, violond sias obligaziuns, che la facultad da l'auter vegn donnegiada, vegn chastia cun in chasti da detenziun fin a 3 onns u cun in chasti pecuniar.

Tgi che agescha egualmain sco mainagestiun senza incarica, vegn chastia cun il medem chasti.

Sch'il delinquent agescha cun l'intenziun d'enritgir sasez u in auter en moda illegala, po el vegnir chastia cun in chasti da detenziun dad 1 fin 5 onns.

2. Tgi che surdovra, cun l'intenziun d'enritgir sasez u in auter en moda illegala, l'autorisaziun ch'el ha obtegnì tras la lescha, tras ina incarica da l'autorità u tras in act giuridic da represchentar insatgi, e chaschuna uschia in donn vi da la facultad dal represchentà, vegn chastia cun in chasti da detenziun fin a 5 onns u cun in chasti pecuniar.

3. L'administraziun malfidaivla a disfavour d'in parent u d'in confamigliar vegn persequitada mo sin basa d'in plant.

Art. 159Diever abusiv
da deducziuns
dal salari

Il patrun che violescha l'obligaziun da duvrar ina deducziun dal salari per taglias, per taxas, per premias e per contribuziuns d'assicuranzas u en autra maniera a favur dal lavurant e fa uschia donn vi da la facultad da quel, vegn chastia cun in chasti da detenziun fin a 3 onns u cun in chasti pecuniar.

Art. 160

Zuppentada

1. Tgi che acquista, sa lascha regalar, prenda a pegn, taschenta u gida ad alienar ina chaussa, da la quala el sa u sto supponer ch'in auter la haja acquistada tras in malfatg cunter la facultad, vegn chastia cun in chasti da detenziun fin a 5 onns u cun in chasti pecuniar.

Il zuppentader vegn chastia tenor la smanatscha dal chasti per il malfatg precedent, sche quel chasti è pli lev.

Sch'il malfatg precedent è in delict che vegn persequità sin plant, vegn la zuppentada mo persequitada, sch'igl è vegnì purtà in plant da persequitar il malfatg precedent.

2. Sch'il delinquent agescha da professiun, vegn el chastia cun in chasti da detenziun fin a 10 onns u cun in chasti pecuniar betg sut 90 taxas per di.

Art. 161¹⁹⁴**Art. 161**^{bis} 195**Art. 162**

2. Violaziun dal secret da fabricaziun u da fatschenta

Tgi che tradescha in secret da fabricaziun u in secret da fatschenta ch'el avess l'obligaziun d'observar sin basa da la lescha u d'in contract,

tgi che maldovra quest tradiment per sasez u per in auter,

vegn chastia, sin plant, cun in chasti da detenziun fin a 3 onns u cun in chasti pecuniar.

Art. 163

3. Crims u delicts da concurs e da scussion.
Concurs fraudulent ed engion durant l'impegnaziun

1. Il debitor che reducescha sia facultad en moda fictiva per donn dals crediturs, en spezial,

che lascha svanir u taschenta valurs da facultad,

che dat da crair d'avair debits,

che renconuscha pretensiuns simuladas u incitescha in auter da las far valair,

vegn chastia cun in chasti da detenziun fin a 5 onns u cun in chasti pecuniar, sch'il concurs è vegnì declerà cunter el u sch'igl è vegnì emess in attest da perdita cunter el.

¹⁹⁴ Aboli tras la cifra II 3 da la LF dals 28 da sett. 2012, cun effect dapi il 1. da matg 2013 (AS 2013 1103; BBI 2011 6873).

¹⁹⁵ Integrà tras l'art. 46 da la L da bursas dals 24 da mars 1995 (AS 1997 68; BBI 1993 I 1369). Aboli tras la cifra II 3 da la LF dals 28 da sett. 2012, cun effect dapi il 1. da matg 2013 (AS 2013 1103; BBI 2011 6873).

2. La terza persuna che commetta in tal malfatg per donn dals crediturs, vegn chastada, sut las medemas premissas, cun in chasti da detenziun fin a 3 onns u cun in chasti pecuniar.

Art. 164

Reducziun
da la facultad
per donn dals
crediturs

1. Il debitor che reducescha sia facultad per donn dals crediturs cun donnegiar, destruir, svalitar u far nunduvrablas valurs da facultad, alienar valurs da facultad gratuitamain u cunter ina prestaziun che ha ina valur evidentamain pli pitschna, refusar, senza motivs reals, dretgs che tutgan ad el u desister gratuitamain da dretgs, vegn chastà cun in chasti da detenziun fin a 5 onns u cun in chasti pecuniar, sch'il concurs è vegni declerà cunter el u sch'igl è vegni emess in attest da perdita cunter el.

2. La terza persuna che commetta in tal malfatg per donn dals crediturs, vegn chastada, sut las medemas premissas, cun in chasti da detenziun fin a 3 onns u cun in chasti pecuniar.

Art. 165

Nauscha
administraziun

1. Il debitor che, en outra maniera che quellas previsas en l'artigel 164, tras nauscha administraziun, en spezial cun ina dotaziun da chapital nunsuffizienta, cun expensas sproporziunadas, cun speculaziuns ristgadas, cun dar u cun duvrar credits da levseenn, cun sfarlattar valurs da facultad e cun negliger grevamain la lavur professiunala u l'administraziun da la facultad,

chaschuna sia surdebitaziun u fa vegnir quella anc mendra, chaschuna sia atgna insolvenza u fa la situaziun concernent sia facultad anc mendra malgrà ch'el sa da sia insolvenza,

vegn chastà cun in chasti da detenziun fin a 5 onns u cun in chasti pecuniar, sch'il concurs è vegni declerà cunter el u sch'igl è vegni emess in attest da perdita cunter el.

2. Il debitor stumà sin via d'ina impegnaziun vegn persequità mo sin plant d'in creditor che ha survegni in attest da perdita cunter el.

Il plant sto vegnir purtà entaifer 3 mais dapi il di la consegna da l'attest da perdita.

Il creditor che ha surmanà il debitor da far debits da levseenn, da far expensas sproporziunadas u da far speculaziuns ristgadas ubain che ha explotà quel en moda usurara, n'ha betg il dretg da purtar plant.

Art. 166

Tralasar la
contabilitad

Il debitor che violescha sia obligaziun legala da manar e da tegnair en salv en urden cudeschs da fatschenta u da far ina bilantscha, uschia che ses stadi da facultad n'è betg u n'è betg cumplettaivmain vesaveil, vegn chastia cun in chastu da detenziun fin a 3 onns u cun in chastu pecuniar, sch'igl è vegni declerà il concurs cunter el u sch'igl è vegni emess in attest da perdita cunter el en cas d'ina impegnaziun tenor l'artitgel 43 da la Lescha federala dals 11 d'avrigl 1889¹⁹⁶ davart scussiu e concurs (LSC).

Art. 167

Favurisasiun
d'in creditur

Il debitor, ch'è conscient da sia insolvenza e che ha l'intenziun da favurisar singuls da ses crediturs a disfavur dad auters, e che interprenda acts cun questa finamira, en spezial pajond debits betg scadids, pajond debits scadids en autra moda che cun ils meds da pajament usitads, garantind in debit or d'agens meds senza esser obligà da far quai, vegn chastia cun in chastu da detenziun fin a 3 onns u cun in chastu pecuniar, sch'igl è vegni declerà il concurs cunter el u sch'igl è vegni emess in attest da perdita cunter el.

Art. 168

Corrupziun en
cas d'execuziun
sforzada

¹ Tgi che conceda u garantescha ad in creditur u a ses represchentant avantatgs speziels per survegnir sia vusch en la radunanza dals crediturs u en la giunta dals crediturs u per cuntanscher ses consentiment per in concordat giudizial u sia refusa d'in tal concordat, vegn chastia cun in chastu da detenziun fin a 3 onns u cun in chastu pecuniar.

² Tgi che conceda u garantescha ad in administratur da concurs, ad in commember da l'administraziun da concurs, al curatur u al liquidatur avantatgs speziels per influenzer sias decisiuns, vegn chastia cun in chastu da detenziun fin a 3 onns u cun in chastu pecuniar.

³ Tgi che sa lascha conceder u garantir tals avantatgs, vegn chastia cun il medem chastu.

Art. 169

Disponer
da valurs
da facultad
sequestradas

Tgi che dispona arbitrariamain per il donn dals crediturs d'ina valur da facultad

ch'è impegnada u sequestrada uffizialmain,

ch'è registrada uffizialmain en ina procedura da scussiu, da concurs u da retenziun u

che fa part d'ina facultad ch'è vegnida concedida en in'enclegientscha da liquidaziun

¹⁹⁶ SR 281.1

u tgi che donnegescha, destruescha, svalitescha u fa nunduvrabra ina tala valur da facultad,

vegn chastia cun in chastis da detenziun fin a 3 onns u cun in chastis pecuniar.

Art. 170

Obtegnair
cun rampigns
in concordat
giudizial

Il debitor che engiona ses crediturs, il curatur u l'autoridad da relasch en quai che concerna sia situaziun da facultad, en spezial cun ina contabilitad u cun ina bilantscha faussa, per cuntanscher uschia in moratori u l'approvaziun d'in concordat giudizial,

il terz che fa in tal act per avantatg dal debitor,

vegn chastia cun in chastis da detenziun fin a 3 onns u cun in chastis pecuniar.

Art. 171

Concordat
giudizial

¹ Ils artitgels 163 cifra 1, 164 cifra 1, 165 cifra 1, 166 e 167 valan er, sch'in concordat giudizial è vegnì acceptà e confermà.

² Sch'il debitor u sche la terza persuna ha – en il senn dals artitgels 163 cifra 2 e 164 cifra 2 – fatg in sforz economic spezial per facilitar qua tras la conclusiun d'in concordat giudizial, po l'autoridad cumpetenta desister d'al perseguitar penalmain, d'al consegnar al derschader u d'al dar in chastis.

Art. 171^{bis}

Revocaziun
dal concurs

¹ Sch'il concurs vegn revocà (art. 195 LSC¹⁹⁷), po l'autoridad cumpetenta desister da la persecuziun penala, da la consegna al derschader u dal chastis.

² Sch'igl è vegnì concludì in concordat giudizial, è l'alineia 1 mo applicabel, sch'il debitor u sche la terza persuna en il senn dals artitgels 163 cifra 2 e 164 cifra 2 ha fatg in sforz economic spezial ed ha tras quai facilità la conclusiun dal concordat.

Art. 172¹⁹⁸

4. Disposiziuns
generalas.

¹⁹⁷ SR 281.1

¹⁹⁸ Aboli tras la cifra II 3 da la LF dals 13 da dec. 2002, cun effect dapi il 1. da schan. 2007 (AS 2006 3459; BBl 1999 1979).

Art. 172^{bis} 199**Art. 172^{ter}**

Delicts
da facultad
minimalis

1 Sch'il malfatg pertutga mo ina valur da facultad minima u sch'el chaschuna mo in pitschen donn, vegn il delinquent chastià, sin plant, cun multa.

2 Questa prescripziun na vala betg per l'enguladitsch qualifitgà (art. 139 cifras 2 e 3), per la rapina e per l'extorsion.

Terz titel:
**Acts chastiabels cunter l'onur e cunter la sfera
secreta u privata²⁰⁰**

Art. 173²⁰¹

1. Violaziuns
da l'onur.
Diffamaziun

1. Tgi che inculpessa u suspecta insatgi visavi in auter d'ina conduita dischonuraivla u d'auters fatgs che pon far donn a ses bun num,

tgi che derasa ina tala inculpaziun u in tal suspect,
vegn chastià, sin plant, cun in chasti pecuniar.²⁰²

2. Sche l'inculpà cumprova d'avair ditg u derasà insatge che correspunda a la vardad, u sch'el aveva motivs serius da tegnair quai da buna fai per vair, n'è el betg chastiabel.

3. A l'inculpà na vegni betg permess da prestar la cumprova d'avair ditg la vardad ed el è chastiabel per decleraziuns ch'èn vegnidas ditgas u derasadas senza vulair mantegnair ils interess publics u senza auters motivs giustifitgabels, mabain ch'èn vegnidas ditgas e derasadas en emprima lingua cun l'intent da renfatschar ad insatgi insatge dal mal, en spezial sche las decleraziuns sa refereschan a la vita privata u a la vita da famiglia.

4. Sch'il delinquent revochescha sco nunvair quai ch'el ha ditg, po il derschader diminuir il chasti u desister dal tuttatg da quel.

5. Sche l'inculpà n'ha betg cumprovà la vardad u sche sias decleraziuns èn nunvairas u sche l'inculpà las revochescha, ha il derschader da constatar quai en la sentenza u en in auter document.

¹⁹⁹ Aboli tras la cifra I 1 da la LF dals 19 da zer. 2015 (midadas dal dretg da sancziuns), cun effect dapi il 1. da schan. 2018 (AS 2016 1249; BBI 2012 4721).

²⁰⁰ Versiun tenor la cifra I da la LF dals 20 da dec. 1968, en vigur dapi il 1. da matg 1969 (AS 1969 319; BBI 1968 I 585).

²⁰¹ Versiun tenor la cifra I da la LF dals 5 d'oct. 1950, en vigur dapi ils 5 da schan. 1951 (AS 1951 I; BBI 1949 I 1249).

²⁰² Nova circumscripziun da las smanatschas da chasti tenor la cifra II 1 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

Art. 174

Calumnia

1. Tgi che inculpescha u suspecta insatgi cunter meglier savair visavi in auter d'ina conduita dischonuraivla u d'auters fatgs che pon far donn a ses bun num,

tgi che derasa ina tala inculpaziun u in tal suspect cunter meglier savair, vegn chastia, sin plant, cun in chasti da detenziun fin a 3 onns u cun in chasti pecuniar.

2. Sch'il delinquent ha empruvà da ruinar il bun num d'ina persuna, vegn el chastia cun in chasti da detenziun fin a 3 onns u cun in chasti pecuniar betg sut 30 taxas per di.²⁰³

3. Sch'il delinquent revochescha davant il derschader quai ch'el ha ditg sco nunvair, po el vegnir chastia cun in chasti pli lev. Il derschader consegna a l'offendi in document davart la revocaziun.

Art. 175

Diffamaziun u calumnia vers ina persuna morta u sparida

1 Sche la diffamaziun u sche la calumnia sa drizza cunter ina persuna morta u cunter ina persuna declarada sco sparida, han ils confamigliars da questa persuna il dretg da purtar plant.

2 Il delinquent na vegn betg chastia, sch'i èn passads pli che 30 onns dapi che la persuna offendida è morta u dapi ch'ella è vegnida declarada sco sparida.

Art. 176

Disposiziuns cuminaivlas

Diffamaziuns e calumnias exprimidas a bucca han il medem status sco diffamaziuns e calumnias exprimidas en scrit, cun maletgs, cun gests u en in'otra moda.

Art. 177

Ingiuria

1 Tgi che offenda l'onur d'ina persuna en in'otra moda cun plets, cun scrittiras, cun maletgs, cun gests u cun metter maun vi dad ella, vegn chastia, sin plant, cun in chasti pecuniar fin a 90 taxas per di.²⁰⁴

2 Sche l'offendi ha provocà directamain l'ingiuria cun ses cumportament deplazzà, po il derschader deliberar il delinquent dal chasti.

3 Sche l'offendi ha replitgà immediatamain l'ingiuria cun ina ingiuria u cun metter maun vi da l'auter, po il derschader deliberar tuts dus u in dad els dal chasti.

²⁰³ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

²⁰⁴ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

Art. 178

Surannaziun

¹ La persecuziun dals delicts cunter l'onur surannescha en 4 onns.²⁰⁵

² En quai che concerna l'extincziun dal dretg da purtar plant vala l'artitgel 31.²⁰⁶

Art. 179

2.²⁰⁷ Malfatgs
cunter la sfera
secreta u privata.

Violaziun
dal secret da
correspondenza

Tgi che avra senza avoir l'autorisaziun ina scrittira u ina spediuziun serrada per prender enconuschientscha da ses cuntegn,

tgi che derasa fatgs u tgi che profita da fatgs, dals quals el ha survegni enconuschientscha cun avrir ina scrittira u ina spediuziun serrada che n'era betg destinada per el,

vegn chastià, sin plant, cun multa.

Art. 179^{bis} ²⁰⁸

Tadlar u registrar
discurs esters

Tgi che taidla cun in apparat per tadlar zuppà u registrescha sin in portatun in discurs ester betg public senza il consentiment da tut ils participads,

tgi che profita d'in fatg u tgi che dat enconuschent ad ina terza persuna in fatg, dal qual el sa u sto supponer ch'el è vegni enconuschent ad el sin basa d'in malfatg tenor l'alineia 1,

tgi che tegna en salv u renda accessibel ad ina terza persuna ina registraziun, da la quala el sa u sto supponer ch'ella è vegnida fatga tras in malfatg tenor l'alineia 1,

vegn chastià, sin plant, cun in chasti da detenziun fin a 3 onns u cun in chasti pecuniar.

Art. 179^{ter} ²⁰⁹

Registraziun
betg autorisada
d'ina conver-
saziun

Tgi che sco participant ad ina conversaziun registrescha sin in portatun ina conversaziun betg publica senza il consentiment dals auters participads,

²⁰⁵ Versiun tenor la cifra I da la LF dals 22 da mars 2002 (surannaziun da la persecuziun penala), en vigur dapi il 1. d'oct. 2002 (AS 2002 2986; BBl 2002 2673 1649).

²⁰⁶ Versiun tenor la cifra II 2 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

²⁰⁷ Versiun tenor la cifra I da la LF dals 20 da dec. 1968, en vigur dapi il 1. da matg 1969 (AS 1969 319; BBl 1968 I 585).

²⁰⁸ Integrà tras la cifra I da la LF dals 20 da dec. 1968, en vigur dapi il 1. da matg 1969 (AS 1969 319; BBl 1968 I 585).

²⁰⁹ Integrà tras la cifra I da la LF dals 20 da dec. 1968, en vigur dapi il 1. da matg 1969 (AS 1969 319; BBl 1968 I 585).

tgi che tegna en salv, evaluescha, renda accessibel ad ina terza persuna il cuntegn da la registraziun u dat enconuschientscha ad ina terza persuna dal cuntegn da la registraziun, da la quala el sa u sto supponer ch'ella è vegnida fatga tras in malfatg tenor l'aleina 1,

vegn chastia, sin plant, cun in chasti da detenziun fin ad 1 onn u cun in chasti pecuniar.²¹⁰

Art. 179^{quater} 211

Violaziun da la sfera secreta u privata tras apparats da registraziun

Tgi che observa cun in apparat da registraziun u registrescha sin in purtader da maletgs in fatg or da la sfera secreta u in fatg che n'è betg senza auter accessibel a mintgin or da la sfera privata d'ina altra persuna senza il consentiment da quella,

tgi che profita d'in fatg u tgi che dat enconuschent ad ina terza persuna in fatg, dal qual el sa u sto supponer ch'el è vegnì enconuschent ad el sin basa d'in malfatg tenor l'aleina 1,

tgi che tegna en salv u renda accessibel ad ina terza persuna ina registraziun, da la quala el sa u sto supponer ch'ella è vegnida fatga tras in malfatg tenor l'aleina 1,

vegn chastia, sin plant, cun in chasti da detenziun fin a 3 onns u cun in chasti pecuniar.

Art. 179^{quinquies} 212

Registraziuns betg chastiablas

¹ Betg chastiabel, ni tenor l'artitgel 179^{bis} aleina 1 ni tenor l'artitgel 179^{ter} aleina 1, n'è tgi che sco participant da la conversaziun u sco abunent d'in attatg participà registrescha:

- a. discurs telefonic cun servetschs d'agid, da salvament e da segirezza;
- b. discurs telefonic dal traffic commercial che concernan empustaziuns, incumbensas, reservaziuns e fatschentas sumegliantas.

² En quai che concerna l'utilisaziun da registraziuns tenor l'aleina 1 èn applitgabels conform al senn ils artitgels 179^{bis} alineas 2 e 3 e 179^{ter} aleina 2.

²¹⁰ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979).

²¹¹ Integrà tras la cifra I da la LF dals 20 da dec. 1968, en vigur dapi il 1. da matg 1969 (AS 1969 319; BBI 1968 I 585).

²¹² Integrà tras la cifra I da la LF dals 20 da dec. 1968 (AS 1969 319; BBI 1968 I 585). Versiun tenor la cifra I da la LF dals 3^d oct. 2003, en vigur dapi il 1. da mars 2004 (AS 2004 823; BBI 2001 2632 5816).

federala dals 6 d'october 2000²¹⁷ davart la surveglianza dal traffic da posta e da telecomunicaziun.

Art. 179^{novies} 218

Procuraziun
nunautorisada
da datas da
persunas

Tgi che sa procura senza autorisaziun, or d'ina collecziun da datas, datas da persunas ch'èn spezialmain degnas da vegnir protegidas u profils da personalitads che n'èn betg accessibels libramain, vegn chastia, sin plant, cun in chasti da detenziun fin a 3 onns u cun in chasti pecuniar.

Quart titel: Crims e delicts cunter la libertad

Art. 180

Smanatscha

¹ Tgi che chaschuna sgarschur u tema ad insatgi tras ina greva smanatscha, vegn chastia, sin dumonda, cun in chasti da detenziun fin a 3 onns u cun in chasti pecuniar.

² Il delinquent vegn persequità d'uffizi, sche:

- a. el è il conjugal da la victima e la smanatscha è vegnida commessa durant la lètg u fin ad 1 onn suenter il divorzi; u
- a^{bis}.²¹⁹ el è il partenari registrà da la victima e la smanatscha è vegnida commessa durant il partenadi registrà u fin ad 1 onn suenter sia schliaziun; u
- b. el è il partenari da vita eterosexual u omosexual da la victima, uschenavant ch'els mainan ina chasada cuminaivla per in temp illimità e la smanatscha è vegnida commessa durant quest temp u entaifer 1 onn suenter la separaziun.²²⁰

Art. 181

Constricziun

Tgi che sforza insatgi – cun violar u cun smanatschar dischavantatgs serius ubain cun restrenscher sia libertad d'agir en outra moda e maniera – da far, da tralaschar ubain da tolerar insatge, vegn chastia cun in chasti da detenziun fin a 3 onns u cun in chasti pecuniar.

²¹⁷ [AS 2001 3096; 2003 2133 agiunta cifra 18, 3043 cifra I 2; 2004 2149, 3693; 2006 2197 agiunta cifra 84, 5437 art. 2 cifra 3; 2007 921 agiunta cifra 3, 5437 agiunta cifra II 7; 2010 1881 agiunta I cifra II 26, 3267 agiunta cifra II 14; 2012 3745 agiunta cifra 7; 2017 4095 agiunta cifra II 12. AS 2018 117]. Guardar oz: LF dals 18 da mars 2016 (SR 780.1).

²¹⁸ Integrà tras la cifra 4 da l'agiunta da la LF dals 19 da zer. 1992 davart la protecziun da datas, en vigur dapi il 1. da fan. 1993 (AS 1993 1945; BBI 1988 II 413).

²¹⁹ Integrà tras la cifra 18 da l'agiunta da la L da partenadi dals 18 da zer. 2004, en vigur dapi il 1. da schan. 2007 (AS 2005 5685; BBI 2003 1288).

²²⁰ Integrà tras la cifra I da la LF dals 3 d'oct. 2003 (persecuziun penala en la lètg ed en il partenadi), en vigur dapi il 1. d'avr. 2004 (AS 2004 1403; BBI 2003 1909 1937).

Art. 181a²²¹

Maridaglia sfurzada, partenadi registrà sfurza

¹ Tgi che sforza insatgi – cun violar u cun smanatschar dischavantatgs serius ubain cun restrenscher sia libertad d'agir en outra moda e maniera – da maridar u da laschar registrar in partenadi, vegn chastià cun in chasti da detenziun fin a 5 onns u cun in chasti pecuniar.

² Chastiabel è er quel che commetta il malfatg a l'exteriur, sch'el sa chatta en Svizra e na vegn betg extradi. L'artitgel 7 alineas 4 e 5 è applitgabel.

Art. 182²²²

Commerzi cun umans

¹ Tgi che fa commerzi cun in uman sco purschider, sco mediatuor u sco cumprader per intents da l'explotaziun sexuala, da l'explotaziun da sia forza da lavur ubain per retrair in organ da quel, vegn chastià cun in chasti da detenziun u cun in chasti pecuniar. Engaschar ina persuna per quest intent vegn tractà sco il commerzi.

² Sche la victima è ina persuna minorena²²³ u sch'il delinquent fa da professiun commerzi cun umans, vegn el chastià cun in chasti da detenziun betg sut 1 onn.

³ En mintga cas sto er vegnir pronunzià in chasti pecuniar.

⁴ Chastiabel è er il delinquent che commetta il malfatg a l'exteriur. Ils artitgels 5 e 6 èn applitgabels.

Art. 183²²⁴

Sequestraziun da persunas e rapinament

1. Tgi che prenda illegalmain en fermanza u tegna illegalmain en praschunia insatgi u tgi che privescha en outra moda e maniera illegalmain insatgi da la libertad,

tgi che rapinescha insatgi tras violenza, tras malizia ubain tras smanatscha,

vegn chastià cun in chasti da detenziun fin a 5 onns u cun in chasti pecuniar.

2. Medemamain vegn quel chastià che rapinescha insatgi che n'è betg abel da giuditgar, che n'è betg abel da sa defender u che n'ha anc betg 16 onns.

²²¹ Integrà tras la cifra I 6 da la LF dals 15 da zer. 2012 davart mesiras cunter maridaglias sfurzadas, en vigur dapi il 1. da fan. 2013 (AS **2013** 1035; BBI **2011** 2185).

²²² Versiun tenor l'art. 2 cifra 1 dal COF dals 24 da mars 2006 davart l'approvaziun e la realisaziun dal protocol facultativ dals 25 da matg 2000 tar la Convenziun dals dretgs da l'uffant concernent la vendita d'uffants, la prostituziun d'uffants e la pornografia d'uffants, en vigur dapi il 1. da dec. 2006 (AS **2006** 5437; BBI **2005** 2807).

²²³ AS **2012** 7501

²²⁴ Versiun tenor la cifra I da la LF dals 9 d'oct. 1981, en vigur dapi il 1. d'oct. 1982 (AS **1982** 1530; BBI **1980** I 1241).

Art. 184²²⁵Circumstanzas
engrevgiantas

Il rapinament vegn chastià cun in chasti da detenziun betg sut 1 onn, sch'el delinquent ha tshertgà da survegnir daners da liberaziun, sch'el ha tractà la victima en moda crudaivla, sche la privaziun da la libertad dura daplì che 10 dis u sche la sanadad da la victima vegn periclitada considerablamain.

Art. 185²²⁶Rapinament
d'ostagis

1. Tgi che sequestrescha insatgi, tgi che rapinescha insatgi ubain tgi che prenda possess d'insatgi en in'otra moda e maniera per sfurzar ina terza persuna d'agir, da tralaschar u da tolerar insatge,

tgi che profitescha da la situaziun ch'è vegnida creada d'insatgi auter en tala moda e maniera per sfurzar ina terza persuna,

vegn chastià cun in chasti da detenziun betg sut 1 onn.

2. Il delinquent vegn chastià cun in chasti da detenziun betg sut 3 onns, sch'el smanatscha da mazzar la victima, da la blessar grevamein u da la tractar en moda crudaivla.

3. En cas spezialmain grevs, en spezial, sch'el malfatg pertutga blers umans, po il delinquent vegnir chastià cun in chasti da detenziun per vita duranta.

4.²²⁷ Sch'el delinquent sa retira da la constringiun e sch'el lascha liber la victima, po el vegnir chastià cun in chasti pli lev (art. 48a).

5. Chastiabel è er quel che commetta il malfatg a l'exteriur, sch'el vegn arrestà en Svizra e sch'el na vegn betg extradì. L'artitgel 7 alineas 4 e 5 è applitgabel.²²⁸

Art. 185^{bis 229}Spariziun
sfurzada

¹ Cun in chasti da detenziun betg sut 1 onn vegn chastià, tgi che fa – cun l'intenziun da privar ina persuna durant in temp pli lung da la protecziun da la lescha – il suandant:

²²⁵ Versiun tenor la cifra I da la LF dals 9 d'oct. 1981, en vigur dapi il 1. d'oct. 1982 (AS **1982** 1530; BBI **1980** I 1241).

²²⁶ Versiun tenor la cifra I da la LF dals 9 d'oct. 1981, en vigur dapi il 1. d'oct. 1982 (AS **1982** 1530; BBI **1980** I 1241).

²²⁷ Versiun tenor la cifra II 2 da la LF dals 13 da dec. 2002, en vigur dapi il 1. da schan. 2007 (AS **2006** 3459; BBI **1999** 1979).

²²⁸ Versiun da la segunda frasa tenor la cifra II 2 da la LF dals 13 da dec. 2002, en vigur dapi il 1. da schan. 2007 (AS **2006** 3459; BBI **1999** 1979).

²²⁹ Integrà tras l'aggiunta 2 cifra 1 dal COF dals 18 da dec. 2015 davart l'approvaziun e la realisaziun da la Convenziun internaziunala per la protecziun da tut las persunas cunter spariziuns sfurzadas, en vigur dapi il 1. da schan. 2017 (AS **2016** 4687; BBI **2014** 453).

- a. privescha ina persuna – per incumbensa u cun l’approvaziun d’in stadi u d’ina organisaziun politica – da la libertad e refusa silsuentar da dar scleriment davart sia sort u davart il lieu, nua ch’ella sa chatta; u
- b. refusa – per incumbensa d’in stadi u d’ina organisaziun politica ubain cuntrari ad in’obligaziun giuridica – da dar scleriment davart la sort da questa persuna u davart il lieu, nua che questa persuna sa chatta.

² Chastiabel è er quel che ha commess il malfatg a l’exteriur, sch’el sa chatta en Svizra e na vegn betg extradi. L’artitgel 7 alineas 4 e 5 è applitgabel.

Art. 186

Violaziun
da domicil

Tgi ch’entra, cunter la voluntad da la persuna autorisada, illegalmain en ina chasa, en in’abitaziun, en ina stanza serrada d’ina chasa ubain en ina piazza, en ina curt, en in curtin u en ina piazza da lavur, ubain tgi che resta là, malgrà il cumond da la persuna autorisada da s’allontanar, vegn chastià, sin dumonda, cun in chasti da detenziun fin a 3 onns u cun in chasti pecuniar.

Tschintgavel titel:²³⁰

Acts chastiabels cunter l’integritad sexuala

Art. 187

1. Periclitaziun
dal svilup da
persunas
minorennas.
Acts sexuals
cun uffants

1. Tgi che commetta in act sexual cun in uffant sut 16 onns, tgi che surmaina in uffant ad in tal act u tgi che sforza in uffant da sa participar ad in act sexual, vegn chastià cun in chasti da detenziun fin a 5 onns u cun in chasti pecuniar.
2. L’act n’è betg chastiabel, sche la differenza da vegliadetgna tranter las persunas participadas è main che 3 onns.
- 3.²³¹ Sch’il delinquent n’ha betg cumplenì 20 onns il mument ch’el ha commess l’act u l’emprima acziun e sch’i existan circumstanzas particularas u sche la persuna violada l’ha maridà u viva en partenadi registrà cun el, po l’autorità cumpetenta desister da la persecuziun penala, da la consegna al derschader u d’in chasti.

²³⁰ Versiun tenor la cifra I da la LF dals 21 da zer. 1991, en vigur dapi il 1. d’oct. 1992 (AS 1992 1670; BBI 1985 II 1009).

²³¹ Versiun tenor la cifra I 1 da la LF dals 13 da dec. 2013 davart il scumond d’activitad e davart il scumond da contact e d’areal, en vigur dapi il 1. da schan. 2015 (AS 2014 2055; BBI 2012 8819).

4. Sch'il delinquent ha agì sut l'influenza d'ina errur presumond che l'uffant haja almain 16 onns, ma sch'el avess – observond la precauziun duaivla – pudi evitar l'errur, vegn el chastia cun in chastì da detenziun fin a 3 onns u cun in chastì pecuniar.

5. ...²³²

6. ...²³³

Art. 188

Acts sexuals
cun persunas
dependentas

1. Tgi che commetta in act sexual cun ina persuna minorena sur 16 onns ch'hè dependenta dad el tras ina relaziun d'educaziun, d'assistenza u da lavur u en in'otra moda profitond da questa dependenza,

tgi che surmaina ina tala persuna ad in act sexual profitond da sia dependenza,

vegn chastia cun in chastì da detenziun fin a 3 onns u cun in chastì pecuniar.

2.²³⁴ Sche la persuna violada ha maridà il culpant u viva en partenadi registrà cun el, po l'autoritàd cumpetenta desister da la persecuziun penala, da la consegna al derschader u dal chastì.

Art. 189

2. Attatgas
cunter la libertat
e cunter l'onur
sexuala.
Constricziun
sexuala

¹ Tgi che constrenscha ina persuna da tolerar in act sumegliant a l'act sexual u in auter act da gener sexual, numnadamain cun la smanatschar, cun duvrar violenza, cun la metter sut pressiuun psichica u cun la render inabla da far resistenza, vegn chastia cun in chastì da detenziun fin a 10 onns u cun in chastì pecuniar.

2 ...²³⁵

³ Sch'il delinquent agescha en moda crudaivla, sch'el utilisescha en spezial in'arma privlusa u in auter object privlus, vegn el chastia cun in chastì da detenziun d'almain 3 onns.²³⁶

²³² Aboli tras la cifra I da la LF dals 21 da mars 1997, cun effect dapi il 1. da sett. 1997 (AS 1997 1626; BBl 1996 IV 1318 1322).

²³³ Integrà tras la cifra I da la LF dals 21 da mars 1997 (AS 1997 1626; BBl 1996 IV 1318 1322). Aboli tras la cifra I da la LF dals 5 d'oct. 2001 (surannaziun da la persecuziun penala en general ed en cas da delicts sexuals cun uffants), cun effect dapi il 1. d'oct. 2002 (AS 2002 2993; BBl 2000 2943).

²³⁴ Versiun tenor la cifra 18 da la L da partenadi dals 18 da zer. 2004, en vigur dapi il 1. da schan. 2007 (AS 2005 5685; BBl 2003 1288).

²³⁵ Aboli tras la cifra I da la LF dals 3 d'oct. 2003 (persecuziun penala en la lètged en il partenadi), cun effect dapi il 1. d'avr. 2004 (AS 2004 1403; BBl 2003 1909 1937).

²³⁶ Versiun tenor la cifra I da la LF dals 3 d'oct. 2003 (persecuziun penala en la lètged en il partenadi), en vigur dapi il 1. d'avr. 2004 (AS 2004 1403; BBl 2003 1909 1937).

Art. 190

- Violaziun 1 Tgi che constrenscha ina persuna feminina da tolerar l'act sexual, numnadamain cun la smanatschar, cun duvrar violenza, cun la metter sut pressiu psiclica u cun la render inabla da far resistenza, vegn chastia cun in chasti da detenziun dad 1 fin 10 onns.
- 2 ...²³⁷
- 3 Sch'il delinquent agescha en moda crudavla, sch'el utilisescha en spezial in'arma privlusa u in auter object privlus, vegn el chastia cun in chasti da detenziun d'almain 3 onns.²³⁸

Art. 191

- Dischonuraziun Tgi che sa ch'ina persuna è incapabla da giuditgar u inabla da far resistenza e surdovra questa persuna per l'act sexual, per in act sumegliant a l'act sexual u per in auter act da gener sexual, vegn chastia cun in chasti da detenziun fin a 10 onns u cun in chasti pecuniar.

Art. 192

- Acts sexuals cun persunas ricoveradas, arrestadas, accusadas 1 Tgi che intimescha – profitond da la dependenza d'ina persuna ricoverada, internada, arrestada u accusada – da commetter u da tolerar in act sexual, vegn chastia cun in chasti da detenziun fin a 3 onns u cun in chasti pecuniar.
- 2 Sche la persuna violada ha maridà il delinquent u sch'ella viva en partenadi registrà cun el, po l'autorità cumpetenta desister da la persecuziun penala, da la consegna al derschader u dal chasti.²³⁹

Art. 193

- Profitar da la situaziun d'urgenza 1 Tgi che intimescha ina persuna da commetter u da tolerar in act sexual profitond d'ina situaziun d'urgenza u d'ina dependenza motivada tras ina relaziun da lavur u en in'atra moda, vegn chastia cun in chasti da detenziun fin a 3 onns u cun in chasti pecuniar.
- 2 Sche la persuna violada ha maridà il delinquent u sch'ella viva en partenadi registrà cun el, po l'autorità cumpetenta desister da la persecuziun penala, da la consegna al derschader u dal chasti.²⁴⁰

²³⁷ Aboli tras la cifra I da la LF dals 3 d'oct. 2003 (persecuziun penala en la lètg ed en il partenadi), cun effect dapi il 1. d'avr. 2004 (AS 2004 1403; BBI 2003 1909 1937).

²³⁸ Versiun tenor la cifra I da la LF dals 3 d'oct. 2003 (persecuziun penala en la lètg ed en il partenadi), en vigur dapi il 1. d'avr. 2004 (AS 2004 1403; BBI 2003 1909 1937).

²³⁹ Versiun tenor la cifra 18 da l'aggiunta da la L da partenadi dals 18 da zer. 2004, en vigur dapi il 1. da schan. 2007 (AS 2005 5685; BBI 2003 1288).

²⁴⁰ Versiun tenor la cifra 18 da l'aggiunta da la L da partenadi dals 18 da zer. 2004, en vigur dapi il 1. da schan. 2007 (AS 2005 5685; BBI 2003 1288).

Art. 194

Exibiziunsem ¹ Tgi che commetta in act exhibiziunistic, vegn chastia, sin plant, cun in chastu pecuniar.²⁴¹

² Sch'il delinquent sa suttametta ad in tractament medicinal, po la procedura penala vegnir sistida. Ella vegn reprimida, sch'il delinquent sa sustira dal tractament.

Art. 195²⁴²

3. Profitar d'acts sexuals. Promoziun da la prostituziun

Cun in chastu da detenziun fin a 10 onns u cun in chastu pecuniar vegn chastia, tgi che:

- a. stauscha ina persuna minorena en la prostituziun u promova sia prostituziun cun l'intenziun d'obtegnair in avantatg da facultad;
- b. stauscha ina persuna en la prostituziun profund d'ina relaziun da dependenza u cun l'intenziun d'obtegnair in avantatg da facultad;
- c. restrenscha la libertad d'agir d'ina persuna che sa prostituescha, tras quai ch'el la surveglia durant questa activitad u fixescha il lieu, las uras, la dimensiun u autras circumstanzas da la prostituziun;
- d. retegna ina persuna en la prostituziun.

Art. 196²⁴³

Acts sexuals cun persunas minorennas cunter indemnisaziun

Tgi che commetta acts sexuals cun ina persuna minorena u fa commetter ina persuna minorena tals acts, la pajond u empermettend ina indemnisaziun, vegn chastia cun in chastu da detenziun fin a 3 onns u cun in chastu pecuniar.

Art. 197²⁴⁴

4. Pornografia

¹ Tgi che offrescha, mussa, surlascha, renda accessibels ad ina persuna sut 16 onns scrittiras pornograficas, registraziuns sonoras u visualas, maletgs, auters objects da tala spezia u preschentaziuns pornograficas u als derasa tras il radio e tras la televisiun, vegn chastia cun in chastu da detenziun fin a 3 onns u cun in chastu pecuniar.

²⁴¹ Nova circumscripziun da las smanatschas da chastu tenor la cifra II 1 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

²⁴² Versiun tenor la cifra 1 da l'aggiunta dal COF dals 27 da sett. 2013 (Convenziun da Lanzarote), en vigur dapi il 1. da fan. 2014 (AS 2014 1159; BBI 2012 7571).

²⁴³ Versiun tenor la cifra 1 da l'aggiunta dal COF dals 27 da sett. 2013 (Convenziun da Lanzarote), en vigur dapi il 1. da fan. 2014 (AS 2014 1159; BBI 2012 7571).

²⁴⁴ Versiun tenor la cifra 1 da l'aggiunta dal COF dals 27 da sett. 2013 (Convenziun da Lanzarote), en vigur dapi il 1. da fan. 2014 (AS 2014 1159; BBI 2012 7571).

² Tgi che expona u mussa publicamain objects u preschentaziuns tenor l'aleina 1 u als offrescha uschiglio ad insatgi senza vegnir intimà, vegn chastia cun multa. Tgi che fa attent gia ordavant ils visitaders d'exposiziuns u da preschentaziuns en locals serrads al caracter pornografic da quellas, na vegn betg chastia.

³ Tgi che recrutescha ina persuna minorena, per che quella coopereschia ad ina preschentaziun pornografica, u tgi che cumonda ad ina persuna minorena da cooperar ad ina tala preschentaziun, vegn chastia cun in chasti da detenziun fin a 3 onns u cun in chasti pecuniar.

⁴ Tgi che fabritgescha, importa, depositescha, metta en circulaziun, propagescha, expona, offrescha, mussa, surlascha, renda accessibels, acquista, sa procura sur meds electronics u en outra moda u posseda objects u preschentaziuns tenor l'aleina 1, che cuntengnan acts sexuals cun animals u acts da violenza tranter persunas creschidas u acts sexuals betg reals cun persunas minorennas, vegn chastia cun in chasti da detenziun fin a 3 onns u cun in chasti pecuniar. Sch'ils objects u las preschentaziuns cuntengnan acts sexuals reals cun persunas minorennas, è il chasti in chasti da detenziun fin a 5 onns u in chasti pecuniar.

⁵ Tgi che consumescha, producescha per l'agen consum, importa, depositescha, acquista, sa procura sur meds electronics u en outra moda u posseda objects u preschentaziuns tenor l'aleina 1, che cuntengnan acts sexuals cun animals u acts da violenza tranter persunas creschidas u acts sexuals betg reals cun persunas minorennas, vegn chastia cun in chasti da detenziun fin ad 1 onn u cun in chasti pecuniar. Sch'ils objects u las preschentaziuns cuntengnan acts sexuals reals cun persunas minorennas, è il chasti in chasti da detenziun fin a 3 onns u in chasti pecuniar.

⁶ En cas da malfatgs tenor ils alineas 4 e 5 vegnan confiscads ils objects.

⁷ Sch'il delinquent agescha cun l'intenziun da s'enritgir, sto il chasti da detenziun vegnir collià cun in chasti pecuniar.

⁸ Persunas minorennas pli veglias che 16 onns na vegnan betg chastiadas, sch'ellas produceschan, possedan u consumeschan ina da l'otra cun lur consentiment objects u preschentaziuns tenor l'aleina 1.

⁹ Objects u preschentaziuns tenor ils alineas 1–5 n'èn betg da caracter pornografic, sch'els han ina valur culturala u scientifica degna da vegnir protegida.

Art. 198

5. Surpassaments
cunter l'integritad
sexuala.

Mulestas
sexualas

Tgi che dat stgandel cun commetter in act sexual davant ina persuna che na spetga betg quai,

tgi che mulesta sexualmain ina persuna cun acts da violenza u tras plets schlaschads,

vegn chastia, sin plant, cun multa.

Art. 199

Exercizi
inadmissibel da
la prostituziun

Tgi che cuntrafa a las prescripziuns chantunalas davart il lieu, davart las uras u davart il gener da l'exercizi da la prostituziun e davart l'im-pediment da fenomenens secundars mulestus, vegn chastia cun multa.

Art. 200

6. Inspecziun
cuminai vla

Sch'in malfatg da quest titel vegn commess cuminaivlamain da pliras persunas, po il derschader augmentar il chasti, na dastga dentant betg surpassar per pli che la mesadad la dimensiun maximala dal chasti smanatschà. En quest connex è el lià vi dal maximum legal dal gener dal chasti.

Art. 201–212²⁴⁵**Sisavel titel: Crims e delicts cunter la famiglia****Art. 213**²⁴⁶

Incest

¹ L'act sexual tranter parents consanguins en lingia directa, tranter fra-gliuns consanguins ed uterins vegn chastia cun in chasti da detenziun fin a 3 onns u cun in chasti pecuniar.

² Minorens na vegnan betg chastiaads, sch'els èn vegnids surmanads.

³ ...²⁴⁷

Art. 214²⁴⁸**Art. 215**²⁴⁹

Pliras lètgs u
plirs partenadis
registrads

Tgi che marida, malgrà ch'el è gia maridà, u tgi che lascha registrar in partenadi, malgrà ch'el viva gia en partenadi registrà,

tgi che concluda ina lètg cun ina persuna maridada u tgi che lascha registrar il partenadi cun ina persuna che viva gia en partenadi registrà,

²⁴⁵ Quests art. abolids vegnan (cun excepziun da l'art. 211) remplazzads tras ils art. 195, 196, 197, 198, 199 (cf. commentari da la missiva cifra 23; BBl 1985 II 1009). L'art. 211 vegn stritgà senza cumpensaziun.

²⁴⁶ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBl 1985 II 1009).

²⁴⁷ Aboli tras la cifra I da la LF dals 5 d'oct. 2001 (surannaziun da la persecuziun penala en general ed en cas da delicts sexuals cun uffants), cun effect dapi il 1. d'oct. 2002 (AS 2002 2993; BBl 2000 2943).

²⁴⁸ Aboli tras la cifra I da la LF dals 23 da zer. 1989, cun effect dapi il 1. da schan. 1990 (AS 1989 2449; BBl 1985 II 1009).

²⁴⁹ Versiun tenor la cifra 18 da l'aggiunta da la L da partenadi dals 18 da zer. 2004, en vigur dapi il 1. da schan. 2007 (AS 2005 5685; BBl 2003 1288).

vegn chastia cun in chasti da detenziun fin a 3 onns u cun in chasti pecuniar.

Art. 216²⁵⁰

Art. 217²⁵¹

Negligientscha da las obligaziuns da mantegniment

¹ Tgi che n'ademplescha betg sias obligaziuns da mantegniment u da sustegn tenor il dretg da famiglia, malgrà ch'el ha u ch'el avess ils meds necessaris per quai, vegn chastia, sin plant, cun in chasti da detenziun fin a 3 onns u cun in chasti pecuniar.

² Il dretg da purtar plant han er las autoritads ed ils posts designads dals chantuns. Quest dretg sto vegnir exequi observond ils interess da la famiglia.

Art. 218²⁵²

Art. 219²⁵³

Violaziun da l'obligaziun d'assistenza u d'educaziun

¹ Tgi che violescha u negligescha sia obligaziun d'assistenza u d'educaziun vers ina persuna minorena e pericletescha quella tras quai en ses svilup corporal e spiertal, vegn chastia, sin plant, cun in chasti da detenziun fin a 3 onns u cun in chasti pecuniar.

² Sch'il delinquent agescha per negligientscha, po el vegnir chastia cun multa empè d'in chasti da detenziun u empè d'in chasti pecuniar.²⁵⁴

Art. 220²⁵⁵

Privaziun da persunas minorenas

Tgi che privescha ina persuna minorena da la persuna che ha il dretg da determinar il lieu da dimora ubain refusa da la returnar a quella, vegn chastia, sin plant, cun in chasti da detenziun fin a 3 onns u cun in chasti pecuniar.

²⁵⁰ Aboli tras la cifra I da la LF dals 23 da zer. 1989, cun effect dapi il 1. da schan. 1990 (AS 1989 2449; BBl 1985 II 1009).

²⁵¹ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBl 1985 II 1009).

²⁵² Aboli tras la cifra I da la LF dals 23 da zer. 1989, cun effect dapi il 1. da schan. 1990 (AS 1989 2449; BBl 1985 II 1009).

²⁵³ Versiun tenor la cifra I da la LF dals 23 da zer. 1989, en vigur dapi il 1. da schan. 1990 (AS 1989 2449; BBl 1985 II 1009).

²⁵⁴ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

²⁵⁵ Versiun tenor la cifra 4 da l'aggiunta da la LF dals 21 da zer. 2013 (tgira genituriala), en vigur dapi il 1. da fan. 2014 (AS 2014 357; BBl 2011 9077).

Settavel titel: Crims e delicts che signifitgan in privel per la publicitad

Art. 221

Incendi
intenziunà

¹ Tgi che chaschuna intenziunadamain in incendi per il donn d'in auter u chaschuna uschia in privel public, vegn chastià cun in chasti da detenziun betg sut 1 onn.

² Sch'il delinquent metta sapientivamain en privel il corp e la vita d'umans, vegn el chastià cun in chasti da detenziun betg sut 3 onns.

³ Sch'igl ha dà mo in pitschen donn, po il delinquent vegnir chastià cun in chasti da detenziun fin a 3 onns u cun in chasti pecuniar.

Art. 222

Incendi per
negligientscha

¹ Tgi che chaschuna per negligientscha in incendi per il donn d'in auter u chaschuna uschia in privel public, vegn chastià cun in chasti da detenziun fin a 3 onns u cun in chasti pecuniar.

² Sch'il delinquent metta per negligientscha en privel il corp e la vita d'umans, vegn el chastià cun in chasti da detenziun fin a 3 onns u cun in chasti pecuniar.

Art. 223

Explosiun

1. Tgi che chaschuna intenziunadamain in'explosiun da gas, da benzin, da petroli u da materias sumegliantas e metta tras quai sapientivamain en privel il corp e la vita d'umans u proprietad estra, vegn chastià cun in chasti da detenziun betg sut 1 onn.

Sch'igl ha dà mo in pitschen donn, po il delinquent vegnir chastià cun in chasti da detenziun fin a 3 onns u cun in chasti pecuniar.

2. Sch'il delinquent agescha per negligientscha, vegn el chastià cun in chasti da detenziun fin a 3 onns u cun in chasti pecuniar.

Art. 224

Utilisaziun
da materias
explosivas e da
gas da tissi per
intents criminals

¹ Tgi che metta en privel intenziunadamain e cun intents criminals il corp e la vita d'umans u proprietad estra cun duvrrar materias explosivas u gas da tissi, vegn chastià cun in chasti da detenziun betg sut 1 onn.

² Sch'igl ha dà mo in pitschen donn vi da la proprietad, po il delinquent vegnir chastià cun in chasti da detenziun fin a 3 onns u cun in chasti pecuniar.

Art. 225

Periclitaziun
senza intents
criminals. Per
negligientscha

¹ Tgi che metta en privel intenziunadamain, dentant senza intents criminals, u per negligientscha il corp e la vita d'umans u proprietad estra cun duvvar materias explosivas u gas da tissi, vegn chastia cun in chasti da detenziun fin a 5 onns u cun in chasti pecuniar.

² En cas levs po vegnir pronunziada ina multa.

Art. 226

Fabritgar,
zuppentar e
dar vinavant
materias
explosivas
e gas da tissi

¹ Tgi che fabritgescha materias explosivas u gas da tissi ch'èn, sco ch'el sa u sto supponer, destinads ad in diever criminal, vegn chastia cun in chasti da detenziun da 6 mais fin 10 onns.²⁵⁶

² Tgi che sa procura, surdat ad in auter, surpiglia d'in auter, tegna en salv, zuppenta u dat vinavant materias explosivas, gas da tissi u materias ch'èn adattadas per fabritgar tals products, vegn chastia cun in chasti da detenziun fin a 5 onns u cun in chasti pecuniar betg sut 30 taxas per di²⁵⁷, sch'el sa u sch'el sto supponer che questas materias èn destinadas ad in diever criminal.

³ Tgi che dat ad insatgi, dal qual el sa u sto supponer ch'el planisescha in diever criminal da materias explosivas u da gas da tissi, instrucziuns per fabritgar talas materias e tals gas, vegn chastia cun in chasti da detenziun fin a 5 onns u cun in chasti pecuniar betg sut 30 taxas per di.

Art. 226^{bis} 258

Periclitaziun
tras energia
nucleara, tras
radioactivitad
e tras radis
ionisants

¹ Tgi che metta, tras energia nucleara, tras materias radioactivas u tras radis ionisants, en privel intenziunadamain la vita u la sanadad d'umans ubain proprietad estra d'ina valur considerabla, vegn chastia cun in chasti da detenziun u cun in chasti pecuniar. Cun il chasti da detenziun sto vegnir collià in chasti pecuniar.

² Sch'il delinquent agescha per negligientscha, vegn el chastia cun in chasti da detenziun fin a 5 onns u cun in chasti pecuniar. Cun il chasti da detenziun sto vegnir collià in chasti pecuniar.

²⁵⁶ Nova circumscriziun da las smanatschas da chasti tenor la cifra II 1 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBl 2012 4721).

²⁵⁷ Expressiun tenor la cifra II 1 al. 14 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979). Questa midada è vegnida resguardada en l'entir segund cudesch qua avant maun.

²⁵⁸ Integrà tras la cifra II 2 da l'aggiunta da la L dals 21 da mars 2003 davart l'energia nucleara, en vigur dapi il 1. da favr. 2005 (AS 2004 4719; BBl 2001 2665).

Acziuns
preparatoricas
chastiablas

Art. 226^{ter} 259

¹ Tgi che fa sistematicamain preparaziuns concretas u organisatoricas per metter en privel tras energia nucleara, tras materias radioactivas u tras radis ionisants la vita u la sanadad d'umans ubain proprietad estra d'ina valur considerabla, vegn chastià cun in chasti da detenziun fin a 5 onns u cun in chasti pecuniar. Cun il chasti da detenziun sto vegnir collià in chasti pecuniar.

² Tgi che construescha, sa procura, surdat ad in auter, surpiglia d'in auter, tegna en salv, zuppenta u dat vinavant materias radioactivas, indrizs, apparats u objects che pon cuntegnair materias radioactivas u che pon emetter radis ionisants, vegn chastià cun in chasti da detenziun fin a 10 onns u cun in chasti pecuniar, sch'el sa u sch'el sto supponer che questas materias e che quests objects èn destinads ad in diever chastiabel. Cun il chasti da detenziun sto vegnir collià in chasti pecuniar.

³ Tgi che dat ad insatgi instrucziuns per construir talas materias, tals indrizs, tals apparats u tals objects, vegn chastià cun in chasti da detenziun fin a 5 onns u cun in chasti pecuniar, sch'el sa u sch'el sto supponer che questas materias e che quests objects èn destinads ad in diever chastiabel. Cun il chasti da detenziun sto vegnir collià in chasti pecuniar.

Art. 227

Chaschunar
ina inundaziun
u ina sbuvada

1. Tgi che chaschuna intenziunadamain ina inundaziun u ina sbuvada d'in edifizii ubain ina bova e metta tras quai sapientivamain en privel il corp e la vita d'umans u proprietad estra, vegn chastià cun in chasti da detenziun betg sut 1 onn.

Sch'igl ha dà mo in pitschen donn, po il delinquent vegnir chastià cun in chasti da detenziun fin a 3 onns u cun in chasti pecuniar.

2. Sch'il delinquent agescha per negligentscha, vegn el chastià cun in chasti da detenziun fin a 3 onns u cun in chasti pecuniar.

Art. 228

Donns vi
d'implants
electrics,
idraulics e vi
d'indrizs da
proteccziun

1. Tgi che donnegia u destruescha intenziunadamain implants electric, implants idraulics, en spezial cuntschets, dustanzas, rempars, sclusas, ovras da proteccziun cunter eveniments da la natira, per exempel cunter bovas u cunter lavinas, e metta tras quai en privel sapientivamain il corp e la vita d'umans u proprietad estra, vegn chastià cun in chasti da detenziun betg sut 1 onn.

Sch'igl ha dà mo in pitschen donn, po il delinquent vegnir chastià cun in chasti da detenziun fin a 3 onns u cun in chasti pecuniar.

²⁵⁹ Integrà tras la cifra II 2 da l'aggiunta da la L dals 21 da mars 2003 davart l'energia nucleara, en vigr dapi il 1. da favr. 2005 (AS 2004 4719; BBl 2001 2665).

2. Sch'ìl delinquent agescha per negligientscha, vegn el chastia cun in chasti da detenziun fin a 3 onns u cun in chasti pecuniar.

Art. 229

Periclitaziun cun violar las reglas da la scienza da construcziun

1 Tgi che n'observa intenziunadamain betg las reglas da la scienza da construcziun tar la direcziun u tar l'execuziun d'ina ovra da construcziun u d'ina demoliziun e periclitescha tras quai sapientivamain il corp e la vita da conumans, vegn chastia cun in chasti da detenziun fin a 3 onns u cun in chasti pecuniar. Cun il chasti da detenziun sto vegnir collià in chasti pecuniar.

2 Sch'ìl delinquent n'observa betg las reglas da la scienza da construcziun per negligientscha, vegn el chastia cun in chasti da detenziun fin a 3 onns u cun in chasti pecuniar.

Art. 230

Allontanar u betg installar indrizs da segirezza

1. Tgi che donnegia, destruescha, allontanescha u fa uschiglio nunduvrabels indrizs che servan, en fabricas u en auters manaschis u vi da maschinas, ad impedir accidents, u metta tals indrizs ord funcziun,

tgi che n'installescha intenziunadamain betg in tal indriz conform a las prescripziuns,

e periclitescha tras quai sapientivamain il corp e la vita da conumans,

vegn chastia cun in chasti da detenziun fin a 3 onns u cun in chasti pecuniar. Cun il chasti da detenziun sto vegnir collià in chasti pecuniar.

2. Sch'ìl delinquent agescha per negligientscha, vegn el chastia cun in chasti da detenziun fin a 3 onns u cun in chasti pecuniar.

Otgavel titel: Crims e delicts cunter la sanadad publica

Art. 230^{bis} 260

Periclitaziun tras organissemms modifitgads geneticamain u tras organissemms patogens

1 Tgi che emetta intenziunadamain organissemms modifitgads geneticamain u organissemms patogens u disturba il manaschi d'in indriz che serva a lur perscrutaziun, a lur conservaziun u a lur producziun u disturba lur transport, vegn chastia cun in chasti da detenziun dad 1 fin 10 onns, sch'el sa u sch'el sto savair ch'el, tras ses agir:

- a. periclitescha il corp e la vita d'umans; u
- b. periclitescha grevamain la cumposiziun natirala da biocenosas d'animals e da plantas u lur spazis da viver.

²⁶⁰ Integrà tras la cifra 1 da l'aggiunta da la L dals 21 da mars 2003 davart la tecnica genetica, en vigur dapi il 1. da schan. 2004 (AS 2003 4803; BBl 2000 2391).

² Sch'ìl delinquent agescha per negligentscha, vegn el chastia cun in chasti da detenziun fin a 3 onns u cun in chasti pecuniar.

Art. 231²⁶¹

Derasaziun
da malsognas
da l'uman

Tgi che derasa per nausch caracter ina malsogna da l'uman privlusa e transmissibla, vegn chastia cun in chasti da detenziun dad 1 fin 5 onns.

Art. 232

Derasaziun
d'epidemias
d'animals

1. Tgi che derasa intenziunadamain in'epidemia tranter ils animals da chasa, vegn chastia cun in chasti da detenziun fin a 3 onns u cun in chasti pecuniar.

Sch'ìl delinquent ha chaschunà in grond donn per nausch caracter, vegn el chastia cun in chasti da detenziun dad 1 fin 5 onns.

2. Sch'ìl delinquent agescha per negligentscha, vegn el chastia cun in chasti da detenziun fin a 3 onns u cun in chasti pecuniar.

Art. 233

Derasaziun da
parasits privlus

1. Tgi che derasa intenziunadamain in parasit ch'è privlus per l'agricultura u per la selvicultura, vegn chastia cun in chasti da detenziun fin a 3 onns u cun in chasti pecuniar.

Sch'ìl delinquent ha – per nausch caracter – chaschunà in grond donn, vegn el chastia cun in chasti da detenziun dad 1 fin 5 onns.

2. Sch'ìl delinquent agescha per negligentscha, vegn el chastia cun in chasti da detenziun fin a 3 onns u cun in chasti pecuniar.

Art. 234

Contaminaziun
d'aua da baiver

¹ Tgi che contaminescha intenziunadamain l'aua da baiver per umans e per animals cun materias che donnegian la sanadad, vegn chastia cun in chasti da detenziun fin a 5 onns u cun in chasti pecuniar betg sut 30 taxas per di.

² Sch'ìl delinquent agescha per negligentscha, vegn el chastia cun in chasti da detenziun fin a 3 onns u cun in chasti pecuniar.

Art. 235

Fabricaziun
da pavel che
donnegia la
sanadad

1. Tgi che tracta u fabritgescha pavel u meds da pavlar per animals da chasa intenziunadamain uschia, ch'els pericliteschan la sanadad dals animals, vegn chastia cun in chasti da detenziun fin a 3 onns u cun in chasti pecuniar.

²⁶¹ Versiun tenor l'art. 86 cifra 1 da la L d'epidemias dals 28 da sett. 2012, en vigur dapi il 1. da schan. 2016 (AS 2015 1435; BBl 2011 311).

Sch'il delinquent tracta u fabritgescha da professiun pavel che donnegia la sanadad, vegn el chastia cun in chasti da detenziun fin a 3 onns u cun in chasti pecuniar betg sut 30 taxas per di. Cun il chasti da detenziun sto vegnir collià in chasti pecuniar.²⁶² En quests cas vegn publitgada la sentenza penala.

2. Il delinquent vegn chastia cun ina multa, sch'el ha agì per negligentscha.

3. Ils products vegnan confiscads. Els pon vegnir tractads uschia ch'els na donnegian betg pli la sanadad u pon vegnir destruids.

Art. 236

Metter en
circulaziun pavel
che donnegia la
sanadad

¹ Tgi che importa, depositescha, metta en vendita u en circulaziun intenziunadamain pavel u meds da pavar che donnegian la sanadad, vegn chastia cun in chasti da detenziun fin a 3 onns u cun in chasti pecuniar. La sentenza penala vegn publitgada.

² Il delinquent vegn chastia cun ina multa, sch'el ha agì per negligentscha.

³ Ils products vegnan confiscads. Els pon vegnir tractads uschia ch'els na donnegian betg pli la sanadad u pon vegnir destruids.

Novavel titel: Crims e delicts cunter il traffic public

Art. 237

Disturbi dal
traffic public

1. Tgi che disturba u periclitescha intenziunadamain il traffic public, en spezial il traffic sin via, sin l'aua u en l'aria, e metta tras quai sapientivamain en privel il corp e la vita d'umans, vegn chastia cun in chasti da detenziun fin a 3 onns u cun in chasti pecuniar.

Sch'il delinquent metta tras quai sapientivamain en privel il corp e la vita da bliers umans, po el vegnir chastia cun in chasti da detenziun dad 1 fin 10 onns.

2. Sch'il delinquent agescha per negligentscha, vegn el chastia cun in chasti da detenziun fin a 3 onns u cun in chasti pecuniar.

²⁶² Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979).

Art. 238

Disturbi dal
traffich da viafier

¹ Tgi che impedescha, disturba u periclitescha intenziunadamain il traffic da viafier e metta tras quai en privel sapientivamain il corp e la vita d'umans u proprietad estra, en spezial tgi che chaschuna il privel d'ina sviada u d'ina collisiun, vegn chastià cun in chasti da detenziun u cun in chasti pecuniar²⁶³.

² Sch'il delinquent agescha per negligentscha e sch'il corp e la vita d'umans u proprietad estra vegnan periclitads considerablamain tras quai, vegn el chastià cun in chasti da detenziun fin a 3 onns u cun in chasti pecuniar.

Art. 239

Disturbi
da manaschis
che servan a
l'interess public

1. Tgi che impedescha, disturba u periclitescha intenziunadamain il manaschi d'in institut da traffic public, en spezial il manaschi da viafier, da posta, da telegraf u da telefon,

tgi che impedescha, disturba u periclitescha intenziunadamain il manaschi d'in stabiliment u d'in indriz che serva al provediment general d'aua, da glisch, da forza u da chalira,

vegn chastià cun in chasti da detenziun fin a 3 onns u cun in chasti pecuniar.

2. Sch'il delinquent agescha per negligentscha, vegn el chastià cun in chasti da detenziun fin a 3 onns u cun in chasti pecuniar.

Dieschavel titel:**Falsificaziun da daners, da marcas da valor uffizialas,
da marcas uffizialas, da mesiras e da pais****Art. 240**

Far daners fauss

¹ Tgi che fa munaida faussa, daners da palpieri fauss u bancnotas faussas, per metter quellas e quels en circulaziun sco daners autentics, vegn chastià cun in chasti da detenziun betg sut 1 onn.

² En cas spezialmain levs vegn il delinquent chastià cun in chasti da detenziun fin a 3 onns u cun in chasti pecuniar.

³ Il delinquent è er chastiabel, sch'el ha commess il malfatg a l'exteriur, sch'el è vegnì arrestà en Svizra e na vegn betg extradì e sch'il malfatg è er chastiabel al lieu, nua ch'el è vegnì commess.

²⁶³ Expressiun tenor la cifra II 1 al. 15 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979). Questa midada è vegnida resguardada en l'entir segund cudesch qua avant maun.

Art. 241

Falsificaziun
da daners

¹ Tgi che falsifitgescha munaida, daners da palpìri u bancnotas per metter en circulaziun questas falsificaziuns per ina valur pli gronda, vegn chastia cun in chastì da detenziun da 6 mais fin 5 onns.²⁶⁴

² En cas spezialmain levs vegn il delinquent chastia cun in chastì da detenziun fin a 3 onns u cun in chastì pecuniar.

Art. 242

Metter en
circulaziun
daners fauss

¹ Tgi che metta en circulaziun munaida u daners da palpìri fauss u falsifitgads, bancnotas faussas u falsifitgadas sco daners autentics u nunfalsifitgads, vegn chastia cun in chastì da detenziun fin a 3 onns u cun in chastì pecuniar²⁶⁵.

² Sch' il delinquent u ses incumbensader u ses represchentant ha retschavi la munaida u las bancnotas sco autenticas u sco nunfalsifitgadas, vegn el chastia cun in chastì da detenziun fin a 3 onns u cun in chastì pecuniar.

Art. 243²⁶⁶

Far suenter
bancnotas,
munaida u
marcas da valur
uffizialas senza
intenziun da
falsificaziun

¹ Tgi che reproducescha u fa suenter bancnotas – senza avair l'intenziun da falsificaziun – uschia ch'i vegn stgaffi tras quai il privel che persunas u che maschinas pudessan scumbigliar questas reproducziuns cun bancnotas originalas, en spezial sche tut la bancnota, ina vart u la part la pli gronda d'ina vart d'ina bancnota è vegnida reproducida u fatga suenter sin in material ed en ina grondezza che correspunda u che sumeglia il material e la grondezza da la bancnota originala,

tgi che producescha – senza avair l'intenziun da falsificaziun – objects che sumeglian la munaida ch'è en circulaziun en quai che riguarda la battida, il pais u la grondezza e che han las valurs nominalas u autras caracteristicas d'ina battida uffiziala, uschia ch'i vegn stgaffi tras quai il privel che persunas u che maschinas pudessan scumbigliar questas reproducziuns cun munaida ch'è en circulaziun,

tgi che reproducescha u imitescha – senza avair l'intenziun da falsificaziun – marcas da valur uffizialas, uschia ch'i vegn stgaffi il privel da las scumbigliar cun marcas da valur autenticas,

tgi che importa, porscha u metta en circulaziun tals objects,

²⁶⁴ Nova circumscripziun da las smanatschas da chastì tenor la cifra II 1 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

²⁶⁵ Expressiun tenor la cifra II 1 al. 2 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979). Questa midada è vegnida resguardada en l'entir segund cudesch qua avant maun.

²⁶⁶ Versiun tenor la cifra 3 da l'aggiunta da la LF dals 22 da dec. 1999 davart l'unitad monetara ed ils meds da pajament, en vigur dapi il 1. da matg 2000 (AS 2000 1144; BBI 1999 7258).

vegn chastià cun in chasti da detenziun fin a 3 onns u cun in chasti pecuniar.²⁶⁷

² Sch'il delinquent agescha per negligentscha, vegn el chastià cun multa.²⁶⁸

Art. 244

Import, acquist,
deposit da daners
fauss

1 Tgi che importa, acquista u depona munaida u daners da palpigi fauss u falsifitgads, bancnotas faussas u falsifitgadas per metter quellas e quels en circulaziun sco daners autentics u nunfalsifitgads, vegn chastià cun in chasti da detenziun fin a 3 onns u cun in chasti pecuniar.²⁶⁹

² Tgi che importa, acquista u depona quellas e quels en grondas quantitats, vegn chastià cun in chasti da detenziun dad 1 fin 5 onns.

Art. 245

Falsificaziun da
marcas da valur
uffizialas

1. Tgi che fa marcas da valur uffizialas faussas u falsifitgescha talas, en spezial marcas postalas, marcas da bul u marcas da taxas, per las duvrar sco autenticas u sco nunfalsifitgadas,

tgi che dat a marcas da valur uffizialas ch'èn gia svalitadas l'aspect dad esser valaivlas per las duvrar sco talas,

vegn chastià cun in chasti da detenziun fin a 3 onns u cun in chasti pecuniar.

Il delinquent è er chastiabel, sch'el ha commess il malfatg a l'exteriur, sch'el è vegni arrestà en Svizra e na vegn betg extradi e sch'il malfatg è er chastiabel al lieu, nua ch'el è vegni commess.

2. Tgi che dovra marcas da valur uffizialas faussas, falsifitgadas u svalitadas sco autenticas, sco nunfalsifitgadas u sco valaivlas, vegn chastià cun in chasti da detenziun fin a 3 onns u cun in chasti pecuniar.

Art. 246

Falsificaziun da
marcas uffizialas

Tgi che fa marcas uffizialas faussas u falsifitgescha talas marcas che las autoritads plazzeschan vi d'in object per constatar il resultat d'ina examinaziun u la concessiun d'ina autorisaziun, per exempel buls da la controlla d'aur u d'argient, buls dals inspecturs da charn, marcas da

²⁶⁷ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979).

²⁶⁸ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979).

²⁶⁹ Versiun tenor la cifra 3 da l'aggiunta da la LF dals 22 da dec. 1999 davart l'unitad monetara ed ils meds da pajament, en vigur dapi il 1. da matg 2000 (AS 2000 1144; BBI 1999 7258).

l'Uffizi federal da la duana e da la segirezza dals cunfins per las duvras sco autenticas u sco nunfalsifitgadas,²⁷⁰

tgi che dovra marcas da quest gener faussas u falsifitgadas sco autenticas u sco nunfalsifitgadas,

vegn chastià cun in chasti da detenziun fin a 3 onns u cun in chasti pecuniar.

Art. 247

Apparats da falsificaziun; diever illegal d'apparats

Tgi che fabritgescha apparats per far munaida faussa, daners da palpieri fauss, bancnotas faussas u marcas da valur uffizialas faussas u per falsifitgar quellas e quels u sa procura tals apparats per duvrar illegalmain quellas e quels,

tgi che dovra illegalmain apparats, cun ils quals i vegn fabritgà munaida, daners da palpieri, bancnotas u marcas da valur uffizialas,

vegn chastià cun in chasti da detenziun fin a 3 onns u cun in chasti pecuniar.

Art. 248

Falsificaziun da mesiras e da pais

Tgi che plazzescha, per intents d'engion, en il commerzi ed en relaziuns da fatschenta

vi da mesiras, vi da pais, vi da stadairas u vi d'alters instruments da mesiraziun in segn da bullaziun fauss u falsifitgescha in segn da bullaziun existent,

tgi che fa midadas vi da mesiras, vi da pais, vi da stadairas u vi d'alters instruments da mesiraziun,

tgi che dovra mesiras, pais, stadairas u alters instruments da mesiraziun fauss u falsifitgads,

vegn chastià cun in chasti da detenziun fin a 5 onns u cun in chasti pecuniar.

Art. 249²⁷¹

Confiscaziun

1 Munaida faussa u falsifitgada, daners da palpieri fauss u falsifitgads, bancnotas, marcas da valur uffizialas, marcas uffizialas e mesiras faussas u falsifitgadas, pais fauss u falsifitgads, stadairas faussas u falsifitgadas u alters instruments da mesiraziun fauss u falsifitgads sco er ils apparats da falsificaziun vegnan confiscads e fatgs nunduvrabels u vegnan destruids.

²⁷⁰ Versiun tenor la cifra I 6 da l'O dals 12 da zer. 2020 davart l'adattaziun da leschas en consequenza da la midada da la designaziun da l'Administraziun federala da duana en il rom da ses ulteriur svilup, en vigur dapi il 1. da schan. 2022 (AS 2020 2743).

²⁷¹ Versiun tenor la cifra 3 da l'aggiunta da la LF dals 22 da dec. 1999 davart l'unitad monetara ed ils meds da pajament, en vigur dapi il 1. da matg 2000 (AS 2000 1144; BBl 1999 7258).

² Bancnotas, munaida u marcas da valor uffizialas ch'èn vegnidas fatgas suenter, imitadas u producidas senza avair l'intenziun da las falsifitgar, che stgaffeschentan dentant in privel da las scumbigliar cun bancnotas, cun munaida u cun marcas da valor uffizialas autenticas, vegnan er confiscadas per las far nunduvrablas u per las destruir.

Art. 250

Daners e marcas
da valor da
l'exteriur

Las disposiziuns da quest titel vegnan er applitgadas per munaida, per daners da palpìri, per bancnotas e per marcas da valor da l'exteriur.

Indeschavel titel: Falsificaziun da documents

Art. 251²⁷²

Falsificaziun
da documents

1. Tgi che, cun l'intenziun da far donn ad insatgi vi da sia facultad u vi d'auters dretgs u da procurar in avantatg illegal a sasez u ad in auter,

tgi che fa in document fauss u falsifitgescha in tal, dovra la suttascripziun autentica u il segn manual autentic d'in auter per far in document betg autentic u documentescha u lascha documentar incorrectamain in fatg d'ina impurtanza giuridica relevanta,

tgi che dovra in document da tal gener per engianar auters,

vegn chastia cun in chastì da detenziun fin a 5 onns u cun in chastì pecuniar.

2. En cas spezialmain levs po vegnir pronunzià in chastì da detenziun fin a 3 onns u in chastì pecuniar.

Art. 252²⁷³

Falsificaziun
da certificats

Tgi che, cun l'intenziun da meglierar la situaziun a sasez u ad in auter,

fa scrittiras da legitimaziun faussas, attestats fauss, attestaziuns faussas u falsifitgescha talas e tals,

tgi che dovra ina scrittira da tal gener per engianar auters,

tgi che fa abus da scrittiras da tal gener, che n'èn betg destinadas ad el, per engianar auters,

vegn chastia cun in chastì da detenziun fin a 3 onns u cun in chastì pecuniar.

²⁷² Versiun tenor la cifra I da la LF dals 17 da zer. 1994, en vigur dapi il 1. da schan. 1995 (AS 1994 2290; BBl 1991 II 969).

²⁷³ Versiun tenor la cifra I da la LF dals 17 da zer. 1994, en vigur dapi il 1. da schan. 1995 (AS 1994 2290; BBl 1991 II 969).

Art. 253

Obtegnair cun
rampigns ina
documentaziun
faussa

Tgi che cuntanscha cun engion ch'in funcziunari u ch'ina persuna da fai publica documentescha in fatg d'ina impurtanza giuridica relevanta en moda incorrecta, en spezial cun legalisar ina suttascripziun faussa u ina copia betg correcta,

tgi che dovra in tal document obtegni cun rampigns per engianar in auter en quai che concerna ils fatgs ch'èn documentads en quest document, vegn chastia cun in chasti da detenziun fin a 5 onns u cun in chasti pecuniar.

Art. 254

Suppressiun
da documents

¹ Tgi che donnegescha, destruescha, lascha svanir u sa patruna d'in document, dal qual el na dastga betg disponer sulet, cun l'intenziun da far donn ad insatgi vi da sia facultad u vi d'auters dretgs u da procurar in avantatg illegal a sasez u ad in auter, vegn chastia cun in chasti da detenziun fin a 5 onns u cun in chasti pecuniar.

² La suppressiun da documents a disfavur d'in parent u d'in confamigliar vegn persequità mo sin basa d'in plant.

Art. 255

Documents
da l'exteriur

Ils artitgels 251–254 vegnan er applitgads per documents da l'exteriur.

Art. 256

Spustar terms

Tgi che allontanescha, sposta, fa nunenconuschaivel, metta en in lieu fauss u falsifitgescha in term u in auter segn da cunfin cun l'intenziun da far donn ad insatgi vi da sia facultad u vi d'auters dretgs u da procurar in avantatg illegal a sasez u ad in auter, vegn chastia cun in chasti da detenziun fin a 3 onns u cun in chasti pecuniar.

Art. 257

Allontanament
da segns da
mesiraziun e
da signals dal
nivel da l'aua

Tgi che allontanescha, sposta, fa nunenconuschaivel u metta en in lieu fauss in segn public da mesiraziun u in signal public dal nivel da l'aua, vegn chastia cun in chasti da detenziun fin a 3 onns u cun in chasti pecuniar.

Dudeschavel titel: Crims e delicts cunter la pasch publica

Art. 258²⁷⁴

Tementar la
popolaziun

Tgi che tementa la populaziun tras smanatschar u tras simular in privel per il corp, per la vita u per la proprietad, vegn chastià cun in chasti da detenziun fin a 3 onns u cun in chasti pecuniar.

Art. 259²⁷⁵

Incitaziun
publica da
commetter
crims u acts
da violenza

¹ Tgi che incitescha publicamain da commetter crims, vegn chastià cun in chasti da detenziun fin a 3 onns u cun in chasti pecuniar.

^{1bis} L'incitaziun publica ad in genocid (art. 264) che duai vegnir commess dal tuttafatg u per part en Svizra è er chastiabla, sche l'incitaziun vegn pronunziada a l'exteriur.²⁷⁶

² Tgi che incitescha publicamain da commetter crims cun violenza cunter umans u cunter chaussas, vegn chastià cun in chasti da detenziun fin a 3 onns u cun in chasti pecuniar.

Art. 260

Violaziun da la
pasch publica

¹ Tgi che sa participescha ad in arrotschament public, nua ch'i vegnan commess cun forzas unidas acts da violenza cunter umans u cunter chaussas, vegn chastià cun in chasti da detenziun fin a 3 onns u cun in chasti pecuniar.

² Ils participants che s'allontaneschan sin incitaziun da las autoritads na vegnan betg chastiads, sch'els n'han ni fatg diever sez da la violenza ni incità da far diever da la violenza.

Art. 260^{bis} ²⁷⁷

Acziuns
preparatoricas
chastiablas

¹ Tgi che prenda sistematicamain mesiras tecnicas u organisatoricas concretas, vegn chastià cun in chasti da detenziun fin a 5 onns u cun in chasti pecuniar, sch'il gener e la dimensiun da quella mussan ch'el sa prepara da commetter in dals suandants malfatgs:

²⁷⁴ Versiun tenor la cifra I da la LF dals 17 da zer. 1994, en vigur dapi il 1. da schan. 1995 (AS 1994 2290; BBl 1991 II 969).

²⁷⁵ Versiun tenor la cifra I da la LF dals 9 d'oct. 1981, en vigur dapi il 1. d'oct. 1982 (AS 1982 1530; BBl 1980 I 1241).

²⁷⁶ Integrà tras la cifra I 1 da la LF dals 18 da zer. 2010 davart la midada da leschas federalas per realisar il Statut da Roma da la Curt penala internaziunala, en vigur dapi il 1. da schan. 2011 (AS 2010 4963; BBl 2008 3863).

²⁷⁷ Integrà tras la cifra I da la LF dals 9 d'oct. 1981, en vigur dapi il 1. d'oct. 1982 (AS 1982 1530; BBl 1980 I 1241).

- a. mazzament intenziunà (art. 111);
- b. assassinat (art. 112);
- c. blessura corporala greva (art. 122);
- c^{bis}.²⁷⁸ mutilaziun da genitalias femininas (art. 124);
- d. rapina (art. 140);
- e. privaziun da la libertad e rapiment (art. 183);
- f. rapiment d'ostagis (art. 185);
- f^{bis}.²⁷⁹ spariziun sfurzada (art. 185^{bis});
- g. incendi intenziunà (art. 221);
- h. genocid (art. 264);
- i. crims cunter l'umanitad (art. 264a);
- j. crims da guerra (art. 264c–264h).²⁸⁰

² Sch'il delinquent na terminescha betg las acziuns preparatoricas or d'atgna iniziativa, na vegn el betg chastià.

³ Chastiabel è er quel che commetta las acziuns preparatoricas a l'exteriur, sch'il malfatg intenziunà duai vegnir commess en Svizra. L'artitgel 3 alinea 2 è applitgabel.²⁸¹

Art. 260^{ter} 282

Organisaziuns
criminalas e
terroristicas

¹ Cun in chasti da detenziun fin 10 onns u cun in chasti pecuniar vegn chastià, tgi che:

- a. sa participescha ad in'organisaziun che ha l'intenziun:
 - 1. da commetter crims da violenza u da s'enritgir cun meds criminals, u

²⁷⁸ Integrà tras la cifra 1 da la LF dals 30 da sett. 2011, en vigur dapi il 1. da fan. 2012 (AS 2012 2575; BBI 2010 5651 5677).

²⁷⁹ Integrà tras l'aggiunta 2 cifra 1 dal COF dals 18 da dec. 2015 davart l'approvaziun e la realisaziun da la Convenziun internaziunala per la protecziun da tut las persunas cunter spariziuns sfurzadas, en vigur dapi il 1. da schan. 2017 (AS 2016 4687; BBI 2014 453).

²⁸⁰ Versiun tenor la cifra I 1 da la LF dals 18 da zer. 2010 davart la midada da leschas federalas per realisar il Statut da Roma da la Curt penala internaziunala, en vigur dapi il 1. da schan. 2011 (AS 2010 4963; BBI 2008 3863).

²⁸¹ Versiun da la frasa tenor la cifra II 2 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979).

²⁸² Integrà tras la cifra I da la LF dals 18 da mars 1994 (AS 1994 1614; BBI 1993 III 277). Versiun tenor la cifra II 2 da l'aggiunta dal COF dals 25 da sett. 2020 davart l'approvaziun e la realisaziun da la Convenziun dal Cussegl da l'Europa per la prevenziun dal terrorissem e da ses protocol supplementar sco er davart il rinforzament da l'instrumentari penal cunter il terrorissem e la criminalitad organisada, en vigur dapi il 1. da fan. 2021 (AS 2021 360; BBI 2018 6427).

2. da commetter crims da violenza, cun ils quals la populaziun duai vegnir tementada u cun ils quals in stadi u in'organisaziun internaziunala duai vegnir sfurzà da far u da tralaschar insatge; u

b. sustegna las activitads d'ina tala organisaziun.

² L'alinea 1 litera b na vegn betg applitgà per servetschs umanitars che vegnan furnids d'ina organisaziun umanitara nunpartischanta, sco il Comité internaziunal da la Crusch Cotschna, en concordanza cun l'artitgel 3 cuminaivel da las Convenziuns da Genevra dals 12 d'avust 1949²⁸³.

³ Sch'il delinquent ha ina influenza decisiva entaifer l'organisaziun, vegn el chastià cun in chasti da detenziun d'almain 3 onns.

⁴ La dretgira po diminuir il chasti (art. 48a), sch'il delinquent sa stenta d'impedir ulteriuras activitads criminalas da l'organisaziun.

⁵ Chastiabel è er quel che commetta il malfatg a l'exteriur, sche l'organisaziun commetta u intenziunescha da commetter sia activitad criminala dal tuttafatg u per part en Svizra. L'artitgel 7 alineas 4 e 5 è applitgabel.

Art. 260^{quater} 284

Periclitaziun
da la segirezza
publica cun
armas

Tgi che venda, dat en locaziun, regala, metta a disposiziun u intermediescha ad insatgi armas da fieu, armas scumandadas tenor la lescha, parts essenzialas d'armas, accessoris d'armas, muniziun u elements da muniziun, malgrà ch'el sa u ch'el sto supponer che quai duai servir a commetter in delict u in crim, vegn chastià cun in chasti da detenziun fin a 5 onns u cun in chasti pecuniar, nun ch'i saja adempli in causal penal pli grev.²⁸⁵

Art. 260^{quinques} 286

Finanziaziun
dal terrorissem

¹ Tgi che rimna u metta a disposiziun valurs da facultad cun l'intenziun da financiar in crim da violenza, cun il qual la populaziun duai vegnir tementada u cun il qual in stadi u in'organisaziun internaziunala duai vegnir sfurzada da far u da tralaschar insatge, vegn chastià cun in chasti da detenziun fin a 5 onns u cun in chasti pecuniar.

² Sch'il delinquent mo accepta la pussaivladad da la finanziaziun dal terrorissem, na po el betg vegnir chastià tenor questa disposiziun.

²⁸³ SR 0.518.12, 0.518.23, 0.518.42, 0.518.51

²⁸⁴ Integrà tras l'art. 41 da la L d'armas dals 20 da zer. 1997, en vigur dapi il 1. da schan. 1999 (AS 1998 2535; BBl 1996 I 1053).

²⁸⁵ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

²⁸⁶ Integrà tras la cifra I 1 da la LF dals 21 da mars 2003 (finanziaziun dal terrorissem), en vigur dapi il 1. d'oct. 2003 (AS 2003 3043; BBl 2002 5390).

³ L'acziun na vala betg sco finanziaziun d'in malfatg terroristic, sch'ella vul stabilir u restabilir relaziuns democraticas e giuridicas ubain exequir u garantir ils dretgs umans.

⁴ L'aleina 1 na vegn betg applitgà, sch'i duain vegnir sustegnidas cun la finanziaziun acziuns che na stattan betg en cuntradiziun cun las reglas dal dretg internaziunal che vegnan applitgadas en conflicts armads.

Art. 260^{sexies} 287

Recrutaziun,
instrucziun e
viadis en vista
ad in malfatg
terroristic

¹ Cun in chasti da detenziun fin 5 onns u cun in chasti pecuniar vegn chastià, tgi che fa il suandant cun l'intenziun da commetter in crim da violenza, cun il qual la populaziun duai vegnir tementada u cun il qual in stadi u in organisaziun internaziunala duai vegnir sfurzà da far u da tralaschar insatge:

- a. recrutescha persunas, per ch'ellas commettian u sa particepschian ad in tal malfatg;
- b. sa lascha instruir davart la producziun u davart il diever d'armas, da materias explosivas, da material radioactiv, da gas da tissi ubain d'auters indrizs u d'autras substanzas privlusas u instruescha autras persunas en chausa per commetter u per sa participar ad in tal malfatg; u
- c. fa in viadi a l'exteriur cun l'intenziun da commetter u da sa participar ad in tal malfatg ubain da sa laschar instruir per quest intent.

² Cun il medem chasti vegn chastià, tgi che rimna u metta a disposiziun valurs da facultad cun l'intenziun da finanzia in viadi tenor l'aleina 1 litera c u tgi che organischa u recrutescha persunas per in tal viadi.

³ Chastiabel è er, tgi che commetta il malfatg a l'exteriur, sch'el sa chatta en Svizra e na vegn betg extradi u sch'il malfatg terroristic duai vegnir commess en Svizra u cunter la Svizra. L'artitgel 7 alineas 4 e 5 è applitgabel.

Art. 261

Disturbi da
la libertad da
cardientscha
e da cult

Tgi che insulta u beffegia publicamain ed en ina moda infama la persvasiun d'autras persunas en dumondas da la cardientscha, en spezial la cardientscha enten Dieu u dischonurescha objects da la veneraziun religiusa,

tgi che impedescha, disturba u beffegia publicamain en mala fai in'acziun da cult che vegn garantida en la constituziun,

²⁸⁷ Integrà tras la cifra II 2 da l'aggiunta dal COF dals 25 da sett. 2020 davart l'approvaziun e la realisaziun da la Convenziun dal Cussegl da l'Europa per la prevenziun dal terrorissem e da ses protocol supplementar sco er davart il rinforzament da l'instrumentari penal cunter il terrorissem e la criminalitad organisada, en vigur dapi il 1. da fan. 2021 (AS 2021 360; BBI 2018 6427).

tgi che dischonurescha en mala fai in lieu u in object ch'è destinà per in cult u per in'acziun da cult che vegn garantida en la constituziun, vegn chastia cun in chasti pecuniar.²⁸⁸

Art. 261^{bis} 289

Discriminaziun ed incitaziun a l'odi

Tgi che incitescha publicamain d'odià u da discriminar ina persuna u ina grupp da persunas pervia da sia razza, pervia da sia etnia, pervia da sia religiun u pervia da sia orientaziun sexuala,

tgi che derasa publicamain ideologias che han la finamira da discreditar u da disfamar sistematicamain questas persunas u questas gruppas da persunas,

tgi che organisescha, promova u sa participescha ad acziuns da propaganda cun la medema finamira,

tgi che discreditescha u discriminescha publicamain en ina moda che cuntrafa a la dignitad umana ina persuna u ina grupp da persunas cun plets, cun scrittiras, cun maletgs, cun gests u cun metter maun vi dad ella pervia da sia razza, pervia da sia etnia, pervia da sia religiun u pervia da sia orientaziun sexuala ubain tgi che snega, bagatellisescha malamain u emprova da giustifitgar per quests motivs genocids u auters crims cunter l'umanitad,

tgi che refusa ad ina persuna u ad ina grupp da persunas pervia da sia razza, pervia da sia etnia, pervia da sia religiun u pervia da sia orientaziun sexuala ina prestaziun offerida ch'è destinada a la generalitad,

vegn chastia cun in chasti da detenziun fin a 3 onns u cun in chasti pecuniar.

Art. 262

Disturbi da la pasch dals defuncts

1. Tgi che dischonurescha la fossa d'in defunct,

tgi che disturba ubain dischonurescha en mala fai il til da bara u il funeral,

tgi che dischonurescha ubain insulta publicamain il defunct,

vegn chastia cun in chasti da detenziun fin a 3 onns u cun in chasti pecuniar.

2. Tgi che allontanescha in defunct u parts d'in defunct ubain la tschendra d'in defunct cunter la voluntad da la persuna autorisada, vegn chastia cun in chasti da detenziun fin a 3 onns u cun in chasti pecuniar.

²⁸⁸ Nova circumscripziun da las smanatschas da chasti tenor la cifra II 1 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

²⁸⁹ Integrà tras l'art. 1 da la LF dals 18 da zer. 1993 (AS 1994 2887; BBI 1992 III 269). Versiun tenor la cifra I 1 da la LF dals 14 da dec. 2018 (discriminaziun ed incitaziun a l'odi pervia da l'orientaziun sexuala), en vigur dapi il 1. da fan. 2020 (AS 2020 1609; BBI 2018 3773 5231).

Art. 263

Commetter
in malfatg tras
irresponsabladad
per atgna culpa

¹ Tgi che commetta en il stadi d'irresponsabladad per atgna culpa pervia d'alcoholissem u pervia da narcosa in malfatg ch'è chastiabel sco crim u sco delict, vegn chastià cun in chasti pecuniar.²⁹⁰

² Sch'il delinquent ha commess en quest stadi d'irresponsabladad in crim ch'è unicamain chastiabel cun in chasti da detenziun, vegn el chastià cun in chasti da detenziun fin a 3 onns u cun in chasti pecuniar.²⁹¹

Dudeschavel titel^{bis}:²⁹² Genocid e crims cunter l'umanitad**Art. 264**

Genocid

Chastià cun in chasti da detenziun per vita duranta u cun in chasti da detenziun betg sut 10 onns vegn, tgi che, cun l'intenziun d'eliminar per part u dal tuttafatg ina grupp ch'è determinada tras sia naziunalitad, tras sia razza, tras sia religiun u tras sia appartegnientscha etnica, sociala u politica:

- a. mazza commembers u chaschuna grevs donns corporals u spiertals a commembers da questa grupp;
- b. sutta metta commembers da la grupp a cundiziuns da viver ch'èn adattadas per eliminar per part u dal tuttafatg la grupp;
- c. ordinescha u prenda mesiras ch'impedeschan naschientschas entaifer la grupp;
- d. transferescha u lascha transferir sfurzadamain uffants da la grupp en in'otra grupp.

Art. 264a

Crims cunter
l'umanitad

¹ Chastià cun in chasti da detenziun betg sut 5 onns vegn, tgi che, en il rom d'ina attatga extendida u sistematica cunter la populaziun civila:

a. Mazzament
intenziunà
b. Extirpaziun

- a. mazza intenziunadamain in uman;
- b. mazza intenziunadamain blers umans u sutta metta la populaziun – cun l'intenziun da la destruir dal tuttafatg u per part – a cundiziuns da viver ch'èn adattadas da chaschunar lur destrucziun;

²⁹⁰ Nova circumscripziun da las smanatschas da chasti tenor la cifra II 1 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBl 2012 4721).

²⁹¹ Versiun tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

²⁹² Integrà tras la cifra I da la LF dals 24 da mars 2000 (AS 2000 2725; BBl 1999 5327). Versiun tenor la cifra I 1 da la LF dals 18 da zer. 2010 davart la midada da leschas federalas per realisar il Statut da Roma da la Curt penala internaziunala, en vigur dapi il 1. da schan. 2011 (AS 2010 4963; BBl 2008 3863).

- c. Sclavitud c. s'appropriescha in dretg da proprietad sur d'in uman e disponadad el, en spezial en furma da commerzi cun umans, d'explozaziun sexuala u da lavur sfurzada;
- d. Privaziun da la libertad d. privescha in uman da la libertad, violond grevaimain las reglas fundamentalas dal dretg internaziunal;
- e. Spariziun sfurzada da persunas e. cun l'intenziun da privar ina persuna per in temp pli lung da la protecziun da la lescha:
1. privescha ina persuna – per incumbensa u cun l'approvaziun d'in stadi u d'ina organisaziun politica – da la libertad e refusa silsunter da dar scleriment davart sia sort u davart il lieu, nua ch'ella sa chatta, u
 2. refusa – per incumbensa d'in stadi u d'ina organisaziun politica ubain cuntrari ad in'obligaziun giuridica – da dar scleriment davart sia sort u davart il lieu, nua che questa persuna sa chatta;
- f. Tortura f. chaschuna ad in uman che stat sut sia tgira u sut sia controlla grondas suffrientschas u donnegescha grevaimain ses corp u sia sanadad fisica u psichica;
- g. Violaziun da l'autodeterminaziun sexuala g. violescha ina persuna feminina u, suenter ch'ella è vegnida engravidada cunter sia voluntad, la tegna en fermanza cun l'intenziun d'influenzar la cumposiziun etnica d'ina populaziun, sforza ina persuna da subir in act sexual d'ina grevezza cumparegliabla u la sforza a la prostituziun ubain la sterilisescha cun forza;
- h. Deportaziun u transferiment sfurzà h. deportescha umans dal territori, nua ch'els sa trategnan legitimamain, u als transferescha sfurzadamain en in auter lieu;
- i. Persecuziun ed apartheid i. refusescha ad ina gruppa d'umans en moda gravanta ils dretgs fundamentals u la retira quels en moda gravanta per motivs politics, razzials, etnics, religius, socials u per auters motivs che stattan en cuntradicziun cun il dretg internaziunal, en connex cun in malfatg tenor il dudeschavel titel^{bis} u tenor il dudeschavel titel^{ter} ubain cun l'intent da supprimer u da dominar ina gruppa razziala;
- j. Auters acts inumans j. commetta in auter act d'ina grevezza ch'è cumparegliabla cun tala dals crims numnads en quest alinea e chaschuna tras quai ad in uman grondas suffrientschas u donnegescha grevaimain ses corp u sia sanadad fisica u psichica.

² En cas spezialmain grevs, cunzunt, sch'il malfatg pertutga blers umans u sch'il delinquent agescha en moda crudaivla, po il derschader pronunziar in chasti da detenziun per vita duranta.

³ En cas main grevs tenor l'alinea 1 literas c–j po il derschader pronunziar in chasti da detenziun betg sut 1 onn.

Dudeschavel titel^{ter}:²⁹³ Crims da guerra

Art. 264b

1. Champ
d'applicaziun

Ils artitgels 264d–264j vegnan applitgads en connex cun conflicts internaziunals armads inclusiv occupaziuns, sco er, uschenavant ch'i na resorta nagut auter da la natira dals malfatgs, en connex cun conflicts armads betg internaziunals.

Art. 264c

2. Grevas
violaziuns da
las Convenziuns
da Geneva

¹ Cun in chasti da detenziun betg sut 5 onns vegn chastià, tgi che commetta – en connex cun in conflict internaziunal armà – ina greva violaziun da las Convenziuns da Geneva dals 12 d'avust 1949²⁹⁴ cun in dals suandants acts cunter persunas u cunter bains ch'èn protegids tenor questas convenziuns:

- a. mazzament intenziunà;
- b. rapiment d'ostagis;
- c. chaschunar grondas suffrientschas u donnegiar grevament il corp u la sanadad fisica u psichica, en spezial tras tortura, tras in tractament inuman u tras experiments biologics;
- d. destructiun u appropriaziun enorma da bains che n'è betg giustifitgada tras necessitads militaras;
- e. constringiun da prestar servetsch en las forzas armadas d'ina pussanza inimia;
- f. deportaziun, transferiment u detenziun illegala;
- g. refusa dal dretg d'ina procedura giudiziala ordinaria imparziala avant che pronunziar u exequir in grev chasti.

² Acts tenor l'alinea 1 che vegnan commess en connex cun in conflict armà betg internaziunal han il medem status sco las grevas violaziuns dal dretg internaziunal umanitar, sch'els èn drizzads cunter ina persuna ch'è protegida tenor il dretg internaziunal umanitar u cunter in bain protegi.

³ En cas spezialmain grevs, cunzunt, sch'il malfatg pertutga blers umans u sch'il delinquent agescha en moda crudaivla, po il derschader pronunziar in chasti da detenziun per vita duranta.

²⁹³ Integrà tras la cifra I 1 da la LF dals 18 da zer. 2010 davart la midada da leschas federalas per realisar il Statut da Roma da la Curt penal internaziunala, en vigor dapi il 1. da schan. 2011 (AS **2010** 4963; BBl **2008** 3863).

²⁹⁴ Convenziun da Geneva dals 12 d'avust 1949 per megliar la sort dals blessads e malsauns da las forzas armadas en champagna (CG I), SR **0.518.12**; Convenziun da Geneva dals 12 d'avust 1949 per megliar la sort dals blessads, malsauns e naufragiads da las forzas armadas sin la mar (CG II), SR **0.518.23**; Convenziun da Geneva dals 12 d'avust 1949 davart il tractament dals praschuniers da guerra (CG III), SR **0.518.42**; Convenziun da Geneva dals 12 d'avust 1949 davart la protecciun da persunas civilas en temps da guerra (CG IV), SR **0.518.51**.

⁴ En cas main grevs tenor l'alinea 1 literas c–g po il derschader pronunziar in chasti da detenziun betg sut 1 onn.

Art. 264d

3. Auters
crims da guerra
a. Attatgas
cunter persunas
civilas e cunter
objects civils

¹ Cun in chasti da detenziun betg sut 3 onns vegn chastià, tgi che drizza – en connex cun in conflict armà – in'attatga:

- a. cunter la populaziun civila sco tala u cunter persunas civilas che na sa participeschan betg directamain a las ostiltads;
- b. cunter persunas, cunter indrizs, cunter material u cunter vehichels ch'èn part d'ina missiun d'agid umanitara u d'ina missiun per mantegnair la pasch en concordanza cun la Charta da las Naziuns Unidas dals 26 da zercladur 1945²⁹⁵, uschè ditg ch'els èn protegids dal dretg internaziunal umanitar;
- c. cunter objects civils, cunter abitadis u edificizis betg defendids u cunter zonas demilitarisadas che na represchantan betg in object militar;
- d. cunter unitads da sanidad, cunter edificizis, cunter material u cunter vehichels che dovran in segn da protecciun dal dretg internaziunal umanitar u dals quals il caracter protegì è perceptibel er senza segn da protecciun, ospitals u plazzas da rimnada per persunas malsaunas e blessadas;
- e. cunter bains culturals u cunter las persunas ch'èn incaricadas cun lur protecciun u cunter vehichels che servan a lur transport, cunter edificizis che servan ad acts religius, a l'art, a l'educaziun, a la scienza u a la beneficenza, uschè ditg ch'els èn protegids dal dretg internaziunal umanitar.

² En cas spezialmain grevs d'attatgas cunter persunas po il derschader pronunziar in chasti da detenziun per vita duranta.

³ En cas main grevs po il derschader pronunziar in chasti da detenziun betg sut 1 onn.

Art. 264e

b. Tractament
medicinal betg
giustifitgà,
violaziun da
l'autodetermina-
ziun sexuala e
da la dignitad
umana

¹ Cun in chasti da detenziun betg sut 3 onns vegn chastià, tgi che – en connex cun in conflict armà:

- a. chaschuna grevs donns corporals u violescha u periclitescha grev vama in la sanadad fisica u psichica d'ina persuna ch'è protegida dal dretg internaziunal umanitar cun la suttmetter ad ina procedura medicinala che na vegn betg pretendida da ses stadi da sanadad e che na correspunda betg a princips da la medischina ch'èn renconuschids en general;

- b. violescha ina persuna feminina ch'è protegida dal dretg internaziunal umanitar u, sunter ch'ella è vegnida engravidada cunter sia voluntad, la tegna en fermanza cun l'intenziun d'influenzar la cumposiziun etnica d'ina populaziun, sforza ina persuna ch'è protegida dal dretg internaziunal umanitar da subir in act sexual d'ina grevezza cumparegliabla u la sforza a la prostituziun ubain la sterilisescha cun forza;
 - c. tracta ina persuna ch'è protegida dal dretg internaziunal umanitar en ina moda che la umiliescha u che la degradescha grevamain.
- ² En cas spezialmain grevs, cunzunt, sch'il malfatg pertutga blers umans u sch'il delinquent agescha en moda crudaivla, po il derschader pronunziar in chasti da detenziun per vita duranta.
- ³ En cas main grevs po il derschader pronunziar in chasti da detenziun betg sut 1 onn.

Art. 264^f

c. Recrutaziun ed utilisaziun d'uffants schuldados

- ¹ Cun in chasti da detenziun betg sut 3 onns vegn chastià, tgi che integrescha in uffant sut 15 onns en forzas armadas u en gruppas armadas, al recrulescha per quest intent u al dovra per la participaziun a conflicts armads.
- ² En cas spezialmain grevs, cunzunt, sch'il malfatg pertutga blers uffants u sch'il delinquent agescha en moda crudaivla, po il derschader pronunziar in chasti da detenziun per vita duranta.
- ³ En cas main grevs po il derschader pronunziar in chasti da detenziun betg sut 1 onn.

Art. 264^g

d. Metodas da guerra scumandadas

- ¹ Cun in chasti da detenziun betg sut 3 onns vegn chastià, tgi che – en connex cun in conflict armà:
- a. fa in'attatga, schebain ch'el sa u sto supponer che quella vegn a chaschunar la mort u la blessura da personas civilas, il donnegiamet d'objects civils u il donnegiamet extendi, durabel e grev da l'ambient natiral che na stat en nagina relaziun cun l'avantatg militar concret e direct che po vognir spetgà;
 - b. dovra ina persuna ch'è protegida dal dretg internaziunal umanitar sco scut per influenzer acziuns militaras e cumbats;
 - c. sblundregia, sco metoda da guerra, s'appropriescha en outra moda senza dretg da bains ubain destruescha u confiscescha bains da l'inimi en ina dimensiun che n'è betg stringentamain necessaria per la guerra, privescha personas civilas da bains ch'èn indispensabels per survivor u impedescha la furniziun d'agid;

- d. mazza u vulnerescha in cumbattant inimi en moda perfida e maligna u suenter che quel sa chatta ord cumbat;
- e. mutilescha la bara d'in cumbattant inimi;
- f. ordinescha, sco cumandant, u smanatscha a l'adversari da mazzar tuts;
- g. fa abus da la bandiera alva, da la bandiera, da l'unifurma u da segns militars da l'inimi, da las Naziuns Unidas u da segns da proteccziun dal dretg internaziunal umanitar;
- h. transferescha, sco appartegnent d'ina pussanza d'occupaziun, ina part da la populaziun civila en il territori occupà u transferescha la populaziun dal territori occupà dal tuttafatg u per part a l'intern u a l'extern da quest territori.

² En cas spezialmain grevs, cunzunt, sch'il malfatg pertutga blers umans u sch'il delinquent agescha en moda crudaivla, po il derschader pronunziar in chasti da detenziun per vita duranta.

³ En cas main grevs po il derschader pronunziar in chasti da detenziun betg sut 1 onn.

Art. 264h

e. Diever
d'armas
scumandadas

¹ Cun in chasti da detenziun betg sut 3 onns vegn chastià, tgi che dovra – en connex cun in conflict armà:

- a. tissi u armas tissientadas;
- b. armas biologicas u chemicas, inclusiv gas, substanzas u liquids da tissi u stenschentants;
- c. projectils che s'extendan facilmain u che daventan facilmain plats en il corp da l'uman ubain ch'explodeschan en il corp da l'uman;
- d. armas che han l'effect principal da chaschunar blessuras tras stgaglias che na pon betg vegnir scuvidas cun agid da la radiografia;
- e. armas da laser che han l'effect principal da provocar ch'ils umans daventan tschorvs per adina.

² En cas spezialmain grevs po il derschader pronunziar in chasti da detenziun per vita duranta.

Art. 264i

4. Violaziun d'in armistizi u da la pasch. Delicts cunter in parlamentari. Retardament dal repatriament da praschuniers da guerra

Cun in chasti da detenziun fin a 3 onns u cun in chasti pecuniar vegn chastià, tgi che:

- a. cuntinuescha cun il cumbat, suenter ch'el ha survegnì uffizialmain u en servetsch enconuschientscha da la conclusiun d'in armistizi u da la pasch, ubain violescha las cundiziuns da l'armistizi en autra moda;
- b. maltracta, ingiuriescha u retegna senza motiv in parlamentari inimi u ina da sias personas accompagnantas;
- c. retardescha nungiuistifitgadama in il repatriament da praschuniers da guerra, suenter che las operaziuns militarass èn terminadas.

Art. 264j

5. Autras cuntravenziuns cunter il dretg internaziunal umanitar

Cun in chasti da detenziun fin a 3 onns u cun in chasti pecuniar vegn chastià, tgi che violescha – en connex cun in conflict armà – ina prescripziun dal dretg internaziunal umanitar en autra moda che tenor ils artitgels 264c–264i, sche tala violaziun vegn declerada chastiabla dal dretg da disa internaziunal u d'ina cunvegna internaziunala che vegn reconuschida da la Svizra sco lianta.

Dudeschavel titel^{quater};²⁹⁶
Disposiziuns cuminaivlas per il dudeschavel titel^{bis}
e per il dudeschavel titel^{ter}

Art. 264k

Chastiabladad dal superiur

¹ Il superiur che sa ch'ina persuna ch'è suttamessa ad el commetta u vegn a commetter in malfatg tenor il dudeschavel titel^{bis} u tenor il dudeschavel titel^{ter} e che na prenda betg las mesiras adattadas per impedir quest malfatg, vegn chastià cun il medem chasti sco il delinquent. Sch'il superiur n'impedescha betg il malfatg per negligentscha, vegn el chastià cun in chasti da detenziun fin a 3 onns u cun in chasti pecuniar.

² Il superiur che sa ch'ina persuna ch'è suttamessa ad el ha commess in malfatg tenor il dudeschavel titel^{bis} u tenor il dudeschavel titel^{ter} e che na prenda betg las mesiras adattadas per garantir ch'il delinquent vegnia chastià, vegn chastià cun in chasti da detenziun fin a 3 onns u cun in chasti pecuniar.

²⁹⁶ Integrà tras la cifra I I da la LF dals 18 da zer. 2010 davart la midada da leschas federalas per realisar il Statut da Roma da la Curt penala internaziunala, en vigur dapi il 1. da schan. 2011 (AS 2010 4963; BBI 2008 3863).

Art. 264/

Agir sin cumond
d'insatgi auter

Il subordinà che commetta sin cumond d'in superior u sin in'ordinaziun che ha in character liant sumegliant in malfatg tenor il dudeschavel titel^{bis} u tenor il dudeschavel titel^{ter} è chastiabel, sch'el è stà conscient da la chastiabladad da l'acziun il mument ch'el ha commess il malfatg.

Art. 264m

Malfatgs
commess
a l'exteriur

¹ Chastiabel è er il delinquent che ha commess a l'exteriur in malfatg tenor il dudeschavel titel^{bis}, tenor il dudeschavel titel^{ter} u tenor l'artitgel 264k, sch'el sa chatta en Svizra e na vegn betg extradi ad in auter stadi u na vegn betg transferi ad ina dretgira penala internaziunala, da la quala la Svizra renconuscha la cumpetenzza.

² Sch'il malfatg a l'exteriur n'è betg vegnì commess cunter in Svizzer e sch'il delinquent n'è betg Svizzer, po, cun resalva da mesiras per segirar las cumprovas, la persecuziun penala vegnir sistida u poi vegnir desisti d'ina tala, sche:

- a. in'autoritàd estra u ina dretgira penala internaziunala, da la quala la Svizra renconuscha la cumpetenzza, persequitescha il malfatg ed il delinquent vegn extradi u transferi; u
- b. il delinquent na sa chatta betg pli en Svizra ed i na sto betg pli vegnir fatg quint cun ses return.

³ L'artitgel 7 alineas 4 e 5 è applitgabel, nun che l'acquittament, il relasch u la surannaziun dal chasti a l'exteriur aveva la finamira da proteger il delinquent en moda nungjustifitgada cunter il chasti.

Art. 264n

Exclusiun da
l'immunitàd
relativa

Per persequitar malfatgs tenor il dudeschavel titel^{bis}, tenor il dudeschavel titel^{ter} e tenor l'artitgel 264k na dovri nagina autorisaziun tenor ina da las suandantas disposiziuns:

- a. artitgel 7 alinea 2 litera b dal Cudesch da procedura penala²⁹⁷;
- b. artitgels 14 e 15 da la Lescha da responsabladad dals 14 da mars 1958²⁹⁸;
- c. artitgel 17 da la Lescha dal parlament dals 13 da december 2002²⁹⁹;
- d. artitgel 61a da la Lescha dals 21 da mars 1997³⁰⁰ davart l'organisaziun da la regenza e da l'administraziun;

²⁹⁷ SR 312.0

²⁹⁸ SR 170.32

²⁹⁹ SR 171.10

³⁰⁰ SR 172.010

- e. artitgel 11 da la Lescha dals 17 da zercladur 2005³⁰¹ davart il Tribunal federal;
- f. artitgel 12 da la Lescha dals 17 da zercladur 2005³⁰² davart il Tribunal administrativ federal;
- g. artitgel 16 da la Lescha federala dals 20 da mars 2009³⁰³ davart il Tribunal federal da patentas;
- h. artitgel 50 da la Lescha dals 19 da mars 2010³⁰⁴ davart l'organisaziun da las autoritads penalas.

Tredeschavel titel: Crims e delicts cunter il stadi e cunter la defensiun naziunala

Art. 265

1. Crims e delicts cunter il stadi.
Auttradiment

Tgi che agescha cun violenza cun l'intenziun da midar la constituziun da la Confederaziun³⁰⁵ u d'in chantun³⁰⁶, destituir las autoritads naziunalas constituziunalas u impedir ellas da far diever da lur pussanza, separar territori svizzer da la Confederaziun u territori d'in chantun, vegn chastia cun in chastis da detenziun betg sut 1 onn³⁰⁷.

Art. 266

Attatga sin l'indipendenza da la Confederaziun

1. Tgi che agescha cun l'intenziun da violar u periclitlar l'indipendenza da la Confederaziun, chaschunar ina intervenziun d'ina pussanza estra en las fatschentas da la Confederaziun per periclitlar l'indipendenza da quella, vegn chastia cun in chastis da detenziun betg sut 1 onn.

2.³⁰⁸ Tgi ch'entra en contact cun la regenza d'in pajais ester u cun agents da quel per far guerra cunter la Confederaziun, vegn chastia cun in chastis da detenziun betg sut 3 onns.

301 SR 173.110

302 SR 173.32

303 SR 173.41

304 SR 173.71

305 SR 101

306 SR 131.211/131.235

307 Expressiun tenor la cifra II 1 al. 11 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979). Questa midada è vegnida resguardada en l'entir segund cudesch qua avant maun.

308 Versiun tenor la cifra I da la LF dals 5 d'oct. 1950, en vigur dapi ils 5 da schan. 1951 (AS 1951 1; BBl 1949 1 1249).

En cas grevs po il derschader pronunziar in chasti da detenziun per vita duranta.

Art. 266^{bis 309}

Interpresas e stentas estras cunter la segirezza da la Svizra

¹ Tgi ch'entra en contact cun in pajais ester, cun partidas da l'exteriur ubain cun autras organisaziuns da l'exteriur u cun lur agents ubain tgi che furma u derasa pretensiuns faussas u sfalsifitgantas cun l'intent da provocar u da sustegnair interpresas u stentas estras cunter la segirezza da la Svizra, vegn chastià cun in chasti da detenziun fin a 5 onns u cun in chasti pecuniar.

² En cas grevs po il derschader pronunziar in chasti da detenziun betg sut 1 onn.

Art. 267

Tradiment diplomatic

1. Tgi che renda enconuschent u accessibel ad in pajais ester u a ses agents in secret ch'i vala da salvar per il bain da la Confederaziun,³¹⁰

tgi che falsifitgescha, destruescha, metta d'ina vart u engola documents u meds da cumprova che sa refereschon a relaziuns giuridicas tranter la Confederaziun u in chantun ed in pajais ester e periclitescha qua tras intenziunadamain ils interess da la Confederaziun u dal chantun,

tgi che maina sco mandatari da la Confederaziun intenziunadamain contractivas cun ina regenza estra a disfavur da la Confederaziun,

vegn chastià cun in chasti da detenziun betg sut 1 onn.

^{2,311} Tgi che renda enconuschent u accessibel intenziunadamain a la publicitad in secret ch'i vala da salvar per il bain da la Confederaziun, vegn chastià cun in chasti da detenziun fin a 5 onns u cun in chasti pecuniar.

^{3,312} Sch'il delinquent agescha per negligentscha, vegn el chastià cun in chasti da detenziun fin a 3 onns u cun in chasti pecuniar.

Art. 268

Spustament da segns da cunfin uffizials

Tgi che allontanescha, sposta, fa nunenconuschaivel, metta en in lieu fauss u falsifitgescha in crap da cunfin ubain in auter segn da cunfin che serva a determinar ils cunfins dal pajais, dal chantun u da la vischanca, vegn chastià cun in chasti da detenziun fin a 5 onns u cun in chasti pecuniar.

³⁰⁹ Integrà tras la cifra I da la LF dals 5 d'oct. 1950, en vigur dapi ils 5 da schan. 1951 (AS 1951 1; BBl 1949 I 1249).

³¹⁰ Versiun tenor la cifra I da la LF dals 10 d'oct. 1997, en vigur dapi il 1. d'avr. 1998 (AS 1998 852; BBl 1996 IV 525).

³¹¹ Integrà tras la cifra I da la LF dals 10 d'oct. 1997, en vigur dapi il 1. d'avr. 1998 (AS 1998 852; BBl 1996 IV 525).

³¹² Oriundamain cifra 2.

Art. 269

Violaziun da
la suveranità
territoriala da
la Svizra

Tgi ch'entra en territori svizzer, violond il dretg internaziunal, vegn chastia cun in chastì da detenziun u cun in chastì pecuniar.

Art. 270

Attatgas
sin emblems
svizzers

Tgi che allontanescha ubain donnegia en mala fai emblems svizzers fixads d'ina autorità, en spezial la vopna u la bandiera da la Confederaziun ubain d'in chantun, u exequescha acts offenders vers tals emblems, vegn chastia cun in chastì da detenziun fin a 3 onns u cun in chastì pecuniar.

Art. 271³¹³

Acts scumandads
per in pajais
ester

1. Tgi che commetta sin territori svizzer senza autorisaziun in act per in pajais ester, il qual tutga ad in'autorità u ad in funzionari,

tgi che commetta tals acts per ina partida estra u per in'otra organisaziun da l'exteriur,

tgi che favurisescha tals acts,

vegn chastia cun in chastì da detenziun fin a 3 onns u cun in chastì pecuniar, en cas grevs cun in chastì da detenziun betg sut 1 onn.³¹⁴

2. Tgi che rapinescha tras violenza, tras malizia ubain tras smanatscha ina persuna a l'exteriur, per la surdar ad in'autorità, ad ina partida u ad in'otra organisaziun estra ubain per l'exponer ad in privel per il corp e per la vita, vegn chastia cun in chastì da detenziun betg sut 1 onn.

3. Tgi che prepara in tal rapiment, vegn chastia cun in chastì da detenziun u cun in chastì pecuniar.

Art. 272³¹⁵

2. Servetsch
d'infurmaziun
scumandà.
Servetsch
d'infurmaziun
politic

1. Tgi che maina u endrizza in servetsch d'infurmaziun politic en l'interess d'in pajais ester, d'ina partida estra u d'ina altra organisaziun da l'exteriur a disfavur da la Svizra u da ses commembers, da ses abitants ubain da sias organisaziuns,

tgi che engascha persunas per tals servetschs u favurisescha quels,

vegn chastia cun in chastì da detenziun fin a 3 onns u cun in chastì pecuniar.

³¹³ Versiun tenor la cifra I da la LF dals 5 d'oct. 1950, en vigur dapi ils 5 da schan. 1951 (AS 1951 I; BBl 1949 I 1249).

³¹⁴ Nova circumscripziun da la smanatscha da chastì tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

³¹⁵ Versiun tenor la cifra I da la LF dals 5 d'oct. 1950, en vigur dapi ils 5 da schan. 1951 (AS 1951 I; BBl 1949 I 1249).

2. En cas grevs vegn il delinquent chastà cun in chasti da detenziun betg sut 1 onn. Sco cas grev vali en spezial, sch' il delinquent provochescha ad acts u fa rapports fauss ch'èn adattads per periclitar la segirezza interna u externa da la Confederaziun.

Art. 273

Servetsch
d'infurmaziun
economic

Tgi che s'infurmescha davart in secret da fabricaziun u davart in secret da fatschenta per al render accessibel ad in post uffizial ester, ad in'organisaziun estra, ad ina interpresa privata ubain a lur agents,

tgi che renda accessibel in secret da fabricaziun ubain in secret da fatschenta ad in post uffizial ester, ad in'organisaziun estra, ad ina interpresa privata ubain a lur agents,

vegn chastà cun in chasti da detenziun fin a 3 onns u cun in chasti pecuniar, en cas grevs cun in chasti da detenziun betg sut 1 onn. Cun il chasti da detenziun po vegnir collià in chasti pecuniar.³¹⁶

Art. 274³¹⁷

Servetsch
d'infurmaziun
militar

1. Tgi che maina u endrizza in servetsch d'infurmaziun militar per in pajais ester a disfavur da la Svizra,

tgi che engascha persunas per tals servetschs u favurisescha quels,

vegn chastà cun in chasti da detenziun fin a 3 onns u cun in chasti pecuniar.

En cas grevs po il derschader pronunziar in chasti da detenziun betg sut 1 onn.

2. La corrispondenza ed il material vegnan confiscads.

Art. 275³¹⁸

3. Periclitiun
da l'urden
constituiziunal.
Attatgas
sin l'urden
constituiziunal

Tgi che commetta in act cun l'intent da disturbar u da midar illegalmain l'urden constituiziunal da la Confederaziun³¹⁹ u dals chantuns³²⁰, vegn chastà cun in chasti da detenziun fin a 5 onns u cun in chasti pecuniar.

³¹⁶ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

³¹⁷ Versiun tenor la cifra I da la LF dals 5 d'oct. 1950, en vigur dapi ils 5 da schan. 1951 (AS 1951 1; BBl 1949 1 1249).

³¹⁸ Versiun tenor la cifra I da la LF dals 5 d'oct. 1950, en vigur dapi ils 5 da schan. 1951 (AS 1951 1; BBl 1949 1 1249).

³¹⁹ SR 101

³²⁰ SR 131.211/131.235

- Art. 275^{bis}** 321
- Propaganda
privlusa per
il stadi
- Tgi che fa propaganda da l'exterior cun l'intent da derscher tras violenza l'urden costituziunal da la Confederaziun u d'in chantun, vegn chastia cun in chasti da detenziun fin a 3 onns u cun in chasti pecuniar.
- Art. 275^{ter}** 322
- Uniun illegala
- Tgi che constituescha in'uniun che ha l'intent da commetter malfatgs ch'en chastiabels tenor ils artitgels 265, 266, 266^{bis}, 271–274, 275 e 275^{bis},
- tgi che sa participescha ad ina tala uniun u a sias stentas,
- tgi che envida a furmar talas uniuns u exequescha sias directivas,
- vegn chastia cun in chasti da detenziun fin a 3 onns u cun in chasti pecuniar.
- Art. 276**
4. Disturbi da
la segirezza
militara.
Incitaziun ed
instigaziun da
violiar obliga-
ziuns dal ser-
vetsch militar
1. Tgi che incitescha publicamain a la malobedientscha cunter cumonds militars, a la violaziun dal servetsch, a la refusa dal servetsch u a la deserziun,
- tgi che instighescha ina persuna ch'è obligada da far servetsch ad in tal malfatg,
- vegn chastia cun in chasti da detenziun fin a 3 onns u cun in chasti pecuniar.
2. Sch'i sa tracta d'ina incitaziun a la revolta u a la preparaziun d'ina revolta, ubain sch'i vegn instigà a la revolta u a la preparaziun d'ina revolta, vegn il delinquent chastia cun in chasti da detenziun u cun in chasti pecuniar.
- Art. 277**
- Falsificaziun
da clamadas en
servetsch u da
directivas
1. Tgi che cuntrafa, falsifitgescha, supprima u eliminescha intenziunadamain ina clamada en servetsch militar u ina directiva destinada a personas ch'en obligadas da far servetsch militar,
- tgi che fa diever d'ina clamada en servetsch u d'ina directiva ch'è falsifitgada u sfalsifitgada,
- vegn chastia cun in chasti da detenziun u cun in chasti pecuniar.
2. Sch'il delinquent agescha per negligentscha, vegn el chastia cun in chasti da detenziun fin a 3 onns u cun in chasti pecuniar.

321 Integrà tras la cifra I da la LF dals 5 d'oct. 1950, en vigur dapi ils 5 da schan. 1951 (AS 1951 I; BBl 1949 I 1249).

322 Integrà tras la cifra I da la LF dals 5 d'oct. 1950, en vigur dapi ils 5 da schan. 1951 (AS 1951 I; BBl 1949 I 1249).

Art. 278

Disturbi dal
servetsch militar

Tgi che disturba u impedescha ina persuna militar tar l'execuziun dal servetsch, vegn chastia cun in chasti pecuniar.³²³

Quattordeschavel titel: Delicts cunter la voluntad dal pievel**Art. 279**

Disturbi ed
impediment
d'elecziuns
e da votaziuns

Tgi che impedescha u disturba ina radunanza, in'elecziun u ina votaziun prescritta da la constituziun u da la lescha cun duvrar violenza u cun smanatschar gronds donns,

tgi che impedescha u disturba la rimnada u la consegna da suttascripziuns per in referendum u per ina iniziativa cun duvrar violenza u cun smanatschar gronds donns,

vegn chastia cun in chasti da detenziun fin a 3 onns u cun in chasti pecuniar.

Art. 280

Intervenziuns en
il dretg da votar
e d'eleger

Tgi che impedescha ina persuna cun dretg da votar d'exequir il dretg da votar u d'eleger u da suttascriber in referendum u ina iniziativa cun duvrar violenza u cun smanatschar gronds donns,

tgi che sforza ina persuna cun dretg da votar cun duvrar violenza u cun smanatschar gronds donns dad insumma exequir quest dretg u da far quai en in tschert senn,

vegn chastia cun in chasti da detenziun fin a 3 onns u cun in chasti pecuniar.

Art. 281

Corrupziun
electoral

Tgi che offra, empermetta, dat u lascha consegnar ad ina persuna cun dretg da votar in regal u in auter avantatg, per ch'ella voteschia u elegia en in tschert senn, fetschia part u na fetschia betg part d'ina dumonda da referendum u d'iniziativa,

tgi che offra, empermetta, dat u lascha consegnar ad ina persuna cun dretg da votar in regal u in auter avantatg, per ch'ella na sa participeschia betg ad in'elecziun u ad ina votaziun,

tgi che sa lascha, sco persuna cun dretg da votar, empermetter u dar in tal avantatg,

³²³ Nova circumscripziun da las smanatschas da chasti tenor la cifra II 1 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

vegn chastia cun in chasti da detenziun fin a 3 onns u cun in chasti pecuniar.

Art. 282

Falsificaziun
dals resultats
electorals

1. Tgi che fa in register electoral fauss, imitescha, falsifitgescha, lascha svanir u disfa in tal,

tgi che sa participescha senza dretg ad in'elecziun u ad ina votaziun ubain ad ina dumonda da referendum u d'iniziativa,

tgi che falsifitgescha il resultat d'ina elecziun, d'ina votaziun u d'ina rimnada da sutscriziuns per exequir il referendum u l'iniziativa, en spezial cun agiuntar, cun midar, cun laschar davent u cun stritgar cedels da votar u sutscriziuns, cun betg dumbrar correctamain u cun documentar faussamain il resultat,

vegn chastia cun in chasti da detenziun fin a 3 onns u cun in chasti pecuniar.

2. Sch'il delinquent agescha en funcziun uffiziala, è il chasti in chasti da detenziun fin a 3 onns u in chasti pecuniar betg sut 30 taxas per di. Cun il chasti da detenziun po vegnir collià in chasti pecuniar.³²⁴

Art. 282^{bis} 325

Chatscha
sin vuschs

Tgi che rimna, emplescha u mida sistematicamain cedels electorals u cedels da votar u tgi che distribuescha tals cedels electorals u tals cedels da votar, vegn chastia cun multa.

Art. 283

Violaziun
dal secret
da votaziun
e d'elecziun

Tgi che sa procura en moda illegala enconuschentschas, co che singulas votantas e singuls votants voteschan u elegian, vegn chastia cun in chasti da detenziun fin a 3 onns u cun in chasti pecuniar.

Art. 284³²⁶

³²⁴ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979).

³²⁵ Integrà tras la cifra I da l'art. 88 da la LF dals 17 da dec. 1976 davart ils dretgs politics, en vigur dapi il 1. da fan. 1978 (AS 1978 688; BBI 1975 I 1317).

³²⁶ Aboli tras la cifra I da la LF dals 18 da mars 1971, cun effect dapi il 1. da fan. 1971 (AS 1971 777; BBI 1965 I 561).

Quindeschavel titel: Acts chastiabels cunter l'autoridad publica

Art. 285

Violenza e smanatschas cunter autoritads e cunter funcziunaris

1.³²⁷ Tgi che impedescha cun violenza u cun smanatschas in 'autoridad, in commember d'ina autoridad u in funcziunari d'exequir in act che tutga tar sias cumpetenzas uffizialas, constrenscha quels d'exequir in tal act u attatga quels cun violenza durant in act uffizial, vegn chastià cun in chasti da detenziun fin a 3 onns u cun in chasti pecuniar.

Sco funcziunaris valan er emploiads d'interpresas tenor la Lescha federala da viafier dals 20 da december 1957³²⁸, tenor la Lescha dals 20 da mars 2009³²⁹ davart il transport da persunas e tenor la Lescha dals 19 da december 2008³³⁰ davart il transport da rauba sco er emploiads da las organizaziuns incaricadas cun ina permissiun da l'Uffizi federal da traffic tenor la Lescha federala dals 18 da zercladur 2010³³¹ davart ils organs da segirezza da las interpresas da transports publics.³³²

2. Sch'il malfatg vegn commess d'ina rotscha da persunas, vegn mintgina da las persunas participadas a la rotscha chastiada cun in chasti da detenziun fin a 3 onns u cun in chasti pecuniar.

La persuna participada che dovra violenza cunter persunas u cunter chaussas vegn chastiada cun in chasti da detenziun fin a 3 onns u cun in chasti pecuniar betg sut 30 taxas per di.³³³

Art. 286³³⁴

Impediment d'in act uffizial

Tgi che impedescha in 'autoridad, in commember d'ina autoridad u in funcziunari d'exequir in act che tutga tar sias cumpetenzas uffizialas, vegn chastià cun in chasti pecuniar fin a 30 taxas per di.

Sco funcziunaris valan er emploiads d'interpresas tenor la Lescha federala da viafier dals 20 da december 1957³³⁵, tenor la Lescha dals 20 da mars 2009³³⁶ davart il transport da persunas e tenor la Lescha dals

³²⁷ Versiun tenor la cifra II 5 da la LF dals 20 da mars 2009 davart la refurma da la viafier 2, en vigur dapi il 1. da schan. 2010 (AS **2009** 5597; BBl **2005** 2415, **2007** 2681).

³²⁸ SR 742.101

³²⁹ SR **745.1**

³³⁰ [AS **2009** 5597 6019, **2012** 5619 cifra I 5, **2013** 1603. AS **2016** 1845 agiunta cifra I 1]. Guardar oz: LF dals 25 da sett. 2015 (SR **742.41**).

³³¹ SR **745.2**

³³² Versiun tenor l'art. 11 al. 2 da la LF dals 18 da zer. 2010 davart ils organs da segirezza da las interpresas da transports publics, en vigur dapi il 1. d'oct. 2011 (AS **2011** 3961; BBl **2010** 891 915).

³³³ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS **2006** 3459; BBl **1999** 1979).

³³⁴ Versiun tenor la cifra II 5 da la LF dals 20 da mars 2009 davart la refurma da la viafier 2, en vigur dapi il 1. da schan. 2010 (AS **2009** 5597; BBl **2005** 2415, **2007** 2681).

³³⁵ SR 742.101

³³⁶ SR **745.1**

19 da december 2008³³⁷ davart il transport da rauba sco er emploiads da las organisaziuns incaricadas cun ina permissiun da l'Uffizi federal da traffic tenor la Lescha federala dals 18 da zercladur 2010³³⁸ davart ils organs da segirezza da las interpresas da transports publics.³³⁹

Art. 287

Usurpaziun
da funcziuns
publicas

Tgi che usurpescha cun intenziuns illegalas l'execuziun d'in uffizi u il plainpudair da dar cumonds militars, vegn chastià cun in chasti da detenziun fin a 3 onns u cun in chasti pecuniar.

Art. 288³⁴⁰

Art. 289

Sustraziun
d'objects
confiscads

Tgi che sustira a la pussanza uffiziala ina chaussa ch'è vegnida confiscada uffizialmain, vegn chastià cun in chasti da detenziun fin a 3 onns u cun in chasti pecuniar.

Art. 290

Rumper sigils
uffizials

Tgi che rumpa, allontanescha u privescha da lur effect segns uffizials, en spezial in sigil uffizial, cun il qual ina chaussa è vegnida serrada u segnada, vegn chastià cun in chasti da detenziun fin a 3 onns u cun in chasti pecuniar.

Art. 291

Violaziun da
l'exiliaziun

¹ Tgi che violescha in'exiliaziun dal pajais u d'in chantun ch'è vegnida pronunziada d'ina autoritad competente, vegn chastià cun in chasti da detenziun fin a 3 onns u cun in chasti pecuniar.

² La durada da quest chasti na vegn betg messa a quint a la durada da l'exiliaziun.

Art. 292

Malobedientscha
cunter disposi-
ziuns uffizialas

Tgi che na suonda betg ina decisiun decretada d'ina autoritad competente u d'in funcziunari competent cun la smanatscha da chasti tenor quest artitgel, vegn chastià cun multa.

³³⁷ [AS 2009 5597 6019, 2012 5619 cifra I 5, 2013 1603. AS 2016 1845 agiunta cifra I 1].
Guardar oz: LF dals 25 da sett. 2015 (SR 742.41).

³³⁸ SR 745.2

³³⁹ Versiun tenor l'art. 11 al. 2 da la LF dals 18 da zer. 2010 davart ils organs da segirezza da las interpresas da transports publics, en vigur dapi il 1. d'oct. 2011 (AS 2011 3961; BBI 2010 891 915).

³⁴⁰ Aboli tras la cifra I 1 da la LF dals 22 da dec. 1999 (revisiun dal dretg penal en fatgs da corrupziun), cun effect dapi il 1. da matg 2000 (AS 2000 1121; BBI 1999 5497).

Art. 293

Publicaziun
da tractativas
uffizialas
secretas

¹ Tgi che publitescha insatge or dad actas, or da tractativas u or d'inquisiziuns d'ina autoritad, ch'èn vegnidas declaradas sco secretas tras la lescha u tras in conclud da l'autoritad pronunzià tenor la lescha, vegn chastià cun multa.³⁴¹

² La cumplicitad è chastiabla.

³ L'act n'è betg chastiabel, sche nagins interess publics u privats predominantants na s'opponivan a la publicaziun.³⁴²

Art. 294³⁴³

Inobservanza
d'in scumond
d'activitad u
d'in scumond da
contact e d'areal

¹ Tgi che pratitgescha in'activitad, malgrà ch'igl è vegnì pronunzià cunter el in scumond d'activitad tenor l'artitgel 67, tenor l'artitgel 50 da la Lescha penala militar dals 13 da zercladur 1927³⁴⁴ (LPM) u tenor l'artitgel 16a DPG³⁴⁵, vegn chastià cun in chasti da detenziun fin ad 1 onn u cun in chasti pecuniar.

² Tgi ch'entra en contact cun ina u cun pliras tschertas persunas u cun persunas d'ina tscherta gruppa, tgi che s'avischina a talas persunas, tgi che sa trategna en tscherts lieus, malgrà ch'igl è vegnì pronunzià cunter el in scumond da contact e d'areal tenor l'artitgel 67b, tenor l'artitgel 50b LPM u tenor l'artitgel 16a DPG, vegn chastià cun in chasti da detenziun fin ad 1 onn u cun in chasti pecuniar.

Art. 295³⁴⁶

Inobservanza
da l'assistenza
da rehabilitaziun
u da directivas

Tgi che refusa l'assistenza da rehabilitaziun ordinada dal derschader u da las autoritads d'execuziun u tgi che n'observa betg las directivas ordinadas dal derschader u da las autoritads d'execuziun, vegn chastià cun multa.

³⁴¹ Versiun tenor la cifra I da la LF dals 16 da zer. 2017 (publicaziun da tractativas uffizialas secretas), en vigur dapi il 1. da mars 2018 (AS **2018** 567; BBl **2016** 7329 7575).

³⁴² Integrà tras la cifra I da la LF dals 10 d'oct. 1997 (AS **1998** 852; BBl **1996** IV 525).
Versiun tenor la cifra I da la LF dals 16 da zer. 2017 (publicaziun da tractativas uffizialas secretas), en vigur dapi il 1. da mars 2018 (AS **2018** 567; BBl **2016** 7329 7575).

³⁴³ Versiun tenor la cifra I 1 da la LF dals 13 da dec. 2013 davart il scumond d'activitad e davart il scumond da contact e d'areal, en vigur dapi il 1. da schan. 2015 (AS **2014** 2055; BBl **2012** 8819).

³⁴⁴ SR **321.0**

³⁴⁵ SR **311.1**

³⁴⁶ Versiun tenor la cifra I 1 da la LF dals 13 da dec. 2013 davart il scumond d'activitad e davart il scumond da contact e d'areal, en vigur dapi il 1. da schan. 2015 (AS **2014** 2055; BBl **2012** 8819).

Sedeschavel titel: Disturbi da las relaziuns cun l'exteriur

Art. 296³⁴⁷

Offensium
d'in stadi ester

Tgi che offenda publicamain in stadi ester en la persuna da ses schef, en sia regenza u en la persuna dad in da ses represchentants diplomatics u dad in da ses delegads uffizials ad ina conferenza diplomatica che ha lieu en Svizra u dad in da ses represchentants uffizials tar in'organisaziun internaziunala che ha ses domicil en Svizra u tar in'organisaziun internaziunala ch'è sa radunada en Svizra u tar ina partiziun d'ina tala, vegn chastia cun in chastis da detenziun fin a 3 onns u cun in chastis pecuniar.

Art. 297³⁴⁸

Offensium
d'organisaziuns
internaziunalas

Tgi che offenda publicamain in'organisaziun internaziunala che ha ses domicil en Svizra u ch'è sa radunada en Svizra ubain ina partiziun d'ina tala en la persuna dad in da ses represchentants uffizials, vegn chastia cun in chastis da detenziun fin a 3 onns u cun in chastis pecuniar.

Art. 298

Attatgas
sin emblems
naziunals esters

Tgi che allontanescha u donnegescha cun malart emblems naziunals d'in stadi ester, en spezial sia vopna u sia bandiera, u exequescha acts offenders vers tals emblems ch'èn vegnids plazzads publicamain d'ina represchantanza renconuschida da quest stadi, vegn chastia cun in chastis da detenziun fin a 3 onns u cun in chastis pecuniar.

Art. 299

Violaziun da
la suveranità
territoriala da
stadis esters

1. Tgi che violescha la suveranità territoriala d'in stadi ester, en spezial cun exequir scumandadamain acts uffizials sin il territori dal stadi ester, tgi che penetrescha en il territori d'in stadi ester, violond il dretg internaziunal,

vegn chastia cun in chastis da detenziun fin a 3 onns u cun in chastis pecuniar.

2. Tgi che emprova da disturbar cun violenza l'urden politic d'in stadi ester da la Svizra anor, vegn chastia cun in chastis da detenziun fin a 3 onns u cun in chastis pecuniar.

³⁴⁷ Versiun tenor la cifra I da la LF dals 5 d'oct. 1950, en vigur dapi ils 5 da schan. 1951 (AS 1951 1; BBl 1949 1 1249).

³⁴⁸ Versiun tenor la cifra I da la LF dals 5 d'oct. 1950, en vigur dapi ils 5 da schan. 1951 (AS 1951 1; BBl 1949 1 1249).

Art. 300

Acts ostils cunter
insatgi ch'è en
guerra u cunter
truppas estras

Tgi che interprenda u sustegna dal territori neutral da la Svizra anora acts ostils cunter insatgi ch'è en guerra,

tgi che interprenda acts ostils cunter truppas estras admessas en Svizra, vegn chastia cun in chasti da detenziun u cun in chasti pecuniar.

Art. 301

Spiunadi cunter
stadis esters

1. Tgi che fa spiunadi militar sin il territori da la Svizra a favur d'in stadi ester per dischavantatg d'in auter stadi ester u organischescha in tal servetsch,

tgi che engascha persunas per tals servetschs u favurisescha quels, vegn chastia cun in chasti da detenziun fin a 3 onns u cun in chasti pecuniar.

2. La corrispondenza ed il material vegnan confiscads.

Art. 302³⁴⁹

Persecuziun
penala

¹ Ils crims ed ils delicts da quest titel vegnan mo persecitads cun l'autorisaziun dal Cussegl federal.

² Il Cussegl federal ordinescha la persecuziun mo, sche la regenza dal stadi ester fa la dumonda per ina persecuziun penala en ils cas tenor l'artitgel 296 e sch'in organ da l'organisaziun internaziunala fa quai en ils cas tenor l'artitgel 297. En temps da servetsch activ po el ordinar la persecuziun penala er senza ina tala dumonda.

³ Ils cas tenor ils artitgels 296 e 297 suranneschan suenter 2 onns.³⁵⁰

Deschsettavel titel: Crims e delicts cunter la giustia**Art. 303**

Fausa
inculpaziun

1. Tgi che inculpescha cunter meglier savair ina persuna innocenta tar in'autoridad, l'accusa d'avair commess in crim u in delict e fa quai cun l'intenziun da chaschunar ina persecuziun penala cunter ella,

tgi che prenda mesiras malignas cun l'intenziun da chaschunar ina persecuziun penala cunter ina persuna innocenta,

vegn chastia cun in chasti da detenziun u cun in chasti pecuniar.

³⁴⁹ Versiun tenor la cifra I da la LF dals 5 d'oct. 1950, en vigur dapi ils 5 da schan. 1951 (AS 1951 1; BBl 1949 1 1249).

³⁵⁰ Versiun tenor la cifra I da la LF dals 22 da mars 2002 (surannaziun da la persecuziun penala), en vigur dapi il 1. d'oct. 2002 (AS 2002 2986; BBl 2002 2673 1649).

2. Sche la faussa inculpaziun pertutga in surpassament, è il chasti in chasti da detenziun fin a 3 onns u in chasti pecuniar.

Art. 304

Manar en errur
la giustia

1. Tgi che denunzia cunter meglier savair tar in'autorità ch'i saja vegni commess in malfatg,

tgi che denunzia sasez faussamain tar l'autorità d'avair commess in malfatg,

vegn chastià cun in chasti da detenziun fin a 3 onns u cun in chasti pecuniar.

2. En cas spezialmain levs po il derschader desister d'in chasti.

Art. 305

Favurisaziun

¹ Tgi che sustira ina persuna da la persecuziun penala, da l'execuziun penala u da l'execuziun d'ina mesira prevista en ils artitgels 59–61, 63 e 64,³⁵¹ vegn chastià cun in chasti da detenziun fin a 3 onns u cun in chasti pecuniar.

^{1bis} Medemamain vegn chastià tgi che sustira da la persecuziun penala averta a l'exteriur u da l'execuziun d'in chasti da detenziun u d'ina mesira tenor ils artitgels 59–61, 63 u 64 pronunziada a l'exteriur, ina persuna che vegn persequitada u ch'è vegnida sentenziada a l'exteriur d'in crim tenor l'artitgel 101.³⁵²

² Sch'il delinquent ha ina relaziun uschè stretga cun la persuna favurisada che ses cumportament è stgisabel, po il derschader desister d'in chasti.

Art. 305^{bis} 353

Lavada da
daners suspectus

1. Tgi che commetta in act ch'è adattà per impedir d'eruir l'origin, da chattar u da confiscar valurs da facultad che, sco ch'el sa u sto supponer, derivan d'in crim u d'in delict fiscal qualificgà, vegn chastià cun in chasti da detenziun fin a 3 onns u cun in chasti pecuniar.³⁵⁴

³⁵¹ Versiun da la mesa frasa tenor la cifra II 2 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

³⁵² Integrà tras la cifra I da la LF dals 9 d'oct. 1981 (AS 1982 1530; BBl 1980 I 1241). Versiun tenor la cifra II 2 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

³⁵³ Integrà tras la cifra I da la LF dals 23 da mars 1990, en vigur dapi il 1. d'avust 1990 (AS 1990 1077; BBl 1989 II 1061).

³⁵⁴ Versiun tenor la cifra I 4 da la LF dals 12 da dec. 2014 davart la realisaziun da las recumandaziuns dal «Groupe d'action financière», revedidas l'onn 2012, en vigur dapi il 1. da schan. 2016 (AS 2015 1389; BBl 2014 605).

1bis. Sco delict fiscal qualifitgà valan ils malfatgs tenor l'artitgel 186 da la Lescha federala dals 14 da december 1990³⁵⁵ davart la taglia federala directa e tenor l'artitgel 59 alinea 1 emprim lemma da la Lescha federala dals 14 da december 1990³⁵⁶ davart l'armonisaziun da la taglia directa dals chantuns e da las vischnancas, sche las taglias omessas importan passa 300 000 francs per perioda fiscala.³⁵⁷

2. En cas grevs è il chasti in chasti da detenziun fin a 5 onns u in chasti pecuniar. Cun il chasti da detenziun po vegnir collià in chasti pecuniar fin a 500 taxas per di.³⁵⁸

Il cas è grev en spezial, cura ch'il delinquent:

- a.³⁵⁹ agescha sco commember d'ina organisaziun criminala u terroristica (art. 260^{ter});
- b. agescha sco commember d'ina banda ch'è s'unida cun l'intent da sa deditgar cuntinuadamain a la lavada da daners suspectus;
- c. fa – tras lavada professiunala da daners suspectus – ina gronda svieuta u in gudogn considerabel.

3. Il delinquent vegn er chastià, sch'il delict principal è vegnì commess a l'exteriur e sch'el è chastiabel er al lieu dal malfatg.³⁶⁰

Art. 305^{ter} 361

¹ Tgi che accepta, tegna en salv, guida professiunalmain ad investir u a transferir valurs da facultad d'autras persunas e tralascha da constatar, cun tut la premura che correspunda a las circumstanzas, l'identidad da la persuna ch'è autorisada economicamain, vegn chastià cun in chasti da detenziun fin ad 1 onn u cun in chasti pecuniar.³⁶³

Mancanza
da premura
en fatschentas
da finanzas
ed en il dretg
d'annunzia³⁶²

³⁵⁵ SR 642.11

³⁵⁶ SR 642.14

³⁵⁷ Integrà tras la cifra I 4 da la LF dals 12 da dec. 2014 davart la realisaziun da las recumandaziuns dal «Groupe d'action financière», revedidas l'onn 2012, en vigur dapi il 1. da schan. 2016 (AS 2015 1389; BBl 2014 605). Guardar er la disp. trans. da questa midada a la fin dal text.

³⁵⁸ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

³⁵⁹ Versiun tenor la cifra II 2 da l'aggiunta dal COF dals 25 da sett. 2020 davart l'approvaziun e la realisaziun da la Convenziun dal Cussegl da l'Europa per la prevenziun dal terrorissem e da ses protocol supplementar sco er davart il rinforzament da l'instrumentari penal cunter il terrorissem e la criminalidad organisada, en vigur dapi il 1. da fan. 2021 (AS 2021 360; BBl 2018 6427).

³⁶⁰ Rectifitgà da la Cumissiun da redacziun da la AF (art. 33 LRC; AS 1974 1051).

³⁶¹ Integrà tras la cifra I da la LF dals 23 da mars 1990, en vigur dapi il 1. d'avust 1990 (AS 1990 1077; BBl 1989 II 1061).

³⁶² Versiun tenor la cifra I da la LF dals 18 da mars 1994, en vigur dapi il 1. d'avust 1994 (AS 1994 1614; BBl 1993 III 277).

³⁶³ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

² Las personas menziunadas en l'alinea 1 èn autorisadas d'annunziar al post d'annunzia per cas da lavada da daners suspectus da l'Uffizi federal da polizia observaziuns che permettan da concluder che tschertas valurs da facultad derivan d'in crim u d'in delict fiscal qualifitgà tenor l'artitgel 305^{bis} cifra 1 bis.³⁶⁴

Art. 306

Faussa deposiziun da la partida

¹ Tgi che, sco partida en ina procedura civila, suenter esser vegni admoni dal derschader da dir la vardad e suenter esser vegni fatg attent a las consequenzas penalas, fa ina faussa deposiziun en chaussa, vegn chastià cun in chasti da detenziun fin a 3 onns u cun in chasti pecuniar.

² Sche la deposiziun vegn confermada cun in engirament u cun in'empermischun solenna, è il chasti in chasti da detenziun fin a 3 onns u in chasti pecuniar betg sut 90 taxas per di.³⁶⁵

Art. 307

Faussa perditga.
Faussa expertisa.
Faussa translaziun

¹ Tgi che, en ina procedura giudiziala, fa ina faussa deposiziun en chaussa sco perditga, sco expert, sco translatur u sco interpret, dat in fauss resultat u fa ina faussa expertisa ubain translatescha fauss, vegn chastià cun in chasti da detenziun fin a 5 onns u cun in chasti pecuniar.

² Sche la deposiziun, il resultat, l'expertisa u la translaziun vegn confermà cun in engirament u cun in'empermischun solenna, è il chasti in chasti da detenziun da 6 mais fin 5 onns.³⁶⁶

³ Sche la faussa deposiziun sa basa sin fatgs ch'èn irrelevants per la decisiun dal derschader, è il chasti in chasti pecuniar.³⁶⁷

Art. 308

Diminuiziuns dal chasti

¹ Sch'il delinquent rectificgescha sia faussa inculpaziun (art. 303), sia faussa denunzia (art. 304) u sia faussa deposiziun (art. 306 e 307) or

- ³⁶⁴ Integrà tras la cifra I da la LF dals 18 da mars 1994 (AS **1994** 1614; BBl **1993** III 277). Versiun tenor la cifra I 4 da la LF dals 12 da dec. 2014 davart la realisaziun da las recumandaziuns dal «Groupe d'action financière», revedidas l'onn 2012, en vigur dapi il 1. da schan. 2016 (AS **2015** 1389; BBl **2014** 605).
- ³⁶⁵ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS **2006** 3459; BBl **1999** 1979).
- ³⁶⁶ Nova circumscripziun da las smanatschas da chasti tenor la cifra II 1 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS **2016** 1249; BBl **2012** 4721).
- ³⁶⁷ Nova circumscripziun da las smanatschas da chasti tenor la cifra II 1 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS **2016** 1249; BBl **2012** 4721).

d'atgna voluntad ed avant ch'ellas han chaschunà in dischavantatg giuridic per in'otra persuna, po il derschader diminuir il chasti (art. 48a) u desister d'in chasti.³⁶⁸

² Sch'il delinquent ha fatg ina faussa deposiziun (art. 306 e 307), perquai ch'el avess, schend la vardad, exponì sasez u ses confamigliars al privel d'ina persecuziun penala, po il derschader diminuir il chasti (art. 48a).³⁶⁹

Art. 309³⁷⁰

Fatgs
administrativs
e proceduras
davant tribunals
internaziunals

Ils artitgels 306–308 vegnan er applitgads per:

- a. la procedura davant la dretgira administrativa, la procedura davant la dretgira da cumpromiss e la procedura davant autoritads e funcziunaris da l'administraziun, che han il dretg da tadlar las perditgas;
- b. la procedura davant tribunals internaziunals, dals quals la Svizra renconuscha la cumpetenzza sco lianta.

Art. 310

Liberaziun da
praschuniers

1. Tgi che liberescha cun violenza, cun smanatscha u cun astuzia in arrestà, in praschunier u in'otra persuna collocada en in institut sin ordinaziun uffiziala u al gida a fugir, vegn chastia cun in chasti da detenziun fin a 3 onns u cun in chasti pecuniar.

2. Sch'il malfatg vegn commess d'ina gruppaziun da personas, vegn mintgina ch'è sa participada a la gruppaziun chastia cun in chasti da detenziun fin a 3 onns u cun in chasti pecuniar.

Il participant che fa diever da violenza cunter personas u cunter chaussas vegn chastia cun in chasti da detenziun fin a 3 onns u cun in chasti pecuniar betg sut 30 taxas per di.³⁷¹

Art. 311

Revolta da
praschuniers

1. Praschuniers u outras personas colocadas – sin ordinaziun uffiziala – en in institut che sa gruppeschan cun l'intenziun,

d'attatgar, unidas, ils funcziunaris da l'institut u las outras personas ch'èn incumbensadas da las survegliar,

³⁶⁸ Versiun da l'ultima mesa frasa tenor la cifra II 2 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

³⁶⁹ Versiun da l'ultima mesa frasa tenor la cifra II 2 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

³⁷⁰ Versiun tenor la cifra I 1 da la LF dals 22 da zer. 2001 (delicts da giustia davant tribunals internaziunals), en vigur dapi il 1. da fan. 2002 (AS 2002 1491; BBl 2001 391).

³⁷¹ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

da sfurzar – tras violenza u tras la smanatscha da violenza – ils funcziunaris da l'institut u las autras personas ch'èn incumbensadas da las survegliar da commetter in act u da tralaschar in tal,

da fugir faschond diever da violenza,

vegnan chastiads cun in chasti da detenziun fin a 3 onns u cun in chasti pecuniar betg sut 30 taxas per di.³⁷²

2. Il participant che fa diever da violenza cunter personas u cunter chaussas vegn chastià cun in chasti da detenziun fin a 5 onns u cun in chasti pecuniar betg sut 90 taxas per di.³⁷³

Deschdotgavel titel: Acts chastiabels cunter l'obligaziun d'uffizi e cunter l'obligaziun professiunala

Art. 312

Abus d'uffizi

Commembers d'ina autoritad u funcziunaris che fan abus da lur pussanza d'uffizi per procurar in avantatg illegal a sasez u ad in auter u per chaschunar in dischavantatg ad in auter, vegnan chastiads cun in chasti da detenziun fin a 5 onns u cun in chasti pecuniar.

Art. 313

Pretender memia
bleras taxas

In funcziunari che – cun l'intenziun da far profit – incassescha taxas u bunificaziuns che n'èn betg debitadas u che surpassan las tariffas legalas, vegn chastià cun in chasti da detenziun fin a 3 onns u cun in chasti pecuniar.

Art. 314³⁷⁴

Administraziun
malfidaivla d'in
uffizi

Commembers d'ina autoritad u funcziunaris che fan donn als interess publics, ch'els ston observar tar in act giuridic, per procurar in avantatg illegal a sasez u ad in auter, vegnan chastiads cun in chasti da detenziun fin a 5 onns u cun in chasti pecuniar. Al chasti da detenziun sto vegnir collià in chasti pecuniar.³⁷⁵

³⁷² Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979).

³⁷³ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979).

³⁷⁴ Versiun tenor la cifra I da la LF dals 17 da zer. 1994, en vigur dapi il 1. da schan. 1995 (AS 1994 2290; BBI 1991 II 969).

³⁷⁵ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBI 1999 1979).

Art. 315–316³⁷⁶**Art. 317**³⁷⁷

Falsificaziun
da documents
en uffizi

1. Funcziunaris u persunas uffizialas publicas che falsifitgeschan u sfalsifitgeschan sapientivamain in document u che dovan la sutta-scripziun autentica u il segn manual autentic d'in auter per far in document falsifitgà,

funcziunaris u persunas uffizialas publicas che documenteschan sapientivamain in moda incorrecta in fatg d'ina impurtanza giuridica relevanta, en spezial cun legalisar ina sutta-scripziun faussa u in segn manual falsifitgà u ina copia che na correspunda betg a l'original,

vegnan chastiads cun in chasti da detenziun fin a 5 onns u cun in chasti pecuniar.

2. Il delinquent vegn chastià cun ina multa, sch'el ha agi per negligentscha.

Art. 317^{bis 378}

Acts betg
chastiabels

¹ Tgi che producescha, mida u utilisescha documents cun l'approvaziun dal derschader per constituir u per mantegnair sia legenda en il rom d'ina investigaziun secreta u tgi che producescha, mida u utilisescha documents cun la permissiun dal Servetsch d'infurmaziun da la Confederaziun (SIC) tenor l'artitgel 17 LSI³⁷⁹ u cun la permissiun dal schef dal Departament federal da defensiun, protecziun da la populaziun e sport tenor l'artitgel 18 LSI per constituir u per mantegnair sia legenda u sia identitad da finta per pratitgar activitads d'infurmaziun, n'è betg chastiabel tenor ils artitgels 251, 252, 255 e 317.³⁸⁰

³⁷⁶ Aboli tras la cifra I 1 da la LF dals 22 da dec. 1999 (revisiun dal dretg penal en fatgs da corrupziun), cun effect dapi il 1. da matg 2000 (AS **2000** 1121; BBl **1999** 5497).

³⁷⁷ Versiun tenor la cifra I da la LF dals 17 da zer. 1994, en vigur dapi il 1. da schan. 1995 (AS **1994** 2290; BBl **1991** II 969).

³⁷⁸ Integrà tras l'art. 24 cifra 1 da la LF dals 20 da zer. 2003 davart l'investigaziun secreta (AS **2004** 1409; BBl **1998** 4241). Versiun tenor la cifra 3 da l'aggiunta da la LF dals 23 da dec. 2011, en vigur dapi ils 16 da fan. 2012 (AS **2012** 3745; BBl **2007** 5037, **2010** 7841).

³⁷⁹ SR **121**

³⁸⁰ Versiun tenor la cifra II 2 da l'aggiunta dal COF dals 25 da sett. 2020 davart l'approvaziun e la realisaziun da la Convenziun dal Cussegl da l'Europa per la prevenziun dal terrorissem e da ses protocol supplementar sco er davart il rinforzament da l'instrumentari penal cunter il terrorissem e la criminalitad organisada, en vigur dapi il 1. da fan. 2021 (AS **2021** 360; BBl **2018** 6427).

² Tgi che producescha u mida documents cun ina permissiun per ina investigaziun secreta u tgi che producescha u mida documents per incumbensa da l'autorità cumpetenta tenor l'artitgel 17 u 18 LSI per crear legendas u identitads da finta, n'è betg chastiabel tenor ils artitgels 251, 252, 255 e 317.³⁸¹

³ Tgi che producescha, mida u utilisescha documents en il rom da la Lescha federala dals 23 da december 2011³⁸² davart la protecziun extraprocessuala da perditgas, n'è betg chastiabel tenor ils artitgels 251, 252, 255 e 317.³⁸³

Art. 318

Fauss certificat
medical

1. Medis, dentists, veterinaris e spendreras che emettan sapientivamain in fauss certificat ch'è destinà per duvrar tar in'autorità u per cuntanscher in avantatg nunautorisà, ubain ch'è adattà per violar interess impurtants e legitims da terzas persunas, vegnan chastiads cun in chasti da detenziun fin a 3 onns u cun in chasti pecuniar.

Sch'il delinquent ha pretendì, acceptà u è sa laschà empermetter ina indemnisaziun speziala per emetter quest certificat, vegn el chastià cun in chasti da detenziun fin a 3 onns u cun in chasti pecuniar.

2. Il delinquent vegn chastià cun ina multa, sch'el ha agì per negligientscha.

Art. 319

Laschar fugir
praschuniers

Il funcziunari che gida a fugir u che lascha fugir in arrestà, in praschunier u in'autra persuna ch'è collocada sin ordinaziun uffiziala en in institut, vegn chastià cun in chasti da detenziun fin a 3 onns u cun in chasti pecuniar.

Art. 320³⁸⁴

Violaziun dal
secret d'uffizi

1. Tgi che palaisa in secret ch'è vegnì confidà ad el en sia qualitat sco commember d'ina autorità u sco funcziunari, u ch'el ha percepi en sia posiziun d'uffizi u da servetsch ubain sco persuna auxiliara d'in funcziunari u d'ina autorità, vegn chastià cun in chasti da detenziun fin a 3 onns u cun in chasti pecuniar.

La violaziun dal secret d'uffizi è er chastiabla suentar la fin da la relaziun d'uffizi u da servetsch ubain da l'actività auxiliara.

³⁸¹ Versiun tenor la cifra II 5 da l'aggiunta da la LF dals 25 da sett. 2015 davart il servetsch d'infurmaziun, en vigur dapi il 1. da sett. 2017 (AS 2017 4095; BBI 2014 2105).

³⁸² SR 312.2

³⁸³ Integrà tras la cifra 3 da l'aggiunta da la LF dals 23 da dec. 2011 davart la protecziun extraprocessuala da perditgas, en vigur dapi il 1. da schan. 2013 (AS 2012 6715; BBI 2011 1).

³⁸⁴ Versiun tenor la cifra 7 da l'aggiunta 1 da la Lescha dals 18 da dec. 2020 davart la segirezza da las infurmaziuns, en vigur dapi il 1. da schan. 2023 (AS 2022 232, 750; BBI 2017 2953).

2. Il delinquent n'è betg chastiabel, sch'el ha palesà il secret cun il consentiment en scrit da sia autoritad superiura.

Art. 321

Violaziun
dal secret
professionnal

1. Spirituals, advocats, defensurs, notars, advocats da patenta, revisurs ch'èn suttaless al secret professionnal tenor il Dretg d'obligaziuns (DO)³⁸⁵, medis, dentists, chiropratichers, apotechers, spenderas, psicologs, tgirunzs, fisioterapeuts, ergoterapeuts, cussegliaiders da nutriment, optometrists, osteopats sco er lur persunal auxiliar che palaisan in secret ch'è vegnì confidà ad els pervia da lur professiun ubain ch'els han percepi cun pratitgar lur professiun, vegnan chastiads, sin plant, cun in chasti da detenziun fin a 3 onns u cun in chasti pecuniar.³⁸⁶

Medemamain vegnan chastiads students che palaisan in secret ch'els han percepi durant lur studi.

La violaziun dal secret professionnal resta chastiabla er suenter la finiziun da l'activitad professionnala u dal studi.

2. Il delinquent n'è betg chastiabel, sch'el ha palesà il secret cun il consentiment da la persuna interessada u, sin dumonda dal delinquent, cun il consentiment en scrit da l'autoritad superiura u da l'autoritad da surveglianza.

3. Resalvadas restan las disposiziuns federalas e chantunalas davart ils dretgs d'annunzia e da cundecisiun, davart l'obligaziun da dar perditga e davart l'obligaziun d'infirmar in'autoritad.³⁸⁷

Art. 321^{bis} 388

Secret
professionnal en
la perscrutaziun
vi da l'uman

¹ Tgi che revelescha senza dretg in secret professionnal ch'el ha percepi tras sia activitad en la perscrutaziun vi da l'uman tenor la Lescha federala dals 30 da settember 2011³⁸⁹ davart la perscrutaziun vi da l'uman, vegn chastià tenor l'artitgel 321.

² Secrets professionnals dastgan vegnir revelads per la perscrutaziun da malsognas da l'uman sco er da la structura e dal funcziunament dal corp uman, sche las premissas tenor l'artitgel 34 da la Lescha federala dals 30 da settember 2011 davart la perscrutaziun vi da l'uman èn ademplidas e sche la cumissiun d'etica cumpetenta ha permess da revelar il secret.

³⁸⁵ SR 220

³⁸⁶ Versiun tenor la cifra 1 da l'aggiunta da la LF dals 30 da sett. 2016 davart las professiuns da sanadad, en vigur dapi il 1. da favr. 2020 (AS 2020 57; BBI 2015 8715).

³⁸⁷ Versiun tenor la cifra 1 da l'aggiunta da la LF dals 15 da dec. 2017 (proteczium d'uffants), en vigur dapi il 1. da schan. 2019 (AS 2018 2947; BBI 2015 3431).

³⁸⁸ Integrà tras la cifra 4 da l'aggiunta da la LF dals 19 da zer. 1992 davart la proteczium da datas (AS 1993 1945; BBI 1988 II 413). Versiun tenor la cifra 2 da l'aggiunta da la LF dals 30 da sett. 2011 davart la perscrutaziun vi da l'uman, en vigur dapi il 1. da schan. 2014 (AS 2013 3215; BBI 2009 8045).

³⁸⁹ SR 810.30

Art. 321^{ter 390}

Violaziun dal
secret da posta
e da telecom-
municaziun

¹ Tgi che sco funcziunari, sco emplojà u sco persuna auxiliara d'ina organisaziun che furnescha servetschs da posta u da telecomunicaziun, fa indicaziuns ad ina terza persuna davart il traffic da posta, da pajaments u da telecomunicaziun da la clientella, avra ina spediuziun serrada ubain emprova da savair tge ch'ella cuntegna u permetta ad ina terza persuna da commetter in tal act, vegn chastia cun in chasti da detenziun fin a 3 onns u cun in chasti pecuniar.

² Chastia vegn medemamain tgi che provochescha – engianond – ina persuna obligada al secret professional tenor l'alinea 1 da violar l'obligaziun dal secret professional.

³ La violaziun dal secret da posta e da telecomunicaziun è er chastiable suenter la fin da la relaziun d'uffizi u da servetsch.

⁴ La violaziun dal secret da posta e da telecomunicaziun n'è betg chastiable, sch'ella è necessaria per eruir la persuna che ha quest dretg u per evitar donns.

⁵ Resalvads restan l'artitgel 179^{octies} sco er las disposiziuns federalas e chantunalas davart l'obligaziun da dar perditga e davart l'obligaziun d'infurmar in'autoridad.

Art. 322³⁹¹

Violaziun da
l'obligaziun da
las medias da dar
infurmaziuns

¹ Interpresas da medias èn obligadas da communitgar immediatamain ed en scrit a mintga persuna che dumonda la sedia da l'interpresa sco er l'identidad da la persuna ch'è responsabla per la publicaziun (art. 28 al. 2 e 3).³⁹²

² Gasettas e revistas ston ultra da quai inditgar en in impressum la sedia da l'interpresa da medias, las participaziuns impurtantas vi d'autras interpresas sco er il redactor responsabel. Sch'in redactor è responsabel mo per ina part da la gasetta u da la revista, sto el vegnir inditgà sco redactor responsabel per questa part. Per mintga part d'ina tala gasetta u d'ina tala revista sto vegnir inditgà in redactor responsabel.

³⁹⁰ Integrà tras la cifra 2 da l'aggiunta a la L da telecomunicaziun dals 30 d'avr. 1997, en vigur dapi il 1. da schan. 1998 (AS 1997 2187; BBl 1996 III 1405).

³⁹¹ Versiun tenor la cifra I da la LF dals 10 d'oct. 1997, en vigur dapi il 1. d'avr. 1998 (AS 1998 852; BBl 1996 IV 525).

³⁹² Versiun da la mesa frasa tenor la cifra II 2 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

³ En cas da cuntravenziuns cunter las prescripziuns da quest artitgel vegn il manader da l'interpresa da medias chastià cun ina multa. Ina cuntravenziun è er avant maun, sch'ina persuna intermessa vegn indigada sco persuna responsabla per la publicaziun (art. 28 al. 2 e 3).³⁹³

Art. 322^{bis} 394

Nunimpediment
d'ina publicaziun
chastiabla

Tgi che n'impedescha sco persuna responsabla per ina publicaziun tenor l'artitgel 28 alineas 2 e 3, sapientivamain betg ina publicaziun³⁹⁵, cun la quala vegn commess in malfatg, vegn chastià cun in chasti da detenziun fin a 3 onns u cun in chasti pecuniar. Sch'il delinquent agescha per negligientscha, vegn el chastià cun ina multa.

Deschnovavel titel:³⁹⁶ Corrupziun

Art. 322^{ter}

1. Corrupziun da
titulars svizzers
d'uffizis.
Corrupziun
activa

Tgi che porscha, empermetta u conceda in avantatg betg duì ad in commember d'ina autoritad giudiziala u d'ina outra autoritad, ad in funcziunari, ad in expert, translatur u interpret incumbensà d'ina autoritad, ad in arbiter u ad in appartegnent da l'armada, e quai a sia favur u a favur d'ina terza persuna, per exequir u per ometter – en connex cun sia activitad uffiziala – in'acziun che na correspunda betg a sias obligaziuns u che dependa da ses liber apprezziar,

vegn chastià cun in chasti da detenziun fin a 5 onns u cun in chasti pecuniar.

Art. 322^{quater}

Corrupziun
passiva

Tgi che pretenda, sa lascha empermetter u accepta sco commember d'ina autoritad giudiziala u d'ina outra autoritad, sco funcziunari, sco expert, translatur u interpret incumbensà d'ina autoritad ubain sco arbiter in avantatg betg duì per exequir u per ometter – en connex cun sia activitad uffiziala – per sai u per ina terza persuna in'acziun che na correspunda betg a sias obligaziuns u che dependa da ses liber apprezziar,

vegn chastià cun in chasti da detenziun fin a 5 onns u cun in chasti pecuniar.

³⁹³ Versiun da la mesa frasa tenor la cifra II 2 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

³⁹⁴ Integrà tras la cifra I da la LF dals 10 d'oct. 1997, en vigur dapi il 1. d'avr. 1998 (AS 1998 852; BBl 1996 IV 525).

³⁹⁵ Versiun da la mesa frasa tenor la cifra II 2 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

³⁹⁶ Integrà tras la cifra I 1 da la LF dals 22 da dec. 1999 (revisiun dal dretg penal en fatgs da corrupziun), en vigur dapi il 1. da matg 2000 (AS 2000 1121; BBl 1999 5497).

- Art. 322**^{quinquies} 397
- Conceder in avantatg
Tgi che porscha, empermetta u conceda in avantatg betg dui ad in commember d'ina autoritad giudiziala u d'ina altra autoritad, ad in funcziunari, ad in expert, translatur u interpret incumbensà d'ina autoritad, ad in arbiter u ad in appartegnent da l'armada per ch'el adempleschia ses uffizi a sia favur u a favur d'ina terza persuna, vegn chastià cun in chasti da detenziun fin a 3 onns u cun in chasti pecuniar.
- Art. 322**^{sexies} 398
- Acceptar in avantatg
Tgi che pretenda, sa lascha empermetter u accepta sco commember d'ina autoritad giudiziala u d'ina altra autoritad, sco funcziunari, sco expert, translatur u interpret incumbensà d'ina autoritad ubain sco arbiter per sai u per ina terza persuna in avantatg betg dui per ademplir ses uffizi, vegn chastià cun in chasti da detenziun fin a 3 onns u cun in chasti pecuniar.
- Art. 322**^{septies}
2. Corrupziun da titulars esters d'uffizis
Tgi che porscha, empermetta u conceda in avantatg betg dui ad in commember d'ina autoritad giudiziala u d'ina altra autoritad, ad in funcziunari, ad in expert, translatur u interpret incumbensà d'ina autoritad, ad in arbiter u ad in appartegnent da l'armada, ch'è activ per in stadi ester u per in'organisaziun internaziunala, e quai a sia favur u a favur d'ina terza persuna, per exequir u per ometter – en connex cun sia activitad uffiziala – in'acziun che na correspunda betg a sias obligaziuns u che dependa da ses liber apprezzar,
- tgi che pretenda, sa lascha empermetter u accepta sco commember d'ina autoritad giudiziala u d'ina altra autoritad, sco funcziunari, sco expert, translatur u interpret incumbensà d'ina autoritad, sco arbiter u sco appartegnent da l'armada d'in stadi ester u d'ina organisaziun internaziunala in avantatg betg dui per exequir u per ometter – en connex cun sia activitad uffiziala – per sai u per ina terza persuna in'acziun che na correspunda betg a sias obligaziuns u che dependa da ses liber apprezzar,³⁹⁹
- vegn chastià cun in chasti da detenziun fin a 5 onns u cun in chasti pecuniar.
- 397 Versiun tenor la cifra I da la LF dals 25 da sett. 2015 (dretg penal en fatgs da corrupziun), en vigur dapi il 1. da fan. 2016 (AS 2016 1287; BBl 2014 3591).
- 398 Versiun tenor la cifra I da la LF dals 25 da sett. 2015 (dretg penal en fatgs da corrupziun), en vigur dapi il 1. da fan. 2016 (AS 2016 1287; BBl 2014 3591).
- 399 Integrà il paragraf tras l'art. 2 cifra 2 dal COF dals 7 d'oct. 2005 davart l'approvaziun e la realisaziun da la cunvegna dal dretg penal e dal protocol supplementar dal Cussegl da l'Europa davart la corrupziun, en vigur dapi il 1. da fan. 2006 (AS 2006 2371; BBl 2004 6983).

3. Corrupziun
da persunas
privatas.
Corrupziun
activa

Art. 322^{octies 400}

¹ Tgi che porscha, empermetta u conceda in avantatg betg dui ad in lavurant, ad in associà, ad in mandatari u ad in'otra persuna auxiliara d'ina terza persuna en il sectur privat – a sia favur u a favur d'ina terza persuna – en connex cun sia activitad da servetsch u da fatschenta per in'acziun u per in'omissiun che na correspunda betg a sias obligaziuns u che dependa da ses apprezziar, vegn chastia cun in chasti da detenziun fin a 3 onns u cun in chasti pecuniar.

² En cas levs vegn il malfatg persequità mo sin basa d'in plant.

Corrupziun
passiva

Art. 322^{novies 401}

¹ Tgi che pretenda, sa lascha empermetter u accepta in avantatg betg dui sco lavurant, sco associà, sco mandatari u sco outra persuna auxiliara d'ina terza persuna en il sectur privat – per sai u per ina terza persuna – en connex cun sia activitad da servetsch u da fatschenta per in'acziun u per in'omissiun che na correspunda betg a sias obligaziuns u che dependa da ses apprezziar, vegn chastia cun in chasti da detenziun fin a 3 onns u cun in chasti pecuniar.

² En cas levs vegn il malfatg persequità mo sin basa d'in plant.

4. Disposiziun
cuminavlas

Art. 322^{decies 402}

¹ Nagins avantatgs betg duids n'èn:

- a. avantatgs permess tras il dretg da servetsch u approvads contractualmain tras la terza persuna;
- b. avantatgs minimals ch'èn usitads en las relaziuns socialas.

² Personas privatas che adempleschan incumbensas publicas han il medem status giuridic sco ils titulars d'uffizis.

⁴⁰⁰ Versiun tenor la cifra I da la LF dals 25 da sett. 2015 (dretg penal en fatgs da corrupziun), en vigur dapi il 1. da fan. 2016 (AS 2016 1287; BBI 2014 3591).

⁴⁰¹ Integrà tras la cifra I da la LF dals 25 da sett. 2015 (dretg penal en fatgs da corrupziun), en vigur dapi il 1. da fan. 2016 (AS 2016 1287; BBI 2014 3591).

⁴⁰² Integrà tras la cifra I da la LF dals 25 da sett. 2015 (dretg penal en fatgs da corrupziun), en vigur dapi il 1. da fan. 2016 (AS 2016 1287; BBI 2014 3591).

Ventgavel titel:⁴⁰³**Surpassaments da disposiziuns dal dretg federal****Art. 323**⁴⁰⁴

Malobedienscha dal debitur en la procedura da scussiu e da concurs

Cun ina multa vegn chastia:

1. il debitur che n'ha ni assistì personalmain ni è sa laschè substituir tar ina impegnaziun u tar ina inventarisaziun dals bains ch'è vegnida annunziata ad el conform a la lescha (art. 91 al. 1 cifra 1, 163 al. 2 e 345 al. 1⁴⁰⁵ LSC⁴⁰⁶);
2. il debitur che n'inditgescha betg ses objects da facultad, er sch'els na sa chattan betg en ses possess, sco er betg sias pretensiuns e ses dretgs vers terzas personas uschenavant che quai è necessari per ina impegnaziun suffizienta u per exequir ina sequestraziun (art. 91 al. 1 cifra 2 e 275 LSC);
3. il debitur che n'inditgescha betg cumplettaimain ses objects da facultad, er sch'els na sa chattan betg en ses possess, sco er betg sias pretensiuns e ses dretgs vers terzas personas en cas d'ina inventarisaziun dals bains (art. 163 al. 2, 345 al. 1⁴⁰⁷ LSC);
4. il debitur che n'inditgescha betg tut ses objects da facultad e n'als metta betg a disposiziun a l'uffizi da concurs (art. 222 al. 1 LSC);
5. il debitur che na stat betg a disposiziun a l'administraziun da concurs durant la procedura da concurs, nun ch'el saja vegni dispensà da questa obligaziun cun ina permissiun speziala (art. 229 al. 1 LSC).

Art. 324⁴⁰⁸

Malobedienscha da terzas personas en proceduras da scussiu, da concurs e d'accomodament

Cun ina multa vegn chastia:

1. la persuna creschida che n'inditgescha betg e che na metta betg a disposiziun a l'uffizi da concurs tut ils objects da facultad d'in debitur mort u fugi, cun il qual ella ha vivi en ina chasada cuminaivla (art. 222 al. 2 LSC⁴⁰⁹);
2. tgi che na s'annunzia betg entaifer il termin d'inoltraziun sco debitur da la persuna che ha fatg concurs (art. 232 al. 2 cifra 3 LSC);

⁴⁰³ Oriundamain 19. titel.

⁴⁰⁴ Versiun tenor la cifra 8 da l'aggiunta da la LF dals 16 da dec. 1994, en vigur dapi il 1. da schan. 1997 (AS 1995 1227; BBl 1991 III 1).

⁴⁰⁵ Ussa: art. 341 al. 1.

⁴⁰⁶ SR 281.1

⁴⁰⁷ Ussa: art. 341 al. 1.

⁴⁰⁸ Versiun tenor la cifra 8 da l'aggiunta da la LF dals 16 da dec. 1994, en vigur dapi il 1. da schan. 1997 (AS 1995 1227; BBl 1991 III 1).

⁴⁰⁹ SR 281.1

3. tgi che posseda chaussas dal debitur sco creditor da pegn u per auters motivs e na metta betg a disposiziuns quellas a l'uffizi da concurs entaifer il termin d'inoltraziun (art. 232 al. 2 cifra 4 LSC);

4. tgi che posseda chaussas dal debitur sco creditor da pegn e na consegna betg quellas als liquidaturs suenter la scadenza dal termin d'utilizaziun (art. 324 al. 2 LSC);

5. la terza persuna che violescha sias obligaziuns d'infurmar e da consegnar ils objects conform als artitgels 57a alinea 1, 91 alinea 4, 163 alinea 2, 222 alinea 4 e 345 alinea 1⁴¹⁰ da la Lescha federala davart scussium e concurs.

Art. 325

Inobservanza da las prescripziuns legalas davart la contabilitad

Tgi che n'ademplescha – intenziunadamain u per negligentscha – betg l'obligaziun legala da manar sia contabilitad conform a las prescripziuns,

tgi che n'ademplescha – intenziunadamain u per negligentscha – betg l'obligaziun legala da tegnair en salv ils cudeschs da fatschenta, las brev da fatschenta ed ils telegrams da fatschenta,

vegn chastia cun multa.

Art. 325^{bis} 411

Violaziun da las prescripziuns concernent il rapport davart ils pajaments a posts statals

Cun ina multa vegn chastia, tgi che fa sapientivamain il suandant:

- a. fa indicaziuns faussas en il rapport davart ils pajaments a posts statals tenor l'artitgel 964d DO⁴¹² u tralasca dal tutfatg u per part il rapport;
- b. n'ademplescha betg l'obligaziun da manar e da conservar ils rapports davart ils pajaments a posts statals tenor l'artitgel 964h DO.

Art. 325^{ter} 413

Violaziun d'autras obligaziuns da rapport

¹ Cun ina multa fin 100 000 francs vegn chastia, tgi che fa intenziunadamain il suandant:

- a. fa indicaziuns faussas en ils rapports tenor ils artitgels 964a, 964b e 964l DO⁴¹⁴ u tralasca ils rapports;

⁴¹⁰ Ussa: art. 341 al. 1.

⁴¹¹ Integrà tras la cifra III 2 da la LF dals 19 da zer. 2020 (cuntraproposta indirecta a l'iniziativa dal pievel «Per interpresas responsablas – per proteger ils umans e l'ambient»), en vigur dapi il 1. da schan. 2022 (AS 2021 846; BBl 2017 399).

⁴¹² SR 220

⁴¹³ Integrà tras la cifra III 2 da la LF dals 19 da zer. 2020 (cuntraproposta indirecta a l'iniziativa dal pievel «Per interpresas responsablas – per proteger ils umans e l'ambient»), en vigur dapi il 1. da schan. 2022 (AS 2021 846; BBl 2017 399).

⁴¹⁴ SR 220

b. n'ademplescha betg l'obligaziun legala da conservar e da documentar ils rapports tenor ils artitgels 964c e 964/ DO.

² Tgi che agescha per negligientscha, vegn chastia cun ina multa fin 50 000 francs.

Art. 325^{quater 415}

Cuntravenziuns cunter las disposiziuns per la protecziun da locataris da localitads d'abitare e da fatschenta

Tgi che impedescha u emprova d'impedir il locatar da contestar tschains da locaziun u autras pretensiuns dal locatur, smanatschond dischavantatgs, en spezial la disditga posteriura da la relaziun da locaziun,

tgi che disdi al locatar, perquai che quel defenda u vul defender ils dretgs ch'el posseda tenor il DO⁴¹⁶,

tgi che chatscha tras u emprova da chatschar tras en moda inadmissibla tschains da locaziun u autras pretensiuns suenter in'emprova da reconciliaziun che n'è betg reussida u suenter ina decisiun giudiziala,

vegn chastia, sin plant dal locatar, cun multa.

Art. 326⁴¹⁷

Applicaziun per persunas giuridicas, per societads commercialas e per firmas singulas⁴¹⁸
1. ...

⁴¹⁵ Oriundamain: art. 325^{bis}. Integrà tras la cifra II art. 4 da la LF dals 15 da dec. 1989 davart la midada dal DO (locaziun e fittanza) (AS 1990 802; BBl 1985 I 1389, disposiziuns finalas dals titels VIII ed VIII^{bis}). Versiun tenor la cifra III 2 da la LF dals 19 da zer. 2020 (cuntraproposta indirecta a l'iniziativa dal pievel «Per interpresas responsablas – per proteger ils umans e l'ambient»), en vigur dapi il 1. da schan. 2022 (AS 2021 846; BBl 2017 399).

⁴¹⁶ CS 220

⁴¹⁷ Abolì tras la cifra II 3 da la LF dals 13 da dec. 2002, cun effect dapi il 1. da schan. 2007 (AS 2006 3459; BBl 1999 1979).

⁴¹⁸ Ussa: interpresas singulas.

Art. 326^{bis} 419

2. En cas
da l'artitgel
325^{quater} 420

¹ Sch'ils malfatgs tenor l'artitgel 325^{quater} vegnan commess cun exequir ina fatschenta d'ina persuna giuridica, d'ina societad collectiva u commanditara u d'ina firma singula⁴²¹ u uschiglio tar l'execuziun da fatschentas u da servetschs per in auter, vegnan las disposiziuns penalas applitgadas vers quellas persunas natiralas che han commess quests malfatgs.⁴²²

² Il schef da l'interpresa u il patrun, l'incumbensader u il substitui che ha enconuschientscha da la cuntravenziun u che survegn posteriuramain enconuschientscha da quella e tralascha d'impedir quella u d'eliminar ses effects, malgrà ch'el avess la pussaivladad da far quai, è chastiabel da medema maniera sco il delinquent.

³ Sch'il schef da l'interpresa u il patrun, l'incumbensader u il substitui è ina persuna giuridica, ina societad collectiva u commanditara, ina firma singula⁴²³ u ina totalitad da persunas senza persunalitad giuridica, vegn l'alinea 2 applitgà vers ils organs culpaivels, vers ils commembers dals organs, vers associads directivs, vers persunas effectivamain directivas u vers ils liquidaturs.

Art. 326^{ter} 424

Surpassament da
las disposiziuns
davart il dretg
commerzial

Tgi che dovra per in subject giuridic inscrit en il register da commerzi u per ina filiala inscritta en il register da commerzi ina denominaziun che na correspunda betg a quella ch'è inscritta e che po chaschunar errors,

tgi che dovra per in subject giuridic che n'è betg inscrit en il register da commerzi u per ina filiala che n'è betg inscritta en il register da commerzi ina denominaziun che chaschuna errors,

tgi che sveglia l'impressiun che la sedia dal subject giuridic u d'ina filiala d'ina interpresa estra che n'è betg inscritta en il register da commerzi sa chattia en Svizra,

419 Integrà tras la cifra II da l'art. 4 da la LF dals 15 da dec. 1989 davart la midada dal dretg d'obligaziuns (locaziun e fittanza), en vigor dapi il 1. da fan. 1990 (AS 1990 802; BBl 1985 I 1389, disposiziuns finalas dals titels VIII ed VIII^{bis}).

420 Versiun tenor la cifra III 2 da la LF dals 19 da zer. 2020 (cuntraproposta indirecta a l'iniziativa dal pievel «Per interpresas responsablas – per proteger ils umans e l'ambient»), en vigor dapi il 1. da schan. 2022 (AS 2021 846; BBl 2017 399).

421 Oz: interpresa singula

422 Versiun tenor la cifra III 2 da la LF dals 19 da zer. 2020 (cuntraproposta indirecta a l'iniziativa dal pievel «Per interpresas responsablas – per proteger ils umans e l'ambient»), en vigor dapi il 1. da schan. 2022 (AS 2021 846; BBl 2017 399).

423 Ussa: interpresas singulas.

424 Integrà tras la cifra I da la LF dals 17 da zer. 1994 (AS 1994 2290; BBl 1991 II 969). Versiun tenor la cifra 5 da l'aggiunta da la LF dals 16 da dec. 2005 (dretg da ScRL sco er adattaziuns en il dretg d'accias, en il dretg d'associaziun, en il dretg dal register da commerzi ed en il dretg da firmas), en vigor dapi il 1. da schan. 2008 (AS 2007 4791; BBl 2002 3148, 2004 3969).

vegn chastia cun multa⁴²⁵.

Art. 326^{quater 426}

Infurmaziun
nunvaira tras
ina instituziun
da provediment
en favur dal
persunal

Tgi ch'è, tenor la lescha, obligà sco organ d'ina instituziun da provediment en favur dal persunal d'infurmar ils favurizads u las autoritads da surveglianza e na dat betg las infurmaziuns u dat infurmaziuns nunvairas, vegn chastia cun multa.

Art. 327⁴²⁷

Violaziun da
las obligaziuns
d'annunziar la
persuna che ha il
dretg economic
da las quotas
da basa

Tgi che n'ademplescha intenziunadamain betg las obligaziuns tenor l'artitgel 697j alineas 1–4 u tenor l'artitgel 790a alineas 1–4 DO⁴²⁸ d'annunziar la persuna che ha il dretg economic da las quotas da basa, vegn chastia cun multa.

Art. 327a⁴²⁹

Violaziun da
las obligaziuns
dal dretg da
societads da
manar registers

Cun ina multa vegn chastia, tgi che na maina intenziunadamain betg in dals suandants registers u ina da las suandantas glistas tenor las prescripziuns u tgi che violescha las obligaziuns respectivas dal dretg da societads:

- a. en cas d'ina societad anonima: il register da las aczias tenor l'artitgel 686 alineas 1–3 e 5 DO⁴³⁰ u la glista da las persunas che han il dretg economic da las aczias tenor l'artitgel 697l DO;
- b. en cas d'ina societad cun responsabladad limitada: il register da participaziun tenor l'artitgel 790 alineas 1–3 e 5 DO u la glista da las persunas che han il dretg economic da las quotas da basa tenor l'artitgel 790a alinea 5 DO en cumbinaziun cun l'artitgel 697l DO;
- c. en cas d'ina associaziun: la glista dals associads tenor l'artitgel 837 alineas 1 e 2 DO;

⁴²⁵ Rectifitgà da la Cumissiuun da redacziun da la AF (art. 58 al. 2 LParl –SR 171.10).

⁴²⁶ Integrà tras la cifra I da la LF dals 17 da zer. 1994, en vigur dapi il 1. da schan. 1995 (AS 1994 2290; BBI 1991 II 969).

⁴²⁷ Versiun tenor la cifra I 2 da la LF dals 21 da zer. 2019 davart la realisaziun da las recumandaziuns dal Forum global per la trasparenza ed il barat d'infurmaziuns per intents fiscals, en vigur dapi il 1. da nov. 2019 (AS 2019 3161; BBI 2019 279).

⁴²⁸ SR 220

⁴²⁹ Integrà tras la cifra I 2 da la LF dals 21 da zer. 2019 davart la realisaziun da las recumandaziuns dal Forum global per la trasparenza ed il barat d'infurmaziuns per intents fiscals, en vigur dapi il 1. da nov. 2019 (AS 2019 3161; BBI 2019 279).

⁴³⁰ SR 220

- d. en cas d'ina societad d'investiziun a chapital variabel (art. 36 da la Lescha davart las investiziuns collectivadas dals 23 da zercladur 2006⁴³¹): il register da las aczias d'interprendiders u la glista da las personas che han il dretg economic da las aczias d'interprendiders tenor l'artitgel 46 alinea 3 da la Lescha davart las investiziuns collectivadas dals 23 da zercladur 2006.

Art. 327^b⁴³²

Violaziun da las obligaziuns legalas da las uniuns

Tgi che violescha intenziunadamain las obligaziuns da las uniuns tenor ils artitgels 61a e 69 alinea 2 dal Cudesch civil svizzer⁴³³, vegn chastia cun multa.

Art. 328

Reproducziun da marcas da valur postalas, senza intenziun da falsificaziun

1. Tgi che reproducescha marcas da valur postalas da la Svizra e da l'exteriur per las metter en circulaziun sco marcas reproducidas, senza marcar las singulas marcas sco reproducziuns,

tgi che importa, metta en vendita u metta en circulaziun talas reproducziuns,

vegn chastia cun multa.

2. Las reproducziuns vegnan confiscadas.

Art. 329

Violaziun da secrets militars

1. Tgi che, en moda illegala,

penetrescha en stabiliments u en autras localitads, a las qualas l'access è vegnì scumandà da l'autorità militar, u

fa maletgs u dissegns da stabiliments u d'objects militars ubain reproducescha u publichescha tals maletgs u dissegns,

vegn chastia cun multa.

2. L'emprova e la cumplicitad èn chastias.

Art. 330

Commerzi cun material militar confiscà

Tgi che venda, acquista, dat u prenda a pegn, dovra, lascha svanir, destruescha u fa nunduvrabels en moda illegalmain objects, ch'èn vegnids confiscads u requirids da l'administraziun da l'armada en l'interess da la defensiun naziunala, vegn chastia cun multa.⁴³⁴

⁴³¹ SR 951.31

⁴³² Integrà tras la cifra 2 da l'aggiunta 1 da la LF dals 19 da mars 2021, en vigur dapi il 1. da schan. 2023 (AS 2021 656, 2022 551; BBl 2019 5451).

⁴³³ SR 210

⁴³⁴ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

Art. 331

Purtar l'unifurma
senza autorisa-
ziun

Tgi che porta l'unifurma da l'armada svizra senza autorisaziun, vegn chastia cun multa.⁴³⁵

Art. 332⁴³⁶

Tralaschar
d'annunziar
in chat

Tgi che n'annunzia betg – conform a las disposiziuns en ils artitgels 720 alinea 2, 720a e 725 alinea 1 dal Cudesch civil svizzer⁴³⁷ – in chat u ina chaussa ch'è vegnida manada natiers, vegn chastia cun multa.

Terz cudesch:⁴³⁸ Introducziun ed applicaziun da la lescha

**Emprim titel:
Relaziun dal Cudesch penal cun autras leschas da la
Confederaziun e cun las leschas dals chantuns**

Art. 333

Applicaziun da
la part generala
per autras
leschas federalas

¹ Las disposiziuns generalas dal Cudesch penal vegnan applitgadas per malfatgs che vegnan smanatschads en autras leschas cun chasti, uschè lunsch che questas leschas federalas n'han betg fixà sezzas disposiziuns en questa materia.

² En las autras leschas federalas vegnan remplazzadas:

- a. chasaforz tras in chasti da detenziun da passa 1 onn;
- b. praschun tras in chasti da detenziun fin a 3 onns u tras in chasti pecuniar;
- c. praschun sut 6 mais tras in chasti pecuniar; en quest connex correspunda in chasti pecuniar da 30 taxas per di da maximalmain 3000 francs ad in chasti da detenziun dad 1 mais.

³ Sch'il malfatg vegn smanatschà cun arrest u cun multa ubain mo cun multa sco chasti maximal, sa tracti d'in surpassament. Ils artitgels 106 e 107 èn applitgabels. Resalvà resta l'artitgel 8 da la Lescha federala dals 22 da mars 1974⁴³⁹ davart il dretg penal administrativ. In surpassament è il malfatg er alura, sch'el è smanatschà en in'otra lescha federala ch'è entrada en vigur avant l'onni 1942 cun in chasti da praschun che na surpassa betg 3 mais.

⁴³⁵ Nova circumscripziun da la smanatscha da chasti tenor la cifra II 1 al. 16 da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

⁴³⁶ Versiun tenor la cifra III da la LF dals 4 d'oct. 2002 (artitgel da princip concernent animals), en vigur dapi il 1. d'avr. 2003 (AS 2003 463; BBl 2002 4164 5806).

⁴³⁷ SR 210

⁴³⁸ Versiun tenor la cifra III da la LF dals 13 da dec. 2002, en vigur dapi il 1. da schan. 2007 (AS 2006 3459; BBl 1999 1979).

⁴³⁹ SR 313.0

⁴ Resalvadas èn las duradas dal chastis che divergeschan da l'alineia 2 e l'artitgel 41 sco er ils imports da multa che divergeschan da l'artitgel 106.

⁵ Sch'ina autra lescha federala smanatscha in crim u in delict cun multa, è applitgabel l'artitgel 34. Las reglas davart la fixaziun da la multa che divergeschan da l'artitgel 34 n'èn betg applitgablas. Resalvà resta l'artitgel 8 da la Lescha federala dals 22 da mars 1974 davart il dretg penal administrativ. Sche la multa è limitada ad ina summa sut 1 080 000 francs, è questa limitaziun obsoleta. Sche la multa è limitada ad ina summa sur 1 080 000 francs, vegn mantegnida questa limitaziun. En quest cas dat l'import maximal da la multa ch'è vegnì smanatschà enfin ussa dividì tras 3000 il dumber maximal da las taxas per di.

⁶ Fin a lur adattaziun vala en autras leschas federalas:

- a. ils termins da surannaziun da la persecuziun da crims e da delicts vegnan augmentads per la mesadad ed ils termins da surannaziun da la persecuziun da surpassaments per il dubel da la durada ordinaria;
- b. ils termins da surannaziun da la persecuziun da surpassaments che importan dapli che 1 onn vegnan prolungads per la durada ordinaria;
- c. las reglas davart l'interrupziun e davart la pausa da la surannaziun da la persecuziun vegnan abolidas. Resalvà resta l'artitgel 11 alineia 3 da la Lescha federala dals 22 da mars 1974 davart il dretg penal administrativ;
- d. la surannaziun da la persecuziun s'extingua, sch'ina sentenza d'emprima istanza è vegnida pronunziada avant la scadenza dal termin da surannaziun;
- e. ils termins da surannaziun da l'execuziun da chastis per crims e per delicts vegnan mantegnids e quels da chastis per surpassaments vegnan prolungads per la mesadad;
- f. las disposiziuns davart la pausa da la surannaziun da l'execuziun vegnan mantegnidas e talas davart l'interrupziun vegnan abolidas.

⁷ Ils surpassaments chastiables tenor autras leschas federalas èn er chastiables, sch'els vegnan commess per negligentscha, nun ch'i resortia explicitamain tenor il senn da la prescripziun che mo il surpassament intenziunà vegnia chastia.

Art. 334

Sche prescripziuns federalas renvieschan a disposiziuns che vegnan midadas u abolidas tras quest Cudesch penal, ston quests renvoiments vegnir applitgads per las disposiziuns correspondentas da quest Cudesch penal.

Renviements
a disposiziuns
abolidas

Leschas
chantunalas

Art. 335

¹ Als chantuns resta resalvada la legislaziun davart ils surpassaments polizials, uschenavant che quels n'èn betg reglads tras la legislaziun federala.

² Ils chantuns han il dretg da smanatschar cun sanenziuns las cuntravenziuns cunter il dretg administrativ e cunter il dretg processual chantunal.

Segund titel: ...

Art. 336–338⁴⁴⁰

Terz titel: ...

Art. 339–348⁴⁴¹

Quart titel: Agid uffizial en il sector da la polizia⁴⁴²

Art. 349⁴⁴³

Art. 349^a⁴⁴⁴

I. Protecziun
da datas da
persunas
a. Basas
giuridicas

Las autoritads federalas cumpetentas dastgan communitgar datas da persunas mo, sch'igl exista ina basa giuridica en il senn da l'artitgel 7 da la Lescha dals 28 da settember 2018⁴⁴⁵ davart la protecziun da las datas da Schengen (LPDS) u sche:

- a. la comunicaziun da datas da persunas è necessaria per proteger la vita u l'integritad corporala da la persuna pertutgada u d'ina terza persuna;

⁴⁴⁰ Aboli tras la cifra II 8 da l'aggiunta 1 dal Cudesch da procedura penala dals 5 d'oct. 2007, cun effect dapi il 1. da schan. 2011 (AS **2010** 1881; BBI **2006** 1085).

⁴⁴¹ Aboli tras la cifra II 8 da l'aggiunta 1 dal Cudesch da procedura penala dals 5 d'oct. 2007, cun effect dapi il 1. da schan. 2011 (AS **2010** 1881; BBI **2006** 1085).

⁴⁴² Versiun tenor la cifra II 8 da l'aggiunta 1 dal Cudesch da procedura penala dals 5 d'oct. 2007, en vigur dapi il 1. da schan. 2011 (AS **2010** 1881; BBI **2006** 1085).

⁴⁴³ Aboli tras la cifra 5 da l'aggiunta 1 da la LF dals 13 da zer. 2008 davart ils systems d'infurmaziun da polizia da la Confederaziun, cun effect dapi ils 5 da dec. 2008 (AS **2008** 4989; BBI **2006** 5061).

⁴⁴⁴ Integrà tras la cifra II 2 da la LF dals 28 da sett. 2018 davart la realisaziun da la directiva (UE) 2016/680 concernent la protecziun da persunas natiralas en connex cun l'elavuraziun da datas personalas per la prevenziun, l'investigaziun, la scuvrida u la persecuziun da malfatgs u per l'execuziun penala, en vigur dapi il 1. da mars 2019 (AS **2019** 625; BBI **2017** 6941).

⁴⁴⁵ SR **235.3**

- b. la persuna pertutgada ha rendi accessiblas sias datas personalas a mintgin e n'ha betg scumandà explicitamain la communicaziun.

Art. 349^b⁴⁴⁶

b. Tractament
egual

¹ Per la communicaziun da datas da persunas a las autoritads cumpetentas da stadis ch'èn colliads cun la Svizra tras ina da las cunvegns d'associaziun a la reglamentaziun da Schengen (stadis da Schengen) na dastgan betg valair reglas da protecziun da datas pli severas che per la communicaziun da datas da persunas ad autoritads penalas svizas.

² Leschas spezialas che prevesan reglas da protecziun da datas pli severas per la communicaziun da datas da persunas a las autoritads estras cumpetentas, n'èn betg applitgabras per la communicaziun a las autoritads cumpetentas dals stadis da Schengen.

Art. 349^c⁴⁴⁷

c. Communica-
ziun da datas
da persunas ad
in terz stadi u
ad in organ
internaziunal

¹ Datas da persunas na dastgan betg vegnir communitgadas a l'autoritàd cumpetenta d'in stadi che n'è betg collià cun la Svizra tras ina da las cunvegns d'associaziun a la reglamentaziun da Schengen (terz stadi) u ad in organ internaziunal, sche quai periclitass gravantamain la personalitàd da la persuna pertutgada, en spezial perquai ch'i manca ina protecziun adequata.

² Ina protecziun adequata vegn garantida tras:

- a. la legislaziun dal terz stadi, uschenavant che l'Uniun europeica ha constatà quai tras in conclus;
- b. in contract internaziunal;
- c. garanzias specificas.

³ Sche l'autoritàd che communitgescha las datas è in'autoritàd federala, infurmescha ella l'incumbensà federal per la protecziun da datas e per la trasparenza (incumbensà) davart las categorias da communicaziuns da datas da persunas che han lieu sin basa da garanzias specificas tenor l'alineia 2 litera c. Mintga communicaziun vegn documentada.

⁴⁴⁶ Integrà tras la cifra II 2 da la LF dals 28 da sett. 2018 davart la realisaziun da la directiva (UE) 2016/680 concernent la protecziun da persunas natirals en connex cun l'elavuraziun da datas personalas per la prevenziun, l'investigaziun, la scuvrida u la persecuziun da malfatgs u per l'execuziun penala, en vigur dapi il 1. da mars 2019 (AS **2019** 625; BB1 **2017** 6941).

⁴⁴⁷ Integrà tras la cifra II 2 da la LF dals 28 da sett. 2018 davart la realisaziun da la directiva (UE) 2016/680 concernent la protecziun da persunas natirals en connex cun l'elavuraziun da datas personalas per la prevenziun, l'investigaziun, la scuvrida u la persecuziun da malfatgs u per l'execuziun penala, en vigur dapi il 1. da mars 2019 (AS **2019** 625; BB1 **2017** 6941).

⁴ En divergenza da l'alineia 1 pon datas da personas vegnir communicadas a l'autorità cumpetenta d'in terz stadi u ad in organ internaziunal, sche la comunicaziun è necessaria en il cas singul:

- a. per proteger la vita u l'integritad corporala da la persuna pertutgada u d'ina terza persuna;
- b. per parar in privel smanatschant serius e direct per la segirezza publica d'in stadi da Schengen u d'in terz stadi;
- c. per prevegnir, per constatar u per perseguitar in malfatg, premess che nagins interess predominants degns da protecziun da la persuna pertutgada na s'opponian a la comunicaziun;
- d. per exequir u per far valair in dretg envers in'autorità ch'è cumpetenta per prevegnir, per constatar u per perseguitar in malfatg, premess che nagins interess predominants degns da protecziun da la persuna pertutgada na s'opponian a la comunicaziun.

⁵ Sche l'autorità che communitgescha las datas è in'autorità federala, infurmescha ella l'incumbensà davart la comunicaziun tenor l'alineia 4.

Art. 349^d448

d. Communica-ziun da datas da personas che derivan d'in stadi da Schengen ad in terz stadi u ad in organ internaziunal

¹ Datas da personas ch'èn vegnidas transmessas u messas a disposiziun d'in stadi da Schengen pon mo vegnir communicadas a l'autorità cumpetenta d'in terz stadi u ad in organ internaziunal, sche:

- a. la comunicaziun è necessaria per prevegnir, per constatar u per perseguitar in malfatg;
- b. il stadi da Schengen che ha transmess u mess a disposiziun las datas da personas ha approvà ordavant la comunicaziun; e
- c. las premissas tenor l'artitgel 349c èn ademplidas.

² En divergenza da l'alineia 1 litera b dastgan datas da personas vegnir communicadas en il cas singul, sche:

- a. il consentiment precedent dal stadi da Schengen na po betg vegnir procurà a temp; e
- b. la comunicaziun è indispensabla per parar in privel smanatschant serius e direct per la segirezza publica d'in stadi da Schengen u d'in terz stadi ubain per defender ils interess essenzials d'in stadi da Schengen.

³ Il stadi da Schengen vegn infurmà immediatamain davart la comunicaziun tenor l'alineia 2.

⁴⁴⁸ Integrà tras la cifra II 2 da la LF dals 28 da sett. 2018 davart la realisaziun da la directiva (UE) 2016/680 concernent la protecziun da personas naturalas en connex cun l'elavuraziun da datas personalas per la prevenziun, l'investigaziun, la scuvrida u la persecuziun da malfatgs u per l'execuziun penala, en vigur dapi il 1. da mars 2019 (AS 2019 625; BBI 2017 6941).

Art. 349^{e449}

e. Communica-
ziun da datas da
persunas ad in
destinatur domici-
lià en in terz
stadi

¹ Sch'i n'è – particularmain en cas d'urgenza – betg pussaivel da communicar datas da persunas a l'autorità competentă d'in terz stadi sin la via usitada da la collavuraziun poliziala, po l'autorità competentă communicar excepziunalmain las datas ad in destinatur domicilià en quest stadi, premiss che las suandantas premissas sajan ademplitas:

- a. la comunicaziun è indispensabla per ademplir ina incumbensa legala da l'autorità che communitescha las datas;
- b. nagins interess predominants degns da protecziun da la persuna pertutgada na s'opponan a la comunicaziun.

² Communitegond las datas da persunas infurmescha l'autorità competentă il destinatur ch'el dastga duvrar las datas mo per ils intents ch'ella ha fixà.

³ Ella infurmescha immediatamain l'autorità competentă dal terz stadi davart mintga comunicaziun da datas da persunas, sch'ella è da l'avis che quai saja cunvegnet.

⁴ Sche l'autorità competentă è in'autorità federala, infurmescha ella immediatamain l'incumbensà davart mintga comunicaziun tenor l'alinea 1.

⁵ Ella documentescha mintga comunicaziun da datas da persunas. Il Cussegl federal regla ils detagls.

Art. 349^{f450}

f. Correctadad
da las datas da
persunas

¹ L'autorità competentă rectifitescha immediatamain datas personalas incorrectas.

² Ella infurmescha immediatamain l'autorità, la quala ha transmess u a la quala ella ha communitegà questas datas, che questas datas sajan vegnidas rectifitegadas.

³ Ella infurmescha il destinatur che las datas communitegadas sajan actualas e fidablas.

⁴ Ultra da quai communitescha ella al destinatur tut las ulteriuras infurmaziuns che permettan da differenziar uschenavant sco pussaivel:

- a. tranter las differentas categorias da persunas pertutgadas;

⁴⁴⁹ Integrà tras la cifra II 2 da la LF dals 28 da sett. 2018 davart la realisaziun da la directiva (UE) 2016/680 concernent la protecziun da persunas natiralas en connex cun l'elavuraziun da datas personalas per la prevenziun, l'investigaziun, la scuvrida u la persecuziun da malfatgs u per l'execuziun penala, en vigur dapi il 1. da mars 2019 (AS **2019** 625; BB1 **2017** 6941).

⁴⁵⁰ Integrà tras la cifra II 2 da la LF dals 28 da sett. 2018 davart la realisaziun da la directiva (UE) 2016/680 concernent la protecziun da persunas natiralas en connex cun l'elavuraziun da datas personalas per la prevenziun, l'investigaziun, la scuvrida u la persecuziun da malfatgs u per l'execuziun penala, en vigur dapi il 1. da mars 2019 (AS **2019** 625; BB1 **2017** 6941).

- b. tranter datas personalas che sa basan sin fatgs e datas personalas che sa basan sin valitaziuns personalas.

⁵ L'obligaziun d'infurmar il destinatur scroda, sche las infurmaziuns tenor ils alineas 3 e 4 resortan da las datas da personas sezzas ubain da las circumstanzas.

Art. 349g⁴⁵¹

g. Controlla da la legitimidad da l'elavuraziun da datas

¹ La persuna pertutgada po pretender da l'incumbensà ch'el controllia, sche las eventualas datas che la concernan vegnian elavuradas da maniera legitima, en cas che:

- a. ses dretg da vegnir infurmada davart il barat da datas che la concernan vegn restrenschi u suspendi (art. 18a e 18b da la Lescha federala dals 19 da zercladur 1992⁴⁵² davart la protecciun da datas);
- b. ses dretg da survegnir infurmaziuns vegn refusà, restrenschi u suspendi (art. 17 e 18 LPDS⁴⁵³); u
- c. ses dretg da pretender la rectificaziun, la destrucziun u la stizzada da datas che la concernan vegn refusà per part u dal tutfatg (art. 19 al. 2 lit. a LPDS).

² A la controlla po vegnir suttamessa mo in'autorità federala che tuttastat a la surveglianza da l'incumbensà.

³ L'incumbensà fa la controlla; a la persuna pertutgada communitgescha el che naginas datas che la concernan na vegnian elavuradas da maniera illegitima, ubain – sch'el ha constatà sbagls tar l'elavuraziun da las datas da personas – ch'el haja avert ina inquisiziun tenor l'artitgel 22 LPDS.

⁴ Sche l'incumbensà constatescha sbagls tar l'elavuraziun da datas, ordinescha el che l'autorità federala cumpetenta elimineschia quels.

⁵ La comunicaziun tenor l'alinea 3 è adina la medema e na vegn betg motivada. Ella na po betg vegnir contestada.

⁴⁵¹ Integrà tras la cifra II 2 da la LF dals 28 da sett. 2018 davart la realisaziun da la directiva (UE) 2016/680 concernent la protecciun da personas natiralas en connex cun l'elavuraziun da datas personalas per la prevenziun, l'investigaziun, la scuvrda u la persecuziun da malfatgs u per l'execuziun penala, en vigur dapi il 1. da mars 2019 (AS 2019 625; BBI 2017 6941).

⁴⁵² SR 235.1

⁴⁵³ SR 235.3

Art. 349^{h454}

h. Inquisiziun

¹ Sche la persuna fa valair vardaivlamain ch'in barat da datas personalas che la concernan pudess violar las prescripziuns davart la protecciun da datas da persunas, po ella pretender da l'incumbensà ch'el avria ina inquisiziun tenor l'artitgel 22 LPDS⁴⁵⁵.

² Ina inquisiziun po vegnir averta mo cunter in'autorità federala che sutstata a la surveglianza da l'incumbensà.

³ Partidas èn la persuna pertutgada e l'autorità federala, cunter la quala ina inquisiziun è vegnida averta.

⁴ Plinavant valan ils artitgels 23 e 24 LPDS.

Art. 350

2. Collavuraziun cun INTERPOL.

a. Cumpe-tenza⁴⁵⁶

¹ L'Uffizi federal da polizia ademplescha las incumbensas d'in uffizi central naziunal en il senn dals statuts da l'Organisaziun internaziunala da la polizia criminala (INTERPOL).

² El è d'ina vart cumpetent per l'intermediaziun d'infurmaziuns tranter las autoritàs federalas e chantunalas per la persecuziun penala e da l'autra vart tranter ils uffizis centrals d'auters stadis ed il secretariat general dad INTERPOL.

Art. 351b. Incumbensas⁴⁵⁷

¹ L'Uffizi federal da polizia intermediatescha infurmaziuns davart la polizia criminala ch'èn destinadas a la persecuziun da malfatgs ed a l'execuziun da chastis e da mesiras.

² El po transmetter infurmaziuns da la polizia criminala per prevegnir a malfatgs, sch'ins sto quintar tenor las circumstanzas concretas ch'i vegnia commess cun gronda probabladad in crim u in delict.

³ El po intermediar infurmaziuns per la tschertga da persunas sparidas e per l'identificaziun da persunas nunenconuschentas.

⁴ Per impedir e per sclerir malfatgs po l'Uffizi federal da polizia acceptar infurmaziuns da persunas privatas ed orientar persunas privatas, sche quai è en l'interess dal pertutgà e sch'il consentiment da quel è avant maun u po vegnir premiss tenor las circumstanzas.

⁴⁵⁴ Integrà tras la cifra II 2 da la LF dals 28 da sett. 2018 davart la realisaziun da la directiva (UE) 2016/680 concernent la protecciun da persunas natiralas en connex cun l'elavuraziun da datas personalas per la prevenziun, l'investigaziun, la scuvrida u la persecuziun da malfatgs u per l'execuziun penala, en vigur dapi il 1. da mars 2019 (AS **2019** 625; BBl **2017** 6941).

⁴⁵⁵ SR **235.3**

⁴⁵⁶ Versiun tenor la cifra II 8 da l'aggiunta 1 dal Cudesch da procedura penala dals 5 d'oct. 2007, en vigur dapi il 1. da schan. 2011 (AS **2010** 1881; BBl **2006** 1085).

⁴⁵⁷ Versiun tenor la cifra II 8 da l'aggiunta 1 dal Cudesch da procedura penala dals 5 d'oct. 2007, en vigur dapi il 1. da schan. 2011 (AS **2010** 1881; BBl **2006** 1085).

Art. 352

c. Protecziun
da datas⁴⁵⁸

¹ Il barat d'infurmaziun da la polizia criminala sa drizza tenor ils principis da la Lescha dals 20 da mars 1981⁴⁵⁹ davart l'assistenza giudiziala sco er tenor ils statuts e tenor ils reglaments dad INTERPOL ch'il Cussegl federal ha declerà sco applitgabels.

² Per il barat d'infurmaziun per la tschertga da persunas sparidas, per l'identificaziun da persunas nunenconuschentas e per intents administrativs vala la Lescha federala dals 19 da zercladur 1992⁴⁶⁰ davart la protecziun da datas.

³ L'Uffizi federal da polizia po intermediar directamain infurmaziun als uffizis centralis dad auters stadis, sch'il stadi che retschaiva talas infurmaziun è suttames a las prescripziun davart la protecziun da datas dad INTERPOL.

Art. 353

d. Agids finanzials ed indemnisaziun⁴⁶¹

La Confederaziun po conceder ad INTERPOL agids finanzials ed indemnisaziun.

Art. 354

3. Collavuraziun tar l'identificaziun da persunas⁴⁶²

¹ Il departament cumpetent registrescha ed arcuna datas dal servetsch d'identificaziun che vegnan rimnadas da las autoritads chantunalas, federalas ed estras en connex cun persecuziun penalas u tar l'ademplement d'autras incumbensas legalas e ch'èn vegnidas transmessas ad el. El po cumparegliar questas datas ina cun l'autra per identifitgar ina persuna tschertgada u nunenconuscenta.

² Las suandantas autoritads pon cumparegliar ed elavurar datas en il rom da l'alinea 1:

- a. il center da calculaziun dal Departament federal da justia e polizia;
- b. l'Uffizi federal da polizia;
- c. ils posts da cunfin;
- d. las autoritads chantunalas da polizia;

⁴⁵⁸ Versiun tenor la cifra II 8 da l'aggiunta 1 dal Cudesch da procedura penala dals 5 d'oct. 2007, en vigur dapi il 1. da schan. 2011 (AS **2010** 1881; BBl **2006** 1085).

⁴⁵⁹ SR **351.1**

⁴⁶⁰ SR **235.1**

⁴⁶¹ Versiun tenor la cifra II 8 da l'aggiunta 1 dal Cudesch da procedura penala dals 5 d'oct. 2007, en vigur dapi il 1. da schan. 2011 (AS **2010** 1881; BBl **2006** 1085).

⁴⁶² Versiun tenor la cifra II 8 da l'aggiunta 1 dal Cudesch da procedura penala dals 5 d'oct. 2007, en vigur dapi il 1. da schan. 2011 (AS **2010** 1881; BBl **2006** 1085).

e.⁴⁶³ il Secretariat da stadi per migraziun (SEM).

³ Las datas da persunas che sa refereschan a datas dal servetsch d'identificaziun tenor l'alinea 1 vegnan elavuradas en systems d'infurmaziun separads; en quest connex valan las disposiziuns da la Lescha federala dals 13 da zercladur 2008⁴⁶⁴ davart ils systems d'infurmaziun da polizia da la Confederaziun, da la Lescha d'asil dals 26 da zercladur 1998⁴⁶⁵ e da la Lescha federala dals 16 da december 2005⁴⁶⁶ davart las persunas estras. Il sistem d'infurmaziun da profils dal DNA è suttamesa a las disposiziuns da la Lescha dals 20 da zercladur 2003⁴⁶⁷ davart ils profils dal DNA.⁴⁶⁸

⁴ Il Cussegl federal:

- a. regla ils detagls, en spezial la responsabladad concernent l'elavuraziun da datas, concernent las categorias da las datas che ston vegnir registradas, concernent la durada da la conservaziun da las datas e concernent la collavuraziun cun ils chantuns;
- b. designescha las autoritads che endateschan e che consulteschan las datas da persunas tras la procedura d'invista u a las qualas i pon vegnir communitgadas datas da persunas en il cas singul;
- c. regla ils dretgs da procedura da las persunas pertutgadas, en spezial l'invista da lur datas sco er lur rectificaziun, lur archivaziun e lur destrucziun;
- d.⁴⁶⁹ regla la transmissiun da las datas dal servetsch d'identificaziun tras las autoritads federalas cumpetentas e tras ils chantuns.

⁵ Cun l'intent da la publicaziun en il sistem d'infurmaziun da Schengen (SIS) po il SEM u l'Uffizi federal da polizia (fedpol) transferir las datas en la part naziunala dal Sistem d'infurmaziun da Schengen (N-SIS) ed en il SIS cun agid d'ina procedura automatisada.⁴⁷⁰

Art. 355⁴⁷¹

4. ...

Art. 355a⁴⁷²

5. Collavuraziun cun Europol.
a. Barat da datas⁴⁷³

¹ Il fedpol ed il Servetsch d'infurmaziun da la Confederaziun (SIC) pon dar vinavant a l'Uffizi europeic da polizia (Europol) datas da persunas,

⁴⁶³ Integrà tras la cifra 4 da l'aggiunta 1 dal COF dals 18 da dec. 2020 davart l'approvaziun e la realisaziun dals barats da notas tranter la Svizra e la UE concernent la surpigliada da las basas giuridicas davart l'instituziun, il manaschi e l'utilisaziun dal sistem d'infurmaziun da Schengen (SIS), en vigur dapi ils 22 da nov. 2022 (AS **2021** 365; **2022** 638; BBl **2020** 3465).

⁴⁶⁴ SR **361**

⁴⁶⁵ SR **142.31**

⁴⁷³ Versiun tenor la cifra II 8 da l'aggiunta 1 dal Cudesch da procedura penala dals 5 d'oct. 2007, en vigur dapi il 1. da schan. 2011 (AS **2010** 1881; BBl **2006** 1085).

inclusiv datas da personas ch'èn spezialmain degnas da vegnir protegidas e profils da la persunalitad.⁴⁷⁴

² Per dar vinavant questas datas valan en spezial las premissas tenor ils artitgels 3 e 10–13 da la Cunvegna dals 24 da settember 2004⁴⁷⁵ tranter la Confederaziun svizra e l'Uffizi europeic da polizia.

³ Cun dar vinavant datas orientescha l'Uffizi federal da polizia a medem temp Europol davart l'intent da las datas sco er davart tut las restricziuns areguard lur elavuraziun, a las qualas el sez è suttemess a norma da la legislaziun federala u chantunala.

⁴ Il barat da datas da personas cun Europol ha il medem status sco il barat cun in'autoritad cumpetenta d'in stadi da Schengen (art. 349b).⁴⁷⁶

Art. 355b⁴⁷⁷

b. Extensium dal mandat⁴⁷⁸

Il Cussegl federal vegn autorisà da fixar cun Europol midadas dal champ d'applicaziun dal mandat en il rom da l'artitgel 3 alinea 3 da la Cunvegna

467 **SR 363**

468 Versiun tenor la cifra 5 da l'aggiunta 1 da la LF dals 13 da zer. 2008 davart ils sistems d'infurmaziun da polizia da la Confederaziun, en vigur dapi ils 5 da dec. 2008 (AS **2008** 4989; BBI **2006** 5061).

469 Integrà tras la cifra 4 da l'aggiunta 1 dal COF dals 18 da dec. 2020 davart l'approvaziun e la realisaziun dals barats da notas tranter la Svizra e la UE concernent la surigliada da las basas giuridicas davart l'instituziun, il manaschi e l'utilisaziun dal sistem d'infurmaziun da Schengen (SIS), en vigur dapi ils 22 da nov. 2022 (AS **2021** 365; **2022** 638; BBI **2020** 3465).

470 Integrà tras la cifra 4 da l'aggiunta 1 dal COF dals 18 da dec. 2020 davart l'approvaziun e la realisaziun dals barats da notas tranter la Svizra e la UE concernent la surigliada da las basas giuridicas davart l'instituziun, il manaschi e l'utilisaziun dal sistem d'infurmaziun da Schengen (SIS), en vigur dapi il 1. da fan. 2021 (AS **2021** 365; BBI **2020** 3465).

471 Aboli tras la cifra 5 da l'aggiunta 1 da la LF dals 13 da zer. 2008 davart ils sistems d'infurmaziun da polizia da la Confederaziun, cun effect dapi ils 5 da dec. 2008 (AS **2008** 4989; BBI **2006** 5061).

472 Integrà tras l'art. 2 dal COF dals 7 d'oct. 2005 davart l'approvaziun e la realisaziun da la Cunvegna tranter la Svizra ed Europol, en vigur dapi il 1. d'avr. 2006 (AS **2006** 1017; BBI **2005** 983).

473 Versiun tenor la cifra II 8 da l'aggiunta 1 dal Cudesch da procedura penala dals 5 d'oct. 2007, en vigur dapi il 1. da schan. 2011 (AS **2010** 1881; BBI **2006** 1085).

474 Versiun tenor la cifra 4 da l'aggiunta 1 dal COF dals 18 da dec. 2020 davart l'approvaziun e la realisaziun dals barats da notas tranter la Svizra e la UE concernent la surigliada da las basas giuridicas davart l'instituziun, il manaschi e l'utilisaziun dal sistem d'infurmaziun da Schengen (SIS), en vigur dapi ils 22 da nov. 2022 (AS **2021** 365; **2022** 638; BBI **2020** 3465).

475 **SR 0.362.2**

476 Integrà tras la cifra II 2 da la LF dals 28 da sett. 2018 davart la realisaziun da la directiva (UE) 2016/680 concernent la protecciun da persunas natiralas en connex cun l'elavuraziun da datas persunalas per la prevenziun, l'investigaziun, la scurvida u la persecuziun da malfatgs u per l'execuziun penala, en vigur dapi il 1. da mars 2019 (AS **2019** 625; BBI **2017** 6941).

477 Integrà tras l'art. 2 dal COF dals 7 d'oct. 2005 davart l'approvaziun e la realisaziun da la Cunvegna tranter la Svizra ed Europol, en vigur dapi il 1. d'avr. 2006 (AS **2006** 1017; BBI **2005** 983).

478 Versiun tenor la cifra II 8 da l'aggiunta 1 dal Cudesch da procedura penala dals 5 d'oct. 2007, en vigur dapi il 1. da schan. 2011 (AS **2010** 1881; BBI **2006** 1085).

dals 24 da settember 2004⁴⁷⁹ tranter la Confederaziun svizra e l'Uffizi europeic da polizia.

Art. 355c⁴⁸⁰

5bis. Collavuraziun en il rom da las cunvegns d'associaziun a la reglamentaziun da Schengen. Cumpetenzza

Ils organs da polizia da la Confederaziun e dals chantuns exequeschan las disposiziuns da las cunvegns d'associaziun a la reglamentaziun da Schengen⁴⁸¹ a norma dal dretg naziunal intern.

Art. 355d⁴⁸²

5ter. ...

⁴⁷⁹ SR **0.362.2**

⁴⁸⁰ Integrà tras l'art. 3 cifra 4 dal COF dals 17 da dec. 2004 davart l'approvaziun e la realisaziun da las cunvegns bilaterals tranter la Svizra e la UE per l'associaziun a la reglamentaziun da Schengen e da Dublin, en vigur dapi il 1. da zer. 2008 (AS **2008** 447 2179 2227; BBl **2004** 5965).

⁴⁸¹ Cunvegna dals 26 d'oct. 2004 tranter la Confederaziun svizra, l'Uniu europeica e la Communitad europeica davart l'associaziun da quest stadi a la realisaziun, a l'applicaziun ed al svilp da l'acquist a Schengen (SR **0.362.31**); Cunvegna dals 28 d'avr. 2005 tranter la Confederaziun svizra ed il Reginavel dal Danemarc davart la constituziun da dretgs e d'obligaziuns tranter quests dus stadis areguard la collavuraziun tenor Schengen (SR **0.362.33**); Cunvegna dals 17 da dec. 2004 tranter la Confederaziun svizra, la Republica da l'Islanda ed il Reginavel da la Norvegia davart la realisaziun, l'applicaziun ed il svilp da l'acquist a Schengen e davart ils criteris e las proceduras per determinar il stadi cumpetent per examinar ina dumonda d'asil inoltrada en Svizra, en Islanda u en Norvegia (SR **0.362.32**); Protocol dals 28 da favr. 2008 tranter la Confederaziun svizra, l'Uniu europeica, la Communitad europeica ed il Principadi da Liechtenstein davart la participaziun dal Principadi da Liechtenstein a la Cunvegna tranter la Confederaziun svizra, l'Uniu europeica e la Communitad europeica davart l'associaziun da la Confederaziun svizra a la realisaziun, a l'applicaziun ed al svilp da l'acquist da Schengen (SR **0.362.311**).

⁴⁸² Integrà tras l'art. 3 cifra 4 dal COF dals 17 da dec. 2004 davart l'approvaziun e la realisaziun da las cunvegns bilaterals tranter la Svizra e la UE per l'associaziun a la reglamentaziun da Schengen e da Dublin (AS **2008** 447 2179; BBl **2004** 5965). Aboli tras la cifra II da l'aggiunta 2 da la LF dals 13 da zer. 2008 davart ils sistems d'infurmaziun da polizia da la Confederaziun, cun effect dapi ils 5 da dec. 2008 (AS **2008** 4989; BBl **2006** 5061).

Art. 355^e⁴⁸³5^{quater}, Biro
SIRENE

1 Il fedpol maina il post central per il barat d'infurmaziuns supplementaras cun ils stadis da Schengen (biro SIRENE).⁴⁸⁴

2 Il biro SIRENE è in post da consultaziun e da coordinaziun per il barat d'infurmaziuns en connex cun las publicaziuns en il SIS. El examinescha l'admissibladad formala da las publicaziuns naziunalas ed estras en il SIS.

Art. 355^f e 355^g⁴⁸⁵**Art. 356–361**⁴⁸⁶**Art. 362**⁴⁸⁷6. Communica-
ziun en cas da
pornografia

Sch'ina autoritad d'inquisiziun constatescha che objects pornografics (art. 197 al. 4) èn vegnids fabritgads en in stadi ester u èn vegnids importads da là, infurmescha ella immediatamain il post central da la Confederaziun ch'è incumbensà per cumbatter la pornografia.

Tschintgavel titel: ...**Art. 363**⁴⁸⁸

⁴⁸³ Integrà tras l'art. 3 cifra 4 dal COF dals 17 da dec. 2004 davart l'approvaziun e la realisaziun da las convengnas bilaterals tranter la Svizra e la UE per l'associazion a la reglamentaziun da Schengen e da Dublin, en vigur dapi il 1. da zer. 2008 (AS **2008** 447 2179 2227; BBI **2004** 5965).

⁴⁸⁴ Versiun tenor la cifra 4 da l'aggiunta 1 dal COF dals 18 da dec. 2020 davart l'approvaziun e la realisaziun dals barats da notas tranter la Svizra e la UE concernent la surpigliada da las basas giuridicas davart l'instituziun, il manaschi e l'utilisaziun dal sistem d'infurmaziun da Schengen (SIS), en vigur dapi ils 22 da nov. 2022 (AS **2021** 365; 2022 638; BBI **2020** 3465).

⁴⁸⁵ Integrà tras la cifra 4 da la LF dals 19 da mars 2010 davart la realisaziun dal conclus da basa 2008/977/JI davart la protecziun da datas da persunas en il rom da la collavuraziun poliziala e giudiziala en chaussas penals (AS **2010** 3387; BBI **2009** 6749). Aboli tras la cifra II 2 da la LF dals 28 da sett. 2018 davart la realisaziun da la directiva (UE) 2016/680 concernent la protecziun da persunas natirals en connex cun l'elavuraziun da datas persunalas per la prevenziun, l'investigaziun, la scuvrida u la persecuziun da malfatgs u per l'execuziun penala, cun effect dapi il 1. da mars 2019 (AS **2019** 625; BBI **2017** 6941).

⁴⁸⁶ Aboli tras la cifra II 8 da l'aggiunta 1 dal Cudesch da procedura penala dals 5 d'oct. 2007, cun effect dapi il 1. da schan. 2011 (AS **2010** 1881; BBI **2006** 1085).

⁴⁸⁷ Versiun tenor la cifra 1 da l'aggiunta dal COF dals 27 da sett. 2013 (Convenziun da Lanzarote), en vigur dapi il 1. da fan. 2014 (AS **2014** 1159; BBI **2012** 7571).

⁴⁸⁸ Aboli tras la cifra II 8 da l'aggiunta 1 dal Cudesch da procedura penala dals 5 d'oct. 2007, cun effect dapi il 1. da schan. 2011 (AS **2010** 1881; BBI **2006** 1085). Rectifitgà da la Cumissiun da redacziun da la AF ils 20 da favr. 2013 (AS **2013** 845).

Art. 364⁴⁸⁹

Sisavel titel Register penal

Art. 365

Intent

¹ L'Uffizi federal da giustia maina en cooperaziun cun autras autoritads federalas e cun ils chantuns (art. 367 al. 1) in register penal automatisà davart condemnaziuns e davart dumondas per extracts dal register penal en il rom da proceduras penalas pendentas che cuntegna datas da persunas e profils da la persunalitad ch'èn spezialmain degns da vegnir protegids. Las datas davart condemnaziuns e quellas davart dumondas per extracts dal register penal en il rom da proceduras penalas pendentas vegnan elavuradas separadamain en il register automatisà.

² Il register serve a sustegnair las autoritads da la Confederaziun e dals chantuns tar l'ademplement da las suandantas incumbensas:

- a. realisaziun da proceduras penalas;
- b. proceduras internaziunalas d'assistenza giudiziala e d'extradiziun;
- c. execuziun da chastis e da mesiras;
- d. examinaziuns da la segirezza civila e militar;
- e. ordinaziun ed annullaziun da mesiras d'allontanament vers persunas estras tenor la Lescha federala dals 26 da mars 1931⁴⁹⁰ davart la dimora ed il domicil dals esters sco er da las ulteriuras expulsions ed exiliaziuns;
- f. examinaziun da la dumonda, sch'il requirent d'asil è degn da survegnir asil tenor la Lescha d'asil dals 26 da zercladur 1998⁴⁹¹;
- g. proceduras da natiralisaziun;
- h. concessiun e retratga da permiss da manischar u da permiss per emprender a manischar tenor la Lescha federala dals 19 da december 1958 davart il traffic sin via⁴⁹²;
- i. execuziun da la protecziun consulara;

⁴⁸⁹ Abolì tras la cifra 1 da l'aggiunta da la LF dals 15 da dec. 2017 (protecziun d'uffants), cun effect dapi il 1. da schan. 2019 (AS 2018 2947; BBl 2015 3431).

⁴⁹⁰ [BS I 121; AS 1949 221; 1987 1665; 1988 332; 1990 1587 art. 3 al. 2; 1991 362 cifra II 11, 1034 cifra III; 1995 146; 1999 1111, 2262 aggiunta cifra 1; 2000 1891 cifra IV 2; 2002 685 cifra I 1, 701 cifra I 1, 3988 aggiunta cifra 3; 2003 4557 aggiunta cifra II 2; 2004 1633 cifra I 1, 4655 cifra I 1; 2005 5685 aggiunta cifra 2; 2006 979 art. 2 cifra 1, 1931 art. 18 cifra 1, 2197 aggiunta cifra 3, 3459 aggiunta cifra 1, 4745 aggiunta cifra 1; 2007 359 aggiunta cifra 1. AS 2007 5437 aggiunta cifra I]. Guardar oz: LF dals 16 da dec. 2005 davart las persunas estras (SR 142.20).

⁴⁹¹ SR 142.31

⁴⁹² SR 741.01

- j. elavuraziun statistica tenor la Lescha federala da statistica dals 9 d'october 1992⁴⁹³;
- k.⁴⁹⁴ ordinaziun u annullaziun da mesiras per la protecziun d'uffants u da creschids;
- l.⁴⁹⁵ exclusiun dal servetsch civil u scumond da prestar servetsch civil tenor la Lescha federala dals 6 d'october 1995⁴⁹⁶ davart il servetsch civil;
- m.⁴⁹⁷ verificaziun da la reputaziun per tshertas acziuns tenor la Lescha federala davart il servetsch civil;
- n.⁴⁹⁸ examinaziun d'ina nunrecrutaziun u d'ina admissiun a la recrutaziun, d'ina exclusiun or da l'armada u d'ina readmissiun a l'armada ubain d'ina degradaziun tenor la Lescha militara dals 3 da favrer 1995⁴⁹⁹ (LM);
- o.⁵⁰⁰ examinaziun da la qualificaziun per ina promoziun u per ina nominaziun tenor la LM;
- p.⁵⁰¹ examinaziun da motivs d'impediment per surlaschar l'arma persunala tenor la LM;
- q.⁵⁰² examinaziun d'ina exclusiun dal servetsch da protecziun tenor la Lescha dals 4 d'october 2002⁵⁰³ davart la protecziun da la populaziun e la protecziun civila;

493 **SR 431.01**

494 Versiun tenor la cifra 14 da l'aggiunta da la LF dals 19 da dec. 2008 (protecziun da creschids, dretg da persunas e dretg dals uffants), en vigur dapi il 1. da schan. 2013 (AS **2011** 725; BBI **2006** 7001).

495 Integrà tras la cifra II 1 da la LF dals 3 d'oct. 2008 (AS **2009** 1093; BBI **2008** 2707). Versiun tenor la cifra II 1 da la LF dals 25 da sett. 2015, en vigur dapi il 1. da fan. 2016 (AS **2016** 1883; BBI **2014** 6741).

496 **SR 824.0**

497 Integrà tras la cifra II 1 da la LF dals 3 d'oct. 2008 (AS **2009** 1093; BBI **2008** 2707). Versiun tenor la cifra II 1 da la LF dals 25 da sett. 2015, en vigur dapi il 1. da fan. 2016 (AS **2016** 1883; BBI **2014** 6741).

498 Integrà tras la cifra 1 da l'aggiunta da la LF dals 3 d'oct. 2008 davart ils systems d'infurmaziun da l'armada, en vigur dapi il 1. da schan. 2010 (AS **2009** 6617; BBI **2008** 3213).

499 **SR 510.10**

500 Integrà tras la cifra 1 da l'aggiunta da la LF dals 3 d'oct. 2008 davart ils systems d'infurmaziun da l'armada, en vigur dapi il 1. da schan. 2010 (AS **2009** 6617; BBI **2008** 3213).

501 Integrà tras la cifra 1 da l'aggiunta da la LF dals 3 d'oct. 2008 davart ils systems d'infurmaziun da l'armada, en vigur dapi il 1. da schan. 2010 (AS **2009** 6617; BBI **2008** 3213).

502 Integrà tras la cifra 1 da l'aggiunta da la LF dals 3 d'oct. 2008 davart ils systems d'infurmaziun da l'armada, en vigur dapi il 1. da schan. 2010 (AS **2009** 6617; BBI **2008** 3213).

503 **SR 520.1**

- r.⁵⁰⁴ scuvrir a temp ed impedir smanatschas per la segirezza interna u externa tenor l'artitgel 6 alinea 1 LSI⁵⁰⁵;
- s.⁵⁰⁶ intermediar infurmaziuns ad Europol tenor l'artitgel 355a, sche las datas vegnan duvradas dad Europol per intents tenor la litera r;
- t.⁵⁰⁷ examinar mesiras d'allontanament envers persunas estras tenor la Lescha federala dals 16 da december 2005⁵⁰⁸ davart las persunas estras sco er preparar decisiuns d'expulsiun tenor l'artitgel 121 alinea 2 da la Constituziun federala;
- u.⁵⁰⁹ procurar e transmitter infurmaziuns ad autoritads da segirezza estras en il rom da dumondas tenor l'artitgel 12 alinea 1 litera d LSI; datas, da las qualas la transmissiun n'è betg en l'interess da la persuna pertutgada, dastgan vegnir transferidas mo cun ses consentiment expressiv;
- v.⁵¹⁰ sclerir la ristga per la segirezza en il rom da las examinaziuns da l'integritad tenor l'artitgel 108b da la Lescha d'aviatica dals 21 da december 1948⁵¹¹ (LA).

Art. 366

Cuntegn

¹ En il register èn inscrittas persunas ch'èn vegnidas sentenziadas en il territori da la Confederaziun sco er Svizzers ch'èn vegnids sentenziads a l'exteriur.

² En il register vegnan inscrits:

- a. las sentenzias pervia da crims e pervia da delicts, sch'igl è vegni pronunzià in chasti u ina mesira;
- b. las sentenzias pervia dals surpassaments da quest Cudesch penal u d'autras leschas federalas che vegnan fixads tras in'ordinaziun dal Cussegl federal;
- c. las annunzias che vegnan fatgas da l'exteriur davart sentenzias ch'èn vegnidas pronunziadas là e che suttastattan a l'obligaziun da vegnir annunziadas preliminarmain tenor quest Cudesch penal;
- d. ils fatgs che chaschunan ina midada d'inscripziuns fatgas.

⁵⁰⁴ Integrà tras la cifra II 5 da l'aggiunta da la LF dals 25 da sett. 2015 davart il servetsch d'infurmaziun, en vigur dapi il 1. da sett. 2017 (AS **2017** 4095; BBl **2014** 2105).

⁵⁰⁵ SR **121**

⁵⁰⁶ Integrà tras la cifra II 5 da l'aggiunta da la LF dals 25 da sett. 2015 davart il servetsch d'infurmaziun, en vigur dapi il 1. da sett. 2017 (AS **2017** 4095; BBl **2014** 2105).

⁵⁰⁷ Integrà tras la cifra II 5 da l'aggiunta da la LF dals 25 da sett. 2015 davart il servetsch d'infurmaziun, en vigur dapi il 1. da sett. 2017 (AS **2017** 4095; BBl **2014** 2105).

⁵⁰⁸ SR **142.20**

⁵⁰⁹ Integrà tras la cifra II 5 da l'aggiunta da la LF dals 25 da sett. 2015 davart il servetsch d'infurmaziun, en vigur dapi il 1. da sett. 2017 (AS **2017** 4095; BBl **2014** 2105).

⁵¹⁰ Integrà tras la cifra I 6 da la LF dals 25 da sett. 2020 davart las mesiras polizialas per cumbatter cunter il terrorissem, en vigur dapi il 1. da schan. 2022 (AS **2021** 565, 672; BBl **2019** 4751).

⁵¹¹ SR **748.0**

³ Sentenzias cunter giuvenils pervia d'in crim u pervia d'in delict vegnan inscrites, sche la sancziun pronunziada è:

- a. ina detenziun (art. 25 DPG⁵¹²);
- b. in plazzament (art. 15 DPG);
- c. in tractament ambulat (art. 14 DPG); u
- d. in scumond d'activitad u in scumond da contact e d'areal (art. 16a DPG).⁵¹³

^{3bis} Sentenzias cunter giuvenils pervia d'in surpassament ston vegnir inscrites, sche la sancziun pronunziada è in scumond d'activitad u in scumond da contact e d'areal (art. 16a DPG).⁵¹⁴

⁴ En il register èn er inscrites persunas, cunter las qualas èn pendentas proceduras penalas pervia da crims e pervia da delicts en Svizra.⁵¹⁵

Art. 367

Elavuraziun
da las datas
ed invista

¹ Las suandantas autoritads elavureschan en il register datas da persunas davart sentenzias tenor l'artitgel 366 alineas 1–3.⁵¹⁶

- a. l'Uffizi federal da giustia;
- b. las autoritads da la giustia penala;
- c. las autoritads da la giustia militar;
- d. las autoritads d'execuziun penala;
- e. ils posts da coordinaziun dals chantuns.

² Las suandantas autoritads dastgan prender invista da las datas da persunas davart sentenzias tenor l'artitgel 366 alineas 1, 2 e 3 literas a e b tras ina procedura d'invista.⁵¹⁷

- a. las autoritads tenor l'alinea 1;
- b. la Procura publica federala;

⁵¹² SR 311.1

⁵¹³ Integrà tras l'art. 44 cifra 1 dal Dretg penal per giuvenils dals 20 da zer. 2003 (AS 2006 3545; BBl 1999 1979). Versiun tenor la cifra 1 I da la LF dals 13 da dec. 2013 davart il scumond d'activitad e davart il scumond da contact e d'areal, en vigur dapi il 1. da schan. 2015 (AS 2014 2055; BBl 2012 8819).

⁵¹⁴ Integrà tras la cifra I 1 da la LF dals 13 da dec. 2013 davart il scumond d'activitad e davart il scumond da contact e d'areal, en vigur dapi il 1. da schan. 2015 (AS 2014 2055; BBl 2012 8819).

⁵¹⁵ Oriundamain al. 3.

⁵¹⁶ Versiun tenor la cifra 2 da l'aggiunta da la LF dals 19 da mars 2010, en vigur dapi il 1. da schan. 2013 (AS 2010 6015, 2011 487; BBl 2009 5917).

⁵¹⁷ Versiun tenor la cifra 2 da l'aggiunta da la LF dals 19 da mars 2010, en vigur dapi il 1. da schan. 2013 (AS 2010 6015, 2011 487; BBl 2009 5917).

- c.⁵¹⁸ l'Uffizi federal da polizia:
1. en il rom da proceduras da retschertga da la polizia giudiziala,
 2. per elavurar dumondas da permissiuns d'acquist e da permissiuns excepziunalas per precursurs, per controllar questas permissiuns, per elavurar annunzias da suspects en connex cun precursurs sco er per perseguitar e giuditgar malfatgs tenor la Lescha federala dals 25 da settember 2020⁵¹⁹ davart ils precursurs da substanzas explosivas;
- d. la Grappa da defensiun⁵²⁰;
- e.⁵²¹ il Secretariat da stadi per migraziun⁵²²;
- f.⁵²³ ...
- g. las autoritads chantunalas da la polizia d'esters;
- h. las autoritads chantunalas ch'èn competentas per il traffic sin via;
- i.⁵²⁴ las autoritads federalas ch'èn competentas per realisar controllas da segirezza relativas a persunas en il senn da l'artigel 2 alinea 2 litera a da la Lescha federala dals 21 da mars 1997⁵²⁵ davart mesiras per mantegnair la segirezza interna;
- j.⁵²⁶ l'Uffizi federal dal servetsch civil⁵²⁷;
- k.⁵²⁸ ils posts chantunals ch'èn responsabels per decider davart l'exclusiun dal servetsch da protecciun;

⁵¹⁸ Versiun tenor la cifra 2 da l'aggiunta da la LF dals 25 da sett. 2020 davart ils precursurs da substanzas explosivas, en vigor dapi il 1. da schan. 2023 (AS **2022** 352; BBl **2020** 161). Cun l'entrada en vigor da la LF dals 17 da zer. 2016 davart il register penal (SR **330**; BBl **2016** 4871) daventa questa midada obsoleta u vegn abolida (AS **2022** 352 art. 42).
SR **941.42**

⁵²⁰ Expressiun tenor la cifra 2 da l'aggiunta da la LF dals 18 da mars 2016, en vigor dapi il 1. da schan. 2018 (AS **2016** 4277, **2017** 2297; BBl **2014** 6955).

⁵²¹ Versiun tenor la cifra I 3 da l'O dals 3 da nov. 2004 davart l'adattaziun da disposiziuns legalas pervia da la fusiun dals uffizis federals IMES ed UFF, en vigor dapi il 1. da schan. 2005 (AS **2004** 4655).

⁵²² La designaziun da l'unitad administrativa è vegnida adattada per il 1. da schan. 2015 applitgond l'art. 16 al. 3 da l'O dals 17 da nov. 2004 davart las publicaziuns uffizialas (AS **2004** 4937).

⁵²³ Aboli tras la cifra I 3 da l'O dals 3 da nov. 2004 davart l'adattaziun da disposiziuns legalas pervia da la fusiun dals uffizis federals IMES ed UFF, cun effect dapi il 1. da schan. 2005 (AS **2004** 4655).

⁵²⁴ Versiun tenor la cifra II 5 da l'aggiunta da la LF dals 25 da sett. 2015 davart il servetsch d'infurmaziun, en vigor dapi il 1. da sett. 2017 (AS **2017** 4095; BBl **2014** 2105).
SR **120**

⁵²⁶ Integrà tras la cifra II da la LF dals 21 da mars 2003, en vigor dapi il 1. da schan. 2004 (AS **2003** 4843; BBl **2001** 6127).

⁵²⁷ La designaziun da l'unitad administrativa è vegnida adattada per il 1. da schaner 2019 applitgond l'art. 20 al. 2 da l'O dals 7 d'oct. 2015 davart las publicaziuns uffizialas (CS **170.512.1**).

⁵²⁸ Integrà tras la cifra I da l'aggiunta da la LF dals 3 d'oct. 2008 davart ils sistems d'infurmaziun da l'armada, en vigor dapi il 1. da schan. 2010 (AS **2009** 6617; BBl **2008** 3213).

l.⁵²⁹ il Post per la protecziun da perditgas da la Confederaziun tenor la Lescha federala dals 23 da december 2011⁵³⁰ davart la protecziun extraprocessuala da perditgas, per ademplir sias incumbensas;

m.⁵³¹ il SIC;

n.⁵³² ils posts da polizia chantunals cumpetents per sclerir la ristga per la segirezza tenor l'artitgel 108c LA⁵³³.

^{2bis} Las suandantas autoritads dastgan prender invista da las datas da persunas davart sentenzias tenor l'artitgel 366 alinea 3 litera c tras ina procedura d'invista:

- a. la Gruppa da defensiun⁵³⁴ per examinar ina nunrecrutaziun u in'admissiun a la recrutaziun, in'exclusiun or da l'armada u ina readmissiun a l'armada ubain ina degradaziun tenor la LM⁵³⁵, per examinar motivs d'impediment per surlaschar l'arma persunala tenor la LM, per examinar la qualificaziun per ina promoziun u per ina nominaziun tenor la LM;
- b.⁵³⁶ las autoritads federalas ch'èn cumpetentas per realisar controllas da segirezza relativas a persunas en il senn da l'artitgel 2 alinea 2 litera a da la Lescha federala dals 21 da mars 1997 davart mesiras per mantegnair la segirezza interna;
- c. las autoritads da la giustia penala per realisar proceduras penalas (art. 365 al. 2 lit. a);
- d. ils posts chantunals da coordinaziun e l'Uffizi federal da giustia per ademplir lur incumbensas legalas en il rom da la gestiun dal register;
- e. las autoritads d'execuziun penala per realisar l'execuziun da chastis e da mesiras (art. 365 al. 2 lit. c).⁵³⁷

⁵²⁹ Integrà tras la cifra 3 da l'aggiunta da la LF dals 23 da dec. 2011 davart la protecziun extraprocessuala da perditgas, en vigor dapi il 1. da schan. 2013 (AS **2012** 6715; BBI **2011** 1).

⁵³⁰ SR **312.2**

⁵³¹ Integrà tras la cifra II 5 da l'aggiunta da la LF dals 25 da sett. 2015 davart il servetsch d'infurmaziun, en vigor dapi il 1. da sett. 2017 (AS **2017** 4095; BBI **2014** 2105).

⁵³² Integrà tras la cifra I 6 da la LF dals 25 da sett. 2020 davart las mesiras polizialas per cumbatter cunter il terrorissem, en vigor dapi il 1. da schan. 2022 (AS **2021** 565, 672; BBI **2019** 4751).

⁵³³ SR **748.0**

⁵³⁴ Expressiun tenor la cifra 2 da l'aggiunta da la LF dals 18 da mars 2016, en vigor dapi il 1. da schan. 2018 (AS **2016** 4277, **2017** 2297; BBI **2014** 6955).

⁵³⁵ SR **510.10**

⁵³⁶ Versiun tenor la cifra II 5 da l'aggiunta da la LF dals 25 da sett. 2015 davart il servetsch d'infurmaziun, en vigor dapi il 1. da sett. 2017 (AS **2017** 4095; BBI **2014** 2105).

⁵³⁷ Integrà tras la cifra I da l'aggiunta da la LF dals 3 d'oct. 2008 davart ils sistems d'infurmaziun da l'armada, (AS **2009** 6617; BBI **2008** 3213). Versiun tenor la cifra 2 da l'aggiunta da la LF dals 19 da mars 2010, en vigor dapi il 1. da schan. 2013 (AS **2010** 6015, **2011** 487; BBI **2009** 5917).

2^{ter} Las autoritads tenor ils alineas 2 literas c–l e 2^{septies} pon prender invista da sentenzias che cuntengnan in'expulsiun, uschè ditg che l'expulsiun è imponida al pertutgà. Sch'il termin tenor l'artitgel 369 è pli lung, è quel decisiv per la durada da la pussaivladad da prender invista.⁵³⁸

2^{quater} Per ademplir las incumbensas tenor l'artitgel 365 alinea 2 literas n–q annunzia il post federal ch'è cumpetent per il register cuntinuadamain a la Gruppa da defensiun las suandantas datas registradas da nov en VOSTRA davart persunas obligadas da far la mustra, davart appartegnents da l'armada sco er davart persunas obligadas da far servetsch da protecziun civila.⁵³⁹

- a. tut las sentenzias penalas pervia d'in crim u pervia d'in delict;
- b. tut las mesiras da detenziun;
- c. tut las decisions davart il nunsuccess da persunas ch'èn obligadas da far la mustra e da schuldads.⁵⁴⁰

2^{quinquies} Annunziadas vegnan las personalias dals Svizzers ch'èn registrads tenor l'alinea 2^{quater} a partir dal 17avel onn da vegliadetgna. Sch'il Stab directiv da l'armada constatescha ch'ina persuna annunziata è obligada da far la mustra u appartegna a l'armada, annunzia il post ch'è responsabel per il register er las datas penalas.⁵⁴¹

2^{sexies} L'annunzia e la constataziun tenor l'alinea 2^{quinquies} pon vegnir fatgas sur l'interfatscha electronica tranter il Sistem d'infurmaziun dal personal da l'armada (PISA) ed il register.⁵⁴²

2^{septies} Sin dumonda en scrit po l'Uffizi federal da sport prender invista da las datas da persunas davart sentenzias penalas per examinar la reputaziun en vista a la concessiun u a la retratga d'ina renconuschientscha da cader da «Giuventetgna e sport».⁵⁴³

⁵³⁸ Integrà tras la cifra 1 1 da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

⁵³⁹ Versiun tenor la cifra 2 da l'aggiunta da la LF dals 18 da mars 2016, en vigur dapi il 1. da schan. 2018 (AS 2016 4277, 2017 2297; BBI 2014 6955).

⁵⁴⁰ Oriundamain: al. 2^{ter}. Integrà tras la cifra 1 da l'aggiunta da la LF dals 3 d'oct. 2008 davart ils systems d'infurmaziun da l'armada, (AS 2009 6617; BBI 2008 3213). Versiun tenor la cifra 2 da l'aggiunta da la LF dals 19 da mars 2010, en vigur dapi il 1. da schan. 2013 (AS 2010 6015, 2011 487; BBI 2009 5917).

⁵⁴¹ Integrà tras la cifra 2 da l'aggiunta da la LF dals 19 da mars 2010 (AS 2010 6015, 2011 487; BBI 2009 5917). Versiun tenor la cifra 1 1 da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

⁵⁴² Integrà tras la cifra 1 1 da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

⁵⁴³ Oriundamain: al. 2^{sexies}. Integrà tras ils art. 34 cifra 1 e 36 da la LF dals 17 da zer. 2011 per promover il sport, en vigur dapi il 1. d'oct. 2012 (AS 2012 3953; BBI 2009 8189).

³ Sch' il dumber da dumondas per infurmaziuns giustifitgescha quai, po il Cussegl federal – suenter avair tadlà l'Incumbensà federal per la protecziun da datas e per la trasparenza⁵⁴⁴ e fin che la basa legala va en vigur en ina lescha formala – extender ils dretgs da prender invista tenor l'alineia 2 sin ulteriuras autoritads giudizialas ed administrativas da la Confederaziun u dals chantuns.

⁴ Datas da personas davart proceduras penalas pendentas dastgan vegnir elavuradas mo tras las autoritads tenor l'alineia 2 literas a–e, i, j ed l–n.⁵⁴⁵
4bis ...⁵⁴⁶

^{4ter} Sin dumonda en scrit po l'Uffizi federal da sport prender invista da las datas da personas davart proceduras penalas pendentas per examinar la reputaziun en vista a la concessiun u a la sistida d'ina renconuschientscha da cader da «Giuventetgna e sport».⁵⁴⁷

⁵ Mintga chantun fixescha in post da coordinaziun per l'elavuraziun da las datas en il register.

⁶ Il Cussegl federal fixescha ils detagls, en spezial:

- a. la responsabladad per l'elavuraziun da las datas;
- b. las categorias da las datas registradas ed ils termins da tegnair en salv quellas;
- c. la collavuraziun cun las autoritads pertutgadas;
- d. las incumbensas dals posts da coordinaziun;
- e. il dretg da survegnir infurmaziuns ed ils ulteriurs dretgs da procedura per la protecziun da las personas pertutgadas;
- f. la segirezza da las datas;
- g. las autoritads che annunzian datas da personas en scrit, che inscrivan datas en il register, che consulteschan datas en il register u che pon vegnir infurmadas en singuls cas davart datas da personas;
- h. la transmissiun electronica da datas a l'Uffizi federal da statistica.

⁵⁴⁴ La designaziun da l'unitad administrativa è vegnida adattada applitgond l'art. 16 al. 3 da l'O dals 17 da nov. 2004 davart las publicaziuns uffizialas (AS **2004** 4937).

⁵⁴⁵ Versiun tenor la cifra I 6 da la LF dals 25 da sett. 2020 davart las mesiras polizialas per cumbatter cunter il terrorissem, en vigur dapi il 1. da schan. 2022 (AS **2021** 565, 672; BBI **2019** 4751).

⁵⁴⁶ Integrà tras la cifra II 1 da la LF dals 3 d'oct. 2008 (AS **2009** 1093; BBI **2008** 2707). Aboli tras la cifra II 1 da la LF dals 25 da sett. 2015, cun effect dapi il 1. da fan. 2016 (AS **2016** 1883; BBI **2014** 6741).

⁵⁴⁷ Integrà tras l'art. 34 cifra 1 da la LF dals 17 da zer. 2011 per promover il sport, en vigur dapi il 1. d'oct. 2012 (AS **2012** 3953; BBI **2009** 8189).

Art. 368

Communicaziun
da fatgs che ston
vegnir registrads

L'autorità federala cumpetenta po communitgar al stadi d'origin da la persuna sentenziada las inscripziuns en il register.

Art. 369

Eliminaziun
da l'inscripziun

¹ Sentenzias che cuntegnan in chasti da detenziun vegnan eliminadas d'uffizi, sch'i èn scadids – suenter la durada dal chasti ch'è vegnida fixada dal derschader – ils suandants termins:

- a. 20 onns en cas d'in chasti da detenziun d'almain 5 onns;
- b. 15 onns en cas d'in chasti da detenziun d'almain 1 onn e da maximalmain 5 onns;
- c. 10 onns en cas d'in chasti da detenziun sut 1 onn;
- d.⁵⁴⁸ 10 onns en cas d'ina detenziun tenor l'artitgel 25 DPG⁵⁴⁹.

² Ils termins tenor l'alinea 1 sa prolungheschan per la durada d'in chasti da detenziun già inscrit.

³ Sentenzias che cuntegnan in chasti da detenziun cundiziunà, ina detenziun cundiziunada, in chasti pecuniar, lavur d'utilità publica u ina multa sco chasti principal vegnan eliminadas d'uffizi suenter 10 onns.⁵⁵⁰

⁴ Sentenzias che cuntegnan ultra d'in chasti anc ina mesira staziunara u che cuntegnan sulettamain ina mesira staziunara vegnan eliminadas d'uffizi suenter:

- a. 15 onns en cas da mesiras tenor ils artitgels 59–61 e 64;
- b.⁵⁵¹ 10 onns en cas d'ina collocaziun serrada tenor l'artitgel 15 alinea 2 DPG;
- c.⁵⁵² 7 onns en cas d'ina collocaziun averta en ina instituziun u en cas da personas privatas tenor l'artitgel 15 alinea 1 DPG.

^{4bis} Sentenzias che cuntegnan sulettamain in tractament ambulat tenor l'artitgel 63 vegnan eliminadas d'uffizi suenter 10 onns. Sentenzias che cuntegnan in tractament ambulat tenor l'artitgel 14 DPG vegnan

⁵⁴⁸ Integrà tras l'art. 44 cifra 1 da la LF dals 20 da zer. 2003 davart il dretg penal per giuvenils, en vigur dapi il 1. da schan. 2007 (AS **2006** 3545; BBl **1999** 1979).

⁵⁴⁹ SR **311.1**

⁵⁵⁰ Versiun tenor la cifra 2 da l'aggiunta da la LF dals 19 da mars 2010, en vigur dapi il 1. da schan. 2013 (AS **2010** 6015, **2011** 487; BBl **2009** 5917).

⁵⁵¹ Versiun tenor la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS **2006** 3539; BBl **2005** 4689).

⁵⁵² Integrà tras la cifra 2 da l'aggiunta da la LF dals 19 da mars 2010, en vigur dapi il 1. da schan. 2013 (AS **2010** 6015, **2011** 487; BBl **2009** 5917).

eliminadas d'uffizi suenter 5 onns, sch'i n'è betg pussaivel da calcular il termin tenor ils alineas 1–4.⁵⁵³

^{4ter} Sentenzias che cuntegnan sulettamain ina mesira tenor ils artitgels 66 alineas 1, 67 alineas 1 u 67e da questa lescha u tenor ils artitgels 48, 50 alineas 1 u 50e LPM⁵⁵⁴ vegnan eliminadas d'uffizi suenter 10 onns.⁵⁵⁵

^{4quater} Sentenzias che cuntegnan sulettamain in scumond tenor l'artitgel 67 alineas 2–4 u tenor l'artitgel 67b da questa lescha u tenor l'artitgel 50 alineas 2–4 u tenor l'artitgel 50b LPM vegnan eliminadas d'uffizi suenter 10 onns.⁵⁵⁶

^{4quinquies} Sentenzias che cuntegnan sulettamain in scumond tenor l'artitgel 16a DPG vegnan eliminadas d'uffizi suenter 7 onns.⁵⁵⁷

⁵ Ils termin tenor l'alinea 4 sa prolungheschan per la durada d'in chasti restant.

^{5bis} Sentenzias che cuntegnan in'expulsiun restan inscrittas fin a la mort dal pertutgà. Sche questa persuna n'ha nagina dimora en Svizra, vegn la sentenza eliminada dal register penal il pli tard 100 onns suenter sia naschientscha. Sch'il pertutgà acquista il dretg da burgais svizzer, po el dumandar 8 onns suenter la natiralisaziun che la sentenza vegnia eliminada tenor ils termin dals alineas 1–5.⁵⁵⁸

⁶ Ils termin cumenzan a curren:

- a.⁵⁵⁹ en cas da sentenzias tenor ils alineas 1, 3, ^{4ter}, ^{4quater} e ^{4quinquies}: il di che la sentenza entra en vigur;
- b. en cas da sentenzias tenor ils alineas 4 e ^{4bis}: il di che la mesira vegn abolida u il di che la persuna pertutgada vegn relaschada definitivamain da la mesira.⁵⁶⁰

⁵⁵³ Integrà tras la cifra I da la LF dals 24 da mars 2006 (correcturas concernent las sancziuns ed il register penal) (AS **2006** 3539; BBl **2005** 4689). Versiun tenor la cifra 2 da l'aggiunta da la LF dals 19 da mars 2010, en vigur dapi il 1. da schan. 2013 (AS **2010** 6015, **2011** 487; BBl **2009** 5917).

⁵⁵⁴ SR **321.0**

⁵⁵⁵ Integrà tras la cifra I da la LF dals 24 da mars 2006 (correcturas concernent las sancziuns ed il register penal) (AS **2006** 3539; BBl **2005** 4689). Versiun tenor la cifra I 1 da la LF dals 13 da dec. 2013 davart il scumond d'actividad e davart il scumond da contact e d'areal, en vigur dapi il 1. da schan. 2015 (AS **2014** 2055; BBl **2012** 8819).

⁵⁵⁶ Integrà tras la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS **2018** 3803; BBl **2016** 6115).

⁵⁵⁷ Integrà tras la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS **2018** 3803; BBl **2016** 6115).

⁵⁵⁸ Integrà tras la cifra I 1 da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS **2016** 2329; BBl **2013** 5975).

⁵⁵⁹ Versiun tenor la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS **2018** 3803; BBl **2016** 6115).

⁵⁶⁰ Versiun tenor la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS **2006** 3539; BBl **2005** 4689).

⁷ Sunter l'eliminaziun na dastga l'inscripziun betg pli esser reconstruibla. La sentenza eliminada na dastga betg pli vegnir fatga valair cunter la persuna pertutgada.

⁸ Las datas dal register penal na dastgan betg vegnir archivadas.

Art. 369a⁵⁶¹

Eliminaziun da sentenzias cun in scumond d'activitad u cun in scumond da contact e d'areal

Sentenzias che cuntengnan in scumond tenor l'artitgel 67 alineas 2–4 u tenor l'artitgel 67b da questa lescha, tenor l'artitgel 50 alineas 2–4 u tenor l'artitgel 50b LPM⁵⁶² u tenor l'artitgel 16a DPG⁵⁶³ vegnan eliminadas d'uffizi 10 onns suenter la fin dal scumond.⁵⁶⁴ Sche l'artitgel 369 prevesa terminis pli lungs, èn quels decisivs.

Art. 370

Dretg da prender invista

¹ Mintga persuna ha il dretg da prender invista da l'inscripziun cumpletta che la pertutga.

² I na dastga betg vegnir surdada ina copia.

Art. 371

Extract privat⁵⁶⁵

¹ Mintga persuna po dumandar tar il register penal central svizzer in extract en scrit dal register penal che pertutga sia persuna. En quel cumparan sentenzias pervia da crims e pervia da delicts; sentenzias pervia da surpassaments cumparan mo en l'extract, sch'igl è vegni pronunzià in scumond d'activitad u in scumond da contact e d'areal tenor ils artitgels 67 u 67b da questa lescha u tenor ils artitgels 50 u 50b LPM⁵⁶⁶ u tenor l'artitgel 16a DPG^{567,568}

² Sentenzias concernent giuvenils cumparan en l'extract dal register penal mo, sche quels èn vegnids sentenziads sco persunas creschidas pervia d'ulteriurs malfatgs che ston vegnir inscrits en l'extract dal register penal.

⁵⁶¹ Integrà tras la cifra I 1 da la LF dals 13 da dec. 2013 davart il scumond d'activitad e davart il scumond da contact e d'areal, en vigur dapi il 1. da schan. 2015 (AS 2014 2055; BBl 2012 8819).

⁵⁶² SR 321.0

⁵⁶³ SR 311.1

⁵⁶⁴ Versiun tenor la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBl 2016 6115).

⁵⁶⁵ Versiun tenor la cifra I 1 da la LF dals 13 da dec. 2013 davart il scumond d'activitad e davart il scumond da contact e d'areal, en vigur dapi il 1. da schan. 2015 (AS 2014 2055; BBl 2012 8819).

⁵⁶⁶ SR 321.0

⁵⁶⁷ SR 311.1

⁵⁶⁸ Versiun tenor la cifra I 1 da la LF dals 13 da dec. 2013 davart il scumond d'activitad e davart il scumond da contact e d'areal, en vigur dapi il 1. da schan. 2015 (AS 2014 2055; BBl 2012 8819).

³ Ina sentenza che cuntegna in chasti na vegn betg pli inscritta en l'extract dal register penal, sche dus terzs dal temp ch'è decisiv per l'eliminaziun tenor l'artitgel 369 alineas 1–5 e 6 è scadids.⁵⁶⁹

^{3bis} Ina sentenza che cuntegna in chasti cundiziunà u in chasti parzialmain cundiziunà na cumpara betg pli en l'extract dal register penal, sche la persuna sentenziada è sa cumprovada fin ch'il temp d'emprova è scadi.⁵⁷⁰

⁴ Ina sentenza che cuntegna ultra d'in chasti anc ina mesira u che cuntegna sulettain ina mesira na vegn betg pli inscritta en l'extract dal register penal, sche la mesadad dal temp ch'è decisiv per l'eliminaziun tenor l'artitgel 369 alineas 1–5 e 6 è scadida.⁵⁷¹

^{4bis} Ina sentenza che cuntegna in'expulsiun cumpara uschè ditg en l'extract dal register penal sco quai che l'expulsiun è imponida al pertutgà. Sch'il termin tenor l'alinea 3 u 4 è pli lung, è quel decisiv per la durada che la sentenza cumpara en l'extract privat.⁵⁷²

⁵ Suenther ch'ils termin tenor ils alineas 3, 4 e ^{4bis} èn scadids, resta la sentenza en l'extract dal register penal, sche quel cuntegna anc ina sentenza, nua ch'il termin n'è anc betg scadi.⁵⁷³

Art. 371a⁵⁷⁴

Extract privat
spezial

¹ In extract privat spezial dal register penal che pertutga sia persuna po dumandar tgi che:

a. candidescha per:

1. in'activad professiunala u per in'activad extraprofessiunala organisada che cumpiglia in contact regular cun persunas minorennas u cun autras persunas cun in basegn da protecciun spezial, u

⁵⁶⁹Versiun tenor la cifra I I da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

⁵⁷⁰ Integrà tras la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS 2006 3539; BBI 2005 4689).

⁵⁷¹Versiun tenor la cifra I I da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

⁵⁷² Integrà tras la cifra I I da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

⁵⁷³Versiun tenor la cifra I I da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

⁵⁷⁴ Integrà tras la cifra I I da la LF dals 13 da dec. 2013 davart il scumond d'activad e davart il scumond da contact e d'areal, en vigur dapi il 1. da schan. 2015 (AS 2014 2055; BBI 2012 8819).

2. in'actividad professiunala u in'actividad extraprofessiunala organisada en il sectur da sanadad cun contact direct cun pazients; u

b. exequescha in'actividad tenor la litera a.⁵⁷⁵

² Ensemen cun la dumonda sto el preschentar ina conferma en scrit, en la quala la partida che pretenda quest extract privat spezial dad el, saja quai il patrun, l'organisaziun u l'autorità ch'è cumpetenta per permetter da pratitgar l'actividad, conferma che:⁵⁷⁶

a. il petent candideschia per l'actividad tenor l'alinea 1 respectiva-main pratitgeschia questa actividad; e

b. el stoppia preschentar l'extract privat spezial per pudair cumenzar u cuntinuar cun l'actividad.

³ En l'extract privat spezial figureschan:

a.⁵⁷⁷ sentenzias che cuntengnan in scumond d'actividad tenor l'artitgel 67 alineas 2–4 da questa lescha u tenor l'artitgel 50 alineas 2–4 LPM⁵⁷⁸;

b. sentenzias che cuntengnan in scumond da contact e d'areal tenor l'artitgel 67b da questa lescha u tenor l'artitgel 50b LPM, sche quest scumond è vegnì pronunzià per proteger persunas minorennas u autras persunas cun in basegn da protecziun spezial;

c. sentenzias cunter giuvenils che cuntengnan in scumond d'actividad tenor l'artitgel 16a alinea 1 DPG⁵⁷⁹ u in scumond da contact e d'areal tenor l'artitgel 16a alinea 2 DPG, sche quest scumond è vegnì pronunzià per proteger persunas minorennas u autras persunas cun in basegn da protecziun spezial.

⁴ Ina sentenza che cuntegna in scumond tenor l'alinea 3 figurescha en l'extract privat spezial, uschè ditg ch'il scumond ha effect.

⁵⁷⁵ Versiun tenor la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBI 2016 6115).

⁵⁷⁶ Versiun tenor la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBI 2016 6115).

⁵⁷⁷ Versiun tenor la cifra I 1 da la LF dals 16 da mars 2018 (realisaziun da l'art. 123c Cst.), en vigur dapi il 1. da schan. 2019 (AS 2018 3803; BBI 2016 6115).

⁵⁷⁸ SR 321.0

⁵⁷⁹ SR 311.1

**Settavel titel:
Execuziun da chastis e da mesiras, assistenza da
reabilitaziun, stabiliments ed instituziuns**

Art. 372

1. Obligaziun
d'exequir chastis
e mesiras

¹ Ils chantuns exequeschan las sentenzias ch'èn vegnidas pronunziadas da lur dretgiras penals sin basa da quest Cudesch penal. Els èn obligads d'exequir las sentenzias da las autoritads penals federalas, e survegnan indemnissads ils custs per quai.

² Las decisiuns penals decretadas d'autoritads da la polizia e d'autras autoritads cumpetentas sco er ils conclus da las autoritads d'accusaziun han il medem status sco las sentenzias.

³ Ils chantuns garanteschan che las sancziuns penals vegnan exequidas en moda unitara.⁵⁸⁰

Art. 373

2. Chastis
pecuniars,
multas, custs e
confiscaziuns.
Execuziun

Las decisiuns legalmain valaivlas ch'èn vegnidas prendidas da la Confederaziun u dals chantuns sin basa dal dretg penal e che concernan chastis pecuniars, multas, custs e confiscaziuns èn exequiblas en l'entira Svizra.

Art. 374

Dretg da
disponer

¹ Ils chantuns disponan dals chastis pecuniars, da las multas e da las confiscaziuns ch'èn vegnids pronunziads sin basa da quest cudesch penal.

² En ils cas giuditgads da la Chombra penala u da la Chombra d'appellaziun dal Tribunal penal federal dispona la Confederaziun en chausa.⁵⁸¹

³ L'utilisaziun a favur da la persuna donnegiada tenor l'artitgel 73 resta resalvada.

⁴ Resalvadas èn las disposiziuns da la Lescha federala dals 19 da mars 2004⁵⁸² davart la partiziun da valurs da facultad confiscadas.⁵⁸³

⁵⁸⁰ Integrà tras la cifra II 2 da la LF dals 6 d'oct. 2006 davart la reforma da la gulivaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schan. 2008 (AS 2007 5779; BBI 2005 6029).

⁵⁸¹ Versiun tenor la cifra II 2 da la LF dals 17 da mars 2017 (installaziun d'ina Chombra d'appellaziun al TAF), en vigur dapi il 1. da schan. 2019 (AS 2017 5769; BBI 2013 7109, 2016 6199).

⁵⁸² SR 312.4

⁵⁸³ Integrà tras la cifra 1 da l'aggiunta da la LF dals 19 da mars 2004 davart la partiziun da valurs da facultad confiscadas, en vigur dapi il 1. d'avust 2004 (AS 2004 3503; BBI 2002 441).

3. Lavur d'utilità publica

Art. 375

¹ Ils chantuns èn cumpetents per l'execuziun da la lavur d'utilità publica.

² L'autorità cumpetenta fixescha il gener e la furma da la lavur d'utilità publica che sto vegnir prestada.

³ Il temp maximal da lavur fixà da la lescha dastga vegnir surpassà cun prestar lavur d'utilità publica. Las prescripziuns davart la segirezza a la piazza da lavur e davart la protecziun da la sanadad restan applitgables.

4. Assistenza da rehabilitaziun

Art. 376

¹ Ils chantuns installeschan l'assistenza da rehabilitaziun. Els pon delegar questa incumbensa ad uniuns privatas.

² L'assistenza da rehabilitaziun è per regla chausa dal chantun, nua che la persuna assistida ha ses domicil.

5. Stabiliments ed instituziuns. Obligaziun d'als installar e d'als manar

Art. 377

¹ Ils chantuns installeschan e mainan stabiliments e partiziuns da stabiliments per praschuniers en l'execuziun averta e serrada sco er per praschuniers en mesa-praschunia e per tals che lavuran en l'externat.

² Els pon ultra da quai manar partiziuns per gruppas da praschuniers spezialas, en spezial per:

- a. dunnas;
- b. praschuniers da tschertas gruppas da vegliadetgna;
- c. praschuniers cun chastis fitg lungs u fitg curts;
- d. praschuniers che ston vegnir assistids u tractads en moda intensiva u che survegnan ina scolaziun u ina furmaziun supplementara.

³ Els installeschan e mainan instituziuns che quest Cudesch penal prevesa per l'execuziun da mesiras.

⁴ Els procuran ch'ils reglaments e ch'il manaschi dals stabiliments e da las instituziuns correspundian a quest Cudesch penal.

⁵ Els promovon la scolaziun e la furmaziun supplementara dal personal.

Collavuraziun tranter ils chantuns

Art. 378

¹ Ils chantuns pon far convegnas davart l'installaziun cuminaivla e davart il manaschi cuminaivel da stabiliments e d'instituziuns ubain sa segirar il dretg da duvrar cuminaivlamain stabiliments ed instituziuns d'auters chantuns.

² Ils chantuns infurmeschan in l'auter davart las particularitads da lur stabiliments e da lur instituziuns, en spezial davart las purschidas d'assistenza, da tractament e da lavur; els collavuran tar la repartiziun dals praschuniers.

Art. 379

Admissiun da stabiliments privats

¹ Ils chantuns pon conceder a stabiliments ed ad instituziuns privatas la permissiun d'exequir chastis en furma da la mesa-praschunia e da la lavur en l'externat sco er mesiras tenor ils artitgels 59–61 e 63.

² Ils stabiliments e las instituziuns privatas suttastattan a la surveglianza dals chantuns.

Art. 380

Custs

¹ Ils chantuns surpiglian ils custs per l'execuziun da chastis e da mesiras.

² Il sentenzià sto sa participar en moda adequata als custs da l'execuziun:

- a. tras la scuntrada da sia prestaziun da lavur en l'execuziun da chastis u da mesiras;
- b. a norma da sias entradas e da sia facultad, sch'el refusa ina lavur ch'è vegnida attribuida ad el, malgrà che quella lavur ademplescha las prescripziuns dals artitgels 81 u 90 alinea 3; u
- c.⁵⁸⁴ tras ina deducziun d'ina part da las entradas ch'el survegn sin basa da sia activitad en il rom da la mesa-praschunia, da l'execuziun tras la surveglianza electronica, da la lavur en l'externat u da l'alloschi e da la lavur en l'externat.

³ Ils chantuns decreteschan prescripziuns pli detagliadas davart la participaziun dal sentenzià als custs.

Settavel titel a:⁵⁸⁵

Responsabladad en cas da l'annullaziun da l'internament per vita duranta

Art. 380a

¹ Sch'ina persuna ch'è internada per vita duranta vegn relaschada cundiziunadamain u sche ses internament vegn annullà e sche questa persuna commetta da nov in crim tenor l'artitgel 64 alinea 1^{bis}, è l'instituziun publica cumpetenta responsabla per il donn chaschunà.

⁵⁸⁴ Versiun tenor la cifra I 1 da la LF dals 19 da zer. 2015 (midadas dal dretg da sancziuns), en vigor dapi il 1. da schan. 2018 (AS 2016 1249; BBI 2012 4721).

⁵⁸⁵ Integrà tras la cifra I da la LF dals 21 da dec. 2007 (internament da delinquents fitg privlus per vita duranta), en vigor dapi il 1. d'avust 2008 (AS 2008 2961; BBI 2006 889).

² Per prender regress sin il delinquent e per la surannaziun dal dretg da survegnir ina indemnizaziun dal donn u ina satisfacziun valan las disposiziuns dal DO⁵⁸⁶ davart ils acts illegals.

³ Per prender regress sin commembers da l'autorità ordinanta è decisiv il dretg chantunal respectivamain la lescha da responsabladad dals 14 da mars 1958⁵⁸⁷.

Otgavel titel: Grazia, amnestia, revisiun da la procedura

Art. 381

1. Grazia.
Cumpetenzza

Il dretg da far grazia concernent sentenzias ch'èn vegnidas pronunziadas sin basa da quest Cudesch penal u d'ina autra lescha federala, vegn exequi:

- a.⁵⁸⁸ da l'Assamblea federala en ils cas, nua ch'ina sentenza è vegnida pronunziada da la Chombra penala u da la Chombra d'appellaziun dal Tribunal penal federal u d'ina autorità administrativa da la Confederaziun;
- b. da l'autorità da grazia dal chantun en ils cas, nua ch'ina sentenza è vegnida pronunziada d'ina autorità chantunala.

Art. 382

Dumonda
da grazia

¹ La dumonda da grazia po vegnir fatga dal sentenzià, da ses represchentant legal e, cun il consentiment dal sentenzià, da ses defensor, da ses conjugal, da ses partenari registrà.⁵⁸⁹

² En cas da crims e da delicts politics ed en cas da malfatgs che stattan en connex cun in crim u cun in delict politic è ultra da quai er il Cussegl federal u la regenza chantunala cumpetent d'introducìr la procedura da grazia.

³ L'autorità da grazia po fixar ch'ina dumonda da grazia refusada na possa betg vegnir repetida avant la scadenza d'in tshert temp.

Art. 383

Effects

¹ Cun far grazia pon tut ils chastis ch'èn vegnids pronunziads sin basa d'ina sentenza legala vegnir relaschads per part u dal tuttatafatg ubain midads en chastis pli lev.

⁵⁸⁶ SR 220

⁵⁸⁷ SR 170.32

⁵⁸⁸ Versiun tenor la cifra II 2 da la LF dals 17 da mars 2017 (installaziun d'ina Chombra d'appellaziun al TAF), en vigur dapi il 1. da schan. 2019 (AS 2017 5769; BBl 2013 7109, 2016 6199).

⁵⁸⁹ Versiun tenor la cifra 18 da l'aggiunta da la L da partenadi dals 18 da zer. 2004, en vigur dapi il 1. da schan. 2007 (AS 2005 5685; BBl 2003 1288).

² Il decret da grazia fixescha la dimensiun da la grazia.

Art. 384

2. Amnestia

¹ L'Assamblea federala po conceder in'amnestia per chaussas penalas, per las qualas vegn applitgà quest Cudesch penal u in'atra lescha federala.

² Tras l'amnestia vegn esclusa la persecuziun penala da tscherts malfatgs u da tschertas categorias da delinquents ed i vegn pronunzià il relasch dals chastis correspundents.

Art. 385

3. Revisiun da la procedura

Ils chantuns ston prevar la pussaivladad d'ina revisiun da la procedura a favur dal sentenzià cunter sentenzias ch'èn vegnidas pronunziadas sin basa da quest Cudesch penal u d'ina atra lescha federala, uschenavant ch'i sa preschentan fatgs u meds da cumprova relevants che n'èn betg stads enconuschents al derschader il mument da l'emprima procedura.

Novavel titel:

Mesiras da prevenziun, disposiziuns complementarar e disposiziuns transitoricas generalas

Art. 386⁵⁹⁰

1. Mesiras da prevenziun

¹ La Confederaziun po prender mesiras da scleriment, mesiras d'educaziun ed ulteriuras mesiras che han l'intent d'evitar malfatgs e da prevegnir a la criminalitad.

² Ella po sustegnair projects che han la finamira menziunada sut l'alinea 1.

³ Ella po sa participar ad organisaziuns che realiseschan mesiras en il senn da l'alinea 1 u crear e sustegnair talas organisaziuns.

⁴ Il Cussegl federal regla il cuntegn, las finamiras ed il gener da las mesiras da prevenziun.

Art. 387

2. Disposiziuns complementarar dal Cussegl federal

¹ Il Cussegl federal è autorisà – sunter avair tadlà ils chantuns – da decretar disposiziuns concernent:

- a. l'execuziun da chastis totals, da chastis supplementars e da plirs chastis singuls e da mesiras che ston vegnir exequids a medem temp;

⁵⁹⁰ En vigur dapi il 1. da schan. 2006 tenor l'ordinaziun dals 2 da dec. 2005 (AS 2005 5723).

- b. la surpigliada da l'execuziun da chastis e da mesiras tras in auter chantun;
- c. l'expiazium da chastis e da mesiras tras personas malsaunas, mendusas ed attempadas;
- d. l'expiazium da chastis e da mesiras tras dunnas tenor l'artitgel 80;
- e. l'indemnisaziun da lavur dal praschunier tenor l'artitgel 83;

^{1bis} Il Cussegl federal decretescha las disposiziuns ch'èn necessarias per installar la Cumissiun federala spezialisada per il giudicament da las pussaivladads da delinquents internads per vita duranta, en spezial davart la tscherna dals commembers da la cumissiun, davart lur indemnisaziun, davart la procedura e davart l'organisaziun da la cumissiun (art. 64c al. 1).⁵⁹¹

² Sin dumonda da l'autorità chantunala cumpetenta po il Cussegl federal decretar disposiziuns spezialas davart la separaziun da las instituziuns dal chantun Tessin.

³ Il Cussegl federal po prevair che datas ch'èn vegnidas allontanadas dal register penal possian vegnir tegnidas vinavant en salv per la perscrutaziun; en quest connex sto vegnir garantida la protecziun da la personalitad e ston vegnir observads ils princips da la protecziun da datas.

⁴ Per in temp d'emprova e per in temp limità po il Cussegl federal:

- a. introducir u permetter novs chastis e novas mesiras sco er novas furmas d'execuziun e midar il champ d'applicaziun da sancziuns e da furmas d'execuziun existentas;
- b. introducir u permettere che l'execuziun da chastis da detenziun vegnia surdada ad instituziuns privatas che adempleschan las pretensiuns da quest Cudesch penal concernent l'execuziun dals chastis (art. 74–85, 91 e 92). Questas instituziuns suttastattan a la surveglianza dals chantuns.

⁵ Las disposiziuns executivas chantunalas per metter a l'emprova novas sancziuns e novas furmas d'execuziun e davart l'execuziun privata da chastis (al. 4) ston vegnir approvadas da la Confederaziun per esser valaivlas.

Art. 388

¹ Sentenzias ch'èn vegnidas pronunziadas applitgond il dretg vertent, vegnan exequidas tenor il dretg vertent. Resalvadas èn las excepziuns tenor ils alineas 2 e 3.

3. Disposiziuns
transitoricas
generalas.
Execuziun
da sentenzias
anteriuras

⁵⁹¹ Integrà tras la cifra I da la LF dals 21 da dec. 2007 (internament da delinquents privlus per vita duranta), en vigur dapi il 1. d'avust 2008 (AS 2008 2961; BBI 2006 889).

² Sch'il dretg nov na smanatscha betg cun in chasti il malfatg, per il qual è vegnida pronunziada ina sentenza, na vegn betg pli exequì il chasti pronunzià u la mesira pronunziada.

³ Las disposiziuns dal dretg nov davart il reschim d'execuziun da chastis e da mesiras sco er davart ils dretgs e davart las obligaziuns dal praschunier èn applitgablhas er per delinquents ch'èn vegnids sentenziads tenor il dretg vertent.

Art. 389

Surannaziun

¹ Sche la lescha na dispona betg autramain, èn las disposiziuns dal dretg nov davart la surannaziun da la persecuziun e da l'execuziun, en cas ch'ellas èn pli levas che quellas dal dretg vertent, applitgablhas er per delinquents che han commess in malfatg u ch'èn vegnids sentenziads avant l'entrada en vigur da quest Cudesch penal.

² La perioda ch'è scrudada avant l'entrada en vigur dal dretg nov vegn messa a quint.

Art. 390

Delicts che vegnan persequitads sin plant

¹ En cas da malfatgs che vegnan chastiams mo sin plant, vegn il temp, entaifer il qual il plant sto vegnir purtà, calculà tenor la lescha ch'è en vigur il mument, ch'il malfatg è vegnì commess.

² Sch'il dretg nov pretenda in plant penal per in malfatg ch'è vegnì persequità d'uffizi tenor il dretg vertent, cumenza il termin per purtar quest plant cun l'entrada en vigur dal dretg nov. Sche la persecuziun è gia stada instradada, vegn ella cuntinuada mo sin plant.

³ Sch'il dretg nov pretenda ch'in malfatg ch'è stà chastiabel tenor il dretg vertent mo sin plant, vegnia persequità d'uffizi, vegn il malfatg ch'è vegnì commess avant l'entrada en vigur dal dretg nov chastia mo sin plant.

Art. 391

4. Disposiziuns introductivas chantunals

Ils chantuns communitgeschan a la Confederaziun las disposiziuns introductivas necessarias per il Cudesch penal svizzer.

Art. 392

5. Entrada en vigur da quest Cudesch penal

Quest Cudesch penal entra en vigur il 1. da schaner 1942.

Disposiziuns finalas da la midada dals 18 da mars 1971⁵⁹²

Disposiziuns finalas da la midada dals 13 da december 2002⁵⁹³

1. Execuziun da chastis

¹ L'artitgel 46 è applitgabel per la revocaziun da l'execuziun cundiziunada ch'è vegnida ordinada tenor il dretg vertent. Empè d'in chastis da detenziun po il derschader ordinar in chastis pecuniar (art. 34–36) u lavur d'utilitad publica (art. 37–39).

² Ils chastis accessorics ch'èn vegnids pronunziads tenor il dretg vertent, numnadamain l'inabilitad d'uffizi (art. 51 vegl⁵⁹⁴), la retratga da la tgira genituriala e da l'avugadia (art. 53 vegl⁵⁹⁵), l'exiliaziun sin basa d'ina sentenza penala (art. 55 vegl⁵⁹⁶) ed il scumond d'ustaria (art. 56 vegl⁵⁹⁷) ston vegnir abolids cun l'entrada en vigur dal dretg nov.

³ Las disposiziuns dal dretg nov davart l'execuziun da chastis da detenziun (art. 74–85, 91 e 92) sco er davart l'assistenza da rehabilitaziun, davart las directivas e davart l'assistenza sociala facultativa (art. 93–96) èn applitgablas er per ils delinquents ch'èn vegnids sentenziads tenor il dretg vertent.

2.⁵⁹⁸ Ordinaziun ed execuziun da mesiras

¹ Las disposiziuns dal dretg nov davart las mesiras (art. 56–65) e davart l'execuziun da mesiras (art. 90) pon er vegnir applitgadas per ils delinquents che han commess in malfatg u ch'èn vegnids sentenziads avant l'entrada en vigur da questas disposiziuns. I vala dentant:

- a. L'ordinaziun posteriura da l'internament tenor l'artitgel 65 alinea 2 è mo admissibla, sche l'internament fiss er stà pussaivel sin basa da l'artitgel 42 u 43 cifra 1 alinea 2 dal dretg vertent.
- b. La collocaziun da persunas giuvnas creschidas en ina chasa d'educaziun da lavur (art. 100^{bis} en la versiun dals 18 da mars 1971⁵⁹⁹) ed ina mesira per persunas giuvnas creschidas (art. 61) na dastgan betg durar pli ditg che 4 onns.

⁵⁹² LF dals 18 da mars 1971, cun effect dapi il 1. da fan. 1971 (AS 1971 777; BBI 1965 I 561) e per ils art. 49 cifra 4 al. 2, 82–99, 370, 372, 373, 379 cifra 1 al. 2, 385 e 391 cun effect dapi il 1. da schan. 1974 (AS 1973 1840). Aboli tras la cifra IV da la LF dals 13 da dec. 2002, cun effect dapi il 1. da schan. 2007 (AS 2006 3459; BBI 1999 1979).

⁵⁹³ AS 2006 3459; BBI 1999 1979.

⁵⁹⁴ AS 1971 777

⁵⁹⁵ BS 3 203

⁵⁹⁶ AS 1951 1

⁵⁹⁷ BS 3 203

⁵⁹⁸ Versiun tenor la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS 2006 3539; BBI 2005 4689).

⁵⁹⁹ AS 1971 777

² Fin il pli tard 12 mais sunter l'entrada en vigur dal dretg nov examinescha il derschader, sche las premissas per ina mesira terapeutica (art. 59–61 u 63) èn ademplantadas per persunas ch'èn vegnidas internadas tenor ils artitgels 42 u 43 cifra 1 alinea 2 dal dretg vertent. Sche quai è il cas, ordinescha il derschader las mesiras correspondentas; cas cuntrari vegn l'internament cuntinuà tenor il dretg nov.

3. Register penal

¹ Las disposiziuns dal dretg nov davart il register penal (art. 365–371) èn er applitgabelas per sentenzias ch'èn vegnidas pronunziadas sin basa dal dretg vertent.

² Fin il pli tard 6 mais sunter l'entrada en vigur dal dretg nov allontanescha l'autoritàd cumpetenta d'uffizi las registraziuns che concernan:

- a. mesiras d'educaziun (art. 91 en la versiun dals 18 da mars 1971⁶⁰⁰), cun excepziun da quellas ch'èn vegnidas ordinadas sin basa da l'artitgel 91 cifra 2 en la versiun dals 18 da mars 1971;
- b. tractaments spezial (art. 92 en la versiun dals 18 da mars 1971);
- c. l'obligaziun da prestar ina tscherta lavur (art. 95 en la versiun dals 18 da mars 1971).⁶⁰¹

³ Registraziuns ch'èn vegnidas extinguidas tenor il dretg vertent na cumparan betg pli en l'extract dal register penal per persunas privatas.⁶⁰²

4. Instituziuns per l'execuziun da mesiras

Ils chantuns installeschan fin il pli tard 10 onns sunter l'entrada en vigur da questas midadas instituziuns per l'execuziun da mesiras tenor ils artitgels 59 alinea 3 e 64 alinea 3.

Disposiziun transitorica da la midada dals 12 da december 2014⁶⁰³

L'artitgel 305^{bis} n'è betg applitgabel per delicts fiscals qualifitgads en il senn da l'artitgel 305^{bis} cifra 1^{bis} ch'èn vegnids commess avant l'entrada en vigur da la midada dals 12 da december 2014.

Disposiziun transitorica da la midada dals 26 da settember 2014⁶⁰⁴

Il dretg d'infurmaziun tenor l'artitgel 92a è applitgabel er per l'execuziun ch'è vegnida ordinada tenor il dretg vertent.

⁶⁰⁰ AS 1971 777

⁶⁰¹ Versiun tenor la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS 2006 3539; BBl 2005 4689).

⁶⁰² Integrà tras la cifra I da la LF dals 24 da mars 2006 (correcturas concernent las sancziuns ed il register penal), en vigur dapi il 1. da schan. 2007 (AS 2006 3539; BBl 2005 4689).

⁶⁰³ AS 2015 1389; BBl 2014 605

⁶⁰⁴ AS 2015 1623; BBl 2014 889 913

Disposiziun transitorica da la midada dals 19 da zercladur 2015⁶⁰⁵

Sch'il delinquent è vegnì sentenzià entaifer ils ultims 5 onns avant il malfatg tenor il dretg vertent ad in chasti pecuniar da passa 180 taxas per di, è la suspensium da l'execuziun d'in chasti (art. 42 al. 1) mo admissibla, sch'i èn avant maun motivs spezialmain favuraivels.

⁶⁰⁵ AS 2016 1249; BBl 2012 4721

Cuntegn

Emprim cudesch: Disposiziuns generalas

Emprima part: Crims e delicts

Emprim titel: Champ d'applicaziun

- | | |
|---|--------|
| 1. Nagina sancziun senza lescha | Art. 1 |
| 2. Valur temporal da la lescha | Art. 2 |
| 3. Valur da la lescha concernent il lieu. | |
| Crims u delicts commess en Svizra | Art. 3 |
| Crims u delicts commess a l'exteriur cunter il stadi | Art. 4 |
| Malfatgs cunter persunas minorennas a l'exteriur | Art. 5 |
| Malfatgs commess a l'exteriur che vegnan persecutads tenor obligaziuns che sa basan sin in contract internaziunal | Art. 6 |
| Auters malfatgs commess a l'exteriur | Art. 7 |
| Lieu, nua ch'il malfatg è vegnì commess | Art. 8 |
| 4. Valur da la lescha concernent la persuna | Art. 9 |

Segund titel: Chastiabladad

- | | |
|---|---------|
| 1. Crims e delicts. | |
| Noziun | Art. 10 |
| Commetter cun tralasar | Art. 11 |
| 2. Intenziun e negligentscha. | |
| Noziuns | Art. 12 |
| Errur concernent ils fatgs | Art. 13 |
| 3. Acts legitims e culpa. | |
| Act permess da la lescha | Art. 14 |
| Defensiun legitima giustifitgada | Art. 15 |
| Defensiun legitima perstgisabla | Art. 16 |
| Stadi d'urgenza giustifitgant | Art. 17 |
| Stadi d'urgenza perstgisabel | Art. 18 |
| Irresponsabladad e responsabladad penala reducida | Art. 19 |
| Responsabladad penala dubiusa | Art. 20 |
| Errur davart l'illegalitad | Art. 21 |
| 4. Tentativa. | |
| Chastiabladad da la tentativa | Art. 22 |
| Renunzia e ricla activa | Art. 23 |
| 5. Participaziun. | |
| Instigaziun | Art. 24 |
| Cumplicitad | Art. 25 |

Participaziun ad in delict spezial	Art. 26
Relaziuns personalas	Art. 27
6. Chastiabladad da las medias	Art. 28
Protecziun da la funtauna	Art. 28a
7. Relaziuns da substituziun	Art. 29
8. Plant penal.	
Dretg da purtar plant	Art. 30
Termin	Art. 31
Indivisibladad	Art. 32
Retratga dal plant	Art. 33

Terz titel: Chastis e mesiras

Emprim chapitel: Chastis

Emprima secziun: Chasti pecuniar e chasti da detenziun

1. Chasti pecuniar.	
Fixaziun	Art. 34
Execuziun	Art. 35
Chasti da detenziun subsidiar	Art. 36
2. <i>Aboli</i>	Art. 37–39
3. Chasti da detenziun.	
Durada	Art. 40
Chasti da detenziun empè d'in chasti pecuniar	Art. 41

Segunda secziun: Chastis cundiziunads e parzialmain cundiziunads

1. Chastis cundiziunads	Art. 42
2. Chasti da detenziun parzialmain cundiziunà	Art. 43
3. Disposiziuns cuminaivlas.	
Temp d'emprova	Art. 44
Success dal temp d'emprova	Art. 45
Nunsuccess dal temp d'emprova	Art. 46

Terza secziun: Fixaziun dal chasti

1. Princip	Art. 47
2. Diminuziun dal chasti.	
Motivs	Art. 48
Effects	Art. 48a
3. Concurrenza	Art. 49
4. Obligaziun da motivaziun	Art. 50
5. Imputaziun da l'arrest d'inquisiziun	Art. 51

**Quarta secziun:
Liberaziun dal chasti sco er suspensiun e sistida da la
procedura**

- | | |
|--|----------|
| 1. Motivs per la liberaziun dal chasti. | |
| Mancanza da l'interess da chastiar | Art. 52 |
| Reparaziun | Art. 53 |
| Consternaziun dal delinquent tras ses delict | Art. 54 |
| 2. Disposiziuns cuminaivlas | Art. 55 |
| 3. Suspensiun e sistida da la procedura. Conjugal, partenari
registrà u partenari da vita sco victima | Art. 55a |

Segund chapitel: Mesiras

**Emprima secziun:
Mesiras terapeuticas ed internament**

- | | |
|--|----------|
| 1. Principis | Art. 56 |
| Coincidenza da pliras mesiras | Art. 56a |
| Relaziun tranter mesiras e chastis | Art. 57 |
| Execuziun | Art. 58 |
| 2. Mesiras terapeuticas staziunaras. | |
| Tractament da disturbis psichics | Art. 59 |
| Tractament da dependenzas | Art. 60 |
| Mesiras per personas giuvnas creschidas | Art. 61 |
| Relaschada cundiziunada | Art. 62 |
| Nunsuccess dal temp d'emproma | Art. 62a |
| Relaschada definitiva | Art. 62b |
| Aboliziun da la mesira | Art. 62c |
| Examinaziun da la relaschada e da l'aboliziun | Art. 62d |
| 3. Tractament ambulant. | |
| Premissas ed execuziun | Art. 63 |
| Aboliziun da la mesira | Art. 63a |
| Execuziun dal chasti da detenziun suspendi | Art. 63b |
| 4. Internament. | |
| Premissas ed execuziun | Art. 64 |
| Aboliziun e relaschada | Art. 64a |
| Examinaziun da la relaschada | Art. 64b |
| Examinaziun da la relaschada or da l'internament per vita
duranta e relaschada cundiziunada | Art. 64c |
| 5. Midada da la sancziun | Art. 65 |

Segunda secziun: Autras mesiras

- | | |
|---|-------------------------|
| 1. Cauziun preventiva | Art. 66 |
| 1a. Expulsiun | |
| a. Expulsiun obligatorica | Art. 66a |
| b. Expulsiun betg obligatorica | Art. 66a ^{bis} |
| c. Disposiziuns cuminaivlas. Cas da repetiziun | Art. 66b |
| d. Mument da l'execuziun | Art. 66c |
| e. Suspensiun da l'execuziun da l'expulsiun obligatorica | Art. 66d |
| 2. Scumond d'activitad, scumond da contact e d'areal | |
| a. Scumond d'activitad, premissas | Art. 67 |
| Cuntegn ed extensiun | Art. 67a |
| b. Scumond da contact e d'areal | Art. 67b |
| c. Disposiziuns cuminaivlas. Execuziun dals scumonds | Art. 67c |
| Midada d'in scumond u ordinaziun posteriura d'in scumond | Art. 67d |
| 3. Scumond da manischar | Art. 67e |
| <i>Senza object</i> | Art. 67f |
| 4. Publicaziun da la sentenza | Art. 68 |
| 5. Confiscaziun. | |
| a. Confiscaziun d'objects privlus | Art. 69 |
| b. Confiscaziun da valurs da facultad. | |
| Principis | Art. 70 |
| Pretensiuns d'indemisaziun | Art. 71 |
| Confiscaziun da valurs da facultad d'ina organizaziun
criminala u terroristica | Art. 72 |
| 6. Utilisaziun a favur dal donnegià | Art. 73 |

Quart titel: Execuziun da chastis e da mesiras da detenziun

- | | |
|---------------------------------------|----------|
| 1. Principis d'execuziun | Art. 74 |
| 2. Execuziun da chastis da detenziun. | |
| Principis | Art. 75 |
| Mesiras da segirezza spezialas | Art. 75a |
| Lieu d'execuziun | Art. 76 |
| Execuziun normala | Art. 77 |
| Lavur ed alloschi en l'externat | Art. 77a |
| Mesa-praschunia | Art. 77b |
| Arrest isolà | Art. 78 |
| <i>Aboli</i> | Art. 79 |
| Lavur d'utilitad publica | Art. 79a |

Surveglianza electronica	Art. 79b
Furmas d'execuziun divergentas	Art. 80
Lavur	Art. 81
Scolaziun e furmaziun supplementara	Art. 82
Salari	Art. 83
Relaziuns cun il mund exteriur	Art. 84
Controllas e perquisiziuns	Art. 85
Relaschada cundiziunada.	
a. Concessiun	Art. 86
b. Temp d'emprova	Art. 87
c. Success dal temp d'emprova	Art. 88
d. Nunsuccess dal temp d'emprova	Art. 89
3. Execuziun da mesiras	Art. 90
4. Disposiziuns cuminaivlas.	
Dretg disciplinar	Art. 91
Interrupziun da l'execuziun	Art. 92
Dretg d'infurmaziun	Art. 92a

Tschintgavel titel: Assistenza da reabilitaziun, directivas ed assistenza sociala voluntara

Assistenza da reabilitaziun	Art. 93
Directivas	Art. 94
Disposiziuns cuminaivlas	Art. 95
Assistenza sociala	Art. 96

Sisavel titel: Surannaziun

1. Surannaziun da la persecuziun penala.	
Termins	Art. 97
Cumenzament	Art. 98
2. Surannaziun dal chasti.	
Termins	Art. 99
Cumenzament	Art. 100
3. Nunsurannaziun	Art. 101

Settavel titel: Responsabladad da l'interpresa

Chastiabladad	Art. 102
<i>Aboli</i>	Art. 102a

Segunda part: Surpassaments

Noziun	Art. 103
Applitgabladad da las disposiziuns da l'emprima part	Art. 104

Nagina applitgablada u applitgablada cundiziunada	Art. 105
Multa	Art. 106
<i>Aboli</i>	Art. 107
	Art. 108
Surannaziun	Art. 109

Terza part: Noziuns

Art. 110

Segund cudesch: Disposiziuns spezialas

Emprim titel: Acts chastiabels cunter il corp e cunter la vita

1. Mazzament.	
Mazzament intenziunà	Art. 111
Assassinat	Art. 112
Mazzament en affect	Art. 113
Mazzament sin giavisch da la victima	Art. 114
Instigaziun ed agid al suicidi	Art. 115
Infanticidi	Art. 116
Mazzament tras negligentscha	Art. 117
2. Interrupziun da la gravidanza.	
Interrupziun chastiabla da la gravidanza	Art. 118
Interrupziun nunchastiabla da la gravidanza	Art. 119
Surpassaments commess da medis	Art. 120
<i>Aboli</i>	Art. 121
3. Blessura corporala.	
Blessura corporala greva	Art. 122
Blessura corporala leva	Art. 123
Mutilaziun da genitalias femininas	Art. 124
Blessura corporala per negligentscha	Art. 125
Metter maun vi d'ina persuna	Art. 126
4. Periclitaziun da la vita e da la sanadad.	
Metter a l'abandun	Art. 127
Omissiun da l'agid d'urgenza	Art. 128
Fauss alarm	Art. 128 ^{bis}
Periclitaziun da la vita	Art. 129
<i>Aboli</i>	Art. 130–132
Baruffa	Art. 133
Agressiun	Art. 134

Represchentaziun d'acts da violenza	Art. 135
Dar ad uffants substanzas nuschaivlas per la sanadad	Art. 136

Segund titel: Acts chastiabels cunter la facultad

1. Malfatgs cunter la facultad.	
Appropriaziun illegitima	Art. 137
Defraudaziun	Art. 138
Enguladitsch	Art. 139
Rapina	Art. 140
Privaziun d'ina chaussa	Art. 141
Utilisaziun illegala da valurs da facultad	Art. 141 ^{bis}
Retratga illegala d'energia	Art. 142
Procuraziun illegala da datas	Art. 143
Access illegal ad in sistem d'elavuraziun da datas	Art. 143 ^{bis}
Donn material	Art. 144
Donnegiamet da datas	Art. 144 ^{bis}
Defraudaziun e privaziun da chaussas dadas en pegn e d'objects da retenziun	Art. 145
Engion	Art. 146
Diever abusiv d'in indriz d'elavuraziun da datas	Art. 147
Diever abusiv da cartas da schechs e da cartas da credit	Art. 148
Retratga illegala da prestaziuns d'ina assicuranza sociala u da l'agid social	Art. 148a
Fraud d'ustaria	Art. 149
Cuntanscher cun rampigns ina prestaziun	Art. 150
Fabritgar e metter en circulaziun materialias per decodar nunaautorisadamain purschidas codadas	Art. 150 ^{bis}
Donn da facultad chaschunà en moda maligna	Art. 151
Indicaziuns nunvairas concernent interpresas commercialas	Art. 152
Indicaziuns nunvairas vers autoritads dal register da commerzi	Art. 153
Chastiabladad dals commembers dal cussegl d'administraziun e da la direcziun da societads cun accias quotadas ad ina bursa	Art. 154
Falsificaziun da rauba	Art. 155
Extorsion	Art. 156
Usura	Art. 157
Administraziun malfidaivla	Art. 158
Diever abusiv da deducziuns dal salari	Art. 159
Zuppentada	Art. 160

<i>Aboli</i>	Art. 161–161 ^{bis}
2. Violaziun dal secret da fabricaziun u da fatschenta	Art. 162
3. Crims u delicts da concurs e da scussion.	
Concurs fraudulent ed engion durant l'impegnaziun	Art. 163
Reducziun da la facultad per donn dals crediturs	Art. 164
Nauscha administraziun	Art. 165
Tralaschar la contabilitad	Art. 166
Favurisaziun d'in creditur	Art. 167
Corrupziun en cas d'execuziun sfurzada	Art. 168
Disponer da valurs da facultad sequestradas	Art. 169
Obtegnair cun rampigns in concordat giudizial	Art. 170
Concordat giudizial	Art. 171
Revocaziun dal concurs	Art. 171 ^{bis}
4. Disposiziuns generalas.	
<i>Aboli</i>	Art. 172 e 172 ^{bis}
Delicts da facultad minimalis	Art. 172 ^{ter}

Terz titel: Acts chastiables cunter l'onur e cunter la sfera secreta u privata

1. Violaziuns da l'onur.	
Diffamaziun	Art. 173
Calumnia	Art. 174
Diffamaziun u calumnia vers ina persuna morta u sparida	Art. 175
Disposiziuns cuminaivlas	Art. 176
Ingiuria	Art. 177
Surannaziun	Art. 178
2. Malfatgs cunter la sfera secreta u privata.	
Violaziun dal secret da corrispondenza	Art. 179
Tadlar u registrar discours esters	Art. 179 ^{bis}
Registraziun betg autorisada d'ina conversaziun	Art. 179 ^{ter}
Violaziun da la sfera secreta u privata tras apparats da registraziun	Art. 179 ^{quater}
Registraziuns betg chastiables	Art. 179 ^{quinquies}
Metter en circulaziun e far reclama per apparats per tadlar zuppads, per apparats da registraziun dal tun e da maletgs	Art. 179 ^{sexies}
Abus d'in indriz da telecommunicaziun	Art. 179 ^{septies}
Surveglianza uffiziala, nunchastiabledad	Art. 179 ^{octies}
Procuraziun nunautorisada da datas da persunas	Art. 179 ^{novies}

Quart titel:**Crims e delicts cunter la libertad**

Smanatscha	Art. 180
Constricziun	Art. 181
Maridaglia sfurzada, partenadi registrà sfurzà	Art. 181a
Commerzi cun umans	Art. 182
Privaziun da la libertad e rapiment	Art. 183
Circumstanzas engrevgiantas	Art. 184
Rapiment d'ostagis	Art. 185
Spariziun sfurzada	Art. 185bis
Violaziun da domicil	Art. 186

Tschintgavel titel:**Acts chastiabels cunter l'integritad sexuala**

1. Periclitaziun dal svilup da persunas minorennas.	
Acts sexuals cun uffants	Art. 187
Acts sexuals cun persunas dependentas	Art. 188
2. Attatgas cunter la libertad e cunter l'onur sexuala.	
Constricziun sexuala	Art. 189
Violaziun	Art. 190
Dischonuraziun	Art. 191
Acts sexuals cun persunas ricoveradas, arrestadas, accusadas	Art. 192
Profitar da la situaziun d'urgenza	Art. 193
Exhibiziunissem	Art. 194
3. Profitar d'acts sexuals.	
Promoziun da la prostituziun	Art. 195
Acts sexuals cun persunas minorennas cunter indemnisiun	Art. 196
4. Pornografia	Art. 197
5. Surpassaments cunter l'integritad sexuala.	
Mulestas sexualas	Art. 198
Exercizi inadmissibel da la prostituziun	Art. 199
6. Inspeziun cuminaivla	Art. 200
<i>Aboli e remplazzà</i>	Art. 201–212

Sisavel titel: Crims e delicts cunter la famiglia

Incest	Art. 213
<i>Aboli</i>	Art. 214
Pliras lètgs u plirs partenadis registrads	Art. 215
<i>Aboli</i>	Art. 216
Negligientscha da las obligaziuns da mantegniment	Art. 217

<i>Aboli</i>	Art. 218
Violaziun da l'obligaziun d'assistenza u d'educaziun	Art. 219
Privaziun da persunas minorennas	Art. 220

Settavel titel:

Crims e delicts che signifitgan in privel per la publicad

Incendi intenziunà	Art. 221
Incendi per negligentscha	Art. 222
Explosiun	Art. 223
Utilisaziun da materias explosivas e da gas da tissi per intents criminals	Art. 224
Periclitaziun senza intents criminals.	
Per negligentscha	Art. 225
Fabritgar, zuppentar e dar vinavant materias explosivas e gas da tissi	Art. 226
Periclitaziun tras energia nucleara, tras radioactivad e tras radis ionisants	Art. 226 ^{bis}
Acziuns preparatoricas chastiablas	Art. 226 ^{ter}
Chaschunar ina inundaziun u ina sbuvada	Art. 227
Donns vi d'implants electricis, idraulics e vi d'indrizz da protezziun	Art. 228
Periclitaziun cun violar las reglas da la scienza da construcziun	Art. 229
Allontanar u betg installar indrizz da segirezza	Art. 230

Otgavel titel: Crims e delicts cunter la sanadad publica

Periclitaziun tras organissemms modifitgads geneticamain u tras organissemms patogens	Art. 230 ^{bis}
Derasaziun da malsognas da l'uman	Art. 231
Derasaziun d'epidemias d'animals	Art. 232
Derasaziun da parasits privlus	Art. 233
Contaminaziun d'aua da baiver	Art. 234
Fabricaziun da pavel che donnegia la sanadad	Art. 235
Metter en circulaziun pavel che donnegia la sanadad	Art. 236

Novavel titel: Crims e delicts cunter il traffic public

Disturbi dal traffic public	Art. 237
Disturbi dal traffic da viafier	Art. 238
Disturbi da manaschis che servan a l'interess public	Art. 239

**Dieschavel titel: Falsificaziun da daners, da marcas da
valur uffizialas, da marcas uffizialas, da mesiras e da pais**

Far daners fauss	Art. 240
Falsificaziun da daners	Art. 241
Metter en circulaziun daners fauss	Art. 242
Far suenter bancnotas, munaida u marcas da valur uffizialas senza intenziun da falsificaziun	Art. 243
Import, acquist, deposit da daners fauss	Art. 244
Falsificaziun da marcas da valur uffizialas	Art. 245
Falsificaziun da marcas uffizialas	Art. 246
Apparats da falsificaziun; diever illegal d'apparats	Art. 247
Falsificaziun da mesiras e da pais	Art. 248
Confiscaziun	Art. 249
Daners e marcas da valur da l'exteriur	Art. 250

Indeschavel titel: Falsificaziun da documents

Falsificaziun da documents	Art. 251
Falsificaziun da certificats	Art. 252
Obtegnair cun rampigns ina documentaziun faussa	Art. 253
Suppressiun da documents	Art. 254
Documents da l'exteriur	Art. 255
Spustar terms	Art. 256
Allontanament da segns da mesiraziun e da signals dal level da l'aua	Art. 257

Dudeschavel titel:

Crims e delicts cunter la pasch publica

Tementar la populaziun	Art. 258
Incitaziun publica da commetter crims u acts da violenza	Art. 259
Violaziun da la pasch publica	Art. 260
Acziuns preparatoricas chastiablas	Art. 260 ^{bis}
Organisaziuns criminalas e terroristicas	Art. 260 ^{ter}
Periclitaziun da la segirezza publica cun armas	Art. 260 ^{quater}
Finanziaziun dal terrorissem	Art. 260 ^{quinquies}
Recrutaziun, instrucziun e viadis en vista ad in malfatg terroristic	Art. 260 ^{sexies}
Disturbi da la libertad da cardientscha e da cult	Art. 261
Discriminaziun ed incitaziun a l'odi	Art. 261 ^{bis}
Disturbi da la pasch dals defuncts	Art. 262
Commetter in malfatg tras irresponsabladad per atgna culpa	Art. 263

Dudeschavel titel^{bis}:**Genocid e crims cunter l'umanitad**

Genocid	Art. 264
Crims cunter l'umanitad	Art. 264a
a. Mazzament intenziunà	
b. Extirpaziun	
c. Sclavitud	
d. Privaziun da la libertad	
e. Spariziun sfurzada da personas	
f. Tortura	
g. Violaziun da l'autodeterminaziun sexuala	
h. Deportaziun u transferiment sfurzà	
i. Persecuziun ed apartheid	
j. Auters acts inumans	

Dudeschavel titel^{ter}: Crims da guerra

1. Champ d'applicaziun	Art. 264b
2. Grevas violaziuns da las Convenziuns da Geneva	Art. 264c
3. Auters crims da guerra	
a. Attatgas cunter personas civilas e cunter objects civils	Art. 264d
b. Tractament medicinal betg giustifitgà, violaziun da l'autodeterminaziun sexuala e da la dignitad umana	Art. 264e
c. Recrutaziun ed utilisaziun d'uffants schuldads	Art. 264f
d. Metodas da guerra scumandadas	Art. 264g
e. Diever d'armas scumandadas	Art. 264h
4. Violaziun d'in armistizi u da la pasch. Delicts cunter in parlamentari. Retardament dal repatriament da praschuniers da guerra	Art. 264i
5. Autras cuntravenziuns cunter il dretg internaziunal umanitar	Art. 264j

Dudeschavel titel^{quater}:**Disposiziuns cuminaivlas per il dudeschavel titel^{bis} e per il dudeschavel titel^{ter}**

Chastiabladad dal superiur	Art. 264k
Agir sin cumond d'insatgi auter	Art. 264l
Malfatgs commess a l'exteriur	Art. 264m
Exclusiun da l'immunitad relativa	Art. 264n

Tredeschavel titel: Crims e delicts cunter il stadi e cunter la defensiun naziunala

1. Crims e delicts cunter il stadi.

Auttradiment	Art. 265
Attatga sin l'indipendenza da la Confederaziun	Art. 266
Interpresas e stentas estras cunter la segirezza da la Svizra	Art. 266 ^{bis}
Tradiment diplomatic	Art. 267
Spustament da segns da cunfin uffizials	Art. 268
Violaziun da la suveranità territoriala da la Svizra	Art. 269
Attatgas sin emblems svizzers	Art. 270
Acts scumandads per in pajais ester	Art. 271
2. Servetsch d'infurmaziun scumandà.

Servetsch d'infurmaziun politic	Art. 272
Servetsch d'infurmaziun economic	Art. 273
Servetsch d'infurmaziun militar	Art. 274
3. Periclitaziun da l'urden costituziunal.

Attatgas sin l'urden costituziunal	Art. 275
Propaganda privlusa per il stadi	Art. 275 ^{bis}
Uniun illegala	Art. 275 ^{ter}
4. Disturbi da la segirezza militar.

Incitaziun ed instigaziun da violar obligaziuns dal servetsch militar	Art. 276
Falsificaziun da clamadas en servetsch u da directivas	Art. 277
Disturbi dal servetsch militar	Art. 278

Quattordeschavel titel: Delicts cunter la voluntad dal pievel

- | | |
|---|-------------------------|
| Disturbi ed impediment d'elecziuns e da votaziuns | Art. 279 |
| Intervenziuns en il dretg da votar e d'eleger | Art. 280 |
| Corrupziun electorala | Art. 281 |
| Falsificaziun dals resultats electorals | Art. 282 |
| Chatscha sin vuschs | Art. 282 ^{bis} |
| Violaziun dal secret da votaziun e d'elecziun | Art. 283 |
| <i>Aboli</i> | Art. 284 |

Quindeschavel titel: Acts chastiabels cunter l'autorità publica

- | | |
|--|----------|
| Violenza e smanatschas cunter autoritads e cunter funcziunaris | Art. 285 |
| Impediment d'in act uffizial | Art. 286 |

Usurpaziun da funcziuns publicas	Art. 287
<i>Aboli</i>	Art. 288
Sustracziun d'objects confiscads	Art. 289
Rumper sigils uffizials	Art. 290
Violaziun da l'exiliaziun	Art. 291
Malobedientscha cunter disposiziuns uffizialas	Art. 292
Publicaziun da tractativas uffizialas secretas	Art. 293
Inobservanza d'in scumond d'activitad u d'in scumond da contact e d'areal	Art. 294
Inobservanza da l'assistenza da rehabilitaziun u da directivas	Art. 295

Sedeschavel titel: Disturbi da las relaziuns cun l'exteriur

Offensiun d'in stadi ester	Art. 296
Offensiun d'organisasiuns internaziunalas	Art. 297
Attatgas sin emblems naziunals esters	Art. 298
Violaziun da la suveranitat territoriala da stadis esters	Art. 299
Acts ostils cunter insatgi ch'è en guerra u cunter truppas estras	Art. 300
Spiunadi cunter stadis esters	Art. 301
Persecuziun penala	Art. 302

Deschsettavel titel:

Crims e delicts cunter la giustia

Faussa inculpaziun	Art. 303
Manar en errur la giustia	Art. 304
Favurisaziun	Art. 305
Lavada da daners suspectus	Art. 305 ^{bis}
Mancanza da premura en fatschentas da finanzas ed en il dretg d'annunzia	Art. 305 ^{ter}
Faussa deposiziun da la partida	Art. 306
Faussa perditga. Faussa expertisa. Faussa translaziun	Art. 307
Diminuziuns dal chasti	Art. 308
Fatgs administrativs e proceduras davant tribunals internaziunals	Art. 309
Liberaziun da praschuniers	Art. 310
Revolta da praschuniers	Art. 311

Deschdotgavel titel:

Acts chastiabels cunter l'obligaziun d'uffizi e cunter l'obligaziun professunal

Abus d'uffizi	Art. 312
---------------	----------

Pretender memia bleras taxas	Art. 313
Administraziun malfidaivla d'in uffizi	Art. 314
<i>Aboli</i>	Art. 315–316
Falsificaziun da documents en uffizi	Art. 317
Acts betg chastiables	Art. 317 ^{bis}
Fauss certificat medical	Art. 318
Laschar fugir praschuniers	Art. 319
Violaziun dal secret d'uffizi	Art. 320
Violaziun dal secret professiunal	Art. 321
Secret professiunal en la perscrutaziun vi da l'uman	Art. 321 ^{bis}
Violaziun dal secret da posta e da telecomunicaziun	Art. 321 ^{ter}
Violaziun da l'obligaziun da las medias da dar infurmaziuns	Art. 322
Numimpediment d'ina publicaziun chastiable	Art. 322 ^{bis}

Deschnovavel titel: Corrupziun

1. Corrupziun da titulars svizzers d'uffizis.	
Corrupziun activa	Art. 322 ^{ter}
Corrupziun passiva	Art. 322 ^{quater}
Conceder in avantatg	Art. 322 ^{quinquies}
Acceptar in avantatg	Art. 322 ^{sexies}
2. Corrupziun da titulars esters d'uffizis	Art. 322 ^{septies}
3. Corrupziun da persunas privatas.	
Corrupziun activa	Art. 322 ^{octies}
Corrupziun passiva	Art. 322 ^{novies}
4. Disposiziuns cuminaivlas	Art. 322 ^{decies}

Ventgavel titel:

Surpassaments da disposiziuns dal dretg federal

Malobediencia dal debitor en la procedura da scussium e da concurs	Art. 323
Malobediencia da terzas persunas en proceduras da scussium, da concurs e d'accumodament	Art. 324
Inobservanza da las prescripziuns legalas davart la contabilitad	Art. 325
Violaziun da las prescripziuns concernent il rapport davart ils pajaments a posts statals	Art. 325 ^{bis}
Violaziun d'autras obligaziuns da rapport	Art. 325 ^{ter}
Cuntravenziuns cunter las disposiziuns per la protecziun da locataris da localitads d'abitar e da fatschenta	Art. 325 ^{quater}
Applicaziun per persunas giuridicas, per societads commercialas e per firmas singulas	
1. ...	Art. 326

2. En cas da l'artitel 325 ^{quater}	Art. 326 ^{bis}
Surpassament da las disposiziuns davart il dretg commercial	Art. 326 ^{ter}
Infurmaziun nunvaira tras ina instituziun da provediment en favur dal persunal	Art. 326 ^{quater}
Violaziun da las obligaziuns d'annunziar la persuna che ha il dretg economic da las quotas da basa	Art. 327
Violaziun da las obligaziuns dal dretg da societads da manar registers	Art. 327a
Violaziun da las obligaziuns legalas da las uniuns	Art. 327b
Reproducziun da marcas da valor postalas, senza intenziun da falsificaziun	Art. 328
Violaziun da secrets militars	Art. 329
Commerzi cun material militar confiscà	Art. 330
Purtar l'unifurma senza autorizaziun	Art. 331
Tralasar d'annunziar in chat	Art. 332

Terz cudesch: Introducziun ed applicaziun da la lescha

Emprim titel: Relaziun dal Cudesch penal cun autras leschas da la Confederaziun e cun las leschas dals chantuns

Applicaziun da la part generala per autras leschas federalas	Art. 333
Renviaments a disposiziuns abolidas	Art. 334
Leschas chantunalas	Art. 335

Segund titel: ...

<i>Aboli</i>	Art. 336–338
--------------	--------------

Terz titel: ...

<i>Aboli</i>	Art. 339–348
--------------	--------------

Quart titel: Agid uffizial en il sector da la polizia

<i>Aboli</i>	Art. 349
1. Protecziun da datas da persunas	
a. Basas giuridicas	Art. 349a
b. Tractament egual	Art. 349b
c. Communicaziun da datas da persunas ad in terz stadi u ad in organ internaziunal	Art. 349c
d. Communicaziun da datas da persunas che derivan d'in stadi da Schengen ad in terz stadi u ad in organ internaziunal	Art. 349d
e. Communicaziun da datas da persunas ad in destinatur domicilià en in terz stadi	Art. 349e
f. Correctadad da las datas da persunas	Art. 349f
g. Controlla da la legitimitad da l'elavuraziun da datas	Art. 349g

h. Inquisiziun	Art. 349 <i>h</i>
2. Collavuraziun cun INTERPOL.	
a. Cumpetenzza	Art. 350
b. Incumbensas	Art. 351
c. Protecziun da datas	Art. 352
d. Agids finanziaus ed indemnizaziuns	Art. 353
3. Collavuraziun tar l'identificaziun da persunas	Art. 354
4. ...	Art. 355
5. Collavuraziun cun Europol.	
a. Barat da datas	Art. 355 <i>a</i>
b. Extensiun dal mandat	Art. 355 <i>b</i>
5 ^{bis} . Collavuraziun en il rom da las cunvegns d'associaziun a la reglamentaziun da Schengen.	
Cumpetenzza	Art. 355 <i>c</i>
5 ^{ter}	Art. 355 <i>d</i>
5 ^{quater} . Biro SIRENE	Art. 355 <i>e</i>
<i>Aboli</i>	Art. 355 <i>f</i> e 355 <i>g</i>
<i>Aboli</i>	Art. 356–361
6. Communicaziun en cas da pornografia	Art. 362

Tschintgavel titel: ...

<i>Aboli</i>	Art. 363 e 364
--------------	----------------

Sisavel titel: Register penal

Intent	Art. 365
Cuntegn	Art. 366
Elavuraziun da las datas ed invista	Art. 367
Communicaziun da fatgs che ston vegnir registrads	Art. 368
Eliminaziun da l'inscripziun	Art. 369
Eliminaziun da sentenzias cun in scumond d'activitad u cun in scumond da contact e d'areal	Art. 369 <i>a</i>
Dretg da prender invista	Art. 370
Extract privat	Art. 371
Extract privat spezial	Art. 371 <i>a</i>

Settavel titel: Execuziun da chastis e da mesiras, assistenza da rehabilitaziun, stabiliments ed instituziuns

1. Obligaziun d'exequir chastis e mesiras	Art. 372
2. Chastis pecuniars, multas, custs e confiscaziuns.	
Execuziun	Art. 373
Dretg da disponer	Art. 374

3. Lavur d'utilitad publica	Art. 375
4. Assistenza da rehabilitaziun	Art. 376
5. Stabiliments ed instituziuns.	
Obligaziun dals chantuns d'als installar e d'als manar	Art. 377
Collavuraziun tranter ils chantuns	Art. 378
Admissiun da stabiliments privats	Art. 379
Custs	Art. 380

Settavel titel a:

**Responsabladad en cas da l'annullaziun da l'internament
per vita duranta**

Art. 380a

Otgavel titel:

Grazia, amnestia, revisiun da la procedura

1. Grazia.	
Cumpetenzza	Art. 381
Dumonda da grazia	Art. 382
Effects	Art. 383
2. Amnestia	Art. 384
3. Revisiun da la procedura	Art. 385

**Novavel titel: Mesiras da prevenziun, disposiziuns
cumplementaras e disposiziuns transitoricas generalas**

1. Mesiras da prevenziun	Art. 386
2. Disposiziuns complementaras dal Cussegl federal	Art. 387
3. Disposiziuns transitoricas generalas.	
Execuziun da sentenzias anteriuras	Art. 388
Surannaziun	Art. 389
Delicts che vegnan persequitads sin plant	Art. 390
4. Disposiziuns introductivas chantunalas	Art. 391
5. Entrada en vigur da quest Cudesch penal	Art. 392

Disposiziuns finalas da la midada dals 18 da mars 1971

**Disposiziuns finalas da la midada dals
13 da december 2002**

**Disposiziun transitorica da la midada dals
12 da december 2014**

**Disposiziun transitorica da la midada dals
26 da settember 2014**

**Disposiziun transitorica da la midada dals
19 da zercladur 2015**

